

آراب معاشرت

مؤلفی

قید و التزام و حقوق و حقوق

کافه حقوق و بونون خاصیلان تورک طیاره جمعیتکده

آفر.

۱۹۲۷

تورک ایشادیه کورمیشی طبعه



مه نور به لحي

# آداب معاشرت حسبى اللرى

صفوى ضيا

خارجيه وكالت جليله سى اشريفات مدير عمومى

كافه حقوقى وبوتون خاصه لاقى توزك طياره جمعيتى كبرى



توزك اوچاقلىرى مركزى مطبعه سى

۱۹۲۷







## مدخل

تورکيه جمهوريتي، مملکتده، تورک قادينلريله ارککلري آراسنه درين بر تعصبک چکديکي عصرديده حائلي ييقوب دهويره رک تورک ملی جمعيتني ياراتديغي و ده موقراسي نك سالم اصوللري ياکلش تلقی ايدلمش و ياکلش تطبيق ايدلمش بر صنف فرقي بوسبوتون اورتادن قالد يارق خلق آره سنده وظيفه لرله برابر حقلر و غايه لر خصوصنده تام بر مساوات تأسيس ايتديکي دقيقه دن اعتباراً قادين، ارکک، بوتون وطنداشلرده بر طاقم مدني مجبوريتلر تحميل ايتشدرد. بو مجبوريتلردن بري مدني جمعيتلرده جاري اولان اصول و آداب معاشرته رعايت ضرورتيدر.

شبهه ايديله من که تورک ملتک يوزلرجه سنه لردن بري کچيرمکه محکوم ايدلديکي انزوا و اسارت دوريله او دورک فجي عاقبتلريني چکمش اولان نسل حاضر ايچنده جمعيت حياتنک، ملتک عائله وي، اقتصادي حتی سياسي مقدراتنده نه قدر اهميتلي بر رول اويناديغي تقدير ايمه ين شعورلي بر فرد قالمامشدر. بو کونکي مدنيتک موجود

هوټون ټكامل لرندن مستفید اوله بيلمك فرصتی بخش ایدیلن جمهوریت  
دورینك مسعود كنجلرینه حس و قلب ایله اولدینی قادار ادراك  
و شعورله منتخب بر عائله یوواسی قوره بيلمك امكانی یاراتان تورك  
ملی جمعیتك آرتق تمامیه تحقق ایتش اولسی قادین، اركك بوجعیتك  
تمل طاشلری اولان عینی كنجله كنندی جمعیتلرینك وقار و عزتی  
وبین الملل صیت و شهرت قورومق وظیفه سنی ده تودیع ایتش اولدینی  
انكار ایديله مز بر حقیقندر .

بوصیت و شهرت بر طرفندن ده آداب معاشرتیه كسب و قوف ایتك،  
اونك مثبت و بین الملل قبول ایدلمش قاعده لرینه رعایتدن كنیدینی هیچ  
یر زمان مستغنی عدایمه مك و كنچ یاشندن بری عائله سی آراسندن باشلا یارق  
اجتماعی مناسبتلرده معاشرت قاعده لرینی رهبر حرکت اتخاذ ایتك  
صورتيله حسن محافظه ایدیلیر . بلا مبالغه دنیله بیلیر كه اردولرده  
سوق الجیش قواعدی نه ایسه اجتماعی حیاته ده معاشرت قاعده لری  
اوله در . مدنی ظفر باشقه درلو استحصال اولونه ماز .

شو بر قاچ سطرله تماس ایده جكمز بحثلر و قاعده لر ك قیمت و شمولنی  
ایضاح ایتد كدن صوكره شونی ده علاوه ایده لم كه « آداب معاشرت »  
نه بر قسم خلقك استخفاف و عدم تنزله قارشیلادینی كبی اھمال  
ایدیله بیلیر بز کیفیت، نه ده دیگر بر قسمی ازعاج و توحیش ایده جك  
درجه ده مطلق و تطبیقی مشكل بر صنعتدر . ساده جه براعتیاد؛ انسانه  
حیاتی و حیاتی ، ایچنده یاشادینی جمعیتی سودیره ن؛ ظریف، كبار ،



تزيه بر اعتياد در . هر كسه وعلى الخصوص قادينلره حرمت ، هر شيئه  
دقت و هر شيده اعتنا ، اعتماد نفس و محافظه و قار ، آخرك حقوقه  
رعيت ، فرط نزاکت و حسن اخلاق جمعيت ايچنده سر موفقيتك  
مفتاحيدر .

بر انسانده بوتون بومز ايا عائله تربيه سندن باشلايه رق جمعيت ايچنده  
يا شامقله ، اجتماعي مجبوريتلرك توليد ايتديكي تماسلر سايه سنده حس  
ايدلمكسزين و طبيعتيله انكشاف ايدر . زيرا اكثريت عظيمه سي بو  
حالت روحيه ده اولمايان جمعيتلر ده استقرار اولاماز و هر مملكتده بو  
اوصافي حائز عائله لردن متشكل بر « حقيقي جمعيت » و برده اونك  
ياننده كليشي كوزل قوزموبوليت و هر جائى رنك جمعيت واردر .  
اونك ايچون كنجلر مزنه قدار ايركن ممكن اولورسه اوقادار بو حقيقي  
جمعيت ايچنه كيرمكه هوسكار اولمالى و ايكنجيسندن ده اودرجه اجتناب  
ايمه ليدر . ايشته اصل بو حقيقي جمعيت ده داخل اوله بيلمك ايچوندر كه  
آداب معاشرته بحق واقف اولمق مقتضيدر . آداب معاشرت بين المللدر .  
بر كره او كره نيلير و دنيانك هر طرفنده پك جزئى استئالره و شكل  
فرقليله ، عيني صورته تطبيق ايديلير . بو اعتبارله « جمعيت آدمى »  
ديمك هر هانكي بر جمعيت ايچنده آداب معاشرته مخالف بر حركتي  
صادر اولمق احتمالي اولمايان آدم ديمكدور .

فرانسزجه بر تعبيرك ترجمه سي اولان و شيوه مزه پك ده موافق  
اولمايان بو تعبير بزده « مجلس آرا » ودها تور كجه افاده ايله « افندين

آدم « تعبيرينك مقابليدر . بوكا فرانسز لر ( اوم دوموند )  
 Homme du monde ، انگليز لر A man of the World ، آلمانلر Weltmann  
 ديرلر كه « دنيا كورمش آدم » ديه ترجمه اولنه بيلير . بو تعبيردن مقصد ايسه  
 دنيا نك مختلف بوكسك جمعيتلر ينه كيروب چيقه رق آداب معاشرت به بحق  
 كسب وقوف ايتمش تربيه لي ، نازك ، مجلس آرا ، افنديدن بر ذاتدي  
 ديمك اولسه كر كدر .

جمعيتلري عائله لر تشكيل ايدر . جمعيتيه داخل اولق عائله لر ايچنه  
 قبول ايدلك ديمك اولديغندن بر محترم عائله نك حريم عصمتنده امنيت  
 واعتماد وحسن قبول كوردهن هر فرد ايچون مغنوي ، اخلاقي ، وجداني  
 مجبوريتلر ياننده بر او قادارده اجتماعي ضرورتلر بولونه جنجى دركاردر .  
 بونلرك هيئت مجموعه سنى تثبيت ايدن و يرينه كوره رعايت ايدلسي  
 ايجاب ايدن احكامي توضيح ايدن قاعده لره آداب معاشرت يا خود  
 اصول معاشرت ديرلر . ده اعمومي بر تعبيرله آداب معاشرت « ياشامه سنى  
 بيلمكدر » ديه تعريف اولونه بيلير .

### آداب معاشرت حيات مدينه نك ايجابات طبيعه منددر

حرب عمومي عنغه پرور بعض جمعيتلري كو كندن قوپاروب آتمق  
 وبر عقيدة اجتماعيه قادار متصبانه بر قسم مراسمي اورتادن قالدير مقله  
 برابر ، آداب معاشرتي ده زير وزبر ايتمشدر ظن ايتك ولا باباليانه  
 اطوار و حركاتي بوصورته تاويله قالقيش مق محض خطادر .



دهنلره ایجه یرلشمک کر کدرکه ملتله احقاق حق ایتدیره  
 واورتادن صنف فرقلرینی قالدیرارق ملتله آراسنده اجتماعی مناسباتی  
 محق وعادل بر سویه چیقاران ده موقراسیلر ، هر وطنداشی لندن  
 طوتوب یو کس لتمک و یارادیلشک کندیلرینه بخش ایتدیکی هر درلو  
 مزیتلری و قابیلتری میدانه قویه رق متقابلاً و معناً مستفید ایده بیلمک  
 احتمالی ده احضار ایتش اولدقلرندن دها نرینه ، دها اصل ، انسانیت  
 و مدنیت دها مفید و دها لایق ملی جمعیتلر وجوده کتیر مشلردر .  
 مساوات تامه جاری اولان بو جمعیتلرده مدنی حیاتک طبیعی ایجاباتندن  
 اولان معاشرت آدانه رعایت مجبورتی هیچ شبهه ایتما ملی که اسکینندن  
 دها قوتلی و دها ضروریدر . زیرا ملی جمعیتلرده هر فرد عینی صورته  
 حرمت کورمکه نامزددر . اوراده صنف فرقی دکل تربیه و تحصیل  
 فرقی حکمراندر . بنابرین هر کس عینی درجه ده تربیه لی اولمغه مجبوردر .  
 اوراده هر وطنداش اصلتیه دکل بالخاصه تربیه سی و عرفانیه  
 تمایز ایده بیلیر . تربیه سی یرنده اولان هر تورک ایچون حق دخول  
 اولان ملی جمعیتلرده اسکیدن اولدینی کبی - اصلت ، نفوذ ، ثروت -  
 کبی هیچ بر سبب و بهانه ایله اک اوافق بر قصوره مسامحه ایدیله میه جکی  
 جهته بوندن بویه هر کسک اجتماعی تربیه سنه دها زیاده مقید اولمسی  
 اقتضا ایده جکدر .

فضله اوله رق تورکک حیات و مدنیت ساحه لرنده خارقه نوعدن  
 انکشاف و ترقی سنه قارشی غربک حیران و مبهور کوزلری ، بوندن

بويله بين الملل بر ماهيتى ده اولان تورك مى جمعيتنه وارشى طبيعيله  
حسود و بنا برين انصافسز برر منقد وضعيتده بولونه جقلردر. اولنره  
اثبات ايتمك لازمدر كه طرز حيات اعتباريله ده سادده ، ده صاف  
وصمى ، آلايش واحتمامدن ده متجرب بولونان بوكونكى تورك  
جمعيتك ده يوكسك بر افاده اخلاقيهسى و ده شعورلى بر هدف  
اجتماعيسى واردر .

ايسته آداب معاشرت ، حيات مدنيه نك طبيعى و ضرورى ايجاباتنددر ،  
سوزيله بزبونكتهلر افاده ايتمك ايستورز . زيرا ايستر مى  
اولسون ، ايستر بين الملل اولسون على الاطلاق جمعيت ايجنده موقر  
و ممتاز اوله بيلمك و كندينه بر موقع تأمين ايده بيلمك ، قصورسز حركت  
ايتمك و عموم طرفدن رعابت ايديلن اصول و آداب معاشرته بحق  
واقف اولمق سايه سنده ممكندر . قادين و ارلك داخل اولدقلى و يا  
اوله جقلرى جمعيت حياتنك مختلف ساحه لرندده مقبول اولان و مقبول  
اولميان شيلرك نهدن عبارت اولديغنى تقديردن عاجز بولونور ، موقع  
رسميسى وضعيت اجتماعيسى و مسلكنك ايجابى رعائتكار اولمى  
لازممكن معاشرت قاعده لرىنى تماميله احاطه ايده ميه جك اولورسه جمعيت  
ايجنده مشكل موقعده قالمق تهلكه سنده معروض قالد بيلير . بزبويازيلرله ،  
بويكى حياتده ناچيز فقط حقيقى بررهبر اولمق مقصدينى تعقيب و اك  
خرده تفصيلاتى بيله مسكوت عنه كچميه رلك حيات اجتماعيه نك هر صفحه سنده  
تماس ايده جكز .



## جمعیت ایچنده قادینلرک موقعی

دنیا ده موجود بوتون جمعیتلرک تمل طاشی «قادین» دره. قادینسر جمعیت تشکل ایدمه جکی کبی قادینلرله اولان اجتماعی مناسباتی تثبیت ایلان قواعد معاشرته بی‌کانه اولان بر فردده جمعیت ایچنده یاشایاماز. بنابرین آداب معاشرتدن بحث ایدرکن هرشیدن اول (قادین)ک جمعیت ایچنده کی موقضدن، وظیفه سندن و امتیازلرندن بحث ایتک و بو میانه ارککلره ترتب ایدن مجبوریتلری ایضاح ایتک ایجاب ایدر.

مدنی مملکتلرده زوجنک بر موقع رسمیسی ویا عائله‌سی اعتباریله تحقق ایتش بر وضعیت اجتماعیسی اولان هر خانم، زوجنک دوستلری واونلرک عائله‌سیله (کوروشمک) یعنی زیارتلر تعاطی ایتک، اونلری اوینه دعوت ایتک، مسامره لرنده اثبات وجود ایتک، دعوتلرینه اجابت ایتک، طانیدقلریله طانیشمق وکندی طانیدقلرینی اونلرده طانیتدیردق دائمی صورتده اجتماعی مناسبتلر و رابطهلر تأسیس ایتک مجبوریت و ضرورتی قارشیسنده بولونور. بوکا «قبول ایتک و قبول ایدمک» تعبیر اولونوب ایشته بر مملکتک نزیه عائله‌لی آراسنده حصول بوله‌رق تشعب ایدن مناسبتلر و او مناسبتلری اداره وادامه ایدن هیئت اجتماعیه او مملکتک (جمعیت) نی تشکیل ایدرکه بوکا آوروپاده (لا‌سوسیته) La Société دیرلر.

## لایتمس

قبول ایتک و قبول ایدلمک ایچون « طانیشماق » لازمدیر . طانیشماق  
بر برینه تقدیم ایدلمکله اولور . دیمک اولور که هرشیدن اول بر کیمسه  
دیگرینه ناصل تقدیم ایدیلیر و کیم کیمه تقدیم اولونور، بیلیمک لازمدیر .  
رسم تقدیمی متعاقب نه صورتله حرکت ایتک لازم کله جکی ده آیروجه  
ومهم بر بحث تشکیل ایدر . بوندن صوکره جمعیت حیانتک مختلف  
صفحاتی کلیر . بونلرک هر برنده جاری اولان قواعد اجتماعیه ده تثبیت  
ایدلمشدر . بوتون بوصفحاتی و بوصفحاته متعلق آداب و اصولی فصل  
مخصوصلرنده بیان ایده جکیز . بر مه تود دائره سنده حرکت ایتمش  
اولمق اوزره اول امرده رسم تقدیمدن باشلايه لم .

حکمدارلر ورئیس حکومتلر مستثنا اولمق اوزره، قاعده عمومییه  
اوله رق در خاطر ایدلملیدر که، دائماً ارککلر قادیلره تقدیم ایدیلیر .  
واثنای تقدیمه ایلک اوکجه ارککلک اسمی ذکر ایدیلیر .

برارکک بر قادینه بر قاچ صورتله تقدیم اولونور :

۱ — بعدالاستیدان مشترک بردوست طرفندن قادینک یوم قبولنده ؟

۲ — قادینک زوجی طرفندن طوغریدن طوغرییه اوینه دعوت

ایدلمک صورتيله ؟

۳ — زوجنک حاضر بولونمادیغی دیگر برعائله نك یوم قبولنده ؟



۴ — زوجنك دخى حاضر بولوندىغى بر مسامرەدە ويا بالودە  
ويا ضياقتە ؛

۵ — كيف مائتفق اجتماعى بروسيله ايله .

معين بريوم قبولى اولان خانم افنديلك اكثر يا رسمى بر موقعلى ده  
بولونديغندن بر مجبوريه رسميه نتيجه سى برى نزاكت كنديلرينه  
عرض حرمت ايده جك موقعده بولونانلر مشترك بر دوستك تلفونه  
ويا خود تصادفاً شفاهى بر صورتده وقوع بولان استيدانى اوزرينه اوزات  
ايله برلكده خانمك يوم قبولنده خانه سنه كيدرلر . رسم تقديم سالونه  
كيدر كيرمز اجرا ايديلير .

تقديم ايدن ذات اول اسرده او صاحبه عرض حرمت ايتد كدن  
صوكره در عقب :

« مساعده بويورورسه كز دوستم فلانى سزه تقديم ايدهيم » دير .  
اساساً بوزيارتدن خبردار اولان قادين ده : « سزى اومده كورمكله  
بك بختيارم » يا خود « تشريفكزدن چوق ممنون اولدم » طرزنده  
وبرقاج كلمه طيبه ايله بيان خوش آمدى ايدر . او صاحبه سنك ، تقديمى  
متعاقب ، يكي طانيدىغى ذاته النى اوزاتمى لازمدر . بو تقديرده كمال  
حرمتله اوزاتيلان الى اوپمك موافق نزاكتدر .

آنچق آوروپاده موقعى يوكسك اولان رجال ال اوپمك  
خصوصنده متاينانه طاورانيرلر . بعض ذوات قاعده عموميه

اوله رق ال اوپمك طرفدارى دكلدرلر. بو طرزده حركت ايدنلر هيچ  
برزمان نزا كتسر تلقى ايدلرلر. بالعكس ال اوپمك خصوصنده تائى  
وامساك هر حالده تهالكه مرچدر.

انئاي تقديمده اكثر يافادينك زوجى ده ياننده بولوندينى جهتله قادين  
تقديمى متعاقب زوجنه ده تقديم ايدمك لازمدر. شايد صاحب خانه ديكر بريله  
قونوشمقده ايسه در حال يانه كيدرك بلا افاته زمان كنديسى تقديم  
ايتديرمك مقتضيدر. ذاتاً عائله نژدنده رهبر اولان ذات بو وظيفه يى  
طبيعتيله ايفا ايدر. شو قادار وار كه صاحب خانه اوده دكلسه چيقار كن  
كنديسنه كنارى قيوريق برقارت براتق بيمه حال لازمدر.

قادينك زوجى طرفندن دوغريدن دوغرى يه اوينه دعوت ايديلن  
ذات، كنديسنه منتظر بولونان زوج طرفندن عىنى صورتله زوجهنه  
تقديم اولونور. بو تقديمده ينه قادينك الى اوپمك موافق نزا كتدر.  
زوجى طرفندن خصوصى بر صورتده دعوت ايديلهرك معارفه پيدا  
ايديلن خانمك شايد معين بر يوم قبولى دخى وار ايسه، بو صورتله  
تقديم ايديلن ذاتك ايلك يوم قبولده بيمه حال اثبات وجود ايتمى مقتضيدر.  
ذاتاً قادين، معين بر يوم قبولى اولدينى زيارتندن ممنون اوله جفنى  
صورت مخصوصده سويلكى ده اونوتماز.

معين يوم قبوللرده - على الخصوص بر موقع رسميسى اولان - خانم  
افنديرك زيارت ايديجيلرى بك كثير وختلف اولديندن بورالرده



هر تصادف ایدیلن خانم افندی به کنبدنی تقدیم ایتدیرمکه شستاب  
ایتمک طوغری دکدر .

بر مجلسده یان یانه تصادف ایدیلن بر خانمه بر ایکی کله تعاطی  
ایتمک جائز ایهده بوندن بالاستفاده در حال کنبدنی تقدیم ایتدیرمک  
آرزو سنده بولونمق دخی موافق احتیاط دکدر . قاعده عمومیه اولمق اوزرم  
سویله لم که بر قالدینه تقدیم ایدلمک یا خود بر ارککی ویا بر قالدینی دیگر بر  
قالدینه تقدیم ایتمک ایچون اول امرده استمزاج ایتمک طوغری بر  
طریقدر . شو قادار وار که محدود وصمیمی بر محیطده بولونلبدنی زمان  
صاحبۀ خانه اساساً بر بر لرینه طائش دیرمق ایجاب ایدن ذواتی بحق  
تقدیر ایده جکی جهتله ایجابنده بو وظیفه بی بالذات ایفا ایدر . صاحبۀ  
خانه طرفندن بویله بر تشبث وقوع بولماد قجه تقدیم ایدلمک آرزوسنی  
اظهار ایتمک منایر نزا کتدر . علی الخصوص موقعی یوکسک اولان  
ذواته تقدیم ایدلمک ایچون صاحبۀ خانه نژدنده اصرارده بولونمق  
وتهاک کو سترمک غایت چیرکین بر حر کتدر .

آنحقوق دائمی و رسمی مناسباتده بولونیلان بر ذاتک ویا طوغریدن  
طوغری به آمرینک زوجه سیله بر مجلسده بولونلبدنی زمان ، زوجه  
و غایبنده صاحب خانه به رجا ایده رک کنبدنی تقدیم ایتدیرمک لازمدر .  
بونی تصادفه بر افاق و بو خصوصده مسارعت کو سترمک ده منایر  
نزا کتدر .

شاید ، صاحبۀ خانه طرفندن ، ویا مشترک بر دوست طرفندن

بعدالاستمراج تقدیم ایدلکزه موافقت ایتش بر خانمه تقدیم اولونه حق اولورسه کز در حال زوجنده کندیکزی تقدیم ایتدیرمک ایجاب ایدر . بو خصوصه پک زیاده اعتنا ایتک کر کدر . بو مجبوریتدن آنجق موقع رسمیلری ، طانیشیلان قادینک زوجندن پک یوکسک اولان ذوات مستثنا اوله بیلیر . بو تقدیرده ایسه قادینک زوجی بر وسیله ایله کندینی او ذاته تقدیم ایتدیرمکده استعجال ایتمه لی و بو صورتله او ذاتی بو مجبوریتدن وارسته قیلملیدر .

فوق العاده مضطر قالمایچه ارککلره کندینی قادینلر واسطه سیله تقدیم ایتدیرمه ملیدر . علی الخصوص بویوک ذواته بلا استیدان بر قادینک توسطنه عرض افتقار ایدرک کندینی تقدیم ایتدیرمک قادار چیرکین بر حرکت تصور اولوناماز . بنا برین بر خانمه تقدیم ایدلد- یککز زمان صاحب خانیه ویا اونک غیابنده قادینک زوجنی طانیان مشترک بر دوستکز موجود ایسه اوکا مراجعت ایدرک قادینک زوجنه کندینی تقدیم ایتدیرمه لی و آنجق پک مضطر قالیندینی زمان صاحبه خانهنک دالالتی رجا ایتمه لیدر . حتی دوغریدن دوغری به اسمنی سویله رک کندینی تقدیم ایتمه بيله بعض مملکتلرده مساغ واردر .

بویوک بالورده ، برچوق ذواتک مدعو بولوندینی مسامرهلرده سوق تصادفله بعضاً هر زمان کوروشمک آرزو ایدلمه یین کیمسه لرله بر آراده بولوندینی واقعدر . بویله احوالده لزومندن فضله مجتنبانه



ومغرورا نه داور اتمق نه قادر مغاير نزاكت ايسه ، بوكي فرصت لردن  
استفاده يه شتاب اتمك وبردها تصادف ايدلسي ويا دائمي مناسبات  
اجتماعيه ده بولونلماي محتمل اولمايان ذواته تقديم ايدلك ايچون تهالك  
كوسترمك ده او قادر معيوبدر .

كرچه ار ككلري بربرينه طانيتق خصوصنده موقع اجتماعيلري  
مساوي اولديغي تقديرده بك او قادر ثانيه لزوم يوقسهده ، بر قاديخي  
ديكرينه تقديم اتمك وبراركي بر قدينه تقديم اتمك ايجاب ايتديكي  
زمان بك زياده بصيرتكار بولونمق لازمدر . هرايكي طرف ايچون شايان  
تمني اولديغنه كسب قناعت اتمه دن كلشي كوزل وبلا تامل هر كسي بربرينه  
تقديم اتمك دن توقي اتمه ليدر . مثلا ، اعتيادات ، تلقيات ، اجتهادات  
وافكار سياسي اعتباريله بربرينه ضد اولان كيمسه لري سلمه السلام  
بربرينه تقديم اتمه مليدر .

عموميت اعتباريله بر قدينه تقديم ايدلك آرزوسني اظهار ايتمزدن  
اول بوتمنيك حسن قبول كوره جكندن امين اولمق وهر كسي مشكل  
موقعه قويماق لازمدر . على الخصوص بويله برتكليفه معروض قالان  
ذاتك اوافق بر ترددي محسوس اولور اولماز بروسيله ايله صرف نظر  
اتمك كار عقلدر . يوكسك برموقع رسمي واجتماعيسي اولان ذواتك  
زوجه لرينه ويا خود بالذات كنديلرينه تقديم ايدلك آرزوسني درميان  
ايتمزدن اول كندى موقعي ايجه دوشونمك وسوق تصادفله تحدث  
ايتمش وضعيتدن استفاده يه قالقيشمادن اول توسط ايده جككز ذاتك

یو آرزو کزی نه صورتله تلقی ایده جکئی ملاحظه ایتک لازمدر ؛  
هیچ کیمسه هیچ بروسيله ايله بوکي احوالده استیدان واستمزاج  
ایتمکسزین بر قادینه طانیدینی بر ارککی تقدیم ایده مز . بویله بر  
تکلیفه معروض اولان ذاتک - نزا کتسزک عد ایدلمکسزین -  
راسمه تقدیمی تعلیق ایتسی ، بلا استیدان تقدیمه قالدیشمه سنه  
مرحدر . آنجق بوکي وضعیتارده استمزاجده بولونيله جغنی حس  
ایتدیرمه رک صوک درجه نازکانه داورانمق بصیرت وکیاستله حرکت  
ایده رک کیمسه بی اینجتمه مکهدقت ایتکده لازمدر . علی الخصوص کنج  
قیزلره تقدیم خصوصنده برقات دها احتیاطکار ومتأیانه داورانمق بر  
وظیفه در . یالکز امرای عسکریه وضابطانک بلا استیدان تقدیم  
ایدلمسی جائزدر .

استیدان واستمزاج کیفیتیه اویله بلاتامل وسلمه السلام پایله ماز:  
هرقادیکنک طانیق ایسته دیکی وموقع رسمییی حسبله بالضروره طانیق  
مجبوریتنده بولوندینی کیمسه لر معلوم اولدینی جهتله اساساً پک واسع  
برساحه معارفه سی بولونان خانم افندیلره بردها تصادف ایتسی محتمل  
اولمایان ، ویامحیط واعتیادات اعتباریله بیکانه اولان کیمسه لری تقدیم  
ایچون بلا ملاحظه استیدانده بولونمق بلا استیدان تقدیمه قالدیشمق  
قادر نامحل ونابجادر ، شاید تقدیم ایدلمک ایچون لازم کلن اوصافی  
حائر بولوندیغنده تردد ایدیله میه جک ذوات موضوع بحث ایسه اول امرده  
« مناسب برزمانده فلان ذاتی تقدیم ایده بیلیر میم » یاخود « فلان خانمی



طانیق آرزو بونوریر میسکز « طرزنده استمزاج اولونمیدر. قادینک  
تکلیف واقعی طرز تلقیسی طانیشمق خصوصنده کی آرزوسنک درجه سنی  
واضحاً کوستره جکی جهتله شاید هر نه سببه مبنی ایسه عدم آرزو  
ویا لاقیدی حس ایدیه جک اولورسه همان صرف نظر ایتک موافق  
بصیرتدر .

بو نکته بی ادراک ایتیه رک تقدیم ایدیلن کیمسه لره قارشی قادینلر  
اکثریا پک نازکانه داورا نمقله برابر ، ال ویرمامک وپک قیصه بر مکالمه دن  
صوکره باش اکهرک آیرلیق صورتیه مناسباتی ایلری کوتورمک  
آرزوسنده اولما دقلرینی افهام ایتدکلری واقعدر. بویله بروضیت تحدشدنه ،  
ایلک تصادفده اوزاقدن خفیف برباش انحناسی ایله اکتفا ایتک ویاولاش  
یاولاش کندینی اونوتدورمق اک مدبرانه بر حرکتر .

جمعیات خیریه ده ، عمومی اجتماعلرده شفقت بازارلرنده تشریک  
مساعی ایتک و بوکبی بر وسیله ایله طانیشمش اولمق تأسیس مناسبات  
ایچون کافی عد ایدلما میدر . بو صورتله طانیشان کیمسه لر مافوق  
طرفدن ادامه مناسبات آرزوسی درمیان ایدیلهرک صورت مخصوصده  
اوینه ورسم قبوله دعوت ایدلمدکجه ، زیارت ایتمکدن وقارت بر اققدن  
صورت مطلقده اجتناب ایتمیلدرلر . عکس تقدیرده قبول ایدلمامک  
وقارتلری اعاده ایدلمامک ویاخلود حسب الزا که آنجق اوزون مدت  
صوکره اعاده اولونمق تهله که سینه معروض قاله بیلیرلر . شوراسی  
هیچ اونوتولما میدر که هر کس کوپروشه جکی ذواتی و مناسبتدار بولنمق

ایستهدیکی محیطی انتخاب ایتمکده سربست اولوب ، بو حق صریحی  
وطبیعی نی استعمال ایتمسی هیچ بروجهله نه مساوات ونه ده دموقراسی  
پره نسپیریه ناقابل تألیف عد اولنه ماز .

شعورلی دموقراسیلر اوصاف لازمه بی حائز اولدقجه هر هانکی  
برجمیته دخول حقنی بروطندا شدن نزع ایتمدیکی کبی ، رسمی ، اجتماعی  
وتربیوی اوصاف لازمه بی حائز اولدقجه کیمسه یه ده هراسته دیکی جمیته  
کیره بیلیمک امتیازینی دخی بخش ایتمامکده در . ینه تکرار ایده در زکه  
جمیته داخل اوله بیلیمک ایچون فلان ویافلان ذات اولمق کافی اولمایوب  
شووشو اوصافده بر ذات اولمق لازمدر . بنابرین محضا بریرده تصادفاً  
تقدیم ایدلمکله برخانم افندیکن معین یوم قبوللرینه - صورت مخصوصه ده  
شفاهماً ویاتحریراً دعوت وقوعوبولمدقجه - سلمه السلام قلوب کیتیمک  
اک فاحش برخطای اجتماعیدر .

بویحک باشلانغچنده حکمدارلر ورئیس حکومتئر مستئنا اولمق  
اوزره ، قاعده عمومیه ارککلرک قادینلره تقدیم ایدلمسنی مستلزمدر  
دیمش ایدک . آنجق کنج قیزلری تقدیم بچنده بر قید احترازی  
درمیان ایتمک ایجاب ایلمکده در . شویله که سن وموقعی یوکسک اولان  
ذوات کنج قیزلره تقدیم ایدلیوب کنج قیزلر اشبو ذواته تقدیم  
اولونور . مبحث خصوصنده اطرافیه ایضاح ایدیه جکی اوزره اون سکزر  
یاشنی اکمال ایدوب جمیته کیردن کنج قیزلری ، بویینی بوکبی ذواته بالذات



تقديم ايدرلر. كنج قيزلرك مسن اولان خانم افنديلرك اللريني اوپمه لري  
معتاددر واجابات تربيه در .

كنج قيزلر ، مسن ذواته حين تقديمه اللريني اوزاتمقله برابر  
اوافق برده وهرانسنده ياپارلر . بوغايست مستحسن بر اصول اولوب ،  
آوروپانك وحتى آمريقانك كبار محفللرنده جاري در .

كنج قيزلره لزومندن فضله سربستى حركت بخش ايديلن  
يويله برزمانده بوقيدى فضولى عد ايدنلر عيني سربستى اطوارك لازم  
غير مفارق اولان اينجهلك و حرمتكارلقدن غفلت ايدنلردر . غربك  
تميز و كبار عائله لرنده كنج قيزلر حق طبعيلري اولان نسبي وشعورلى  
حریت ايچنده صافيت ومعصوميتلرندن ، حرمتكار تربيه لرندن بر  
ذره سنى فدا ايتماشلردر . كنج قيزلر مرنر بونى هيچ اونوتمايلدر .  
كنج قيزلره كنج ار ككلرده تقديم اولونور . حين تقديمه وصوكره لري  
كنج قيزلرك النى اوپمك مغاير تربيه در ومظهر مساعدده اولاماز .

عيني جمعيتده مادونك رفيقه سنى كورهن مافوقك ، كنديسنى  
طائيق آرزوسنى اظهار ايتمى موافق نزا كندر . بوتقديرده صاحبه  
خانهك اوزاتى قادينك آياغنه قدر كوتورمكدن اجتناب ايددرك بر  
وسيله ايله قادينى اوزاتك بولونديغى دائريه تقريباتمى وراسمه  
تقديمى طبعى بر صورتده اجرا ايتمى مناسبدر . راسمه تقديم « فلان  
خانمى طائيمورميسكز افندم » ديهرك وار ككك اسمنى ذكر ايتيهرك

ومع مافيه قادي نى اليه اشارت ايده رك ار كىي تقديم ايتك صورتيله  
وقوعبولمليدر . مثلا بروكيه معيتنده كي ذواتدن برينك رفيقه سى ايسته  
بوصورتله تقديم اي دلمليدر .

شايد برار كك موقع اجتماعيسى مختلف ايكي قادي نى بريله طائيشدير مق  
وضعتنده بولونورسه موقع اجتماعيسى يوكسك اولان قادينه ديكرينى  
تقديم ايتليدر . موقعلى مساوى اولدينى تقديرده كنچ اولانى مسن  
اولان قادينه و متاهل اولماياني متاهل اولان قادينه تقديم ايتك لازمدر . يالكتر  
متاهل اولمايوبده موقع اجتماعى و رسميسى يوكسك اولان خانملره  
متاهل دخى اولسه لر موقع اجتماعيسى دون خانملر تقديم اولونور .  
مثلا بروكيك مسن اولان همشيره سنه ، بر فريقك كريمه سنه ، بر  
برمدير عمومينك كنچ رفيقه سى ويا كنچ برضايطك رفيقه سنى تقديم  
ايتك ايجاب ايدر . بو تقديرده يالكتر تقديم ايديلن خانمك اسمى  
سويلنور و « فلان مدير عمومينك رفيقه سنى ويا فلان يوزياشينك  
رفيقه سنى تقديم ايده بيليرمى يم » ديمكله اكتفا اولونوب ديكرينك  
اسمى ذكر ايدلنر .

موقع رسمينى يوكسك اولان ذوات ، كنديلرى طرفندن بر  
آرزو درميان ايدلمكجه ويا كنديلرندن صورت مناسبده استيدان  
ايدلمكجه هيچ بر قادينه تقديم اولونمازلر . و هيچ برار ككده كنديلرينه  
تقديم ايديله مز .

موقعاً مساوى اولان خانملرى بر لر ينه تقديم ائناسنده هر هانكى برينك

اسمى اول سويلمكده محذور يوقدر. انجق صاحبه خانه كندى اقرار باو تعلقا تندن  
بر قادينى ديكرينه تقديم ايتديكى تقديرده كندى تعلقا تنى اولا تقديم  
ايتك و اسمى ده اول ذكر ايتك ايجاب ايدر .

اركلارى بر برينه تقديم ايتك خصوصنده عى قاعده جاريدر .  
چوق دفعه بر مجلسده بولونان دلقانلير دائما تازه لرله  
مشغول اوله رق كنديليرنى مسن ذواته تقديم ايتيرمك خصوصنده  
تكاسل ايدرلر . بوده آداب معاشرته منافيدر . دلقانلير مسن ذواته  
كنديليرنى تقديم ايتيرمكده قصور ايتمه مى و مسن قادينلره مصاحبه ده  
بولونمالى و بر مدت كنديليرله مصاحبه ده بولونقدن صوكره كندى  
آرالرنده كوروشمه ليدر . على الخصوص كنج قيزلره كنديليرنى تقديم  
ايتيرمه دن اول ابوينه تقديم اولونمغه باقالى . شايد سوق تصادفه  
دها اول كريمه لرينه تقديم ايدلمش بولونويورسه بلا افاته زمان كندى  
ابوينه دخی تقديم ايتيرمه ليدر، ابوينه كريمه لرى واسطه سيله كندى  
ايتيرمك دوغرى اولمايوب عائله نك صميمى بردوستى و يا خود صاحبه خانه  
ويا صاحب خانه طرفدن تقديم اولنق موافقدر .

بر قادينك اثنای تقديمده الى صيقمق ايچون استعجال ايتك  
مغاي نزاكتدر . يالكز باش اكمله اكتفا ايتك دها مناسبدر .  
آنجق تقديم اولونديغكز قادين الى اوزاته حق اولورسه ساده جه  
ال صيقمق و در حال ال اوپمكه قالفيشماق دها كبارانه در .

قادينلر، بر ذات تقديم ايدلديكى زمان او طور ييور ايسه لر يرلرندن



قالقمازلر وال ویرمز لر ، یالکز مسافره بولندیغی یرده صاحب  
خانه یی طایمور و صاحب خانه ایلك دفعه اوله رق کن دیسنه تقدیم  
ایدیلورسه یرندن قالقمیه رق صاحب خانه نك الینی صیقمسی بهمه حال  
لازمدر .

کندی اونده قبول ایدن خانملرک قادی ن وارکک مسافرلرینک الینی  
صیقمسی و مسن و موقعی یوکسک ذواتی یرندن قالقه رق استقبال  
ایتمه سی ایجاب ایدر . قادی نلری ایه قائماً قبول ایتمی و هر برینه یر  
کوسترمسی لازمدر .

اوطوران بر ارکک راسمه تقدیمک ایفاسنده در حال آیاغه  
قالقملیدر .

مسامره لرده ، بالورده کثیرالاجاب خانم افندیلرک یوم قبولنده  
دلیقانیلر ، صاحبه خانه نك دلالتنه مراجعت ایتمکسزین بربرلرینه  
یاقلاشوب اسملرینی سوبله مک صورتیله پیدای معارفه ایده بیلرلر .  
بو ، بر چوق مملکتلرده قبول ایدلش بر اصول اولوب ، صاحبه  
خانه یی فضولی اشغال ایتمه مک آرزوسندن متولددر .

چوق دفعه لر جمعیت حیاته یکی کیرمش کنج قادی نلرده علی الخصوص  
بر پارچه ده حسن و آننه مغرور اولورسه ارککلره قارشى معامله لرنده  
فضله عظمت ولاقیدی کورولمکده در . حالبوکه کنج قادی نلرک حرمت  
کور دکلری درجه ده حرمتکار بولونمه لری و سنن و موقع اعتباریله  
شایان احترام اولان ذواته قارشى فرط نراکت ابرازایتمه لری لازمه دندر .

مثلا یکی متأهل بر کنج قادینه رجال حکومتدن ، امرای عسکریه دن  
 سفرادن ذوات ايله موقع اجتماعیسی ، علمیسی یو کسک و مسن شخصیتلر  
 تقدیم ایدلدیکی زمان یزندن قیملد ادا مق ، لاقید بر طور طاقینق ،  
 خفیف بر باش انخاسیله اکتفا ایدرک مصاحبه سنه دوام ایتک معیاندندر.  
 آداب معاشرته بحق واقف اولان نازک بر خانم افندی بوکی احوالده  
 نازکانه بر ادا ايله تقدیم ایدیله چکی محسوس اولان ذاته تقرب ایتلی ،  
 بر زمین مکالمه بوله رق راز قونوشمه لی واحترامکار بر طور طاقینه لیدر.  
 علی الخصوص صاحبخانه اولان کنج قادینلرک مسن ذواته بر کوسترمه لری  
 ودر عقب کنیدلریله مشغول اولمه لری همه حال لازمدر .

یوم قبوللره عائد فصل مخصوصده بوجهت دها اطرافلیجه ایضاح  
 ایدیله جمکدر .

بو بحثی اتمام ایتک اوزره بر قاچ احتمالی در پیش و بو تقدیرده نه صورتله  
 حرکت ایتک لازم کله جکفی ایضاح ایده لم :

۱ — بر قاچ احباب بر لکده سوقاقده کیدرکن ، یانکزده  
 بولونان ذواتی طانیان احبایه راست کلدی ککر تقدیرده ، اشو  
 ذواتی یکدیگرینه تقدیم ایتک مجبوری یوقدر . زیرا بو صورتله وقوع  
 بوله حق بر تقدیمک هیچ بر وجه ايله تأسیس مناسباته مدار اوله میه جفی  
 آشکاردر . آنجق طرفینک بر برینی طانیق آرزو ایتدیکی اولجه مجزوم  
 ایسه تقدیم ایتمکده محذور یوقدر .

۲ — بر قادیله برابر کز مکه چقان بر ارکک ، طانیذینی دیگر  
بر خانه راست کلدیکی تقدیرده ، خانملرک بر برلرینی طانیق آرزو  
ایتدکلرینه قانع بولونذینی تقدیرده بر برلرینه تقدیم ایده بیلیر .

۳ — نزدنده مسافر بولونذینگز بر خانم افندی ایله برلکده  
ایکن بر یرده طانیذینگز ذواته تصادف ایتدیککز حالده اشبوذواتی  
تقدیم ایتک لازمدر . نته کیم مسافری بولونذینگز خانم افندی ده  
سزی کندی دوستلریله طانیشدیرمسی لازمدر . مثلاً اوروپاده بولونان  
وعائله نك صمیمی احباسندن اولان بر سفارت کاتبز موقتاً آنقره یه  
کلیر و خانه کزده مسافر اولورسه ، اشبو ذاتی طانیذینگز خانم  
افندیله ویا ارککلره تصادف ایتدیککز زمان تقدیم ایتک ایجاب ایدر .

۴ — بر قاچ احباب برلکده کز رکن بونلردن بری بر احبابه  
تصادفله قونوشمغه باشلار وسزی تقدیم ایتزسه بوندن دولایی مغیر  
اولق جائز دکلدیر . بو تقدیرده بر طرفه چکیلوب بکله ملی ویا خود  
یواش یواش ایلریله ملیدر . بو صورتله سزی بکله تن ذاتک بر قاچ کله  
ایله اعتذار ایتسی کافیدر .

۵ — بر قادیله برلکده کز رکن بر ارککل ، خانم افندی بی  
یالکز بر اقره رق بو صورتله بر دیگر یله قونوشمهی منایر نزا کتدر .

۶ — بر بالوده بر خانم افندی محضا کندیسینی دانس ایتدیرمک  
مقصدیله تقدیم ایدلش اولان بر ذاتی ایرتسی کون تصادف ایتدیک



زمان طانمازلغه كله جك اولورسه .مغير اولمغه لزوم يوقدر . زیرا  
چوق دفعه بويوك بالوردده بوصولته برچوق كشي طانيق محتمل  
اولوب بونلرك هر بريله دوام معارفه ايسه قابل دكلدر .

۷ -- آقشام طعامنه دعوت ايدن صاحبه خانه ، خانم افنديلره  
كنديلريني سفرهيه ايصال ايدم جك ذواتي بلاستيذان تقديم ايدر  
ومدعويني يكديكريله طانيشديرير . بويوك برياضفته ايسه مدعوينك  
اك باشلوجهلريني قبل الطعام ومتباقى ذواتي بالاخره بربرلرينه تقديم ايدرم



## طایفه قدره صوکره

### قارت دوو یزیتلرک صورت تعالیسی

برقادینه قارت براققی ایچون، ساده جه تقدیم ایدلمش اولمق کافی دکلدرد. حین تقدیمده قادین طرفدن آتیا تأسیس مناسباتک شایان تمنی اولدیغنی ایما ایدر صورتده اداره کلام ایدیلیر ومثلاً معین بر یوم قبولی وار ایسه اثنای مکالمده بیلدیریلیر، واولمادیغنی تقدیرده « تکرار کوروشه جکمزى امید ایدرم » طرزنده تشویق آمیز برسوز صرف ایدیله جک اولورسه متأهل اولیانلر طرفندن، برایکی کون صوکره بر دانه قادینه و بر دانه ده زوجنه مخصوص اولمق اوزره قادینک خانه سینه ایکی قارت براقیلیر .

قاعده عمومیّه اولمق اوزره قارت دوو یزیتلرک یازیسنک یوقاری طرفنه تصادف ایدن قسمنک اوجی بر مثلک تشکیل ایده جک صورتده قیوریلسی مافوقدن مادونه، آشاغی قسمنک عینی صورتله قیوریلسی مادوندن مافوقه براقیلدیغنه ویا بر اثر محویت و تواضع ابراز ایدلمک ایسته نیلدیکنه عموداً یان طرفنک تمامیه قیوریلسی ایسه اقراندن اقرانه براقیلدیغنه علامت عدایدلمکده در. مع مافیه چوق کیشی بونکته لره واقف دکلدرد. وقارت دوو یزیتلری هیچ بر مقصده مستند اولمق سزین کیف ما اتفاق قیور دقلری وبو خصوصه بر اهمیت مخصوصه عطف ایتمدکلری اکثری وارد در. بنابرین

براقیلان قارت دوویزیتلرک نه صورتله قیوریلش اولدیغنه فضله دقت ایتک زانددر . شو قادار وار که بیلهرک حرکت ایتک غیر مطرد بر صورتده حرکت ایتکه هر حالده مرجع اولدیغدن، کنج لرک قارت دوویزیتلرینی بر اثر محویت و نزاکت اولق اوزره آشانی قسمنی بر مثلث تشکیل ایده جک صورتده قیوریلش اولهرق براقه لری مرجع و بر موقع رسمیمی اولان ، متأهل بولونان و یا مسن اولان ذواتک ده قارتلرینی عموداً یان طرفی تمامیه قیوریق اولهرق براقه لری ده ا موافقدر .

رسمی مقاماته ، شخصی اقامتگاهلره براقیلان قارتلره قورشون قلمله و یا یازی قلمله ، براقیلان ذاتک اسمنی اشارت ایتک جائز دکلدردر . منتظم اولرده ، تودیع ایدیلن قارتی عائد اولدیغی ذاته اعطا ایده جک خدمتکاران موجوددر فرض اولونمایدردر .

آنحق بویوک اوتلر ، پانیونلر کبی زواری کثیر محللرده اقامت ایدن ذواته براقیلان قارتلرک کنارینه ، یا کلاغنه محل ویرلامک اوزره ، قورشون قلمله براقیلان ذاتک اسمنی اشارت ایتک قبول ایدلش بر اصولدر .

قارت دوویزیتلرک قطعه سی لزومندن فضله بویوک و حروفاتی قالین وار ککلرک متعدد مأموریتلرینی محتوی بولونمسی مغایر ظرافتدر . ار ککلرک قارت دوویزیتلری نهایت اون سانتیمتره طولنده و بشحق سانتیمتره عرضنده اولمایدردر . اسملر معنا بر ثلث و یا نسخ و یا رقع



ایله حك ایدلش اولمالی و اسمك زیرینه یالكز باشلوجه مأموریت یازمیلیدر . مثلاً مختلف شرکترلده مجلس اداره اعضاسی اولان وعینی زمانده مبعوث اولان برذات ، قارتنه یالكز بویوک ملت مجلسی اعضاسی اولدیننی قید ایتدیرمکه اکتفا ایدوب آرتق مجلس اداره اعضاقلرینی ده تعداد ایتامیلیدر .

پك معروف شخصیتلر قارت دوویزیتلرك اوزرینه یالكز اسملرینی حك ایتدیرمکه اکتفا ایدمیلرلر . بودها ظریف ودها کبارانه در . خانملر ، تورکجه قارت دوویزیتلره سادهجه اسملرینی ووزوچارینك اسملرینی قید ایتمیلرلر . مثلاً احمد بکک زوجه سی فاطمه خانم ، سادهجه قاطمه احمد یازمیلیدر . بزده آوروپالیلرده اولدیننی کبی هنوز عائله اسمی تأسس ایتماش اولدیننی جهتله قارت دوویزیتلرك اوزرینه مثلاً احمد بکک رفیقہ سی دیه یازدیرمق دائماً التباسی موجب اولمیلیر . فرانسزجه قارت دوویزیتلرده آوروپاده یالكز زوجك عائله اسمی یازیلوب قادینك کندی اسمی یازلماق معتاد ايسه ده تورك خانملرینك آوروپاده سیاحت ایتدکلی ائنده استعمال ایدمیکلری ویا اجانبه براقه جقلری قارت دوویزیتلره عینی ملاحظه مینی کندی اسملرینی ده علاوه ایتلری جائزدر . مثلاً مادام احمد یرینه مادام فاطمه احمد دیمک ده موافقدر . خانملرك قارت دوویزیتلرینك قطعه سی ارککلرك قارترلرندن دها کوچوک اولمیلیدر .

بوایضا حاتدن صوکره شیمدی نهمان وکیمه قارت براقیله جفتی تدقیق ایدلم :

تقديم اولوتوبده سزكله كوروشمك آرزوسنى درميان ايدن ويوم  
قبولنى بيلديرن برخانمه قرق سگز ساعت صوكره برى كنديسنه وديكرى  
زوجنه مخصوص اولق اوزره ايكي قارت براقايدر . بوقارتلى ممكنسه  
بالذات براقق ويا بواصولره آشنا برخدمتكار واسطه سيله قادينك  
اوينه براقدير مق ايجاب ايدر . قارت دوويزيتلر صبا حلين براقدير لماز  
هر حالده ساعت اوچدن صوكره براقدير مق دهاموافقدر . بوضورتله  
توديع ايديلن قارته خانمك زوجى طرفدن نهايت بر هفتة طرفنده  
مقابله ايديلير .

متأهل اولان ذواتدن بربرينه تقديم ايدلمش اولانلر بربريله كوروشمك  
آرزوسنى اظهار ايتمش ايسه لر مادون مافوقه وكنج اولان مسن  
اولانه قارت براقير . بوتقديرده زوجك ايكي قارتى و رقيقه سنك  
بر قارتى كه من حيث المجموع اوچ قارت براقيلير . ار ككلك ايكي  
قارت براقسى هم زوج همده زوجيه قارت براقق لزومندن  
دولاييدر . قادينلر ايسه يالكز قادينلره قارت براقديلر جهته يالكز  
زوجيه مخصوص اوله رق بر قارت براقه لرى ايجاب ايتديكندندر .

مثلا بر چاي ويا مسامره ده يكي تأهل ايتمش بر چيفت اوتة دنبرى  
متأهل و معروف بر عائله ايله طائشسه لر و بربريله كوروشمك  
آرزوسنده بولونسه لر ايلك تشبث يكي تأهل ايتمش چيفت طرفدن  
وقوع بولمليدر . يعنى قارتلر ايلك اوچكه بونلر طرفدن براقلمليدر .  
بوقارتلره مسارعتله مقابله ايدملك لازمدر .

بیان ایدیلن بو قاعده طبیعی رسمیت دائرہ سسندہ کوروشمکہ  
 باشلایانلر ایچوندر . اجنبی مملکتده بر مأموریت ایله بولنانلر، یاخود  
 مملکت مزده مقیم اولان و جمعیتہ حق دخولی بولنان اجنبیلر بوقاعده یه  
 رعایت ایتمه لیدرلر . فقط بر محیط صمیمیده یاشایان و عینی ملی جمعیتک  
 افرادندن بولنان وطنداشلر آره سسندہ قارت براقق اصوله بو درجه  
 رعایتکار اولوق مجبوری تی تحمیل اولونه مزسه بیله هر حالده بلاتکلف  
 تأسس ایده جک مناسباتده دخی ینه کوزه تیلمسی لازم کله جک جهتار  
 اہمال ایدلمه لیدر . وینه بر کنج چیفت ، دھا مسن اولانلره ایلک  
 زیارتی یاممالیدر . بو دقیقہ اجتماعی یی اونوته رق کرک موقعی ، کرک  
 ثروتی ، کرک رسم قبوللرینک پارلاقلی دولایسیله یکی تأهل ایتمش  
 بر کنج قادینک زیارتنه مسارعت ایتمک مغل وقاردر . جمعیت ایچنده  
 موقر اولوق ایچون دائما اولچو ایله حرکت ایتمک شرطدر .

بو ایلک قارت تعاطیسندن صوکره یوم قبولی اولان خانملرک  
 قبول کونی کندیلری زیارت ایدیلیر . ایلک زیارتک ، قابل اولدیغی  
 تقدیرده زوجیه برابر اجرا ایدلمسی دھا موافقدر . مع مافیه زوجک  
 مشاغل رسمیه سی یوم قبوللرده اثبات وجود ایتمسہ مانع اولدیغی  
 تقدیرده خانملر یالکزجه رسم قبوله کیده بیلیرلر و چیقارکن زوجلرینک  
 برقارتی بر اقریرلر . بوقارت قاپودن چیقارکن خدمتکاره ویریلیر . اکثریا  
 منتظم قوناقلرده مدخلده بر ماصه اوزرنده بوکا مخصوص اوافق بر تپسی بیله  
 موضوع بولنور . چیقارکن زوجک قارتی براقق یالکز ایلک زیارتنه



لازم الاجرا اولوب آرتق اوندن سوكره كي مقابل ويزيته لرده ياپيلسا ز. شايد صاحبه خانه نك زوجي اثنای قبولده حاضر دكلسه رفيقه سيله برابر زيارته بولان زوج ، چيقار كن ينه صاحب خانه ايچون بر قارت براقه ليدر . آمريقالير ، هر دفعه زيارت ايتدكلري ذواته چيقار كن بر قارت براقسني اعتياد ايدنمشلردر . بو اصول احباسي كثر اولان صاحبه خانه لك ، كيملرك زيارته بولونديغني تخطر ايتمه لري ايچون اختيار ايدلمش بر اصولدر . آنقرده بولان آمريقا سفارت كاتباري بو اصوله رعايت ايتمكده درلر . بو نوع قارتلره مقابله اولونماز . ا كثر مملكتلرده و على الخصوص آلمان ياده سفارتلرده رسم قبول كونلري مدخلده بر ماصه اوزرنده آچيق بر دفتر موضوع اولوب بر مأمور مخصوص زواره بو دفتره لطفاً اسملريني قيد ايتمه لريني رجا ايددرلر . بو صورته يوم قبولده اثبات وجود ايتمش ذواتك اسملري معلوم اولور و ضياقتلرده ، مسامره لرده كيملرك دعوت ايدلمسي ايجاب ايدده چكي آكلاشيلير . بزده موقع رسمي سي يو كسك اولوب يوم قبوللرينه يك چوق ذوات كلن صاحبه خانه لر طرفندن بو اصولك اتخاذايدلمسي شايان توصيه در .

شوقدر وار كه بو اصول آنجق يك مهم رجال سياسي نه خانه لرنده تطبيق اولونه بيلوب ، يك معتنا صفت رسميه سي اولميانلرك احباسي نه قدر كثر اولور سه اولسون بويله بر تشبده بولونمه لري شايان استحقا قدر . بزم ايچون طائيشمق و كوروشمك بحثنده اهميته تدقيق

ایدیله جك بر جهت ده مملکت مزده مسافره و یا خود متمکناً بولونان  
اجنیلره قارشى اتخاذ ایدیله جك خط حرکتدر. محله مصروف اولق  
شرطيله ملی شعار مزدن اولان نزاكت و مسافر پرورلك اخلاص اید -  
لمکسزین بو خصوصده قاعده عمومیه اوله رق در خاطر ایدلسی ایجاب  
ایدن مهم نقطه ، یرلی عائله لرك هر زمان و هر یرده اجنبی عائله لره  
حق تقدملری بولوندیغیدر . اجنیلر ، یعنی تورک اولمایانلر بکار  
اولسون ، متأهل بولونسون یرلی عائله لره طائیشدقلری تقدیرده دائماً  
ایلك اوکجه قارت براقالی و ایلك زیارتی ایفا ایتهلیدرلر . هیچ بر  
زمان اجنبی عائله یه بر تورک عائله سی ایلك اوکجه تقدیم ایدیله میه جکی کبی ،  
معارفه سی نه قادر شایان تمنی و موقعی نه درجه مستثنا اولورسه اولسون ،  
بر تورک عائله سی بر اجنبی عائله سنه تقدیم اولونمق آرزوسنی بالذات  
اظهار ایتما لیدر . زیرا بر مملکتک ملی جمعیت کیره بیلک شرفنی احراز  
ایتمک ایسته ینلرک او جمعیت منتسبینه قارشى مماشاتکارانه داورانمهلری  
و اولره بر اهمیت مخصوصه عطف ایتهلری پک طبیعی بر کیفیتر .  
ملی جمعیتلر نه قادر صیق بر مراقبه یه تابع بولونورلر و دائره صمیمیتلرینه  
آله جقلری کیمسه لر حقنده نه مرتبه مشکلسند اولورلرسه بین الملل  
قیمت و اهمیتلری اونستده یوکسک اولور . بنابرین بو خصوصده  
حق فضلجه و قورانه داورانمق و اجتماعی و اخلاقی ماهیتلرینه دائر  
صریح و واضح معلوماته دسترس اولقسزین لاعلی التعین یابانجیلری  
عائله لرك دائره محرمیتنه ادخال ایتما مک اک سالم بر طریقدر . بو نوع

تقييدات و تقيداتك اجانب كرزك صورتنده تفسير ايديله بيلمسي اصلا  
وارد دكلدر . بو ، ساده جه ملي بر عزت نفس و ضروري بر حيثيت  
مسئله سيدر . زيرا دنياك هر طرفنده جمعيت ايچنه كيره بيله جك اجنيلر  
موضوع بحث اولونجه ، اجتماعي ، عائلهوي حتى سياسي بر چوق  
دوشونجه لر و كورولش ، چيرلش كونا كونا تجربه لر نتيجه سي پارلاق  
ظواهره قابليامه رق دائما بصيرتكار و احتياطكار اولمق بردستور اجتماعي  
وسياسي حائله كيرمشدر . بزم كي يكي تشكّل ايدن و تملري و اساسلري  
هنوز قورولان جمعيتلرده ايسه ملي قراقتري اخلال و اخلاقزي  
افساد ايديله جك عوامل و عناصره فارشي برقات ده ا متيقظ بولونمق  
و باشقه ملتلك تجربه لرندن مستفيد اولمق شرطدر . هر طرفنده تطبيق  
ايديلن بواصولك اصابت و لزومني هر عائله والده سنك بحق تقدير  
ايديله جكنه قلغز .

بزه كلنجه : بزي بوملاحظاه سوق ايدن و اجتماعي مناسبتلك  
بونقطه سي اوزرنده فضله توقف ايتديره سن بياردن بريده مركز  
حكومت خارجنده اجنبي و يرلي بعض محيطلرده آداب معاشرتلك  
الفااسندن معدود اولان بوقواعد رعيت ايدلمديكيدر . مع التأسف  
جمهوريت اداره سنك ، هنوز هر طرفنده تماميله تميزله مكّه موفق اوله مديني ،  
تنظيمات دورندن موروث سقيم براعتياد افرنج پرستي قسماً هنوز جاريدير .  
توركار ملي ، عسكري و مدني ظفرلريني دنياك الك بويوك داهيسي سايه سننده  
استحصال و استقراره موفق اولمده دن اول بوذهنينك عزت نفس مليحه

آچدينى درين جريحه لرى بالنفس طائمان جمهوريت دورينك غرور ميليرى  
تظمين ايدلش مسعود كنجلرى، بلهكه بويله برحالت روحيه نك وجودينه  
بيله احتمال ويره مزلر. حالبوكه بوبويله در وبو حالت روحيه نك الان  
ايزلرى واردر. بوكا قارشى دورمق بو ذهني كوكندن قلع ايتك  
لازمدر.

حتى بو اعتيادك نتيجه سي اوله رق بعض يرلرده موقع اجتماعيلرى  
ورسميلرى اعتباريله هر مملكتده حق رجحاني تصديق ايديله جك  
تورك عائله لرينه صاحب ثروت اولمقدن وپارلاق مسامره لر و ضياقتلر  
ويرمكدن باشقه هيچ بر مزيتلرى اولمايان واحتمال كه اوروپانك حقيقي  
جمعيتلرنده جاي قبول كورمه يه جك اولان بعض اجانبك تقديم  
وترجيح ايدلديكي حيرتله كورولمكده در. حالبوكه آوروپاده بو  
دقيقه يه بالخاصه اعتنا ايديلير و سفارتلر طرفندن ويريلن رسمي  
ضياقتلرده ممتاز بر موقع صاحبي يرلير اكرتيا اورته ايلچيلرده ورفيقه لرينه  
بيله تقديم ايديلير. بو كي احوالده فضله مراسم پرست اولانلرى  
مسلكده قدم صاحبي اولان ديپلوماتلر، (قور ديپلوماتيق) ك بر كل  
تشكيل ايتديكي وديپلومات اولرنده خارجدن مدعو بولونان بو كي  
شخصيتلرك مسافر تلقى ايديله رك صاحب خانه عد ايديلن ديكر  
ديپلوماتلره حسب النزا كه تقديم ايدمله لرى ايجاب ايده جكي نظريه سي  
ايلرى سوروله رك الزام واسكات ايديلير. بناء عليه بو كي مبالا تسزلقلر  
وقوعنده اصلا مسامحه ايتمايلى، وبويله بر وضعيت رسمي يرلرده تحداث



ایتمش ایسه - که بو اندر وقوعبولور - بلافاظه زمان نظر دقتی جلب ایتمه لیدر . زیرا بو نوع مبالا تسزقلر سکوت ایله کچیشدیر یله جک اولورسه بالاخره بر تعامل تشکیل ایده بیلیر . صورت خصوصیه ده وقوعبوله جق رسم قبوللرده و ضیافتلرده بو کبی احوالک تحدی قطع مناسباتی بیله استلزام ایتسه یریدر . زیرا اجتماعی تشکیلاتک مبادیسنده تأسس ایده جک پرنسپلر در که الی الابد مطاع اولور . بوسیدن وقار ملیمیزی اخلال ایده جک و عزت نفس ملیمزه کران کله جک ال اوافق براهماله قارشی لاقید قلماملی در . تورک عائله لری ملی جمعیتمزک بدایت تشکیلنده بو نقطه ده اتحاد ایدر لر و یولسز حرکت ایدنلره قارشی متفقاً قطعی تدبیر لر اتخاذ ایدر لرسه ، جمعیت ایچنده وقوعه کله جک عکس العمل و حصولی پاک طبعی اولان انفعال ملی حضورنده درست حرکت ایتمه ینلر پاک چابوق سرفرویه مجبور اولور لر . بر مملکتده ، اصول و آدابی دائره سنده تأسس و تشکل ایتش ملی جمعیتلرک فائده لرندن و فضیلتلرندن بریده ایشه بودر . استقلال اجتماعی نی تأمین و هر وطنداشک اجتماعی حقوقلرینی ال بر لکیله صیانت !

بو نقطه ده هر تورک عائله سی تعصب و تجلد کو ستر مملکه مکلفدر . بین الملل جمعیتلرده ملی جمعیتمزک موقعی یو کسنتمک آنجق بو سایه ده اولور . کندی آرا مزده صیق بر تساند اجتماعی وجوده کتیر مملکه در که خارجه قارشی مستغنی اوله بیله جک بر درجه مکملیه و اصل اوله بیلیرز . حرمت ایتدی کمز قادر حرمت کورمک حق مزدر . مثلاً معروف بر

ادیجزك ، بر مدرسمزك ، بر موقع رسمیی اولمدینی حالدہ معروف بر  
عائلیہ منسوب بر توركك اوست طرفہ بر باقہ دیر كتوری ، بر انحصار  
مدیری ، بر شركت ممثلی كچریله مز .

اولجده اشارت ایتدیكمز وجهه یرلی واجبی دیدیكمز زمان  
طبیعی ( قور دیپلوماتیق ) ارکاتی بو تصنیفدن خارج طوتمقده یز .  
خارجده مملکتی تمثیل ایدن بوتون دیپلوماتلر بالصبع شایان حرمت  
واعتماد اولوب بونلرك ، اصول و آدابنه توفیق حرکت ایتك شرطیله ،  
بولوندقوری مملكتك ملی جمعیترینه حق دخوللری طانمشدر . بو  
سببله قلوبلره بیله بویوك و اورته ایلعچار بلا انتخاب کیره بیلدکری  
کبی سائر ارکان سفارتدن تکلیف ایدینلرك رد ایدلدیکیده واقع  
دکلدر . بویله بر حالك تحدیثی او دیپلوماتك عزلی ویا تحوبلنی ایجاب  
ایده جك درجه مسلك حیاتنده شایان اهمیت بر حاده تشکیل ایدر .  
بوده ملی جمعیترلرك اجانب حقسنده ویردکری اجتماعی حکملرك نه  
بویوك قیمت و اعتباری اولدینك اك بیلغ بر دلیلدر . بوندن بشقه  
دیپلوماتلرك رسمی مقامات ایله اولان تماسلری ضیافتلرده اشغال  
ایده جککری موقعلر تشریفات صیرالری اك خرده تفرعاتنه قدر  
پروتوقوللرجه اساسلی بر صورتده تثبیت ایدیش اولدیندن مراسم  
تشریفاتیه جه بر خطا و قوعی مستبعد و نادر الوقوعدر .

دیپلوماتلر مناسبات رسمیه لری خارجنده ملی جمعیت ارکانندن  
بولونان عائله لرله دخی تماس ایتك آرزو ایتدکری حالدہ قواعد عمومییه

توفیق حرکت ایدر لر . بو اعتبارله بکار اولان دیپلوماتلرک تورک  
عائله لرندن متأهل اولانلره ایلک اوکجه قارت براقه لری و ایلک زیارتی  
ایضا ایتمه لری ضروریدر . فوق المأمول اوله رق بو خصوصده لاقیدانه  
واهمالکارانه حرکت ایدنه لری فضله نزا کت و مهمانپرورلک اثری  
اوله رق اوینه و مسامره سنه دعوت ایتک پک یا گلش بر حر کتدر .  
زیرا عینی دیپلوماتلر باشقه مملکتلرده ملی جمعیتلره داخل اوله بیلمک  
ایچون چوق درست حرکت ایتمه ک مجبوردر لر . کرچه متأهل بولونان  
بویوک ایاجیلره یرلیر دخی ایلک اوکجه قارت براقه له مکلف ایسه لرده  
بکار اولان ایاجیلرک ممتاز بر موقع اجتماعسی و معین بر رسم قبولی  
اولان خاملره بعدالتقدیم پیدای معارفه ایتک آرزو ایندکلری خالده  
ایلک اول قارت براقه لری اقتضا ایدر . متأهل ذواتک سفیری طائیش  
اولمق دولایسیله در حال تهالک کوسترمه لری واونلر طرفندن قارت  
براقلمسینه انتظار ایدلکسزین قارت براقه لری جائز دکلدیر .

طائیشمق و قارت تعاطی ایتک یحشنه عائد ملاحظات بوراده ختام  
بولر . بویائی اکمال ایتک ایچون قارت تعاطیسی حقننده هر زمان  
قولایمقله مراجعت ایده بیلمک اوزره بر جدول ترتیب ایدیورز .

### مهرصه :

۱ — بکار اولانلر متأهل اولان ذواته بردانه زوج و بر دانه  
زوجیه مخصوص اولمق اوزره ایکی عدد قارت براقیرلر .

۲ — متأهل اولانلر متأهل اولان ذواته كندی قارتلرندن ایکی عددی زوج ایله زوجیه و رفیقهلرینك بر عدد قارتی یالکز زوجیه مخصوص اولمق اوزره من حیث المجموع اوچ قارت براقیرلر .

۳ — معتنا بر موقعی اولان طول خانم افندیله زوج و زوجیه طرفندن برر قارت اولمق اوزره ایکی قارت براقیلیر .

۴ — طول خانم افندیله پدرلری ویا برلکده اقامت ایدن برادرلری وار ایسه زوج طرفندن بر قارت دخی اونلره براقیلیر .

۵ — بو صورته تودیع ایدیلن قارتلره زوج طرفندن بکار اولانلره یالکز بر قارت اعاده ایدلمك صورتیه مقابله اولونور . بو قارتك نهایت بر هفته ظرفنده اعاده سی مشروطدر .

۶ — متأهل اولانلره عینی صورته وعینی مدت ظرفنده اوچ قارت اعاده ایدیلیر .

۷ — طول خانم افندیله یالکز قادینلره بر قارت اعاده ایدرلر . پدری ویا برادرلرینه قارت بر اقلمش ایسه آنلر زوج و زوجیه اولمق اوزره ایکی قارت براقیرلر .

۸ — برای وداع اوزری اشارتلی براقیلان قارتلر اعاده ایدلمز .

۹ — برای تشکر براقیلان اوزری اشارتلی قارتلر کذا اعاده ایدلمز .

۱۰ — برای تبریک براقیلان اوزری اشارتلی قارتلره بر هفته

ظرفنده تشکر اشارتلی قارتلره مقابله اولونور .

۱۱ — بر ذاتی تقدیم ایچون بعض دفعه مافوق طرفندن اوزری



اشارتلى برقارت ايله برلكده بر اقبالان قارتلردن يالكز تقديم ايديلن  
ذاتك قارتى اعاده اولونور . لاجل التقديم ارسال ايدلمش اوزرى اشارتلى  
قارتهده آروجه مقابله حجت يوقدر .

۱۲ — اوزونجه مدت غيوبدن صوكره عودت ايدن احبا  
طرفدن عودتلىرى بيلدير مك اوزره آچيق برظرف دروننده كنارى  
قيوريلقسزىن بر اقبالان قارتلره دخى مقابله ايدلمز . وقوعبوله جق  
دعوتلرده نظر اعتباره آلتق اوزره حفظ ايديلير .

۱۳ — بروفاتى مشعر اخبارنامه لره جنازه ده حاضر بولونمق له برابر  
« الك صميمى تعزيتلىله » قيديله آچيق برظرف دروننده قارت ارسالى  
صورتيله دخى مقابله اولونور .

۱۴ — نشان ، ازدواج مراسمنى مشعر اخبارنامه لره ده  
« الك صميمى تبريكاتمله » قيديله برقارت ارسالى صورتيله مقابله اولونور .  
بونوع قارتلره مقابله بر دانه زوجك و بردانه ده زوجنهك قارتى ارسال  
قلمق كافيدر . بو قارتلردن يالكز زوجك قارتى اوزرينه تبريكى  
متضمن جمله علاوه اولونور .

۱۵ — كنچ قيزلره قارت بر اقليماز . جمعته داخل اولمش كنچ  
قيزلر يالكز والده لر ينك قارتلرنده والده لر ينك اسمنك زيرينه اسملىرى  
حك ايتديره بيليرلر . كنچ قيزلر يالكز كندى اقرانلرينه قارتلىرى  
براقه بيليرلر .

## کنج قیزلر

کنج قیزلر آنجق اونیدی یاشنی اکال ایلدکلری زمان جمعیه کیره بیلیرلر . بوکا فرانسزلر Faire son entrée dans le Monde دیرلر . بونک مقابلی هنوز تثبیت ایدیلهماش ایسه ده « جمعیت ایچنه کیرمک » صورتیه افاده اولونه بیلیر . بزده جمعیت حیاتی یکی باشلادیغندن هنوز اطرافیه دوشونیله میان جهتلردن بریده کنج قیزلرک جمعیت ایچنده کی موقعلری ، درجه سربستیلری ، حدود حریتلری ، صورت تلبسلرینه وارنجیه قادر مجبور طوتولدقلری تقیدات ، خلاصه صورت عمومیه ده خط حرکتلیدر .

معلومدرکه دهها جمعیه کیره بیله جک بر سنه واصل اوله مامش کنج قیزلرک بالولرده ، مسامره لرده و چای ضیافتلرنده بولونمه لری طوغری اولاماز . حتی جمعیه داخل اولان کنج قیزلرک یالکنز عائله بالولرینه و مسامره لرینه کیتمه لرینه مساعده اولونوب ماسککلی ماسککسز عمومی یرلرده و یریلان بالولره کنج قیزلر کوتورولمز . معروف شخصیتلرک حمایه لرنده و مخترم خانم افندیلرک اداره سنده کی جمعیات خیریه منفعتنه و یریلن بالولر طبیعی مستنادر . بوکی معتنا بالولرده کنج قیزلره وظیفه لر دخی و یریلیر . اک معتبر عائله رئیسه لرینک تحت نظارتنده اولان و شخصی دعوتیه لره مدعو زواره حصر ایدیلن بوبالولرک عائله بالولرندن فرقی یوقدر . یتیمش قیزلرینک تربیه فکریه و اخلاقیه سی

ایله بحق علاقه دار اولان والدهلر کریمه لرینک هر حرکتی حقیقی بر  
مراقیه آلتنده بولدی ریرلر واستقبالک والدهلری اولان بو معصوم  
مخلوقلرک دائماً تمیز و صاف بر محیط نزیه ایچنده قلله لرینه فوق العاده  
اعتنا ایدرلر . شویله که :

کوروشه بیله جکلری کیمسه لر و تماسده بولنه بیله جکلری محیطلر ،  
اوقویه جکلری اثرلر ، سیرایده بیله جکلری تیاترلر ، کوره بیله جکلری  
سینه ملر ، کیه بیله جکلری اثوابلر ، طاقینه بیله جکلری حلیات خصوصاً صرلنده ،  
اوافق تفک بعض تلقی فرقلریله ، تمیز عالیه لرک کنج قیزلری همان هریرده  
عینی انضباط اجتماعیه تابع بولونورلر . حتی هر طرفده عینی صورته  
تطبیق ایدیلن بوتربه سایه سنده عمومی برضرب مثل بیله وجوده کلشدره :  
بویله مستنا ، تمیز ، صاف ، نزیه بر تربیه محصولی اولان کنج  
قیزلره تصادف ایدیلنجه : « C' est une Vraie Jeune fille » یعنی  
« تام بر کنج قیز » دیمک معتاددر . بو سوزدن مقصد ، بر کنج  
قیزک متحلی اولسی لازمکلن بوتون اوصاف و مزایای ، صافیت  
و معصومیتی ، نزاهت و نزاکتی وضوح و سادگی کی ، صمیمیت  
و صفوتی ، اینجه لکی ، فکری ، اخلاقی و اجتماعی تکاملی احراز  
ایده بیلمش بر تازده دیمکدر .

بویله بر نتیجه مک نه قدار تقیدلر ، اهتماملرله حصوله کله بیله جکلری  
شفقتلی و تدبیرلی والدهلر پک ایو بیلیرلر . بو سببدن بز بو بچنده فضله  
توقف ایدره رک ملی جمعیتلرک اساسنی و تمللرینی قوره جق اولان واستقبالک

والدهلری اولان کنج تورک قیزلرینک بویکی جمعیت حیاتنده کی یکی وضعیتلرینی ، برر برر ایضاح ایده جکز .

هرشیدن اول سقیم برطاقم کوره نکله نتیجه سی وجوده کلوب اوکنه کچلمسی الزم اولان بعض یا ککش تلقیلری تحلیل ایده لم :

بونلردن بری واک باشلیجه سی « کنج قیزلر آرتق سربستدرلر » نظریه سنک صورت تطبیقی و درجات و حدودیدر . فی الحقیقه کنج قیزلر اسکیمی کی یالکز قالین بر چچه آلتنده ، یانلرنده اختیار والدهلر ، دادی قالفه لر ، کهیا قادینلر آرابه نک اوزرند دیان آغالری اولدیغی حالده سواقه چیه بیلیمک ، یالکز قفس آلتندن تنفس ایتمک ، بیک درلو تقیدات آلتنده یالکز کندی کی محصور تازه لرله کوروشه بیلیمک ، لایقیه تحصیل وتنور ایده مه مک ، سیاحت ایده مه مک کی تحمل فرسا بر اسارت آلتنده دکلددرلر . بوتون حر و سربست انسانلر کی ، کندی حیاتلرینی یاشامق وکنج کلک بوتون سعادتلرندن مستفید اوله بیلیمک خصوصنده تمایله سربستدرلر . آنجق شوراسی قطعاً بیلیمک لازمدر که جمهوریت تورکیه سی بوتون بو سربستیلری تک بر شرط ایله تقید و تحدید ایتشددر . تمیز و صاف بر کنج قیز قالمق و بر تازه یه یاقیشمایان اطوار و حرکاتدن توقی ایتمک شرطیه .

ظاهراً بر سربستی تام بخش ایدیلن بو عصرده تمیز و صاف بر کنج قیز قاله بیلیمک ایچون تازه لر نصل بر انضباط اجتماعی و اخلاقیه تابع بولوندریلیر ؛ توقی ایدیله جک اطوار و حرکات نه در ؛ بوتون بونلری کنج والدهلر و کنج قیزلرله برابر بی طرفانه و منصفانه تدقیق ایده لم :



اساساً عائله حياتك تميز وصاغلام وهر درلوشائبدن بری قلماسنه  
 یعنی ملتك تام وسالم بر مصونیت اخلاقیه ایچنده تعالی ايله مه سنه بذل  
 دقت واهتمام ایدیلن هیأت اجتماعیهده بوجهت مکمل صورتده تدقیق  
 ایدیش واولجهده ایضاح ایتدیکمز کبی بو خصوصده مدنی ملتلترا اتحاد  
 و اتفاق ایتشلردر . دیمك اولدی که بزم تدقیقمز شخصی مطالعاتدن  
 عبارت اولمایوب متفق علیه اساساتی تثبیت ایتك و کوزدن کچیرمك  
 اوله جقدر . بو تقیداتی فضولی ویا خود فضله بولان زمره لر غربك  
 نزیه و کبار جمعیتلرینی تدقیق زحمتنده بولونمایانلرله ملی تربیه خصوصنده  
 لزومی قادار تعصب و تقید کوسترمیانلر اوله بیلیر که بواثر ایشته بویولده  
 تلقی لری تصحیح ایتك مقصدیله یازلمشدر . دنیاده هر شیء تنظیم و اداره  
 ایدن قوت ، « اولچو » و « اعتدال » اولوب هر خصوصده افراط  
 و تفریط هر ج و مرجی داعی و یکی تشکل ایدن جمعیتلرده ایسه افلاس  
 اجتماعیی مؤدیدر . بونجه اضطرارلر ، هجرانلر و حسرتلردن صو کره وجوده  
 کتیردیکمز ملی جمعیتمك اساسلی صورتده پایدار اولسنی آرزو  
 ایدیور سهق هر خصوصده اولچو ايله حرکت ایتمک و کنج قیزلر بختنده  
 ایسه بو « اولچو » یی بویوک بر حساسیت ايله تطبیق ایلکه مجبور  
 اولدیغمزی اونو تامملی یز .

### برکنج قیز ناصل اولالیر

کنج قیزلر ، طبیعی ، ساده ، صاف و نشئه لی اولمالی و ساخته

اطواردن متوقی بولونمالیدرلر . حسن و آنه مالک اولمایان تازه لرده بیله  
 بو اوصاف کندی باشنه برکوزه لک تشکیل ایدر . کنج قیزلر بولندقلری  
 محیطه نشئه و شطارتلرینک ، صافیت و معصومیتلرینک ازهار طراوتی  
 سرپمک ایچون یارادیلش لطیف مخلوقلردر . ملی جمعیتلرک اک بویوک  
 زینتلی ، برملتک تربیه اجتماعیه سنک فکری و اخلاقی تکاملنک اک  
 بارز نمونه سی اولدردر . اولر نه قادار مکمل اولور ، نه درجه اینجه  
 بر تربیه ، نزه بر محیط ، صاغلام اخلاقی دستورلر محصولی اوله رق  
 اورتیه چیقارلر سه اولمک و او ملی جمعیتک قیمتی اوقادار یوکسه لیر .  
 بنابرین کنج قیزلر هرشیدن اول طور و حرکتلرینی ، مکالمه لرینی ،  
 سرد ایده جکلری مطالعات و افکاری ، طرز تلبسلرینی و تماسده  
 بولوندقلری کیمسه لره قارشی معامله لرینی کوزه تمه که آلیشمالیدرلر .

لا ابالیلک ، آزاده سرلک ، تکلیف سزلک و برکله ایله خلاصه ایدلم ، فضله بر  
 سربستلک ، کنج قیزلرک اک زیاده توقی ایتمه لری لازم کلن قصورلردر .  
 بو اعتیادلر فرانسه لرک Mauvais genre دیدکلری فنا بر اعتیاددر .  
 کنج قیزلر ایچون اوتانغاج اولوق لزومندن زیاده محترز و متوقی بولمق  
 کرچه شایان تمنی بر حالت روحیه دکله سده هر حالده کوزه چارپاجق  
 درجه ده سربستی اطواره مرجحدر . کنج قیزلر اک زیاده یاراشان  
 وقار و تمکین ایچنده فرط نزاکت و رقت و حساسیت ایله ممزوج اعتدال  
 دمدر . بر کنج قیز ، وضع و طوریه ارککلری کندیسنه حرمته  
 دعوت ایتمه لی و هیچ کیمسه ایله تکلیف سز اولما ملی در .

هر كسله سنلی بنلی ، وشن وشاطر كورونه جكم ديهرك، هر  
 قدیم ایدیلن ارکك ایله درحال لایالی اولمق قدر برکنج قیزی  
 جمعیت ایچنده کوچولته جك بر حرکت متصور دكلدر . کنج قیزلر  
 اك اوفاق حرکتلرینه قادار ، اوطور برکن ، قالقارکن ، قونوشورکن  
 آله جقلری وضع و طوره بیله دقت ایتلی درلر . برکنج قیزك کندینه  
 برکنج قادین سوسی ویرهرك یاشلی ارکكلره قارشى متحکمانه ،  
 داورانماسی ، آياق آياق اوستنه آتارق قولتوقلره قورولسی ، منحصرأ  
 بر ارکكله مشغول اولماسی ویا کندیسيله منحصرأ مشغول اولونماسنه  
 مساعده ایتسی ، علی الخصوص برکوشه یه چکیلهرك تك باشنه بر  
 دلیقانی ایله مصاحبه قویولماسی هریرده معیوب اولان برحرکتدر .  
 کرچه آوروپاده ، آمریقاده مساعده کار ابونك ترویج و مسامحه کار  
 محیطلرك قبول ایتدیکی بوطرز کنج قیزلره بعضأ تصادف اولونورسده  
 بونلر بر جمعیتك زینتی اولمقدن زیاده اکلنجه سی مقامنده تلقی ایدلمکده  
 وعقلی باشنده عالهلرك حریم صمیمیتده جای قبول کوره مامکده  
 ومملکتمزك صاف قیزلری اعتدال ومحویتلریله دائماً بین الاقتران  
 تمایز ایتمکده در .

بین الملل بر شهرتی اولان بالعموم ملی جمعیتلرك وصف میزی  
 ساده لك ، وقار و اعتدالدر . بوجعیتلرده هر شینك بر اولچوسی  
 واردر . مسئله او حقیق « اولچو » بی بحق تقدیر ایتك وهیچ بر  
 سبب وبهانه ایله تجاوز ایتماکدر . مثلاً انکلتره ، فرانسه ، اسپانیا ،

حق ایتالیا کی عصر دیده بر ملی جمعیتی اولان مملکتلرده بعض یوکسک  
عائلهلرده کنج قیزلرک رفاقتلرنده والدهلری و تعلقاتندن متأهل بر خانم  
و یا رفاقتلرینه تخصیص ایدلمش بر کنج قادین اولمق سزین تک باشنه  
سوقاغه چیمه لری تجویز ایدیله مامکده در .

بو صنف کنج قیزلرک کندی اوطوموبیللرنده بولمق شرطیله  
آلیش ویریش ایتک و یا والدهلرینه ملاقی اولمق و یا مدعو بولندقلری  
معرفه بر عائله نزدینه کیتک اوزره یالکز چیمه لرینه مساعد  
اولونور . فقط بو یالکز اصحاب ثروتدن اولان کنج قیزلر حقنده  
جاری اوله بیلیر .

کنج قیزلرک ، بعض قیود تحتده یالکز اوله رق ده سوقاغه  
چیمه لرینه مساع وادرر .

بر کنج قیزلرک زکبی شرائط نختمه یالکز هیقه بیلیر

دارالفنونه ، قونسرو اتوارلرده صنایع نفیسه مکتبته ، کنديسنک و عائله سنک  
اعضاسندن بولندی بی بر محفله ، عائله سنجه معلوم و طانیدقلری عائله لر  
طرفندن دوام اولنان و کوندوزلری ویریلن قونسرلره ، عائله  
قونسرانسلیرینه بر کنج قیز یالکز کیده بیلیر . زیرا اورالرده کندی  
اقرانسه ، عائله سنجه طائمش معروف عائله لر افرادینه تصادف ایدر و هر  
حرکتی تحت مراقبه ده بولوندیران محدود و معین بر جمعیت ایچنده  
بولونور . اوکی یرلرده بر کنج قیز هیچ بر زمان یالکز قالماز . بر



کنج قیز بو کبی یرلره کوندوز یالکز باشنه کیده بیلیرسه ده مثلا کچ وقت یعنی قارا کلک باصدینی زمان اوینه عودت ایچون یا بر اوطوموبیلله دونمسی ویا طانیدقاری بر عائله نك رفاقتی رجا ایتمی ویا عائله سنك طانیدینی واعتماد ایتدیکی متأهل بر ذات طرفدن اوینه قدر کوتورلمسی موافقدر . بو قابل اوله مدینی تقدیرده ایسه اك قیصه طریق و واسطه ایله وبلا توقف اوینه عودت ایتمی لازمدر . بر کنج قیزك بوساعتدن صوکره بر ده لیقانلینك رفاقتی قبول ایده بیلرسی ایچون، عائله سنك پك صمیمی دوستی و کنديسنك قدیم و شایان امنیت و اعتماد بر آرقداشی اولسی مقتضیدر . حتی پك ناچار قالندجه بو کبی بر رفاقتی قبولده تردد ایتك ده اطوغریدر . بر کنج قیز ، ولو غایت معصومانه اولسون هیچ بر حرکتك سوء تفسیره اوغرایه بیلمه سنه میدان ویرمه ملیدر .

ایکی ویا دهها زیاده کنج قیزلرک بر آراده کز مه لری خصوصنده دهها زیاده مساعده کارانه داورانیلیر . مثلا تک باشنه بر کنج قیزك ، بر پاسته خانه یه ویا چایخانه یه کیدوب بر باشنه اوطورمسی تجویز اولندینی حالده ، بر قاق کنج قیزك بر آراده بر چایخانه ویا پاسته خانه ده اوطوروب چای ایچمه لرینه ویا بر چایخانه ده بولوشمه لرینه مساع وادرر . مع مافیه کنج قیزلر کیف ما اتفاق هر پاسته خانه ویا چایخانه یه کیده میوب آنجق بللی باشلی عائله لرك دوام ایتدیکی معروف یرلره کیده بیلیرلر . بر کنج قیز ، یالکزجه بر پاسته خانه یه کیده جك اولورسه بر ماصیه اوطورمیوب آیاقده بر شی یهرک در حال پاره سنی تأدیه و عودت ایتمه لیدر . آلیش

ویریش ایچون کیره جکی بر پاسته خانه ده شاید طانیدیغی عائله لره راست  
 کلیرسه وقوع بوله حق دعوتی قبول ایتمکده و اونرله برلکده  
 اوطور مقده محذور یوقدر . شو قادار وار که یانده قالدین بولمیان بر  
 ارککک ولو عائله سنجه طانینمش دخی اولسه - پک مسن وعائله سنک  
 پک قدیم دوستی عد اولمده جقه - دعوتی قبول ایتسی طوغری دکلدرد .  
 دلیقانیلر ایسه بویله بر یرده طانیدقلری بر کنج قیزه تصادف  
 ایتدکلرنده ، عائله لر آراسنده پک زیاده خصوصیت اولمده جقه یانلرینه  
 کیدوب ال ویرمک ، اوزون بر مکالمه باشلامق خصوصنده پک زیاده  
 متانیانه داورانه لری و اوزاقدن بر باش سلامیه اکتفا ایتهلری ایجاب  
 ایدر . آیاقده بر پاسته یمک اوزره بر پاسته خانه کیردن بر کنج قیزه  
 اوراده عین مقصدله بولونان بر دلیقانیلک بر شی اکرام ایتسی  
 ویاخود ییدیکی پاسته نک پاره سنی ویرمکه تشبث ایتسی آداب معاشرته  
 منافیدر .

شو قادار وار که آلیش ویریش ایچون کلن واللرنده پاکترلرله چیقان  
 بر کنج قیزی قاپویه قادار تشییع ایتک و قاپوی آچمه یاردیم ایتک  
 جائزدر . خلاصه بوکی وضعیتلرده اک دوغری رهبر ، آداب معاشرت  
 قواعدینک الهامی دائره سنده ، شخصی تربیه و قناعتک تلقین ایده جکی  
 حرمت و نزا کتله قابل تألیف اوله بیلرله جک حرکتلردر . دقت اولنه حق  
 شی کنج قیزه قارشی لایا بالیانه تلقی ایدبلرله جک حرکاتدن توقیدر .  
 دارالفنونلره ، قونسرو اتوارلرله دوام ایدن کنج قیزلرک آرقاداشلری

رفاقتنده و بر آراده کیدوب کله لرنده بر بآس یوقدر . آنجق بونوع  
آرقاداشلغك عائله جه معروف اولانلره انحصار ایتهمسی و عائله سنك  
موافقتی اولیان و عائله سنجه طاینمایان دلقانلیرك دائمی صورتده  
رفاقتی تجویز ایدلماسی مقتضای بصیرتدر .

بر برلریله صیق مناسباتده بولونان عائله لرك مختلف افرادینك هپ  
بر آراده بر قونسره و یا خود بر قونفرانسه کیمه لری هر یرده قبول اولونمش  
بر اصولدر . بوتقدیرده دلقانلیرك ، کنج قیزلرك تراموای و یا او طو-  
بوس پاره لرینی کندی آرالرنده تسویه ایتهلرینه مساعدده واردر .  
بویله بروضعیتده بر کنج قیزك فضله تعصب کوسترده ك کندی بیلت  
پاره سنی بهمه حال ویرمك خصوصنده اصرار ایتهمسی ده منایر نزا کتدر .  
مع مافیه مثلا بر او طوموبیل طومتق واوزون بر مسافه قطع ایتك ایجاب  
ایتدیکی و اعطاسی ایجاب ایدن مبلغ اولدجه مهم بریکون تشکیل ایتدیکی  
تقدیرده کنج قیزلرك هر بری ده کندی حصه لرینه دوشن مبلغی ویرمك  
خصوصنده تراخی ایتاملری ایجاب ایدر .

بوعادت انکلترده ، آلمانیا ده ، آمریقادده و شمالی مملکتلرك همان  
کافه سنده جاریدر . اعتقاد مزجه ، تورکلر آراسنده یاپیه جق شی ، عائله  
دوستی اولان و علی الخصوص کندنن یاشلی بولونان بر ذات رفاقتنده  
بولوندیغی زمان بر کنج قیز کندی پاره سنی ویرمكه تشبث ایدرك  
رفاقتنده بولونان مسن ذواتك حسیاتی رنجیده ایتاملیدر . بز تورکلر  
اوقدار مادیات پرست آدملر اولمادیغمز کی آوروپالیلرده دخی بواصول

يالكز اقران آراسنده جاريدير . مسئله ده شايان دقت اولان جهت هر  
ايكي طرفه وقوعي ملحوظ اصرار مسئله سيدر . چونكه چوق دفعه  
اركلكر بر كنچ قيزك ويا خود بر كنچ خانمك رفاقتمده بولوندى قلىرى  
زمان يول پاره سنى و يرمى عهده لرينه مترتب بروظيفه ويا صلاحيت  
كبي تلقى ايدرك مصرانه حركت ايتكمده و كنچ قيزلر ويا كنچ قادي نلر  
كندى پاره لرينى و يرمه لرينه قالدشمه سنى بر عزت نفس و حيثيت مسئله سى  
شكلنه سوق قده درلر . بناء عليه بو خصوصده شخصى قناعتلردن صرف نظر  
ايدرك قاعده عموميه بي بيلمك اوكا كوره حركت ايتك ايسالم طريقدر .  
اهميتسز كبي كورونن واحتمال كه بر قاعده شكلنه افراغه دكرى  
اولماديغنى ظن اولونان بر بحث اوزرنده بودرجه توقف ايتديكمز  
سببى ايضاح ايدلم : مقصديمز ، تأسس ايتش جمعيتلرده هيچ بر شيدك  
تصادفه بر اقليماديغنى كوسترمك و سربستى و حريتك مرتبه قصواسنه  
واصل اولونمش ظن اولونان مملكتلرده بيله هر كسك اطوار و حركاتى  
نه درجه يه قدار تحديد و تعيين ايدلمش اولديغنى اثبات ايتكمدر . بو اثر  
ايلك صحيفه لرنده اشارت ايتش اولديغمز اوزره آداب معاشرت « نه كبي  
شيلرك مباح نه كبي شيلرك غير قابل تجويز » اولديغنى كوستردن بر  
رهبردر . اونك ايچون بويله بر اثرده ، وارد خاطر اوله بيله جك هر  
احتمال درپيش و هر مراجعت تطمين ايدلمك اقتضا ايدر .  
« عجبانه ياملى يم » سؤال مقدرينى ايراد ايدن هر وطنداش بو  
اثرده مشكلنى حل ايدم بيلمه ليدر .



## کنج قیزلر هانکی اثرلری مطالعه ایدمه بیلیرلر

• کنج قیزلرک تربیه فکریه لری بچنده اکی زیاده اعتنا ایدیله جک جهت اوقودقلری کتابلردر . بویوک برتأثرله اعتراف ایتمکله کمزلازمدرکه تورک ادبیاتنده کنج قیزلرک مطالعه احتیاجلرینی تطمین ایدمه بیله جک کافی درجه ده آثار هنوز موجود دکلدردر . حالبوکه باشقه ملکتلرده آروجه بر کنج قیز ادبیاتی وارددر . عائله والده لری یالکیز آچیقجه یازمش اثرلرک منع انتشارینی آرزو ایتمکله دکل ، کنج قیزلرک اوقویه بیله جکلری کتابلری انتخاب ومراقبه ایله ، بوکی اثرلری تشویق و ترغیب ایله بو نقصانک تلافیسنی بر درجه یه قدار تأمین ایدمه بیلیرلر . بوکی صرف حسی و اخلاقی اثرلرک یازیله مامسی اک زیاده قارئ بولونه مامسندن وعائله لرک مطالعه بچشه لزومی قدار اهمیت ویرمه مسندن نشئت ایتمکده در .

کنج قیزلر هر شیء بیاملیدرلر ، حیاتک بیک درلو طوزاقلرینی عریان بر صورتده اولجه ادراک ایتلیدرلر ، هر احتماله قارشى حیاته مجهز اوله رق آتیه بیلملرینی تأمین ایچون مطالعه لرینی تحدید ایتمه ملی ، هر شیئی اوقوتمه ملی ، هر شیئی اوکرتمه ملی ، کنج قیزلری ده برارکک قدار حیاتک بالجه کیزلی حقایقندن خبردار ایتمه ملی نظریه سنک ده بر درجه سی ومقبول اولان بر حدی اولدیغنده شبهه یوقدر . ذاتاً

حیات ، بوکونکی حیات، کنج قیزلره خیالا بیله تماس ایتکدن  
 چکیندکلری بر چوق چیرکین حقایق لسان حاله اوکرتمکده در .  
 دیگر طرفدن بوکونک متفنن و متفکر کنج قیزلری فطری اولان  
 نزاهت حسیه لرینی و قدینلق عصمت و نجاتنی رنجیده ایتیه جک صورتده .  
 سربست بر تحصیل کورمکده و حیاته یوللرینه مصادف اوله بیله جک  
 هر تهله که قارشی علماً ، عرفاناً ، مقاومت ایده بیلیمک ایچون اکتساب  
 ایتدکلری صلابت اخلاقه سایه سنده ذاتاً مجهز بولونمقده درلر . بو  
 اعتبارله کنج قیزلری بوس بوتون ارککلشدیرمک جهته کیدلمک دخی  
 مطلوب اولسه مطالعه بحثنده ینه صیقی بر مراقبه شرطدر . دوراندیش  
 اولان ابون بو خصوصده یالکیز کنج قیزلرینی دکل ، حتی ارکک اولادلرینی ده  
 کوزه تمه لری لازمدر . بر سنده کنجلره ، بعض مضر کتابار برسم  
 قتل کی تأثیر ایده بیلر ، فکرآ نه درجه متکامل ، محاکمه سی نه قدر  
 قوی اولورسه اولسون کنج لره مجرای تفکراتی نزیه وتمیز حیات  
 مشاهده لرندن چویره رک ، صافیت و بکارت حسیه لرینی اخلاص ایده -  
 بیله جک وادیلره سوق ایدن آچیق صاحیق اثرلرک ، اونلرک حریم  
 عصمتنده آچه جنی رخنه لری زمان و حیات ، قاپاتمی شوپله دورسون ،  
 دها زیاده کنیشه ته رک ، غنجه حسیاتنی صولیدرینی ، و فنا یوللره  
 اولماسه بیله فنا فکرلره ، یا کلش تنقیرله یول آچدیغی انکار اولونه ماز  
 حقیقتلردندر . بوسیدندر که کنج قیزلرک الینه کچامسی ملتزم اولان  
 کتابار عالهلرک کتبخانه سنده کوروله مز . بو ممنوعیت حتی کنج

قاديئله دخى تشميل ايديلير . جمعيت ايچنده بحث ايديلان ادبيات ، صرف حسى ، اخلاقى واجتماعى اثرلر در .

كنج قيزلرك بويولده كي مطالعه لرى نه قدر واسع ، مختلف ملترك جريان ادبيلرينه وقوفلرى نه درجه مكمل اولورسه قيمت فكريه لرى حقنده كي قناعت دخى او مرتبه يوكسك اولور ، بر كنج قيزايچون صره سى دوشد كجه ادبيات دن ، اجتماعيات دن ، آثار صنعت دن بحث ايتمك پك طبيعى ايسه ده بر كنج قيزك اله ياقيشميه جق آثار حقنده بيان مطالعه ايدلديكي زمان مكالمه يه قاريشمى معاييادن معدود در . اساساً كنج قيزلرك بولوندينى مجلسلرده قيل و قالى بادي بوكي اثرلر دن بحث ايتمك جائز اوله ميه جنى كې شايه بويله بر بحث آچيله جق دخى اولسه كنج قيزلرك بر مناسبته اوزا قلاشمه لرى ومصاحبه ايله علاقه دار اوله ملرى ايجاب ايدر .

كنج قيزلرك اك زياته اللرنده بولونديره بيله جكلرى كتابلر صنايع نفيسه يه ، فلسفه اجتماعيه ، ديكر ملترك تكاملات فكريه وترقيات مليه واجتماعيه لرينه دائر اثرلره مشهور مؤلفلرك حسى واخلاقى رومانلرى اولماليدر . انگليزلر و آمرىقاليلر بو خصوصده اك زنكين كتبخانه يه مالكدرلر . عائله حياتنك اك چتين معادله لرني ، ازدواج فصلنك اك دقيق وجدان حادثه لرني تحليل وتدقيق ايله ين بونوع حسى رومانلر اك چوق بوملكستلرك ادبياتنده موجود در . آلمان ادبياتى ماضيده بوكي حسى اثرلره ساحه انكشاف اولمش ايكن اليوم بوخاصه محزه سندن پك زياته غائب ايتمش ، صايش قاينوسى آلمان ادبياتى ده

فضله عصريلشدير مشدر . شوقدار وار كه رومان خارچنده آلمان  
فرانسز و انگليز لسانلرنده صنايع نفيسه عائد برچوق قيمتلى اثرلر ،  
اجتماعى و فلسفى تدقيقلر ، ديكر مملكتلرك ادبياتى حقنده واقفانه نه تودلر  
ونفيس برچوق مصور مجموعهلر واردلر . حتى انگلتره ، آمريقا ، آلمانيا  
و فرانسه ده هر آي و هر هفته منتظماً انتشار ايدر پك قيمتدار صنايع  
نفيسه مجموعه لرى ده واردلر كه ايشته بونلر كنيج قيزلر ايچون اك نزيه  
برزمين مطالعه تشكيل ايده چكى كى تربيه فكريه و صنعتكارانه لرينه ده  
پك بويوك خدمت ايده بيلير .

حتى خاطر مده قالدينه كوره مصور فرانسز مجموعه لرندن برى ،  
ظن ايدر سه م ( لكتور پورتوس ) يا خود ( ژوسه تو ) نام رساله موقوتلر  
قارئلرينه « بر كنيج قيزك كتبخانه سنده هانكى اثرلر بولونملى » سؤالى  
ايراد ايتمش واك يوكسك متفكرلر بوكا جواب ويره رك ، واقفانه تشكيل  
ايداش « بر كنيج قيز كتبخانه مى » وجوده كتيرلمش ايدى . اعتقاد مزجه  
تورك كنجلرى ايچون بين المللى بر قيمتى و اهميتى اولان مخلصات آثار  
ياننده ، مى دو بغولرى ، استقلال و حاكميت مزله علاقه دار وقايع  
اجتماعيه ي ، اختلافلر ، انقلابلر و مى مجادله مزك ، عسكرى و مدنى  
ظفر مزك تاريخى تشيت ايدن و اجتماعى انقلابلر مى حياتده ، عائله  
حياتنده ، مى اقتصاد حياتمزده عكس العمللرينى و آچدينى يكي يوللرى  
تحليل و اراءه ايدن اثرلر ده وجوده كتيرمليدر . معارف و كالنده يكي  
تشكيل ايدن تعليم و تربيه دائره سيله صنايع نفيسه شعبه سى كنيج قيزلر مزك



یو یولده کی احتیاج مطالعه سنی تطمین ایتک ایچون صرف مساعی ایتکده در .  
چونکه بومطالعه عائله تربیه سنک اکه مهم بر بحثنی تشکیل ایدر . ایوم عائله پدر لری  
تور کجه دن باشقه بر لسان بیلمیان چو جو قلیزینه لذتله وفائده ایله اوقونه بیله جک  
اثر لر بوله مامقدن شکایت ایتکده در لر . بونک سببی ایسه ، موجودیکی واسکی  
آثار ادبیه ایچندن کنج قیزلرک بلا محذور اوقویه بیله جکی اثرلرک تفریق  
دوشونولمه مش وعائله تربیه سنک بومهم فصلنک جدیتله تعقیب  
وتدقیق ایدلمه مش اولماسنده در . بوجهت اکثر کنج قیزلریمزک  
اجنبی لسانلرینه واقف اولملری یوزندن بر درجه یه قدر قابل تلافیدر .  
مضرط ملیتپرور اولان فرانسزلر بیله کنج قیزلره اکه چوق انکلیر  
رومانلرینی اوقوتور لر .

کندی مملکت مزده بو عیارده اثر لر ، مجموعه لر وجوده کلانجه یه  
قدر اجنبی لسانلرندن برینه واقف اولان کنج قیزلره بو کی آثارک  
مطالعه سنی توصیه ایدر رز .

بو بوشلغه مقابل مملکت مزده اودرجه مبذول آثار عتیقه ، مبانی  
تاریخیه ، بعض جهتلردن یک زیاده زنکین او یله بر موزه مز موجود-  
درکه بونلرله علاقه دار اولمق ، بونلری تدقیق ایتک ، کندی  
مملکت مزک ماضی صنعتیه مشغول اولمق ، بونلره متعلق یازلمش اثرلری  
آراشدیرمق کنجلره یک واسع بر زمین مطالعه استحضار ایده بیلیر .  
یو یولده اثرلرک مطالعه سی وبو وادیده کی تتبعات ، کنج قیزلره جمعیت

ایچنده آیری بر ممتازیت بخش ایدر . بوقی تأمین ایتک عائله رئیس لرینه  
و والدله ترتب ایدن بر وظیفه مراقبه و بصیرتدر .

فنا اثرلرک مطالعه سندن کنج قیزلر دکل والدله لر مسئول اولمق  
ایجاب ایدر . هر والدله اولادینه صوغوقدن تحفظ ایچون ناصل بر  
مانطو یادی رمنی دوشو نورسه تربیه فکریه لرینی تمیه و صلابت اخلاقیه لرینی  
صیانت ایچون ده اوقویه جقلری کتابلری انتخاب و تدارک ایتکی ده  
عینی بصیرت و دقتله کوزه تملیدر . کذا تیاترو و سینه مالره  
کیدلرکی زمان اوینانان پیه سک و کوستریلن فیلمک بر کنج قیزک  
حسیاتی رنجیده ایتیه جک ماهیتده اولماسنده ده دقت ایتک لازمدر .  
بعض آچیق پیه سلر واردر که، اونلر متأهل کیمسه لر ایچون پک خوش  
و اکلنجه لی اولقله برابر بر کنج قیزک علناً مشاهده و استماع ایتیه مسی  
لازم کلن و بکارت شخصیه سنی رنجیده ایدن بر طاقم موضوعلر، ایمالره  
مکالمه لر، تلمیح لرله مالا ملدر . بویله پیه سلری کوره بیلیمک ایچون  
کنج قیزلر، تأهل زمانتی بکله ملری ایجاب ایدر . مدنی مملکتلرده  
اصول و عادت بویله در .

آورو یاده سینه مباحثی ده ا اهمیتلدر . اولاً بعض سینه مالره، اون سکر  
باشندن دون اولان کنج لرک دوام ایتیه لری قانوناً ممنوعدر . ثانیاً بر  
کنج قیزک یالکنز باشنه سینه مایه کیمسی تجویز ایدلر . علی الخصوص  
صوک زمانلرده بعض فیلملرک، دکل کنج قیزلرک، حتی کنج قادینلرک  
بیه سیر ایتیمی تجویز اولونه میه جق درجه ده نخل اخلاق اولمی

هر یرده سینه مالرك اخلاق اوزرینه اولان تأثیرات تخریبکاریسی حقنده  
بر چوق ملاحظات و تنقیدات سرد ایدلسنی مؤدی اولش و مسئله  
اجتماعیات عالمیرنی اهمیتله مشغول ایتشدرد.

کنج قیزلر ایچون دواملی صورتده کیدیله جک یرلر، قونسرلردر .  
بر کنج قیزک بوراده اک نزه حسلری انکشاف ایدر ، روحی برقات  
دها اینجه لیر ، مادیاتدن تجرد ایدرک معنویاتی تقویه بولور . فضاه  
اوله رق موسیقی به استعدادی اولان کنج قیزلر ایچون قونسرلر، رساملر  
ایچون موزهلر قدر مهم بر منبع الهام وبر دارالتعلیمدر . هر والده ،  
محقق کریمه لیرنی واوغلرینی منتظماً قونسرلرله دوامه آلیشیدیرمالی  
وموسیقی ایله الفت ایتهلری ایچون هر فدا کارلقده بولمالیدر .  
بالذات موسیقی شناس اولسه لر بیله کنج قیزلرک موسیقی ایله علاقه دار  
اولمالری اخلاقلری ، افکار وحسیاتی حتی مختاری اوزرینه شفاعخش  
بر تأثیر اجرا ایدر .

کنج قیزلرک فنی ، علمی ، اجتماعی هر درلو قونفرانسلره کیتمه لری  
جاژدر . بوکی قونفرانسلر اکثریا کوندوز ویریلیر . بو تقدیرده  
یالکز باشنه کیده بیایرلر . کیجه قونفرانسارینه ایسه عائله لری افرادندن  
بریله یاخود طانیدقلری دیگر بر عائله رفیقنده کیتمه لری ده اودوغریدر .  
وسائط نقلیه سی مکمل اولان یرلرده یکریمی یاشنی تجاوز ایتش و جمعیت  
حیاتنه آلیشمش کنج قیزلرک حتی یالکز باشلرینه کیتمه لرینه بیله  
مساعده واردر . بزده بوکی مساعدات آنجق بر قاچ سنه لر صوکره

كنج قيزلره و يريله بيلير . شيمديلك كنج قيزلر كيجه لري هيچ بروسيله ايله يالكرز چيقماملی و شمال مملكه ترنده كي همجنسلىرینه بخش ايدیلان مساعداك برچوقارینه مظهر اوله بيلمك ايجون بر مدت دهانتظار ايتمه لي ، معارفك تدریجی ترقیسی سایه سنده عمومی تربیه نك دهانتظار يو كسك برسويه چيقمه سنی بكمه ملیدرلر .

مساعداك بخشده هر مملكت كنج قيزلره قارشى عینی درجه ده داورانما مقده در . آمریقا ده وانكله ترده بعض كنج قيزلر ، پك كچ تاهل ايتكده ويا هيچ تاهل آرزوسى كوسترمامكده و كندی حیاتی كندی قازانمقده در . بوصورتله دهانتظار واسع برسربستی حر كته مظهر اولمقده درلر . پك محترم اولان و چوققلقلرندن برى استقلال حر كاتنى تأمین ایده بيله جك صیق و اخلاقى بر تربیه كورن بویه صوك درجه عصرى كنج قيزلر ك ، تورك خانملرى طرفندن در عقب برموده ل اوله رق تقلید ایدیللری پك غریب و پك نابعوسم بر بدعت اولور . بو اثرده بالخاصه عائله و جمعیت حیاته اشتراك ایدن و اكثرتی تشكیل ایدن اعتدال پرور عائله قيزلرندن بحث ايتديكمز ايجون ، سربستينك صوك مرحله لرینی قطع ايتمش اولان و بزم دهانتظار چوق سنه لر صوكرم ادراك ایده جكمز اجتماعى ، اقتصادى برطاقم اسباب و عواملك دوغوردینی بو كنج قيز تینى موضوعمز خارجنده طومقلغمز پك طبعیدر .

بزده عمومیتله ، كنج قيزلر هنوز يالكرز باشنه سياحت ایده بيله جك و مثلاً انكله ترده اولدینی كی لوندرده دن قالقه رق پارسده طانیدینی بر



عائله نژدينه مسافر كیده جك قادار تجربه صاحبی دكلدرلر. انكلكترده  
 دخی محافظه کار واعتدال پرور عائله لره منسوب بر كنچ قیزك يالكنز  
 سياحت ايتسی ترنه ویا واپوره منحصر اولوب ، عائله سی طرفندن  
 واپورویا ترنه ارکاب ایدیلهرک واصل اولدینی محله ده ینه طانیق لری  
 طرفندن استقبال اولونور . بناء علیه قاعده عمومیه اولهرق بر كنچ  
 قیزك يالكنز اولهرق ترنه ویا برواپوره راكب اولهرق سياحت ایتمه سنه  
 مساع و اردر دیمکدر . مثلا آقره دن استانبوله کیدن بر كنچ قیزك  
 عائله سی طرفندن آقره استاسیونندن ترنه بندیریلهرک حیدر پاشا  
 استاسیوننده تعلقاتی ویا احباسی طرفندن استقبال ایدلمه سنده هیچ  
 بر محدود یوقدر .

مع مافیه آوروپاده قیزلرینی هیچ بر زمان يالکنز چیقارماق اصوله  
 طرفدار اولانلر الآن پك چوقدر . بونلر بوکی خصوصاتده پك  
 حقی اولهرق اظهار تعصب ایتمه که برابر ، عکسی قناعتده اولانلرک  
 اجتهادینه ده رعایت ایدرلر وكنچ قیزلرک بعض قیودات تحتنده يالکنز  
 چیمه سنی هیچ بر زمان آداب معاشرته منافی عد ایتزلر . مسئله ،  
 كنچ قیزلره کنديلرینی بالذات اداره ایدمیله جك و هیچ بروسيله ايله  
 هیچ بر کیمسه طرفندن الك اوافق بر حرمتسزلک ایدیله بيلمه سنه مساعده  
 ایتدیرمیه جك درجه ده متین و اخلاقی بر تربیه ویرمش اولمقده در . ارککلر  
 حیات عمومیه ده قادینلره وبالخاصه كنچ قیزلره قارشی مدیون اولدق لری  
 حرمت ورعایتی واونلرک عصمت و بکارتی حضورنده مجبور اولدق لری

احتياط و بصیرتی بحق ادراك ايتدکاری دقیقه دن اعتباراً کنج قیزلری هر خصوصده دها زیاده سربست براقفده بر محذور تصور ایدیه من . بوکجی سربستیلر عمومی تربیه نك سویه سیاه مبسوطاً متناسب اوله رق تبارز ایدر . بو خصوصده استعجال اکثریا سقوط خیالی و بعض دفعه دها وخیم تهلکه لری انتاج ایدیه بیلیر . بناء علیه بومسئله ده وقتی و حالی دها مساعد اولوب محافظه کار داورانه بیلین عائله رئیس لری فکریمزجه بر زمان ایچون دها اصابت ایتش اولورلر .

بزده برمسلك صاحبی اولان کنج قیزلره معلمه لر، مأموره لر و مغازه لرده چالیشان محاسبه جیلر، کاتبه لر، صایجی خانملر شبهه یوقکه مسلک لری ایجابی دها مستقل بر صورتده حرکت ایتمکده معذوردرلر . بو خانملرک یالکز باشلرینه ویا بر آرقداش لریله برابر بر لوقظه ده یمک یمه لرینه، ایشلری بیتنجه یالکز اولرینه عودت ایته لرینه، بر چاپخانه ده یالکزجه او طوروب قهوه آلتی ایته لرینه بالضروره مساع اوله بیلیر . کدیمنیه تأمین معیشت ایدیه بیلن وار ککلرک و عائله لرینک معاونتنه و مظاهرتنه عرض افتقار ایلیان بوشایان حرمت خانملرک یالکز وجدانلرینه قارشى مسئول اوله لری و « جمعیت » ک کنج قیزلره تحمیل ایتدیکی بر طاقم تقید اتدن بر درجه یه فادار آزاده بولونمه لری طبیعی ایسه ده بونئرکده بعض خصوصاتده وجدانلرینک صدای ارشادینه تابع اوله رق عمومی قواعددن آیریلاملری و عصمت و نزاهتنی محافظه ایتک ایسته یین تورک قیزلرینه یاراشمیه حق سربستلک لره و میلالتسز لقلره تصدی ایتاملری

شایان تمیذر . سربست مسلك صاحبي كنيج قيزلرك بزم بو سربست  
 حياتنه يكي كيرديكمزى وهنوز آليشمايغمز بويكي حياتده غيرملخووظ  
 تهلكلر بولونه بيله جكنى ومراحل سربستى بي آنجق ياواش ياواش وهر  
 صفحه سنى لايقيه هضم ايدرك قطع ايتك احباب ايده جكنى دوشونمه لرى  
 مقتضيدر .

### كنج قيزلرك صورت تبس و تربى

اون سكر ياشنه واصل اولوب جمعته حق دخول قازانان كنيج  
 قيزلر ايچون آرتق كيجه تووالتي يعنى ده قولسه اثواب كيمك و طرز  
 تابسلرينه ده زياده اعتناكار اولق زمانى حلول ايتش ديمكدور .  
 ايلك بالو تووالتنى كيى بر كنيج قيز كندى حياتاك اهميتلى بر صفحه سنه  
 داخل اولمش فرض ايدر و بو دقيقه دن اعتباراً ظريف بر كنيج قيز  
 اولق داعيه سنه دوشر . بو پك طبيعى بر حسدر . آنجق هر كنيج قيزك  
 عائله سى صاحب ثروت اولاميه جنى جهته ظرافتى ، توالتلرك تعددنده  
 ويا زنكيىلكنده فرض ايدن و آرايان كنيج قيزلر چوق آلدانيرلر .  
 تجربه ايله ثابتدر كه چوق دفعه پك زنكيىن عائله لرك قيزلرى ، ثروتى  
 آز فقط ذوق سليمى يرنده رفيقه لرى قدر ظريف اولمغه بر درلو  
 موفق اولامامقده درلر . كنيج قيزلره ياقيشان شى سادلاك ايچنده  
 ظرافت و اعتناى ظرافت ايچنده طبعيلكدور . بر كنيج قيزك بويوك

زینتی کنجلك طراوتی ، و اون سکنز بهارینک سحر و جذبه سیدر .  
 بونی لزومسنز زینتاره بوغمق ، بوالهی موهبه نك قدر و قیمتی آزالتمقدر .  
 اونك ایچوندرکه دنیانك هر طرفنده کنج قیز تووالترینک ساده  
 اولسی ، آغیر و کوسترینلی قاشاردن معمول اولماسی و کنج قیزلرک  
 طرز تلبسلرنده محویتکار اولملری بر قاعده حکمنی آلمشدر . هر سنه  
 حتی آوروپانك الك مشهور ترزیلری کنج قیزلر ایچون آیری ، کنج  
 قادینلر ایچون آیری مودهلر احضار ایدرلر و بر کنج قیزک جمعیتلرده  
 مسامره لرده ، باولرده آنجق کنج قادینلرک کییه بیله چکی بر تووالته  
 اورتهیه چیقیدینی کوروله مر . حتی الك بسیط موده غزته لرنده بیله بو  
 قاعدهیه رعایت ایدلمکده و کنج قیزلره مخصوص ساده توال  
 مودهلری درج ایدلمکده در .

الك زنکین عائله لر بیله کنج قیزلره لزومندن فضله تووالت یامازلر .  
 بر کنج قیزک هر بالویه ویا مسامرهیه باشقه بر تووالت ایله کیمسی  
 نظر تقدیر ایله دکل نظر تنقید ایله کورولور . بوتون بر موسمی ساده  
 و ظریف ایکی تووالته کچیرن نیجه کنج قیزلر واردرکه او سنه نك الك  
 موفقیت قازانمش تازه سی عد اولونورلر . دیمک اولدی که سر موفقیت  
 تووالته تعددنده و آغیرلنده دکل کیمه سنی بیامکده و یاقیشدر مقده در .  
 کنج قیزلرک تأهل ایتهدن اول کوسترینلی الماس طاقه لریده  
 جائز دکلدر . قولاغنه نك طاشلی مکلف پرلانطه کویه طاقان ،  
 یارمقارینی یوزوکلره غرق ایدن کنج قیزلر کولونچ اولورلر . اونلرک



طاقه بيله جكلرى مجوهرات خفيف و ظريف و كوستريشسز شيلردر .  
 اوافق تك طاش پرلانطه و ياقوت يوزوكلر بر صره اوفق انجى  
 كردانلق ، انجه زنجير بيله زيكلر ، پلاتين بروشلر كى صنعت نقطه  
 نظرندن قيمتدار فقط بهاده خفيف حلياتدر . حتى هيچ بر شى  
 طاقامق دها كبار و دها شيقدر .

طبيعى بعض مملكتلرده حالا جارى اولان معين سراى مراسملرنده  
 كنچ قيزلر ايچون مجبورى اولان قياقلر بحشمزدن و صدمزدن خارج  
 اولوب اولسه اولسه قاعده عموميه يي تأييد ايدن بر استثنائشكيل ايدرلر .  
 كنچ قيزلر ك بالولرده ، مسامره لرده برايكى قدحى تجاوز ايتماك  
 شرطيله و ابوينك مساعده سيله شامپانيا ايچمه لرنده باس يوقسه ده  
 ويسكى كى قوقتهل كى سرت ايچكيلره انهماك ايمه لرى معايباتنددر .  
 حتى آلمان ياده بعض بويوك عائله لرده سفرده ده هر كسك او كنه متعدد  
 شراب و شامپانيا قدحلى قونولديغى حالده كنچ قيزلر ك او كنه يالكز  
 صو قدحى قونولديغى و مه تردوتلار ك كنچ قيزلره معدن صويندن باشقه  
 ايچكى ويرمدكلرينى بالذات مشاهده ايتدم . انكلترده على الخصوص  
 فرانسه ده و اسپانيا ده بو خصوصده عيى درجه ده تعصب كوسترلمكده در .  
 آمريقادا كنچ قيزلر ، حتى سفرده ده بيله شراب ايچمزلر و معدن  
 صويي و ليوناظه قوللانيرلر . بونك برسبى ده مسكراتك محل صحت عد  
 ايدلسيدر . انجه و ظريف قالمق ، رنكنك طراوتى محافظه ايتك  
 ايسيتان بالعموم كوزل قادينلر ، يمكلرينه و ايچكيلرينه صوك درجه

اعتنا ايدرلر . شمال قاديئاري بو خصوصده دها اعتنا كاردر . سپور مراقى ، قواعد صحيه رعائى دها مجبوري قيلمقده و هر كسى طعام و ايجكى بحثلرنده اعتدال و بصيرته سوق ايتكمدهدر .

كنج قيزلرده ك زياته تشويق ايديله جك اسپور مراقيدر . هر كنج قيزك همه حال اسپورله شلاقه دار اولمى لازمدر . بين الملل جمعيتلر ايجنده بولونميه نامزه تورك كنج قيزلرينك بو واديده همه حال مكممل يتيشملرينى بر عزت نفس مى كى تلقى ايتملى يز . حال ووقى مساعد اولانلر قيزلرينك طبقى اركت چوققلى كى اسپورله اشتغال ايتملرينى و هر شبه سنده تمايز ايتملرينى آرزو ايتمليدrlر . افراطه واردير مراقى شرطيله كنج قيزلرك ، آتة بنملرينى ، يوزمك او كرده نملرينى ، ته نيس اوينامملرينى بو كونكى جمعيت حياتنك و تربيه اجتماعيه نك لازم غير مفارقي كى تلقى ايتك ايجاب ايدر . ديكر خصوصصاده نه قدر محافظه كار اولمق موافق بصيرت ايسه بو خصوصصاده او درجه مساعده كار بولمق مقتضاي مدنيتدر . كنج قيزلرك كاغد او يونلرندن يالكنز [ بريچ ] او يونى او كرنملرى و بو او يونى مكممل اوينامنه جهد ايتملرى لازمدر . اى [ بريچ ] اويناين بر كنج قيز كندينه جمعيت ايجنده مستنابر موقع تأمين ايده بيلير . موسيقى ده بهره فوق الماده مى اولان ، سسى كوزهل اولان كنج قيزلرك قونسر و رمله رينه مساع و اردر . دعوت ايدلدكلى مسامره لرده ، صاحبه خانه نك ، رجاسى اوزرينه بر پارچه چالمق ويا نغنى ايتك موافق نزاكتدر . بو خصوصده فضيله ناز و استغنا كو سترمك بر معذرت حقيقه اولمدجقه صورت قلميه ده رد ايتك ويا آرزوسز و كرها قبول ايتمش كى بر طور طاقمق آداب معاشرته منافيدر .

## قبول کونلری

کثیرالاحباب اولوب بر موقع رسمیی اولان خانملر هفته ده ویا اون بش کونده بر کره معین کونلرنده اولرنده قبول ایدرلر . ساعت بشدن یدی یه قدر دوام ایدن بوزیارتلر اثناسنده مسافرله چای اکرام اولونور . اوروپاده بونوع زیارتلره «ساعت بش چایلری» دخی دنیلسمی بو زیارتلره ساعت بشدن اول کیتمک موافق اولدیفنی واشبو زیارتلرده چای اکرام ایتمک معتاد اولدیفنی ایما ایتمک ایچون اولسه کر کدر .

هر سنه موسم ابتداسنده هر خانم افندی نه کونلری قبول ایده جکنی هفته ده بر کره می یاخود اون بش کونده برمی قبول ایده جکنی اکثر یا دیگر یوم قبولی اولان خانم افندیلرله آ کلاشه رق تثیت ایدر . بعض خانملر هر آیک ایلمک ویا ایکنجی چهارشنبه کونلری ویا هر آیک اون بشنجی کونی قبول ایده جکنی بیلدیریرلر . دیگرلری مثلا هر هفته جمعه ایرتسی ویاخود بازار ایرتسی کونی ساعت بشدن یدی یه قدر قبول ایده جکلرینی ویاخود موسم مدتنجه فلان وفلان تاریخلرده اوده بولنه جقلرینی تحریراً بیان ایدرلر . بونک مختلف اصولی واردر . علی الا کثر بر قارت دووویت زیرینه ال یازبسیله ویا طبع ایتدیرمک صورتیه هانکی کون و هانکی ساعتلرده قبول ایده جکی اشارت ایدیلیر .

فاطمه محمد علی خانم

جمعه ایرتسی کونلری ساعت ییدی به قدر قبول ایدر

فاطمه محمد علی خانم

هر آیک ایلك واوچنجی چهارشنبه کونلری ساعت یشدن  
یدی به قدر قبول ایدر

یاخود بر قارت دوویزیت ایله برابر بر ظرف دروننده آبروجه  
مطبوع بر قارت ارسال ایدیلیر . اشبو قارتده موسم مدتیجه نه کونلری  
قبول ایدیه جکی مطبوعدر :

## یوم قبوللر

كانون اولك بشنبی جمعه ایرتسی

» » اون برنجی صالی

كانون ثانك ۲۶ نجی بازار

شباطك ۱۰ نجی بازار ایرتسی

» ۲۲ نجی پنجشنبه

مارتك ۸ نجی جمعه

» ۲۳ نجی جمعه ایرتسی

نیسانك ۵ نجی بازار

ساعت بشدن یدی به قدر

غایت نفیس بر صورتده « بریستول » کاغذلر اوزرینه حک ایتدیرتیلان  
اشبو اخبارنامه لری هر خانم افندی موسم ابتدا سنده مظروفاً بوتون  
اجابلرینه توزیع ایتدیریر . بوصورتله هر کس هانکی کون فلان  
خانم افندی بی زیارت ایده بیله جکینی اولجه او کره نمش اولور . جمیته  
داخل اولوب یوم قبوللاره دوام ایدن هر کس آیروجه بردفتر طوته رق  
بورایه هر خانم افدینک اسمنی ویوم قبوانی قید ایدر .

بوصورتله معین بریوم قبول تثیت ایتش اولان خانم افدیلر قبول  
کونلرنده همه حال اولرنده بولونمق ومسافرلرینی قبول ایتمکله مکلفدلرله



یوم قبوللری تعلیق ، آنجق بر معذرت مشروعه یه مبنی جائز اولور .  
 یو تقدیرده اولجه غزته لرله بیان معلومات ایتک و یا صوک دقیقه بر مانع  
 فوق العاده ظهور یله یوم قبولک همه حال تأخری ایشاب ایتش ایسه  
 تلفونله باشلوجه دوستلری خبردار ایتک لازمدر . وقت یله خبردار  
 ایدیه میوب کلن مسافر لره سبب تأخر و تعلیق خدمتکار طرفدن کمال  
 نزا کتله بیان ایله تلفونله عرض معلومات ایدیه مدیکندن طولای  
 اعتذار اولونور .

قبول کونلری ساعت درت یچقندن اعتباراً صاحبه خانه ، مسافر لرینی  
 قبول ایده جکی سالونده اخذ موقع ایتمه لیدر . کلن مسافرک او صاحبه سنی  
 انتظار حالنده بولمسی ایجاب ایدوب ، صاحبه خانه نک قبول سالونده  
 بولونماسی زائره وقتندن اول کلدیکی ذهابی ویره یله جکی جهته مغایر  
 نزا کت عد ایدیلیر . اساساً کیمسه بشدن اول زیارت کلز .

قبول سالونده مسافرک اسباب استراحتنی تأمین ایده جک صورتده  
 قنابه ، قولتوق و صندالیه بولندیر مق لازمدر . موضوع عز بر سالونک  
 نه صورتله تفریش ایدلمسی لازم کله جکینی ایضاح ایتک اولمدینی جهته بوجه  
 بوقدرله تماس ایدیورز . هر حالده بر سالونده اهمیتلی و مسن زوارک  
 راحتجه اوطوره بیه جکی صورتده کنیش قولتوقلر راحت قنابه لر  
 و آیروجه کوشه لر بولندیر مق لازمدر .

چای ماصه سی کنیشجه اولملی و قولایجه تقرب ایدیلیر بروضعیتده  
 بولونمیلیر . یوم قبوللرده صاحبه خانه نک ثروتنه کوره چای ماصه سنک

تزيناتى د كيشه بيلير . هر خانم حسن طبيعتى ، او قادينلغىك درجه سنى ،  
 خانه سىك انتظامى ، ذوق سليمى بوراده كوستير . اك زياته دقت  
 ايديله جك شى چايك اك ابي جنسندن اولمى غايت اعتنا ايله حاضر لانيمى ،  
 صيچاق اكرام ايدلمى وا اكرام ايديان پاسته لرك وسائرمأ كولاتك  
 غايت تازه واك ابي جنسندن اولميدر .

بو خصوصك تامينى ايچون او صاحبه لرينك و كريمه لرينك وياخود  
 او صاحبه سىك صميمى احباب لردن كنج قيزلرك بالذات نظارت ايتمه لرى  
 وهر مسافرى آيرى آيرى آغيزلامه لرى معتاد در . حتى بو بوك  
 سالونلرده ، غايت مكلف اولان چاي ماصه لرند سهاورلرده دائى  
 صورتده صيچاق صو بولونديريلير . صاحبه خانه صيق صيق تازه چاي  
 حاشا لتديروب مسافر لره غايت اعتنا ايله مستحضر چاي اكرام ايدر .  
 بومب حشه ، هر خانم افنديك كنديسنه مخصوص برطرزى اولور .  
 بعض خانم افنديلر ماصه نك اطرافه عادتاً سفرديه اوطورير كي بوتون  
 مسافر لرينى اوطور تيرلر وبالذات احضار ايتدكلرى چايي خدمتكار  
 واسطه سيله هر مسافره اكرام ايدرلر . سفره اوزرند بولنان مختلف  
 مأ كولاتى هر كس ايسته ديكى كي او كنه آليز وياننده كنه كچيرير .  
 بو صورتله چاي ماصه سى اطرافنده بر مجلس قورولور واوزون اوزادى يه  
 مصاحبه ايديلير . بوكسك بر موقع رسميسى اولان ويامسن اولان ذواته  
 چايي بالذات صاحبه خانه اكرام ايدر . بو صورتله تشكىل ايتش بر چاي  
 صوفره سنده بولونان كنجلر ، يكي بر مسافر كله جك اولور سه همان

قالقوب يرلرني ویرمه ایدرلر و هیچ بر صورتیه صاحبه خانه نك مضطر  
 قالماسنی تأمین ایتمیدرلر . چای ماصه سنده اوزون مدت اوطور مق  
 جائز دکدر . چایي ایچد کدن صوکرده همان قالقمق و ممکن مرتبه کلسی  
 ملحوظ دیگر مسافرلر ایچون آچیق یر بر اتمق لازمدر . کنج قیزلر ،  
 دلقانلیر ، اوزاقده بولونان ما کولاتی دولاشدیر مق ، مسن ذواته  
 عرض خدمتده نازکانه برتهالک کوسترمک و ممکن مرتبه خدمتکارانک  
 معاونته او صاحبه سنک عرض افتقار ایتسنه مانع اولمق جهته بذل دقت  
 ایتهلری لازمدر .

أو صاحبه لری ارکک مسافرلر کلدیکی زمان- بر شخصیت بارزه سی  
 و مستنا بر موقع رسمیسى اولان و مسن بولونان ذوات مستنا- یرلرندن  
 قالقمق مجبوریتنده اولیوب هر یکی کلن زائری بر تبسمه قارشولامق  
 و اوطوردیغی یرده ال ویرمک صورتیه قبول ایدرلر و کندیله رینه یر  
 کوستریرلر . ایشته بویله بر آنده کنج قیزلرک دلالت ایتهلری  
 وده دلقانلیرک یرلرینی ترک ایتهلری و صاحبه خانه نك فضله مشغول اولسنه  
 مانع اولهلری لازمدر .

صاحبه خانه قادین مسافرلری یرندن قالقه رق و - درجه لری نه کوره-  
 ایلرله یرده رک استقبال ایتک و بالذات مشغول اوله رق یر کوسترمک و یا  
 معتنا بر یرده اوطور تمق مجبوریتنده در . طبعی هر کسه عینی صورتیه معامله  
 اقتضا ایتیوب درجه سنه و موقعنه و مرتبه صمیمیه کوره حرکت اولونور .  
 خانم آفندیلر هر کسه نه درجه یه قدر رعایت ایتک و نرهدن استقبال

ایتمک لازم که جگنی طبیعی بالذات تقدیر ایدرلر . شو قدر وارکه جمعیت ایچنده یک یوکسک بر موقع اشغال ایدن خانم افندیلری تهالک ایلر قارشولامه لری ایجاب ایدر . حتی آوروپاده یوکسک محافله هر کس نرمدن قارشولامق و نرهیه قدر تشییع ایدمک لازم که جگنی تعیین ایتشد . بو کجی احواله فرط نزاکت و لزوم سر تهالک دخی رعایتده قصور قدر بی معنادر . هر زمان سویلدی کمز کجی هر شیده « اولچو » بی محافظه ایتمک و بویوک بر نزاکت ایلر برابر محافظه و قارو موقع ایتلده شرطدر . صاحبه خانه نك یوم قبوللرده اثبات وجود ایده بیله جک کنج قیزلری واریسه بونلره ترتیب ایدن وظیفه هر کسه قارشی فرط نزاکت و صوک درجه ابراز محویتدر . کنج قیزلر بو خصوصلرده والدلرینه پک قیمتدار بر ظهیر و برر معاون اولورلر . اونلر هر کس استقبال و اعزاز ایدرلر و والدلرینک اهمیتلی مسافرلره دها زیاده مشغول اولمه لریخی تأمین ایدرلر . قاعده عمومیه اوله رق او صاحبه لرینک همه حال هر کس مسافر ایلر بر آزار اولسون مشغول اولمه لری ، قونوشمه لری و علاقهدار بولونمه لری شرطدر . هر طرفده بر پارچه دولاشه رق طانیسمیانلری ایجابنه کوره بر بر یله طانیشدیر مق ، هر کس تطمین ایتمک و اسباب استراحتی دوشونمک ایلر مکلفدرلر . ایشته بو خصوصاتی لایقینه و کمال نزاهتله ایفا ایدن خانم افندیلر ایچون « قبول ایتمه سنی بیلیر بر خانم افندی » دیرلر . جمعیت ایچنده بوصف بر صاحبه خانه ایچون ال قیمتدار بر برات ظرافتدر . او صاحبه لری ارککلری پک مهم شخصیتلر اولمده تشییع

ایتنزل و عرض وداع ایدن ذاتک النی صیتمقله اکتفا ایدرلر . قادین مسافرلری درجه سنه کوره بر قاج آدیم ویا صالونک اورت سنه قدر ویا خود صالونک قابوسنه قدر تشیع ایدرلر . او صاحب سنک کریمه سی ایسه بک معتنا مسافر خانملری مردیوهن باشنه قدر تشیع ایدر . صاحبه خانهلرک بوجهته دقت ایتهلری وقادین مسافرلری درجه سنه کوره تشیع خصوصنده قصور ایتهمهلری لازمدر . ارکک مسافرلرله فضله مشغول اوله رق وداع ایدن خانم افندیله قارشو دقتسزلک وقیدسزلک کوسترمک ودالغین بر حالده وداع ایتک معایبانددر . صاحبه خانه اولان خانم افندیلرک اک صمیمی واک تکلیفسز دوسته قارشو بیله بو خصوصده مهالکانه ونازکانه داورانمی لازمدر .

بر صاحبه خانه ایچون اک زیاده توقی ایتک لازم کلن جهت ، اهمیتلی فرض ایتدیکی مسافرلریله متمادی مشغول اوله رق ، دیگر مسافرلری شایان اهامال بررکیت کی تلقی ایتمکدر . بوحاله استانبولک اجانب پرست اولان بعض له وانتن روحلی محافلنده تصادف ایدلدیکی واقعدر . بونلر تورکلری سز یانچی دکلکسکر اعتذاریله اهامال ایدرک حال وشانی مجهول اک عادی فرنکه اک بویوک حرمتلری ابدال ایدرلر . اونلر برسفارت کاتبی ویا بر بانه و بر شرکت دیره کتورینی و رفقه لرینی تورک عائله لرندن ده ااهمیتلی ودها مفید بر عنصر تلقی ایده رک هپ اونلرک اطرافنده پروانه اولوب طوریرلر . بو کیلره تورک ملی جمعی ارکانی



لازم کلن درسی ویرمه لی واولرینه برداها آیاق باصمیه رق ملی جمعیتدن  
تجربید ایتک صورتیله جزالندیرمیدر.

شوراسی ایوجه بیلنمک لازمدرکه بز ، تورک عنصرینه و ملی  
جمعیتمزک ارکانه نه قدر اهمیت ویریر وملتداشلمزک حقوقنی نه درجه  
محافظه ایدرایسهک اجانب نزدنده تورک سوسیته سنک موقعنی ودرجه سنی  
او مرتبه یوکساتمش اولورز . بونلری تکرار ایتکدن مقصدمز ،  
اجانبه قارشی ابراز نزاکت وخیرخواهی ایتک نه درجه لازم و مجبوری  
ایسه ، هرشیدن اول کندی ملتداشلمزک موقع ودرجه لرینک استلزام  
ایتدیکی حرمت و رعایتده قصور ایتهمک و تورک جمعیتده حاکم اولان  
تورک عنصری و تورک جمعیتی ارکانی اولدیغنی آکلاتمق ایجاب ایده جکنی  
تأیید ایتک ایچوندور . بونکمه یه آوروپالار صوک درجه اعتنا ایتمکده  
وتورکلری یعنی مملکتنده بولوندیغنی ذواتی درجه سنه کوره اجانبه  
تقدیم ایتمکده درلرکه بو بین الملل قبول ایدلمش آداب معاشرتک الابدائی  
قواعدندور . مدنی حیاتده هر کسک موقعی ، درجه سی ، لایق اولدیغنی  
حرمت و رعایت معین و مقنندور . مسئله شخصی قناعتلر و یا تمایلار و یا  
منفعتلر سوقیه بوحدی تجاوز ایتهمک ، نه فضله ونده اکسیک معامله ده  
بولونما مقدر .

خانم افندیلرک یوم قبوللارنده زو جلرک اثبات وجود ایتسی ایجاب  
ایتمز . اکثریا عین کونده یوم قبولی اولان دیگر برخانم افندیلرک زیارته  
کیتمش و یا خصوصی و رسمی ایشلری دولایسیله زوجه سنک یوم قبولنده

بولونماش اوله بيلور. بناءً عليه بوخصوص شايان دقت دكلدر. شو قدر وار كه صاحب خانه زوجه سنك يوم قبولنده حاضر ايسه قادينلره قارشى پك زياده حرمتكار واعتناكار اولسى، خام افنديلى مرد يودن باشنه قدر تشيع ايتىسى لازمدر. بو خصوصده ار ككلرك پك فضله اعتناكار اولمالرى و صوك درجه ابراز نزاكت ايتلرى پك زياده شايان است حساساندر. مع مافيه بونك شخصيته و موقع رسمى يه كوره درجه تخالفى واردر. بو اولچوي بويوك ذوات شخصاً تقدير ايدر و تلقى ذاتيسنه كوره حركت ايدر.

يوم قبوللرده بر ترتيب ديكرده، آريجه بر گوشه يه چاي ماصهسى حاضر لايوب مسافرلره آياقده چاي اكرام ايتك و بالذات ايسته دكلرى ما كولاتى انتخابده سربست بر اقمقدر. بو، الك زياده رواج بولمش بر اصولدر. زيرا هر كسك تكميل مسافرلىنى او طورته حق قدر بويوك يملك سالونى و متعدد سالونارى بولونه ميه جنى و پك بويوك مصارفى انتاج ايده چكى جهتله مسافرلىنى چاي ماصه سنه او طورتمق صورتيله يوم قبوللرده چاي اكرامى قوناقلرى منتظم و خدمتكارانى كثير اولان ذواته منحصر قالمشدر.

دقت ايديله جك جهت، اولجه ده اشارت ايدلديكى اوزره، مسافرلره اكرام ايديله جك شيلرك غايت اعتنايله احضار ايدلمش اولميسيدر. ذوق سليم صاحبي برذاته ايلق ورنكسز و قوقوسز بر چاي بياتلامش ليون ويرمك عادى بر پاسته خانه دن آلنش درمه چاتمه پاسته لر وعادى جنس دن

اعمال ایدلمش خاویارلی سه ندویجیلر اکرام ایتک ، او ذاتی عادتا برنوع  
از عاجدر. بو تقدیرده براییک یودوم ایچدکدن صوکره چای فنجانک  
بر کوشه یه براقیلدنی و بر لقمه ییندکدن صوکره پاسته یی براقه جق  
بر طباق آراندینی واقعدر که اهمالکار بر صاحب خانه ایچون بو بک  
آغیر بر جزا اولسه کر کدر .

ترتیب ایدیلن چای ماصه سنده صاحبه خانه ک چایک احضارینه  
بالذات نظارت ایدرک خدمتکارک دولاشدیردینی تپسیدن چای  
فنجانی آلوب مسافرلینه اکرام و کندیلریله برلکده ماصه یه قدر  
کیندرک برشی تقدیم ایتیهی موافق نرا کتدر. مسافرلی اعزاز  
وا اکرام خصوصنده فضل اصرار ایتک و مقنادی اولیانلری  
همه حال برشی یمکه اجبار ایتک پک موافق اولماز . ایدیلان اکرام  
غیر محسوس اولمی وطبعیایکدن چیمه مایلدر .

مسن ذواتک و آیاقده طوررق آرزو ایتمینرک چایلری یانلرینه  
کتیرایر و اهمیتلرینه کوره چایلری بالذات صاحبه خانه طرفدن  
کندیلرینه اکرام ایدیلر .

مسافرلره کلنجه : یوم قبوللره بشدن صوکره کیتک ده  
موافقدر . صاحبه خانه ک پک صمیمی احباسبی اولان خانم افندیلر  
ساعت بشه طوغری کیده ییلرلر . ارککار هر حالده بشی براز کچرک  
کیتمه لیدرلر . قوی آچان خدمتکار پالطولری و شاپقه لری  
آلیر و بعض بویوک قوناقلرده مسافرلر پک کثیر اولدینی جهتله برده

وہستہر نومروسی ویریر . اندہ الیون اولہرق سالونہ کیرلز ،  
الیونلر چیقارلش اولدینی حالده صول اندہ طوتہرق کیرمک جائز  
ایدیسهده شیمدی بو عادتہ متروکدر . بناءً علیہ ، بالطوی ، باستونی ،  
شاپقہنی ، الیونلری قپوده براقق لازمدر .

سالونہ کیرن ارکک ہر کسدن اول وکیمسہیہ سلام ویرمہدن  
طوغریجہ صاحبہ خانہیہ طوغری یورومہلی وال ویردرک کنڈیسنی  
سلاملامالیدر . بونی متعاقب حاضر بالمجلس ایسہ او صاحبنی سلاملاق  
لازمدر . اوندن سوکرہ تصادف ایدیلان احبا ایلہ قادینر اول کلک  
اوزرہ سلاملاشیلیر . اکثریا صاحب خانہ یکی کلن مسافرہ تقرب  
ایدر ، برایکی کلہدن سوکرہ چای ماصہسنہ دعوت ایدر ، چای  
و سائرہ اکرام ایدر . بورادہ دیگر احبایہده طبیعتیہ تصادف ایدیلهجکی  
جہتلہ آنلرلہ کوروشہرک صاحبہ خانہنی فضلہ مشنول ایتہمک  
و سربست براقق لازمدر .

یوم قبوللردہ فضلہ غلبہلق اولدینی کورولونجہ زیادہ طورماق  
وبلای ایتہدن چکیلیمک موافقدر . بو تقدیردہ صاحبہ خانہنی  
آریوب وداع ایتک لزومسز اولوب سسسزجہ مفارقت ایتک دہا  
مناسبدر . دقت ایدیلهجک نقطہہر کسہ آرتق کیتیمک زمانی کلدیکنی اخطار  
ایدر صورتدہ حرکت ایتہیہرک مجلسک آہنک عمومیسنی اخلال  
ایتہمکدر . اکثریا بویوک قوناقلردہ واسع سالونلر اولدینی جہتلہ  
یوم قبوللردہ ساعت سکزہ قدر دخی قلندینی واقعدر . فقط

قاعدۀ عمومیه اوله رق اکثر یوم قبوللرده یدی بچقندن فضله قالمق مغایر  
نزا کتدر . حتی صاحبه خانۀ طرفندن رجا ایدلمدکجه ویوم قبوللردم  
دانس ایدلمدکجه ساعت یدی یه طوغری مفارقت ایتک اک کبارانه  
بر حرکتدر .

یوم قبوللره حد اعظمی اوله رق ساعت یدی یه قدر کملک جائزدرم  
بو صورتله حرکتده آنجق مشاغل رسمیه سی کثیر اولوب دها اول  
کملک احتمالی اولیان ذوات معذور اوله بیلیرلر . کرحه آوروپانک بعض  
بویوک مراکزنده سوسیته حیاتی پک واسع وعینی کونده قبول ایدن  
خانم افندیلرک عددی پک کثیر اولدینی جهتله زیارتلرک پک کچ دخی  
یاپلسی وپک آز برمدتن عبارت اولسی قبول اولمش ایسه ده بودرلو  
زیارتدن توقی ایتک وپک کچ کلمه کدها مناسبدر . بودخی طبیعی زائرک  
موقعی ، اهمیت رسمیه واجتماعیه سی ایله تخالف ایدر . بمضاً پک بویوک  
ذواتک پک کچ کلمه لری هیچ کلمه مش اوله لرینه ترجیح ایدیلر وهریرده  
بو کبی ذوات او درجه قاعده پرست اولماقده معذور طوتولورلر .  
بوراده بزعمومی واکثریت ایچون واجب الرعایه قاعده دن بحت ایدیوروزم  
راسمه تقدیم فصلنده قید ایتدیکمز اوزره او صاحبه لری ارکک  
مسافرلری اوطوردقلری یرده قبول ایده بیلیرلر سده قادین مسافرلری  
همه حال قانماً قبول ایتمه لری وکنیدلرینه یرکوسترمه لری ایجاب ایدر .  
هریک ککن مسافری دائراً مادار بربرینه تقدیم ایتک معتاد دکلدرم  
صره سنه کوره وایجاب حاله کوره تقدیم اولنور . بونک اصولی و آدانی



فصل مخصوصه مفصلاً ایضاً ایدلشدرد. یوم قبوللرده یا نکره تصادف  
ایدن قادیلرله قونوشمق جائزدر. برایکی کله تعاطیسندن عبارت قالان  
بومکمله بالاخره کندینی تقدیم ایتدیرمکی ایجاب ایتدیرمدیکی کبی  
بالاخره تصادف ایدلده سلاملاشمقن دخی استلزام ایتمز. آنجق  
مکمله دوام ایدر وقادین طرفندن حسن قبوله مظهر اولونورسه صاحبه  
خانهیه مراجعتله تقدیم اولونمق موافق نزا کتدر. فقط مجبوری دکلدرد.  
متأهل ارککلر بر قادینه تقدیم اولنمهدن اول رفیقهلرینک کندیسيله  
پیدای معارفه ایدوب ایتیه جکی حقنده قطعی بر فکرلری اولمالی وزوجه سنک  
محیطندن اولمایان کیمسه لره کندینی تقدیم ایتدیرمه ملیدرد.

بو قسمده اهمیتله قید ایتمک ایجاب ایدن نازک بر نقطه واردرد.  
بعض کیمسه لر بر خانم افندییه تقدیم ایدلکلرینی وبر قاچ دفعه لر  
مختلف یوم قبوللرده ویا مسامرهلرده تصادف ایدرک قونوشدکلرینی  
نظر اعتبارده آلهرق صراحة دعوت ایدلکلری حالده خانم افندیلرک  
یوم قبولنه کسب اطلاع ایدرک تکلیفسزجه یوم قبولنه کیدیله بیلیر  
ذهابنده بولنمقده درلر. حالبوکه اولجده اهمیتله بیان ایدلدیکی اوزره  
خانم افندیلر طرفندن «فلان کون قبول ایدینیورم امید ایدرم که تشریف  
ایدرسکز» طرزنده شفاهی صریح بر دعوت وقوعبولمقجه ویاخود  
تحریراً بوجه معروض خبردار ایدلده که یوم قبوللره کیتمک قطعاً  
جائز دکلدرد. شوقدروار که صاحبه خانه نک صمیمی بر دوستی طرفندن  
اولجه تلفونه وقوعبوله بیله جک بر استیدان اوزرینه پک صمیمی بر دوست

بر یوم قبوله برلکده کوتوریله بیلیر. مثلاً یکی گلش وهنوز تقدیم ایدلمه مش  
 بر سفارت کاتبی، مسافره او یکزده بولونان بر کنج قیزی ویا تعلقات کزدن  
 برده لیقانی یی حتی تلفونلده استیدان ایتمک سزین پک صمیمی کوروشدیککز  
 برخانم افدینک یوم قبولنه کوتورمک و صاحبه خانیه تقدیم  
 ایتمک جائزدر. آنجق هر ایکی عائله نك مناسبات صمیمانه سی بو کج  
 تکلیف سزجه حرکتته متقابلاً مساعد اولاق و برلکده کتیریلان ذاتک  
 هر زمان حسن قبول کوره چکندن امین بولونمق شرطدر.

مناسبات رسمیتی دخی تجاوز ایتدیکی حالدده برخانم افدینک  
 نزدنده مسافره بولونان همشیره سنی، کلینی، یقین بر اقرباسی برلکده  
 کوتورمسنه جواز وارددر. مسئله قبول ایدن برخانم افدینک مسافر پرور  
 اولسی، سالونلری کافی درجه ده واسع اولسی و غیر منتظر بر مسافرک  
 ترتیباته خلل کتیرمه چکی مجزوم بولونمسیدر. مثلاً سالونی کوچوک  
 و مسافرلری محدود و معین اولان برخانم افدینک یوم قبولنده بوضورتله  
 حرکت ایتمک طوغری دکدر. اساساً بر کشیدن فضله مسافرده  
 برلکده کتیرمه مالیدر. تشکل ایتش و اساسلری قورولش ملی جمعیتلرده  
 بونکته لر متقابل مساعداتدن عبارت اولوب حین تطبیقنده بویوک بر  
 اولچو ایله حرکت اولونمق لازمدر. بو بحثده بو احتمالی دخی دریش  
 ایتش اولاق اوزر در که بوجهتی دخی موضوع بحث ایدیوروز مثلاً دائمی  
 مناسباتده بولوندیغکز یعنی یوم قبوللرینه، ضیافتلرینه، مسامره لرینه  
 دعوت ایدیلوب متقابلاً سزکده دعوت ایتدیگکز بر سفارت

مستشاری و یا بر سفارت کاتبك رفیقہ سی، برای سیاحت مرکز حکومتہ  
 گلش مشہور بر محررہ بی و یا مؤلفی، و یا کنندی مملکتندہ بر موقع  
 اجتماعیسی اولان بر ذاتی یوم قبولکزه بلاستیدان کتیرہ جک وسزہ  
 تقدیم ایدہ جک اولورسہ بونی پک طبعی بولہ لی و حیرت ایتما لیدر .  
 چونکہ جمعیت ایچندہ بو صورتلہ حرکت ایتکہ جواز واردر .  
 بو صورتلہ تقدیم ایدیلان ذاتک موقع اجتماعیسی، تربیہ سی، تحت  
 تکفلہ در دیمکدر .

یوم قبوللردہ صاحبہ خانہک دقت ایدہ جکی نقطہ مسافرلرینک  
 زیارتلرندن ممنون اولہ لرینی کندیلرینی یبانیجی حس ایتماہ لرینی تأمین  
 ایتک بونککہ برابر کندیلرینہ قارشی تقید و اہتمام ایدلدیکنی دہ احساس  
 ایتکدر .

دانس ایتک بر احتیاج مرض حالی آلان بودوردہ سالونلری  
 مساعد اولدینی تقدیردہ مسافرلرینہ دانس ایتدیرمک مجلسک نشئہ  
 و شطارتی تزید ایدہ جکی جہتلہ جائز ایسہدہ رسمیت دائرہ سندہ  
 جریان ایدن یوم قبوللردہ رسم قبولہ دانس قاریشدیرماقی دہاموافقدر .  
 [تہ دانسان] لر ترتیب ایدلدیکی زمان دہا اعتنا ایلہ ترتیبادہ بولونمق  
 و آیروجہ دعوتیہ لر یوللامق دہا کبارانہدر . معتادومقنن یوم قبوللردہ  
 دہا زیادہ خصوصیت و صمیمیت اواق ایجاب ایدہ جکندن بر مجلسی  
 حسن ادارہ ایتک قابلیتندن محروم کی کوزو کدرک مسافرلری اویلامق

ایچون در حال بر غراموفونك و بر فوقس تروتك مظاهرتنه عرض  
افتقار ایتك لایالیانه بر طرز قبولدر .

یوم قبولنده مسافرلرینه دانس ایتدیرمك آرزو ایدن خانم افندیلر  
بونى موسمه بر قاچ یوم قبوله حصر ایتلی و بونلر ایچون آروجه  
دعوتیهلر ارسال ایتیلدرلر . بو نوع چایلر ایچون ارسال ایدیله جك  
دعوتیهلر شو صورتله تحریر ایدیلر :

« محمد علی شناسی بك ایله رفیقہ سی شباطك دردنجی چوارشنبه  
كونى ساعت ارن یدیده لطفاً چایه تشریف بیورمه لرینی احمد خلوصی  
بك افندی ایله رفیقہ محترمه لرندن رجا ایلرلر .  
دانس ایدیله جكدر

فرانسزجه سی :

Monsieur et Madame Chinassi prient Monsieur et Madame  
Ahmed Houloussi de leur faire l'honneur de venir prendre  
une Tasse de thé chez eux le Mercredi 4 Fevrier à 17 heures  
On dansera

اشبۇدعوتىلەركى مەتبۇع اولسى مەقتۇلى اولدىغى جەھتە دعوتىلەرى  
 اقتصادە رعایە بر قىچ صورتىلە استعمال ايتىك آرزو ايدنار دعوت  
 ايدىلەجك ذواتك اسملىرى ايله يوم وساعت دعوت آچىق براقىلمق  
 صورتىلە بروجه آتى طبع ايتىدردىليرلر .

محمد على شنامى بك ايله رفیقەسى .....  
 ساعت ..... دەتشریف .....  
 بویورملىرىنى ..... رجا .....  
 ايلرلر .  
 جوابى رجا اولنور

فرانسزجهسى :

Monsieur et Madame Mehmed Ali Chinassi prient  
 de leur faire l'honneur de venir .....  
 chez eux le .....  
 à ..... heures

R. S. V. P.



فی الحقیقه بودعوتیه لر بر قایح صورتیه استعمال اولونه بیلیر. شویله که  
صورت مخصوصه ده چایه دعوت ایدیه جک اولورسه اشبو قارتلر :

محمد علی شناسی بک ایلہ رفیقہ سی شہبازک دردنجی چہارشنبہ  
کونی ساعت اون یدی ده لطفاً چایہ تشریف بویورمه لرینی احمد خلوصی  
بک اغندی ایلہ رفیقہ محترمه لرندن رجا ایلرلر .

دانس ایدیلہ جکدر

طرزنده املا اولونور و بو تقدیرده [ جوابی رجا اولونور ]  
جمله سی مرکلی قلمله چیزیلور . زیرا چای دعوتیه لرینه جواب ویرمه  
لرؤم یوقدر . شاید چای ضیافتنده دانس دخی ایدیلہ جک ایسه دعوتیه نک  
صاغ طرفه [ دانس ایدیلہ جکدر ] جمله سی علاوه ایدیلیر .  
عینی قارتی آقشام طعمانه دعوت ایچون دخی استعمال ایتک  
قبیلدر . بو تقدیرده ایسه قارت شو صورتیه املا ایدیلیر :

محمد علی شناسی بك ايله رفيقه سی شباتك دردنجی چوارشنبه  
آقشای ساعت یكرمی یچنده لطفاً آقشام طعامنه تشریف بوورمه لرینی  
احمد خاوصی بك اغندی ايله رفيقه محترمه لری خاتم اغندیدن رجا ایلر لر .

### جوابی رجا اولونور

آقشام طعامی دعوتیه لرنده [ جوابی رجا اولونور ] جمله سی ابقا  
ایدله لیدر . زیرا فصل مخصوصنده بیان ایدیله جکی اوزره آقشام  
طعامنه دعوت ایدیلن ذاتک بهمه حال یکرمی درت ساعت ظرفنده  
موافقت و یا عدم موافقتی مبین بر جواب اعطا ایتسی مقتضیدر .

فرانسزجه قارترلرده چایه دعوت ایدیله جک ایسه [ venir ] کله سندن  
صوکر [ prendre une tasse de thé ] جمله سی علاوه اولونور .  
آقشام طعامنه دعوت ایدیلیرسه ساده جه [ Passer la soirée ] جمله سی  
علاوه ایدیلیر . چای و مسامریه دعوت حالنده [ جوابی رجا  
اولونور ] معناسنه کلن R. S. V. P حرفلری بر چیزکی ايله ابطال  
اولونوب یالکنز آقشام طعامی دعوتیه لرنده ابقا اولونور .

معذافیه بو مقتصدانه برطرز اولوب ، کباری وظریفی هر دعوت

ایچون آیری قارت باصدی بمقدور . بو قارتلردن هر خانم افندی بردفعه کافی مقدارده طبع ایتدیروب سنه لرحه قوللانه بیایر .

اشبودعوتیه لر عرضاً اون اوچ بچق سانیتمرو و طولاً طقوز سانیتمرو بی تجاوز ایتهملی وغایت نفیس صورتده طبع ایدلمش اولمه لیدر . آوروپانه دعوتیه لرك صورت طبعنه صورت مخصوصده اعتنا اولرنور ومنحصراً قارت دوو یزیت، مکتوب کاغذلری ، دعوتیه قارتلری حك وطبع ایدن معروف مغازله واردر . بونلردن الك مشهوری پارسده جابجا الك معتبر قویو مجیلرك دكانلری بولونان [رودولاپه] ده کی [ماکه Maquet] نك مغازه سیدر . بوراده مکتوب کاغذلرینك، مارقه لرك ، قارت دوو یزیتلرك [مونو] لرك ، دعوتیه لرك الك ظریفی والك نفیسی طبع واحضار ایدیلیر . دعوتیه لرك یازبسی قباریق حروفات ایله فوق العاده بر صورتده محكوكدر . کاغذی الك معتنا بریستولندردر . صاحب ثروت اولان خانم افندیلر کندیمنز یاپه بیلنجه یه قدر قارت دوو یزیتلرینی، دعوتیه لرینی مکتوب کاغذلرینی بورایه ایصمارلایه بیلیرلر . اعتنا پرور و ظریف اولانلر بوکی دقیقه پك زیاده اهمیت ویریرلر . بوراده طبع ایدیلان شیلر در حال بلیدر . نفاسقی و ظرافتیه ممتازدر . یناء علیه یوم قبولاری اولوب ضیافتلر ، بالولر ، مسامره لر ویرن خانم افندیلر بویوك فداکارلنه وپك بویوك بر ثروته متوقف اولمیان بوشیلرده الك ایوسنی ترجیح ایتهملی و بر کره مصرف ایدرک الك معتناسنی یاپمالیدر . علی الخصوص خارجه تورکیه جمهوریتنی تمثیل ایدن مأمورین سیاسییه من

بو خصوصده اك مكمل هر نه ايسه همه حال اونی يا عتله مكمل طو تو ماليدر.  
بريندهده بو خصوصده [ او تردهن ليندن ] ده ماكه قدر مكمل بر  
منازه واردركه غايت مشهوردر. اسمی [ ناتان Nathan ] در. مكتوب  
كاغذلی ، دعوتیه لری برر شاه اتردر .

طبیعی در كه حیاته هر شیک مناسب و متوازن اولسی ایجاب ایدوب  
هنوز آدام عقلای بر صالونه مالك اولمیان بر خانك قالقوب [ ماكه ] دن  
قارتلر سپارش ایتهمی براز کولونج اولمق دن خالی قالماز. بوراده بوندن  
بحث ایتمکدن مقصد من قارئلر مزه اطراف لیجه معلومات ویرمك وجهیت  
ایچنده نکات ظرافته پك زیاده اعتنا ایدلدیکنی تو سترمکدر .

دعوتیه لرك طرز تحریر و طبیعی حقنده لازم ککن ایضاح ایدن موکره  
چای ضیافتلر نده مسافر لره دانس ایتدیرمك ایستیلدیکی تقدیرده نه صورتله  
حرکت ایدلسی لازم کله جکنی ده ایضاح ایدلم :

عادی چایلرده یعنی هر هفته معین اولان رسم قبوللرده صاحبه  
خانه نك چای ماصه سنده اینکی بولوندیر مسنه لزوم یوقدر . اینکی  
بولوندیر نامسی هیچ بر زمان بر نصاب تشکیل ایتمز. کرچه بعض اولرده  
ارککلر ایچون ویسکی اند سودا ، لیکورلر ، قونیاقلر ، پورتو و ماده  
شرابلی آروجه بر ماصهده بولوندیر یلیر سهده بونلر صمیمی دوستلرك  
تکلیف سز لکلری حسبيله کچ وقتیه قدر قالدقاری زمان ا کرام ایدلمك  
ایچون احضار اولونان شیار اولوب علی العموم یوم قبوللرده بولوندیر لمسی  
معتاد اولان دها طوغریسی لازم اولان شیلر دکلدرد .

حالبو که دانس اولان چایلرده هر حالده صغوق پورتقال شرابی ،  
 لیوناطه ، ویسکی اندسودا ، وغایت اعتنا ایله یاپیلمش و شامپانیا ایله  
 بیاض شراب وسودا قاریشیدیردق یاپیلان [بوله] دن ویاخود قرمزی  
 شراب قاریشیدیردق یاپیلان [قاپ] تعبیر اولونان اچکیدن بولوندیرمق  
 لازمدر . شو قدر وار که ، [بوله] ویا [قاپ] اکرام ایدمه ین عائله لرک غایت  
 نفیس اولمق شرطیله ، بوزلی پورتقال شربتلی ، لیوناطه لر ، فرنک  
 اوزومی وچیلک شربتلی ، معتنا یشلر ، ارککار اچون ویسکی ایله  
 سودا بولوندیرملری ده کافی کلیر .

[ قاپ ] شامپانیا وقرمزی شراب ایله یاپیلوب ، اچنه پورتقال ،  
 موز ، الما وآناناس کبی یشلر آتیلیر . بونک ترتیبی برقاچ کله ایله  
 تعریف ایدلدیکی کبی بسیط برشی اولمایوب ، اعتنا ایله دوشونولاش  
 واختصاص ایله احضار ایدلمش ترتیلر مخصوصی اولمق کرکدر .  
 بنابرین بویله شیلری بحق احضار احتمالی اولما نیجه واز کچمک ومکمل  
 ونفیس شربت لر و لیوناطه لرله اکتفا ایتک دها مناسبدر . ثروقی  
 مساعد اولانلر دانس ایدیلان چایلرده شامپانیا دخی اکرام ایدرلر .  
 شامپانیا باحفاصه احضار ایدیلان بوفه ده هراسته یه نه خدمتکارلر طرفدن  
 اکرام ایدلدیکی کبی کوزدل برتیبی اوزرنده قدح لرله طولاشدیرمق  
 صورتیله باشلوجه مسافر خانم افندی لره وبکارده اکرام اولنه بیلور .  
 بویله چایلرده دها اساسلی ماکولات ده بولندیرمق لازمدر . مثلاً:  
 صغوق اتلر ، خاویار ، صغوق طاووق ، غالاتین وسائر احضار



ایدملیدر . اقتدار دلیسی مساعدا اولمایانلرک یالکیز یوم قبوللرندە چای  
اکرام ایتمککە اکتفا ایدوب ، دانس چایلری ویرمکە قلیشمالری  
دها مناسبدر . بویله شیر مکمل یاپیله مدقجه یاپیاماملی ویاخود پک  
صمیمی بر محیطه حصر ایدمله لیدر .

دانس ایدیلان چایلرده اکثریا بریج مصله لری ده ترتیب ایدیلوب  
دانس ایتمکدن خوشلانمایانلرک کاغد او بویله وقت کچیرمه لری تأمین  
اولونور . بویله مسامره لرده هر کس آرزوسنه کوره آرقداش لری  
انتخاب ایدرک مصله لری اشتغال ایدرلر و او صاحبه سنک فضلە مشغول  
اولسنه محل بر اقلزلر .


او صاحبه سی کنج ودانس مراقیسی ایله بر کره او صاحبه سنی  
دانه دعوت ایتمک لازمدر . مع رفیه بو خصوصده صاحبه خانەنک  
موقعه کوره حرکت ایتمک ایجاب ایدوب کندیسيله بهمه حال دانس  
ایتمک داعیه سنده بولونمنده لزوم یوقدر . علی الخصوص صاحبه خانەنک  
یوکسک بر موقع رسمیسی واریسه ودانس ایتمک پک او قدر معتادی  
دکلایسه بو وظیفه یی مدعوینک الداهمیتیلرینه ترک ایتمک و او صاحبه سنی  
کندی حاله براقق دها موافقدر . او صاحبه لرینک دائما کنج خانملرک  
وکنج قیزلرک بر کوشه ده قالماسنه و کندیسینه فضلە مماشات ایدیلەرک  
دانس ایتمک حق اولان کنج قیزلرک اهل ایدلماسنه دقت ایتمه لری  
لازمدر . بوکی مسامره لره دعوت ایدیلن دایقانایلرک دیگر بروظیفه سی ده  
او صاحبه لرینه ظهیر اولق و خانملرک هر بریسنک دانس ایده بیلمسی

تسهیل ایتمکدر . یالکز ای دانس ایدنلری و ظریف و کوزل قادینلری  
 آراشدیره رق دیگرلرینه امله روی التفات ایتماک منایر نزا کتدر .  
 اونو تمامق کر کدر که او صاحبه لری هر کسی بر مقصدله دعوت ایدر لر  
 و هر کسدن معنوی بر مظاهرت بکلر لر . دعوت ایدیلن دلیقانلیردن  
 انتظار ایدیلن شی مجلس آرا اولق ، کنج قیزلری دانس ایتدیر مک ،  
 مجاسه شطارت ونشئه ویرمکدر . دعوتیلر یالکز کندیلرینی دکل  
 او صاحبه لرینی ده دوشونمه لیدر لر .

کنج قیزلر آراسنده اک اول دانسه دعوت ایدلسی لازم کلن او  
 صاحبه سنک کریمه لیدر . بوکی دانس ایدیلن چایلرده دانس ایتک  
 اوزره بر خانم افندی یه ویا کنج قیزه تقدیم ایدلمک ایچون ده ا مساعدمه  
 کارانه طاورانیلیر . بر آرقداشک ویا طانیدینی دیگر بر خانم افندی نک  
 لطف دلالتنه مراجعت ایتک جائزدر . تقدیم کلفتی بهمه حال صاحبه -  
 خانه یه تحمیل ایتک لازم دکلدر . بویله خصوصی بر چایه دعوت ایدیلنلر  
 اکثریا عینی جمعیتک افرادندن اولدقلری جهته اساساً طانیشمنه نامزد  
 اولانلردر . حتی طانیدینکز بر کنج قیزک دلالتیه کندیکزی بر دیگر  
 کنج قیزه تقدیم ایتدیرمکه بیله مساع وادرر . آنجق بر کنج قیزک  
 اطرافنده فضلہ دولاشمق بر برینی متعاقب دانسه دعوت ایتک ، دانس  
 ایدرکن لایبالیانه طورلر طاقمق ، تکلیف سزجه حرکت ایتک ، متدایاً  
 لاقردی یه طوتمق آداب معاشرته مناسیدر . چونکه دانس ایدرکن  
 بدرجه یه قدر باش باشه قلندیغی و جریان ایدن مکالمه نک فضلہ بر

خصوصیتی اوله جفی جهته کیزی برشیلر قونوشیورمش کچی محرمانه  
ادالر طاقنق پک عیدر .

بونوع چایارده کرچه برآز فضله قالمق جائز ایسه ده هر حالده  
یدی بچنه طوغری کیمکه حاضر لاق و او صاحبه سی خانم افندی  
پک زیاده اصرار ایتدکجه زیارتی تمید ایتماک لازمدر . بونک سببی  
اکثریا موسم مدتجه ، خانم افندیلرک همان هر کیجه کچی بریره آقشام  
طعامنه دعوتلی اولمالری محتمل اولدیغندن ، ساعت سکنز بچنه طوغری  
معتاد اولان بوضیافتلره کیده بیلماک ایچون ، او صاحبلرینک کینه -  
بیلمه لرینه ومعین اولان ساعتده ضیافته اثبات وجود ایده بیلمه لرینه  
امکان براقق ایچونددر .



## « بريچ تي » دښمنه بريچ ځايي

يوم قبوللرک وبو صورتله دانس ايدملک اوزره وقوعبولان چاي دعوتلرينک خارچنده بريچ مراقايسي خانم افنديلر اکثريا هفته ده ويا اون بش کونده برده بريچ چايلري ترتيب ايدرلر بوکا « بريچ تي » تعبير اولونور . چاي اگرام ايديلن يوم قبوللره « فاي و اوقلوق تي » دنيلديکي کي . بو تعبيرله دخي بو چي دعوتلرنده منحصرأ بريچ اوينانديغي قصد ايديلر .

« بريچ تي » لره اسمندن ده آکلاشيلايدغي اوزره يالکيز بريچ اوينامق معتادلري اولان احبا دعوت اولونور . دعوت ايديلن ذواتک عددی سکيز ايله اون آلتی آره سنده تخالف سايدر . يعني اوچ الی درت بريچ ماصه سي احضار اولونور . فضله ذواتی دعوت ايتک سالوني بر بريچ درس خانه سنه چويره چکي جهته مناي رظرافت وبی معاعد اولونمته دره . « بريچ تي » ايچون آيروجه دعوتيه قارتي طبع ايتدیر مکله زوم يوقدر . بر قارت دوويزيت کنارينه ساده جه [ بريچ ] ديه اشارت ايتک وديکر کوشه سنه ساعت تلاقي قيدايتک کافيدر . [ بريچ تي ] لره قيصه بر مکتوبله وصيمي دوستار تلفونله ده دعوت اولونه بيلور . بودعوتلرک هيچ بر ماهيت رسميه سي

اولیوب صرف صمیمی دوستلره و بریج مراقیلرینه منحصردر .  
 بناءً علیه دعوت واقعه یه یالکزجه اجابت ایدیلوب و او یون اوینامیان  
 کیمسه لری و بیلخاصه دعوت اولونمیانلری برابر کتیرمک جائز دکلدر .  
 زیرا فضلہ مسافر ماصه لک اولجه احضار و تأمین ایدیلن ترتیبی اخلاص  
 ایدہ بیلہ جکی کبی شاید بلا دعوت بر لکده کتیریلن ذات او یون بیلورسه  
 صاحبه خانہ نک یرینی ترک ایتمه سنی استلزام ایدہ بیلہ جک و کن دیسینی  
 او یونه اشترا کدن محروم براقه جقدر . پک زیاده مغایر نزا کت اولان  
 بویله بروضعتدن اهمیتله توقی ایتک لازمدر .

کوندوز بریجارنده هر کسک یرینی صاحبه خانہ مسافر لریله  
 بعد المشاوره تعیین و ارأه ایدر . هر کسی خوشالاندینی و بر لکده  
 اوینامق معتادی بولون دینی ذوات ایله بر ماصه یه بر لشدیر مکه اهتمام لازمدر .  
 بر برینه اوینون و عینی مهارتده اولمیان او یونخیلری کیف ماتفق  
 اوطور تمق بریج مراقیلرینی از عاج ایتمکدر . بو کبی دعوتلرده خانم  
 افندیلر مانطولرینی چیقاریر لر فقط شایقه لرینی محافظه ایدر لر . [ بریج تی ] لرده  
 صاحب و صاحبه خانده او یونه اشتراک ایدر لر .

چای، ماصه نک کنارینه کتیریلیر و مسافر لره اکرام ایدیلیر .  
 او یون ماصه لرینک کنارینه اوفق برر ماصه قویق و طولاشدیریلن  
 [ سه ندویچ ] و پاسته لری مسافر لک یانه براقق و ایستدک لری کبی  
 آمالرینی تأمین ایتک معتاددر . او یوندن قالقوب چای ماصه سنه  
 کیمه سنی او یونخیلر سومزلر . مع مافیه بعض دفعه صاحبه خانہ نک



«اویونه براز فاصله ویره رک مسافرلرینی چای ماصه سی اطرافه دعوت  
 ایدرک چای وپاسته اکرام ایله چای مراسمنه ختام ویردیکی ده واقعدر.  
 عقیقظ انک راحتق واک کباری چایلری اویون ماصه سی یاننده اکرام ایتمکدر.  
 » بریج پارتیلری « کوندوزلری یاپیلدینی کبی بعدالطعام کیجه لری ده  
 ترتیب اولونور . بوکا [ ایونینخ بریج پارتیز ] Evening Bridge Parties  
 دیرلرکه آوروپاده وعلی الخصوص انکلتزه و آمریتاده پک مرغوبدر .  
 کیجه یاپیلان بریج پارتیلری ده اجدی تلقی اولونور واکثریسنده بر  
 نبذه شمه رسمیت دخی اوله بیلور. دعوتیه لر ده اولجه ارسال قنور  
 و بو دعوتیه لره تحریراً جواب ویرمک لازمدر . صاحبه خانه دردر  
 کیشیلک ماصه لر ترتیب ایدر وهر ماصه ده اویونه اشتراک ایده جک ذواتک  
 اسمنی بر قارت اوزرینه یازارق بر اقیز . مسافرلر ورود ایتدکجه هانکی  
 ماصه لرده وکیلرله اویون اوینا ناجنی بیلدیریلیر . دعوتیه لرده مقنن بر  
 ساعت قید و اشارت ایدلمشدر . دعوتیلرک هر حالده وقت معیندن بر  
 چاریک ساعت اول کله لری مقتضیدر . کچ کلک پک بویوک بر مبالا تسزلق  
 و حتی اجتماعی بر خطا تشکیل ایدر . وقتیه کلکه پک زیاده دقت ایتک  
 و صاحبه خانه بی متردد بر حالده اویونه اشتراکدن محروم بر حالده بکله تمه مک  
 شرطدر . کیجه بر یجلرنده اویوندن صوکره صغوق بر بوفه ترتیب ایتک  
 و اویون ائناسنده مسافرلره صغوق لیونا طه، ویسکی و شکرله کنی شیلر  
 اکرام ایتک معتاددر .

«بریج تی» لردن بحث ایتدیکمز صروده کاغد اویونلرنده

وعلى الخصوص بریج اویونلرنده اویونجیلره ترتب ایدن وظیفه نزاکت  
 ونزاهتی وتوقی ایدلمسی ایجاب ایدن قصورلری ده ایضاح ایتک لازمدره  
 کاغد اویونی، بر انسانک معیار تربیه ونزاهتیدر . علی الخصوص  
 بریج اویونی کاغد اویونلرینک اک نازکی واک زیاده اطوار وحرکاته  
 اعتنا ایدلمسی لازمکلن براویوندره . سالونلرده جمعیت ایچنده یاشایان بر  
 ارکک، قادینلرک اکثریاشترک ایتدیکی بوپارتیلرده صوک درجه نزاکت  
 وایجهلک ابراز ایتلی وایونک مزایاسنه وقوف، وایی اوینامغه دقت  
 ومراق قایغوسیه اوفاق تفک خطالره قارشى اظهار اغبرار وانفعال  
 ایله مکلن، حدت وشدت کوسترمکلن، مناقشاته کیریشمکلن،  
 اورتاغنی تحطئه ایتک وقصورینی ایضاح وتفقیده قایلشمقندن صورت  
 قطعیه ده اجتناب ایتلیدر . بعض کیمسه لرک اورتاغنک ویاخود دیگر  
 اویونجیلرک اوفاق برخطاسنه قارشى درحالی سیکیرلنک، صبرسنزلامق،  
 وبعضاده عصیان وحدت علامتلری کوسترمک کبی جمعیت ایچنده عفو  
 اولونه میه جق طورلر آلمقده وفنا اویونجیلری استحقار ایله مکده اولدقلری  
 وارددر . بو طرز حرکت دیگر اویونجیلری وعلى الخصوص صاحب  
 خانه یی پک زیاده منفعل ایده بیلیر . کرچه براویون نهایتده غایت نازکانه  
 وبی طرفانه بر صورتده اوفاق تفک قصورلری تحلیل ایتک اویونک دیگر  
 بر ذوقی عد اولونه بیلیرسه ده بونی بویوک بر اعتدال دمله ومتبسمانه  
 وظریفانه بر صورتده کیمسه یی تحطئه ایتیه رک یامق لازمدره . هله بیلکی جلک  
 طاسلامق وهروسيله ایله اویونک قواعدینی اورتایه آتارق متحکمانه

و آمرانه اوضاع طاقيتمق پك نابجا بر حركت صايلير . صالونلرده  
 و جمعيت ايچنده اويون اوينايانلر، على الخصوص قادينلر مجلسنده بولنان  
 ار ككلر صوك درجه مساحمه كار و نازك اولمقله مكلفدر . اويوننده خير چينلق  
 و قبالق، برار ككي جمعيت ايچنده الى الابد محكوم ايله مكه كافيدر . بريچ  
 اويوننده فضله مصاحبه ده بولونمق، بر ماصه دن ديكرينه سؤاللر ايراد  
 ايله مك، يرن دن قالقوب ديكر ماصه لر ك اطرافنده دولاشه رق اوائه طريق  
 ايله مك، قارتلرني قارمه قاريش وايكري بو كرى ديزمك ، ايكيلوب  
 خصمنك اويوننى تدقيق ايتمك، خطا وقعنده استهزا ايله مك، اور تاغنى  
 اي قاطا ايتمك، ياكش حركتلرنده حد تلنوب قالقوب كزيمك پك اويون سز  
 و در عقب نظر دقتى عليه جلب ايدن اطوار و حركاتدر .

## یوم قبوللرده فصل کینمیلیر ۹

کرچه ارککلرک صورت تلبسی حقنده بشقه بر ائرده مفصلاً بحث  
ایدیله جک ایسه ده مراجعتی تسهیل و مقنن یرلرده نه صورتله تلبس ایدیله جکی  
تثیت ایتمک اوزره یوم قبوللرده وچایلرده قالدین وارکک نه درلو کینمک  
لازم کلدیکینیده قید ایتکی فائده دن خالی عد ایتوروز .

خانم افندیلرک طرز تلبسلری ذوق سلیمارینه تابع بر کیفیت  
اولوب بو وادیده بیان مطالعه یه قالدیشمق ناقابل عفو بر حدشناسلق  
اوله جغنی اعتراف ایدرز. آنجق آداب معاشرته دائر یازیلان بر ائرده  
شکل لباس حقنده دکل ، نوع لباس حقنده تثیت ایدلش قواعدی  
بیان ایتمک ضرورتی قارشوشونده قالدیغی جهتله بو خصوصده لازم الرعایه  
اولان قاعده یی موضوع بحث ایتماکده قابل دکلدر .

بر خانم افندی طرز تلبسی موده یه تابع اولیه رق ذوق سلیمه  
وشخصی قناعتلرینه کوره تنظیم ایده بیلیر و طرز تلبسی شخصیتی  
وظرافتی حقنده بر حجت قاطعه تشکیل ایدرسده ، هر یره ایسته دیکی  
قیافنده کیده مز . مثلاً بر صباح قیافتیه ، یعنی بلیسه بر ائک و ظریف  
ایک بر بلوز و قویو صاری اسقارپینرله بر چایه کیده میه جکی کبی ،  
نه قدر ظریف اولورسه اولسون بر تاییور . قوستومه ده خصوصی بر

تەدانسانە كىدە مەز. كەرچە آورۇپادە رېچ وقلارېچ كې بويۇك اوتلار دە  
 وىر يىلان تەدانسانلار غايت مەكلف تايۇرلر ايله كىدلدىكى واقعەر .  
 فقط بوتايۇرلر كذا كىتى چىقارلدىنى زمان آلتىدە بر (روب داپرە مىدى)  
 قدر مەكلف اثواب واردر . مع مافىە يىنە بويىلە بر تايۇرلە دە خصوصى  
 بر (تەدانسان) ە كىتمەك موافق دكلدر . بونوع چايلرە ايبك بر  
 (روب مانطو) ايله كىتمەك وموسمنە كورە كوزل بر كورك ويا ايبك  
 بر مانطو و كذا قطيفە ويا ايبك شاپقە كىمەك لازمدر . چايلرە قوللرى  
 چىلاق يعنى قولسز تووالتلە كىدىلە بىلير سە دە باشدە كى شاپقە چىقارلماز .  
 دانس ايدىمەن يوم قبوللردە مانطو ايلە دە سالونە كىر بىلير . دانس ايچون  
 چايە دعوت اولونلدىنى زمان دانس ايدە جك خانم افندىلرە مانطولرىنى  
 طيشايدە براقەرق تووالتلىلە سالونە كىرمەلرى دها موافقدر . مسن  
 خانم افندىلر ، دانس ايتمەك اعتيادندە اولميانلر ، آز اوطوروب كىدە جك  
 اولانلر مانطولرلە كىرلر . شىمدىكى شاپقەلر قولايچە باشە كچر  
 خفيف شىلر اولدىغىدن كىچ قىزلرە فضلە دانس ايتدكن صوكرە  
 شاپقەلرىنى چىقاروب بر اسكەمە اوزرىنە براقەلرىنە مساعده اولونور .  
 فقط جدى خانم افندىلر ، على الخصوص رسمى تەدانسانلار دە  
 شاپقەلرىنى دائىما محافظە ايدرلر .

يوم قبوللردە قطيفەدن كوركلى و ايشلمەلى تايۇر طاقى كىمەك  
 جائزدر . بوكى زيارتلردە چوق اوطورلمدىنى و اكثرى اوطوموبىل  
 ايله كلندىكى ايچون Habillé يعنى آغىر و معتنا تايۇرلرە بر «روب



داپره میدی « دن فرقی یوقدر . بو نوع دعوتلرده اوزون قوللی و تماماً قبالی یقالی ایبک تووالتلره مساغ اولدینی کبی اولجه ده اشارت ایتدیکنر اوزره قولسز و خفیف ده قولته تووالتک کیلمسی ده معتاددر . شو قدر وارکه کوندوز کیلان تووالتلرک فضلہ ده قولته اولماسی و علی الخصوص آرقا جهتی قبالی اولسی یعنی اوموزلرک و آرقاسنک سوواردلرده معتاد اولان طرزده آچیق بولونماسی شرطدر . کوندوزلری دوز بیاض مستثنا اولمق اوزره هررنک تووالت کیلمکده در . اعتقاد مزجه کوندوز چایلرنده پک آچیق رنکلرده انهماک ایتماک و سیاه ایله بیاض ، شرابی ، قویو مائی ، آچیق افلاطون ، قهوه رنکده مختلف الوانی ، و مسن خانم افندیلر ایچون ، قویو غری و قویو افلاطون رنکلری ترجیح ایتکدها کبارانه در . تووالتله بیاض و آچیق غری و یا دوز بیاض و یا قرم پودسوئد دیون کیلیر . قویو رنک دیون کییمک معتاد دکلددر . مکرکه دوز سیاه اوله . پارسده ظریف مغازه لرده اثوابله هم آهنگ و درلو درلو ایشلمه لر و اشکال ایله مزین غایت ظریف دیونلر وارددر . بز بوراده قاعده عمومیه دن بحث ایدیور و خانم افندیلرک شخصی ذوق سلیملرینه مداخله ایتک داعیه سنده بولونمورز .

چورابلر همه حال ایبک اولمیددر . اسقارپینلر دوز روغن ، یا خود مودایه موافق صورتده مختلف دریلردن و اوزون اوکچلی و آلتی اینجه اولمیددر . قیصه اوکچلی آلتی قالین ، باغلی اسقارپینلر کییمک جائز

دکدر. روغن اسقارپندن زیاده ته دانسانلرده سیاه آطلس<sup>۱</sup> اسقارپنه  
 آطلس اسقارپنلرک انوعی ده کیلیر . بو ، برظرافت و حسن طبیعت  
 و حسن انتخاب کیفیتدر. معتاد اولان دوز روغن و سیاه آطلس اسقارپندر.  
 ارککلره کلنجه :

تلبس خصوصنده ارککلرک برنجی درجه ده اعتنا ایدء جککری  
 شیء قویو رنکلردن ایرلماق ، وجوده یاپیشیق طار و ایجه بللی  
 اثوابلردن توقی و کوملکلرینک ، آیاق قابلرینک قصورسز اولمسنه  
 دقت ایتکدر . بر قوستوم نه قدر اهمالکارانه کیلیرسه او قدر ظریف  
 اولور ایسه ده بر کوملک نه قدر اعتنا ایله اوتولنش و دیکیلمش و بر آیاق قابی  
 نه قدر ییجیملی و ظریف و یکی اولورسه قیافته او قدر برچالاکی و ظرافت  
 بخش ایدر . ایشته بو، هر زمان خاطرلنه حق بر قاعده در . بناءً علیه  
 محل تطبیق پک محدود اولان آچیق رنک قوستوملردن ، صاری  
 پوینلردن و اسقارپنلردن رنکارنک بویون باغیلردن دائما احتراز  
 ایتهلیدر .

یوم قبوللره قوستوم ایله یعنی ( و دستون ) تعبیر اولونان ژا کت  
 طاقمی ایله کیتمک الیوم هر یرده قبول ایدمش بر اصولدر . فقط  
 ( و دستون ) لرک همه حال قویو قاشلردن اولمسی شرطدر . بنم اعتقادجه  
 اثوابی محدود اولان کیمسه لر ایچون اک برنجی درجه ده لازم اولان  
 سیاه بر ژا کت آتای وفاته زی پانطالوندر . بوهر کس ایچون بر اساسدر .  
 بر ( غاردروب ) ک تملیدر . بوندن سو کره سیاه ( ویغون ) دن ویا

دوز سیاہ قاشدن ژا کت ویک ایله ینه فانتہزی پانطالون کلیر. بوا یکی طاقم اثوابی اولان ذات ، بونلردن هر هانکی بریله هم یوم قبوللره ، هم تہ دانسانلره ، هم دہ ژونہ لره ، هم قونسرلره خلاصہ ساعت سکرہ قاداریعی کیجہ مراسمی باشلا نیجہ قدر هریره کیدہ بیلیر. بوا اثوابلری وار کن آرتق نہ کیہیم دیہہ دوشونمکہ محل یوقدر . تابس خصوصندہ خط حرکتی معین دیمکدر . وهستون ایله ایکی قات قولهلی یقہ یاخود اوجلری قیوریق یقہ دہ کیلیر . حتی عوشاق یقہ وایک ویاخود کتن کوملکدہ کیمک جائزدر . یالکزدقت ایدیلہ جک جهت یوم قبوللره و تہ دانسانلره . عوشاق یقہ کیلیدیکی تقدیردہ ، دوز بیاض ایپک کوملکلر مستثاء یقہ لقلر کوملکک اورنی اولماسی و دوز بیاض ایپکدن و یاد دوز بیاض کتدن یاپیلمش یقہ لق اولسیدر . بر نوع نیم رسمی قیافت اولان سیاہ وهستون وفانتہزی پانطالونہ مطلقا یا قولهلی ویا قوله سز بیاض یقہ لق طاقق لازمدر . فکر مزجہ ، پک ظریف ذوات مستثاء ، سیاہ وهستون طاقیلہ عوشاق یقہ قطعاً طاقاملیدر . قاتی یقہ لق کوملکک قصورینی دہا زیادہ قیاتیر و دہا رسمیدر .

ژا کت آتای - کہ آوروپادہ بوکا سادہ جہ ژا کت دہ دیرلر - ایله عمومیتلہ ہمہ حال قاتی یقہ لق کیمہ لیدر . باغلی پوتینلر هم ژا کت آتای هم دہ وهستون ایله کیلہ بیلیر . مع مافیہ ظریف اولق ایستہ نلر باغلی پوتینلری « کہ تر » ایله ستر ایدر کہ بو هم پانطالونک بیچیمی اصلاح ایدر هم دہ پوتینک شکلی دہا کوزہ لشدیریر .

مع مافیه « که تر » پک زیاده تعمم ایتدیکی و خرج عالم اولدینی  
ایچون کوزل یایلامش اوستی آچیق رنک چوخه آلتی روغن  
ویا خود سیاه ویده لا بش دوکمه لی - دوکمه لر قویو صدف اوله جق -  
پو طین کیمک دها ظریفدر . بو پو طین هر شیئه حتی ردغوت ایله  
کیلیر واک ظریفدر . بو یون باغی بخشنده هر کس ذوق سلیمه  
کوره بو یون باغی انتخاب ایدرسده اک ظریفی واک مقبولی قویو رنک  
بو یون باغیلر ، سیاه و لاجورد اوزریه بنکلی ایپک و قولار بو یون -  
باغیلر ، سطرنجی قهوه رنکی ایله بیاض ، لاجورد و سیاه ایله بیاض  
واختلاطاتی اورنکده بو یون باغیلر اک ظریفی واک کباریدر . پک ظریف  
ذوات طانیرم که ساده سیاه و سائر قویو رنک لر اوزرینه اوفق و یا  
بو یوک بنکلی بو یون باغیدن باشقه سنی طاقز لر . بو طبیعی شخصی برایتیاد  
ظرافتدر . متردد اولانلر بو طرز ی تقلید ایدر لر سه آلدانمازلر .  
وظرافته دها یا قلا شیر لر .

کرچه زمانم زده مختلف رنک و رسمده ایپکلی مندی لر قوللا نلقده  
ایسه ده دوز بیاض اینجه کتن مندی ل اک ظریفدر . مندی لی یان جندن  
بر شالاه تموج شککنده اوزاتوب صالاندیر مق پک ظریف بر ذات اولمغه  
و مندی لک پک اینجه و معتابر مندی ل اولسنه وابسته در .

بوم قبوللرده آچیق رنک قوستوم و صاری اسقارین کینمک  
مغایر نزا کثدر . بو ، صاحبه خانه یی زیارت ایچون فضله اعتنا و تقیده  
لزوم کورمیه رک سواقده کزدیکی کبی کلش اولدینی ذهانی تولید

ایده بیلیر . پک صمیمی دوستلرک تکلیفسزجه کیدیلان یوم قبولنده بیه  
بوصورتله اثبات وجود ایتمهک اولادر . کرچه محاربه دن سوکرده ،  
بوکجه مبالا تسمزلقلرد مسامحه ایدلیدیکی پک چوق کورولمکده ایسه ده  
یواش یواش بودر بدرلک دورده سی ختامه ایرمکده وهریرده ایی، تمیز  
وقاعدده سنه توفیقاً کینمکه دقت ایدلمکده در .

بو بچده قید ایدلمسی لازم کلن بر نقطه ده قویو غری و دستون  
ایله فائته زی پانطالونک عینله سیاه و دستون ماهیتند تلقی ایدلیدیکی در .  
اکثریا قویو غری توپلو قاشدن معمول بو و دستونلرک یلکی چیفته  
دوکه لی و ترانسپارانلی اولور که پک ظریفدر . بویله بر و دستون ایله  
آچیق طوز پنبه سی و پک آچیق مائی و پک آچیق افلاطون ایپک  
کوملک - دائماً قتی یقه ایله - کیسک قلاسیق بر طرز تلبس در . بو قدر  
ظریف بر قوستوم ایله بهمه حال آچیق رنک کوده ری ویا چوخه ویا  
دوز بیاض کوده ری دوکه لی روغن پو طین ویا آچیق رنک  
( که تر ) کیلیر .

ته دانسلرده بونلرک خارچنده حتی قویو لاجورد و قویو قورشونی  
فائته زی قوستوم بیه کیسک طوغری دکدر .

پک چوق ذوات نزدنده معلوم اولان بو تفرعاتی بورایه قید  
ایتمکدن مقصد مز معلوما تفر و شلق و یا خود معلومی اعلام دکدر .  
هرشیدن اول نظر دفته آلدیغمز جهت بو خصوصاتده متردد بولونانلری  
ویا بوکجه یرلرده نه صورتله تلبس ایدیه جکنه دائر بر فکر مخصوصی



اولیانلری تنویر ایچوندور . بوسیدندرکه بوراده هر دوشونجه دن  
 اول ، صاعلام ولایتیغیر وهریرده مظهر قبول اولوب ، تطبیق ایدلدیکی  
 تقدیرده « درست حرکت ایدلش » اولسی محقق اولان طرز تلبسی  
 تعین و تثبیت ایلدک . چونکه بوکی یرلره ایلک دفعه کیدن بر ذاته  
 بز بوصیفه لرده قطعی ولایتیغیر بر قاعده مضبوطه کوسترمک ایله مکلفز .  
 بز بو اثری ملی جمعیت مزه شرف بخش اوله جق و بین الملک جمعیت لرده  
 اجانب نزدنده تورکک درست و مکمل بر جمعیت آدمی و شرقک جنتلمنی  
 اولدیغنی اثبات ایدلجک اولان مأمورلر مز ، تجارلر مز و بالعموم  
 وطنداشلر مز ایچون یازدیغمز جهتله ، ذهنلری تشویش ایتیه رک  
 عموماً مقتدابه اصولی اراهه ایتمک ایسترز . ایشته تثبیت ایتدیگمز  
 طرز تلبس ، اک درست اک ظریف وهریرده اک زیاده مقبول اولانیدر .  
 بو اصوله رعایت ایدن هر وطنداش « قورده قت » یعنی درست حرکت ایتدیگنه  
 قانع و مستریح اوله بیلور . بونک خارچنده پایلان هرشی عندی و موقتدر .



## فصل سابقه خرد صمدی

۱ — یوم قبوللرد ساعت بشدن صو کره کیدیلیر وساعت یدیدن  
فضله قالماز .

۲ — برخانم افندینک یوم قبولنه هر هفته کیتمک مغایر نراهتدر .  
نهایت آیده برویا ایکی دفعه کیتمک جائزدر .

۳ — عینی کونده برقاچ خانم افندینک یوم قبولی اولدینی جهته  
یوم قبوللرده یکرمی دقیقه دن فضله بیله اوطور وئسه ضرری یوقدر .  
آز اوطور مق دکل ، فضله واوزون مدت اوطور مق عیدر .

۴ — برخانم افندینک یوم قبولنه ایملک دفعه اوله رق کیدن ارکک  
چیقارکن بر خانم افندی یه و برده زوجنه اولمق اوزره ایکی قارت  
براقمالیدر . بعض بویوک یوم قبوللرده بر دفتر مخصوص موجود ایسه  
دفتره اسمنی و صراحة آذرده سنی یازمالیدر . یوکسک بر موقع رسمینی  
اولان ذواتک قوناقلرنده ، سفار تخانه لرده اکثر یابویه بر دفتر موجود اولور .  
زوجی اولمیه رق یالکسر کلن خانم افندیلر چیقارکن زوجنک قارتی  
براقمالی و بر دفتر موجود ایسه زوجی ایله برابر کندی اسمنی ده یازمالیدر .  
۵ — یوم قبول خارچنده دعوتیه ایله وقوعبولان کوندوز چایلرینه  
دعوتیه اجابت ایدیه جکنی مشعر جواب یازماز و دعوتیه لرده دخی جواب

طلبنده بولونماز . مع مافیه موقع رسمیکز دولایسیله هیچ اوینه  
کیتمدیککز برخانه افندی طرفندن بویله بردعوتیه آله جق اولورسه  
ایرتسی کون کرک زوجنه و کرک کندیسینه قارت براقق موافق  
نزا کتدر . علی الخصوص مشترک بر دوستک دالتیه ورجاسیله بویله  
بردعوتیه آلان دلقانلیلر همه حال بو اصوله رعایت ایتمه لیدرلر .

۶ — دانس ایدمک اوزره دعوت اولوندیغکز چایلرده او  
صاحبه سی ایله و کریمه لریله هر کسندن اول دانس ایتمک موافق نزا کتدر .  
هر حالده دلقانلیلرک اول قیزلرینه همه حال دانس ایتمه لری لازمدر .  
بویله دعوتلرده صاحبه خانه طرفندن صورت مخصوصده اصرار ورجا  
وقوعبولدجه یدی بچقدن فضله قالمیلدر .

۷ — [ بریچبارتی ] لره وقوعبولان دعوتلره جواب ویرمک  
لازمدر . دعوتیه وقت معیندن برچاریک ساعت اول اجابت ایتمک  
واو صاحبه سنی انتظارده براقماق ایجاب ایدر .

۸ — یوم قبوللره ، دانس ایدیلن چای ضیافتلرینه دائما قویو  
رنک اثوابله و ماسقاردتلی سیاه روغن و یاسیاده ویده لو ، دوکمه لی ویا باغلی  
پوطین ویا باغلی اسقارپینه کیتمک و قویوجه بر بویون باغی طاقق  
لازمدر . سالونلره دیون الده اولدیغی حالده کیرلمز . دیونلری الده  
طوته رق سالونلره کیرمک جائزسه ده الیوم متروک کیدر .

خانم افندیلر مانطولریله و شاقه لریله والنده چانطه لریله سالونه

کیردرلر . آنجق شمسیه لری نه قدر ظریف اولورسه اولسون طیشاریده  
براقه لیدرلر . چای دعوتلرینه علی الخصوص دانس ایدیله جک ایسه  
ایپکلی اثوابله و دوز روغن و یا آطلس اسقارینه کیمه لیدرلر . پک  
مکلف و ظریف تایيورده مساغ و اراپسه ده بونک ینه ایپکلی بر قاشدن  
ویا غایت مزین اولمسی شرطدر . سوقاقده کمزیه جک تایورله چایه کیدلنر .

---

## دینلر : آقشام یمنکی ضیافتلری

دینه لرینی آقشام یمنکی ضیافتلری اجتماعی حیاتک اگ مهم بر رکنیدر .  
اوینه آقشام یمنکنه دعوت ایتک دنیاک هر طرفنده بر کیمسه یه قرشی  
یا یله جق اگ بویوک اگرام عد اولونور . بنابرین دینه لک پک بویوک  
براهیتی، اصول و آدابی وارکانی واردر . بونلرک آیری آیری بیلنمسی  
وبو خصوصاتده ذره جه قصور ایدلمه سی لازمدر . بناءً علیه بو بحثی  
اطرافلیجه تدقیق ایله مک ایجاب ایده جکدر .

دینه ترتیبده اول امرده نظر اعتباره آله جق شی مدعوینک  
بر برینه اویغون یعنی سویه اجتماعیده وعینی محیطدن اولمالیدر .  
دینه لرده تام بر آهنگ اجتماعی حکمران اولمالی و بر آراده سفره یه اوطورتیلان  
ذواتک یکدیگرینی هیچ بر صورتله یادیر غامایه جق کیمسه لردن عبارت  
اولماسنه دقت ایدلمیدر . ایکنجی درجه ده اهمیتله نظر اعتباره آله جق  
جهتده پک بویوک بر موقع اشغال ایدن ذواتی عینی زمانده وعینی  
آقشامده دعوت اینه مک وسفره ده کی موقعلرینی تعیین خصوصنده بارز  
بر فرقی تولید ایده بیله جک شخصیتلری بر آرده ده بولوندر ماقدر .



بو ، جمعیت ایچنده اوزون مدت یووارلانمش ، تجربه دیده ، کیاست و درایت ، اذعان و عرفان صاحبہ سی خانم افندیلرہ میسر اولان برموہبہ اجتماعیہ در . بونک لایقیہ اوکرہ نیلہ بیللمسی قابل اولہ مادیغی کبی بو خصوصہ مطرد بر قاعدہ در میان ایتکده ممکنسزدر .

اونده بر ضیافت ویرمک ایچون ، ہر شیدن اول دوشونولہ جک شی مسافرلرینہ بحق اکرام ایدہ بیلہ جک و سائطہ مالک اولمق یعنی ، نفیس بر طعام احضار ایدہ بیلکم ، طاقلری مکمل و سفرہ سی مزین اولمق ، ایچکیلری الایو جنسندن بولونمق و خدمت ایدنلرک شخصلری مضبوط و اوستلری باشلری منتظم و صوک درجہ دہ تمیز اولمقدر .

بز بو اثر مزیدہ ہم او صاحبہ لرینہ ہم دہ دعوتیلرہ رہبر اولمق ایستدیکمزدن ہر ایکی طرفک دہ طرزحر کتلیرینی تثبیت ایتک ضرورتی قارشوسندہ بولونمقدہ بز . امید ایدہ رزکہ بو خصوصہ ویرہ جکمز تفصیلات فضولی عد ایدلر و مسئلہ نک بوتون صفحاتی تدقیق و تثبیت ایتکدہ جدی بر فائدہ کوریلیر .

دینہ یہ دعوت ایدن خانم افندی اول امر دہ یمک اوطہ سنک جمنہ و سفر دنک قابلیت استیعابہ سنہ کورہ مسافر دعوت ایتہ لی ، مسافر لرینی سفر دسندہ راحتجہ اوطور تمغہ و لزومندن فضلہ کیمسہ دعوت ایتہ مکہ دقت ایلہ ملیدر . اساساً خصوصی دعوتلر اون ایکی ایلہ اون آلتی کیشی یہ منحصر قالمالی و حتی یر مساعد اولماز سہ اون کیشی یہ تجاوز ایتہ ملیدر . سفرہ اورتولرینک قار کبی بیاض و یقان دقن صوکرہ ہیچ

قوللا تلامش اولسى برنجى شرطدر. سفره اوزرينه كوزل شمعدانلر  
 وچيچكلك ايله ، يمشكلر قويق جائز ايسهده بونلر پك معتنا آتار  
 صنعتدن اولدقجه كيف مالتق شيلري قويقدن صرف نظرايتك وسفره يي  
 ساده و ظريف برچيچكلك ايچنه موضوع بول مقدارده كوزل چيچكله  
 تزيين ايتك و ظريف و آچاق يمشكلري معتنا ميودلرله تزيين ايدرك  
 سفره يه ممكن مرتبه دوز بر منظره ويرمك دها ظريفانه در . سفره نك  
 اوزريني يشيل فوژه دلرله وياخود كل وقرانفيله تزيين ايتكده پك كوزل  
 بر منظره تشكيل ايدر . بوتون بو تزييناته صاحبه خانه نك ذوق سليمي  
 حاكم اولوب بو خصوصده سطحى بر صورتده ارائه طريق ايله اكتفا  
 ايدنيورز . سفره ده خدمت ايدن قادين خدمتچي ايسه دوز سياه بر  
 قماشدن يقه سي قالي ، قوللري بيلكلرينه قدر اوزون ، يقه سي و قوللري  
 دوز بياض اورغانديدن قباقلرله مزين بر اثواب كيمله ي و اوكنده  
 ظريف دانتله لي براوكلك وياشندينه قيصه و بياض دانتله لي بر حطوز  
 بولونمليدر .

قادين خدمتچينك الديون كيمني شرط دكلدر . مع مافيه دوز بياض  
 تيره الديون كيدرلمى مرجحدر .

اركك خدمتكار فراق وياخود سمو كينغ كيملهيدر . [\*] و النده

[\*] رسمى ضيافتلرده بويوك قوناقلرده اوشاقلرك طرز تلبسى دخي معين  
 بر طاقم قواعدبه تابع اولوب بوراده ايضاحي فضولي عداولونمشدر . سفارتخانه لرك  
 صورت تفريش و تنظيمي حقنده در دست احضار اولان بر تعليانامه ده بوجهت  
 بوتون تفرعاتيله ايضاح ايديله جكدر .

بهمه حال بیاض تیره‌الدیون بولونملیدر. قابل اولدیغی تقدیرده مقن بر «لیوره» سی وارسه‌اونی لابس بولونمالیدر. فقط بویك زنکین کیمسه‌لره مخصوص بر زینت اولدیغی جهتله بوراده بوتفرعانه کیرمك ایسته‌میوروز. بو آیری و اوزون بر بحدرد. حتی بز بو اثرده اوروپاده پك بویوك قوناقلرده پك زنکین ذواتك ویردیکی ضیافتلرده خدمت ایدن متردوتلدن، شراب داغیتان و (سومه‌لیه) تعیر اولسان خدمتکاردن ده بحث ائتمه‌یه جکمز. ده‌اساده، ده‌اصیمی، ده‌اصوصی ضیافتلری نظراعتباره آله جغز. بناءً علیه بر خدمتچی قیزایله بر خدمتکارك لایقيله خدمت ایده‌بيله جکنی قبول ایدرك اوصورتله بیان مطالعه ایدیوروز. بزم اکثریت عظیمه مزك اساساً بونك خارجه‌چیقه بيلمسنه ثروت ملیه مزك تحمیلی یوقدر.

سفره‌یه یالکمز چوربا طباعی قونولمیدر. و هر يمك کلدکجه آیروجه طباق ویرمك اصولدن اولوب اولجه بر بری اوزرینه بر قاق طباق بردن سفره‌یه قویقم جائز دکلدرد. چتال و ییچاقلر طباعك صاعنه و صولنه و هر يمك ایچون معین اولان طاققلر طباعك طیشاری طرفندن باشلامق اوزره صره ایله دیزلمیدر. اوصورتله که سفره‌یه اوطوران مسافر هر يمك کلدکجه اوکا عائد چتال و ییچاغی صره‌سیله طیشاری طرفندن باشلايه‌رق آلا بیلسون. قدح‌لرده ینه صره ایله و طباعك قارشوسنه دیزیلیر. سفره پشکیری سفره طباعك ایچنه وضع ایدیلیر. ساده‌جه قیوريله‌رق ترمیز بر اقلمالی و بر شکل ویرمك ایچون

اوغراشیلمامالیدر . بیاض و سیاه شرابك كوزل صراحیله قونلشنه  
 و اوصورتله طاغیدلمسنه جواز وارددر . فقط بعض شرابلر، اسکی بورغون  
 شرابلری ، بوردولر اولدیغی کبی شیشه سنه بر چته صارارق و یاشیشه  
 مخصوص سپته قونه رق توزیع اولونور . اتمك فرانجه اوللی و غایت  
 اینجه کسیره رك صول طرفه براقیلمیدر . سفردی بو صورتله ترتیب  
 ایتد کدن صو کره صاحبه خانه هر دعوتلینک یرینی تثیت ایدر و هر برینک  
 اسمنی حاوی اینجه و اوزون بر قارتی اخذ ایده جکی موقعه وضع ایدر .  
 چابوق کورولمسی ایچون بو قارتلری صو قدح لرینک اوزرینه قویمق  
 معتاددر .

سفره ترتیبک و طعام لیسته سنک نه صورتله تنظیم ایدیه جکنی آبروجه  
 بیان ایده جکز . کله لم دعوتیه لره :

آقشام طعامنه اصغری اوله رق بر هفته اول دعوت ایتمک  
 و دعوتیه لری بر هفته اولندن یوللامق ایجاب ایدر .  
 دعوتیه لر، اولجه ده ایضاح ایدلدیکی اوزره بروجه آتی تحریر اولنور:

محمد علی شناسی بك ایله رفیقه سی شبا طك دردنجی چهارشنبه  
 آقشامی ساعت یكریم یچقده لطفاً آقشام طعامنه تشریف یوورمه لرینی  
 احمد خلوصی بك افندی ایله رفیقه محترمه لری خام افندی دن رجا ایلر لر .

جوابی مهراجدر

ظرفك اوزرىنه اولار ككك اسمى وبعده رفيقه سنك اسمى  
يازمق لازمدر . شويله كه :

محمد على شناسى بك افندى ايله رفيقه لرى خانم افندى يه  
ديمه لى وحسب الزاكه :

محمد على شناسى بك افنديك رفيقه لرى خانم افندى ايله محمد على  
شناسى بك افندى يه

ديه يازمامليدر . فرانسزجه سى ده شو صورتله يازيلير :

Monsieur et Madame Mehmed Ali Chinassi  
Etc Etc EV.

دعوتيه لرك ظرفى قانير وبرخدمتكارله دعوت ايديلن ذاتك خانه سنه  
براقديريلير . اون بش كون وياخود اوچ هفتة صوكراسى ايچون واقع  
اولان دعوتلره مخصوص دعوتيه لرك پوسته ايله ارسالى ده جائزدر .

بو صورتله دعوتيه آلان ذات موقعى نه قدر يوكسك اولورسه  
اولسون بهمه حال موافقت ويا عدم موافقتى مشعر بر جواب يازمالى  
وهان ايرتسى كون يوللاماليدر . حتى بك بويوك ذوات طرفندن  
وقوعبولان دعوتلره عيى كونده جواب ويرمك ده موافقدر . بك  
صميمى دوستلرك دعوتنه تلفونله ده جواب ويريله بيلير .



آقشام طعامنه موافقتی متضمن اولان مکتوب شو صورتله یازیلیر:

محمد علی شناسی بک افندی ایله رفیقۀ محترمه لرینه  
احمد خلوصی بک ایله رفیقۀ سی شباطک دردنجی چهارشنبه کونی آقشام  
طعامنه واقع اولان دعوت نازکانه یه مع الشکران اجابت ایددجکارینی محمد علی  
شناسی بک افندی ایله رفیقۀ لری خانم افندی یه عرض ایله کسب شرف ایدرلر.

فرانسزجه سی شو صورتله تحریر ایدلمه لیدر :

Monsieur et Madame Ahmed Houloussi remercient  
vivement Monsieur et Madame Mehmed Ali Chinassi  
de lenr aimable invitation à dîner le Mercredi 4 Fevrier  
à 20 1/2 heures à laquelle ils auront l'honneur da se rendre

موقعی بک یو کسک اولان ذواتک جوابلر نده: à laquelle ils auront

à laquelle ils se feront un plaisir یرینه l' honneur de se rendre  
prient de دیه یازدقلری واقع ایسه ده بو آنجق دعوتیه لرده de es rendre

prient de leur faire le plaisir یرینه leur faire l'honneur

ایسه جائزدر. هر حالده دعوتیه لرده قوللانیلان کله لرده دقت ایدوب  
عینی کله لری قوللانمق لازمدر. مع مافیہ بک مهم شخصیتلر دعوتیه لر نده

دپريئ د لهر يازمشن اولسه لر، موقع رسميسي دها  
 دون اولانلر وكنج كيمسه لر هر حالده à laquelle ils auront l'honneur  
 de se rendre ديه جواب ويره لري لازمدر. دعوتيه لارده همان دائمي كي  
 honneur كله سي قوللا نياوب plaisir كله سنك قوللا نيلديغي پك نادر در .  
 دعوتيه لر ننده ده Plaisir كله سي قوللا نيلان بر قوننسك دعوتلرينه بر لينده  
 صاحب وقار عائله لرك اجابت ايتديكي و جمعيت ايچنده مشكل موقعده قالدغي  
 مرويدر .

اجابت ايديله چكي تحريراً بيان ايديلن بر ضيافته فوق العاده بر معذرت  
 مشروعه تحدث ايتدكجه كيمه مك صوك درجه مغاير نزا كندر .  
 معذرت وارده يي قابل اولديغي حالده تلفونه ويا تحريراً ممكن مرتبه  
 اير كنجه خبر ويره رك صاحبه خانه يه بكي دن سفره ترتيباتي تنظيم ايده بيلمك  
 فرصتي بخش ايتك لازمدر. بالاخره دها معنا بر ضيافته دعوت اي دلمش  
 اولق سبيله بر معذرت مخيله بيان ايده رك بشقه بر ضيافته اثبات وجود  
 ايتك عفو اولماز بر خطادر . بر دعوتيه اجابت ايتدكن صوكره  
 راحتسزلق بيان ايده رك اعتذار ايتك وعيني كيجه بر تيار ووده ويا خود  
 قونسرده اثبات وجود ايتكده عيني درجه ده معايب اتدندر .

دينه لره دعوتيه ده مصرح اولان ساعته دن اون دقيقه اول كيمك  
 لازمدر . اك صوك دقيقه ده آنحق اك اهميتلي واك يوكسك موقعي  
 اشغال ايده بيله چك ذات كيد بيلير . دعوت اولونديغكيز خانه يه  
 مواصلة كزده در حال سزي بر خدمتكار استقبال ايله مانطو وپالطولري  
 آليز . اكثريا مدخلده خانم افنديلرك تووالتريني نظر تدقيقدن

خیره بیله لری ایچون بر اندام آینه سی موضوعدر . اوروپاده بویوک  
 دینه لرده بر خدمتکار مردیون باشنده مسافر لری استقبال ایددر .  
 وصالونک قیوسی آچارق یوکسک سسله کلن مسافر لرك اسمی  
 سویلر . طبعیدر که بزده هنوز بوقدر مکمل خدمتکارلر موجود  
 اولمادیی جهته حتی بویوک سفارتخانه لرده بیه بواصول تطبیق ایدله مکدهدر .  
 فقط آوروپاده علی الخصوص انکلترده بوهر زمن جاری بر اصولدر .  
 بو صورته ، کلن مسافرلر حقنده ، دیگر مدعوین ایله مشغول بولونان  
 صاحبه خانه نك نظر دقتی جلب ایدلش اولور . صاحبه خانه ایله زوجی  
 دائماً کله جک مسافر لرك ورودینه مترقب بولنه رق یکی کلن لرك استقباله  
 شتاب ایدرلر . صالونه خانم افندیلر اوکده وار ککلر بر آز کریده  
 اوله رق داخل اولونور . خانم افندیلر اولا استقباله کلن او صاحبه  
 وصوره خانه صاحبه سنه ال ویریرلر . ار ککلر ایسه صاحبه خانه نك  
 کمال حرمتله النی اوپرلر . یوم قبوللرده ال اوپمک ضروری دکلسده  
 دینه یه مدعو بولونان ار ککلرک او صاحبه سنک النی اوپمی اصولدن  
 واجابات نزا کتدندر .

صالونه کیرمه دن اول مدخلده موضوع بر ماصه اوزرنده یمک  
 سفرد سنک اوفق قطعه ده ظریف بر یلانی واردر که تدقیق ایدیلنجه هر کس  
 اوطوره جنی یری اولدن اوکرده بیلیر . کلن چیفتلر هر شیدن اول بویلانی  
 تدقیق ایدرلر و سفردده کی یرلرینه دقت ایدرلر . ار ککلر آروجه  
 سفردیه هانکی خانم افندی بی ایصال ایده جکلر نی مشعر اوزرنده اسساری

محرر اوفق برقارت ده ویریلیر. بوقارتلر کموش برتپسی اوزرینه موضوع اولوب کلن مسافرله خدمتکار طرفدن تقدیم اولونور. طار ومستطیل الشکل اولان بوقارتلرک فرانسهجه سی ، اسملر ال یازیسیله وقسم متباقیسی مطبوع اولمق اوزره، آتیده کی شکلده در.

Monsieur Ahmed Houloussi est prié de vouloir bien offrir le bras à Madame Mehmed Ali Chinassi .

زده هنوز معتداد اولیان بوقارتلری شو صورتله ترتیب ایتمک موافق اولور اعتقاد ندیم :

محمد علی شناسی بک افندینک رفیقہ سی خانم افندی یه قول ویرمه سی احمد خلوصی بک افندیدن رجا اولونور .

یا خود :

سفره یه لطفاً محمد علی شناسی بک افندینک رفیقہ سی خانم افندی ایله برلکده تشریف بیورمه لری احمد خلوصی بک افندیدن رجا اولونور .

اعتقادجه بو صوک شکل بزم شیوه مزه دها موافق دوشر و تقلید شائبه سندن قورتولور .

ایشته بو صورتله اولجه سفرده اوطوراجنی یری وسفره یه خانم افندیلردن هانکیسنی ایصال ایده جکنی اوکره نمش بولونان ذات او صاحب لرنی سلاملا دقدن صوکره برلکده سفره یه کیده جکلری، تعبیر-

آخرله سفرده كيدر كن قول ويره جكي، خانم افدينك نردينه تقريله  
 النى اوپر وكنديسنه قول ويرمك شرفه نائل ايدليكنى كنديسنه  
 عرض ايدر . مدخلده كي سفره پلانده موقعنى و بناء عليه صردسنى  
 كوروب آكلايان مسافر سفرده كيدليكي زمان كيملري تعقيباً يمك  
 سالوننه كيره جكنى بيلديكي جهته صردسنه دقت ايدر . بوتون دعوتلير  
 حاضر بالمجلس اولونجه برخدمتكار سالونك قوسنى آردينه قدر آچهرق  
 « يمكه بويوريكز » دير ؛ فرانسزجه « Madame est servie » دنيلير .  
 بو اخطارى متعاقب صاحب خانه مسافرلردن برنجي كلن يعنى موقعى اك  
 يوكسك اولان خانم افدى يه قولنى تقديم ايدوب هر كسك او كنده  
 وهر كسدن اول سالوندن چيقار واو صاحبنى تعقيباً هر مسافر معين اولان  
 خانم افدى يه قول ويره رك يمك سالوننه داخل اولور . او صاحبه سى اك  
 صوك اوله رق و برنجي درجده كلن اركك مسافر ك قولنده اوله رق  
 يمك سالوننه كيپر .

قادين مسافرلر او صاحبه سنك يمك او طه سنه ورودينى بكه مه دن  
 معين اولان يرلرينه در حال اوطور يرلر . فقط ارككلر او صاحبه سى  
 كلوب مقامنه اوطور نجه يه قدر آياقده بكه مه ليدرلر . على الخصوص  
 رسمى دينه لرده بو نكته يه اعتنا ايتمك لازمدر . زيرا بلا تأمل  
 اوطوران ذواتك ديكر لر ينك آياقده طور دقلىنى كوردك تكرار آيغه  
 فلقمارلى انجام ايدنجه محجوبيتى داعى اوله بيلور .  
 سفرده ده ، يمك طاغيلايغى زمان اسكيدن هر كسه يمكى ويرلسنى



بکله مک ویا لک زجه یمکه باشلاماق اصولدندی. شیمدی بومترو کدر.  
یمک توزیع ایدینجه بلا انتظار یمکه باشلاماق معتاددر.

خانمرد قول ویرمک ایچون، صاغ قولنی خفیفجه قوسله شیردرک  
خانم افندیله تقریب ایتک کافی بر اشارتدر. قادینی بر آز کیریده طومق،  
قولنی وجودندن آچیق بولوندیرمق ودقت وحرمتله ایلریله مک لازمدر.  
سفرده معین اولان یره کلهجه قولنی اصولتله آیرمق وکیری چکیله رک  
خانم رک یرلرینه اوطور نجه یه قدر انتظار ایتک و او صاحبه سنک ورودینه  
قدر یرینه اوطور ماق لازمدر.


سفرده خانم افندیلی ایصال ایدرکن نه صورتله یرلرینه براقق  
وصاغ ویا صول طرفندن هانکی جهتنه اوطور تمق ایجاب ایده چکی ده اک  
زیاده شایان دقت بر مسئله در. شویله که ۱۲۰ نجی صحیفه ده کی مربوط پلاندن  
دخی آکلاشیله جغی اوزره مستطیل سفره لرده او صاحبه سی مدخلدن  
صاغ طرفه اصابت ایدن جبهه ده و سفره نک اورته سندد اخذ موقع ایدر.  
صول جبهه ده و اونک تمامیه قارشو سندد ایسه او صاحبی اخذ موقع  
ایدر. او صاحبه سنک صاغ طرفنده کندیسنه قول ویرن یعنی او  
صاحبه سیله بر لکده احوک اولارق سفره اوطه سنه کلن باشلوجه واک  
مهم مسافر اوطور یر. کذا او صاحبک صاغنده ده او صاحبه قول  
ویروب ایلاک اوکجه یمک سالوننه داخل اولان و او صاحبک صاغنده  
اخذ موقع ایلیهن اک مهم قادین مسافر بولونور. سفره ده ایکی ارکک  
وایکی قادین یان یانه اوطور مایوب بر قادین و بر ارکک صیره ایله اوطور تیلدینی

جهتله بو سردی کوزده تهرک خانم افندیله یر کوسترمک اساسلی  
بر وظیفه در . بو خصوصده یا کیلماق ایچون قاعده آتییهی دائما  
خاطرده طومق لازمدر :

قاعده ۱ — او صاحبه سنک صاغ وصولنده اخذ موقع ایدن  
ارکک مسافر لر قول و یردکلی خانم افندیلهی دائما قول طرفلرینه  
اوطورتیرلر .

قاعده ۲ — او صاحبک صاغ وصول طرفنده اخذ موقع ایده جک  
ارککله خانم افندیلهی دائما صاغ طرفلرینه اوطورتیرلر . عکسی  
تقدیرده او صاحبه سنک صاغ و صولنه ایکی ارکک تصادف ایتمی و او  
صاحبک اوطوردیغی جههده ایکی خانمک یان یانه تصادف ایتمی کی  
یاکلش و آقیری بر وضعیت تحدث ایدر .

[ سفره پلانی تدقیق ایدیلیرسه بو ایکی قاعده نك وجه تطبیق  
لایقیه آ کلاشیلیر . ]



سفره پلانی

بنا برین :

۱ — پلاندهده صراحة کورولدیکی اوزره خدمتکار « یمکه بویوریکیز » دینجه ایلمک حرکت سفردیه ایحال ایدجکی خانم افندییه قول ویرمک و بکله مکدر . بعده او صاحبی باشلوجه قالدین مسافری قولنده اولدینی حالده هر کسک او کنه کچهرک یمک سالوننه داخل اولور و قولنده کی خانم افندی یی صاغنه اوطورتیر . [ برنجی چفت ]

۲ — او صاحبنی تعقیماً او صاحبه سنک صولنده اوطوره جق ذات قول ویردیکی خانم افندی ایله برابریمک اوطه سنه کیرر . او صاحبه سنک صول طرفده اخذ موقع ایله قول ویردیکی خانم افندی یی صول طرفه اوطورتیر . [ ایکنجی چفت ] قاعده ۱ .

۳ — بونلری او صاحبنک صولنده اوطوره جق اولان خانم افندییه قول ویرن ذات تعقیب ایدر و قول ویردیکی خانم افندی یی صاغ طرفه اوطورتیر و بوصورتله ایکنجی درجه حائر اهمیت قالدین مسافر اولان خانم افندی او صاحبنک صولنده اخذ موقع ایتمش اولور . [ اوچنجی چفت ] ، قاعده ۲ .

۴ — دردنجی اوله رق او صاحبه سنک صاغنده ، یعنی موقع شرفده اولان اک مهم ارکک مسافرک صاغنده ، اخذ موقع ایدجک اولان خانم افندییه قول ویرن ذات یمک سالوننه داخل اولور و قول ویردیکی خانم افندی یی صولنه اوطورتیر . [ دردنجی چفت ] قاعده ۱ .

متعاقباً و مناوبهً او صاحبه سنک صاغ وصول ، و او صاحبنک صاغ

وصولنده اخذ موقع ایدن چفتلر يك سالوننه داخل اوله رق قاعده  
عموميه اتباعاً يعنى او صاحبه سنك صاغ وصولنده كي ار ككلر قول  
ويردكلى خانم افنديلى صول طرفلرينه واو صاحبنك صاغ وصول  
طرفنده كي ار كك مسافر لر قول ويردكلى خانم افنديلى صاغ  
طرفلرينه اوطور تير لر .

صوك وضعيت — صوك چيفت اوله رق او صاحبه سى الك مهم ار كك  
مسافرك قولنده اولديغى حالده يك سالوننه كي رر ومقامنه اوطور ير .  
بوصورتله باشلوجه ار كك مسافر او صاحبه سنك صاغ طرفنده اخذ  
موقع ايتش اولور .

اخطار — كچه يك اوطه سنه كي رر كن معين صره بوايسه ده  
اكثر يا ضيافتلرده يالكسز او صاحبنك او كجه واو صاحبه سنك الك صوك  
يك سالوننه كي ررسى خصوصنه عطف دقت ايديلوب يك اوطه سنه  
كي رر كن ديكر صره لرده ياكشلق وقوعنه يك اهميت ويرلز . آنجق  
سفره ده معين اولان موقعلره بلا خطا اوطور مق جهتي فوق العاده  
اهميتله كوزده دلمليدر .

بو بحثه نهايت ويرمه دن اول ضيافتلرده ار كك وياقادين مسافر لك  
عددى مختلف اولديغى زمان و تحدث ايده بيله ك سائر وضعيتلرده  
نه صورتله حركت ايده لك اصولدن اولديغى ده ايضاح ايده لم :

۱ — بر ضيافتده ار كك مسافر لك عددى قادين مسافر لك  
عددنن فضله ايسه ار ككلر يعنى قادينلره قول ويرمه ين ار ككلر او



صاحبہ سندن اول یمک سالونہ کیرمہ یوب او صاحبہ سنی تعقیباً کیررلر  
وبو تقدیرده او صاحبہ سی یمک سالونہ صوگ اولارق داخل اولماز .

۲ — شاید ضیافت بر طول خانم طرفندن اعطا ایدلمکده اولوب  
ارکک تعلقاتندن کیمسه سی ده یوق ایسه ایکنجی موقعی اشغال ایدمک  
اولان ارکک مسافر برنجی درجده کلن خانم افندی یه قولنی ویر یرویمک  
اوطه سنه ایلک اوکجه کیررو او صاحبہ سی برنجی درجده کلن ارکک مسافرک  
قولنده صوگ اولارق یمک سالونہ داخل اولور .

۲ — سفرده صاحبہ خانہک همشیردلی صاحب خانہک  
همشیره لرینه، ویویوک مخدومک کلینی کورو عجله لرینه تقدم ایدرلر .  
۴ — او صاحبہ سنک غیوبتنده همشیره سی اولان خانم، او صاحبک  
همشیره سنه ترجیحاً صاحبہ خانہک موقعی اشغال ایدر و صلاحیتلرینی  
حائز بولونور .

۵ — او صاحبک بویوک مخدومی مسافر خانملردن برینه  
قول ویرر و او خانمک مواعنه کوره یاننده اخذ موقع ایلر .  
حالبوکه همشیره لری هر زمان دیگر خانم افندیلردن و کنج قیزلردن  
صوکره اخذ موقع ایدرلر و بوتون دیگر خانملر کندیلرینه  
تقدم ایدر و قول ویره جکلری ارککلر او صورتله منتخب اولور .

۸ — مسافرلردن زوج ایله زوجه، والده و مخدوم، برادر و همشیره  
یان یانه اوطور تئاز . یالکزیکی نشانیلری یان یانه اوطور تمق ایجابات  
نزا کتدندر .

## سفره او طورلد قدره صوكره

او صاحبه سى موقعه و آياقده انتظار ايدن ار كك مسافر لرك  
 جمله سى ده يرلى يرينه او طورلد قدرن صوكره ياپيله جق ايلك شى طباعك  
 ايجنده دوران سفره پخته سنى آلوب آچارق ديزلرينك اوزرينه براق قدر.  
 طعام اثناسنده سفره يه ايصال ايتديككز خانم افندى ايله  
 دائى صورتده مصاحبتده بولونمق و كنديسنى مشغول ايتك لازمدر. سكوت  
 ايتك، لاقيدانه جواب ويرمك، قارشو طرفده او طورانلرله قونوشه رق  
 ياننده كي خانم افنديلر ايهال ايتك معايباتنددر. معافيه عمومى  
 مصاحبه اشتراك ايتك ديكر طرفكزه تصادف ايدن خانم افندى ايله ده  
 كوروشمك لازمدر. مجلس آرا اولان ذات بو خصوصاتى پك كوزل  
 اداره ايتسنى بيلير و جمعيت آدمى طرز مكالمه سيله، طرز طعاميله،  
 اصول و آداب معاشرته بحق و قوفى ايله بر ضيافته در حال كنديسنى  
 كوستير و تمايز ايدر. سفره ده پك حيزلى قونوشماغه، قهقهه ايله كولمه مكه،  
 اوزاقده او طورانلر سسله نمه مكه دقت ايتمه ليدر. يانكزده بولنان  
 خانم افنديلر عرض خدمته احتياج يوقدر. منتظم قوناقلرده و بويوك  
 ضياقلرده متردوتلر، خدمتكارلر، هر شيئه دقت ايدرلر. قدح لر  
 بوشالنجه در عقب طولدير يرلر. اتمك بيته رايسه ايسته مكه وقت براقمان  
 در حال تقديم ايدرلر. بو خصوصه خدمتكارلر ايهال دخی ايدجك  
 اولسه لر اخطار ايتك و برشى ايسته مك مغاير نزاكتدر، او صاحبه سنى

محبوب ایتک دیمکدر . بو تقدیرده خدمتکارلر فرقه وارنجه یه قدر  
انتظار ایتک اصولدندر .

### اشنای طعامده

کرچه اشنای طعامده نه صورتله حرکت ایتک لازم کله جکی  
هر کسجه معلوم ایسه ده رسمی ضیافتلرده دقت ایدیله جک بعض نقطه لرده  
واردر . عدم رعایتی بادی تنقید اوله بیله جک بو خصوصاته عطف  
اهمیت ایدلمدیکی دخی واقع اولدیغندن بو اثرده تعقیب ایدیلا ن غایه یه  
توفیق حرکت ایتک اوزره کیفیتی بوتون تفرعاتیله ایضاح ایتکی  
موافق کوردک . مقصدیمز بوجهتلی اطرافیه او کر نمک و تدقیق ایتک  
آرزو ایدن قارئلیمزه مفید اوله بیلیمکدر .

سفریه او طورلدن جزوی برمدت صو کره در حال او ککزرده کی  
اوفق قدحه پورتو، شہری، مارسالا کی طاتلیجه بر شراب قونیلور ویمک  
داغیدلغه باشلانیر . معظم قوناقلرده دائما کافه تفرعاته نظارت ایدن،  
خدمتکارلری تحت مراقبه سینده بولوندیران بر ( متردوتل ) یعنی باش  
سفره جی ایله یمک طاغیتان و طباقلری ده کیشدیرن خدمتکارلر و شراب  
طاغیتان برسومه لیه Sommelier واردر . یمک هر ایکی جبهه دن عینی  
زمانده ایکی خدمتکار طرفدن درت قاب دروننده اولقی اوزره توزیع

ایدیلیر . اولاً او صاحبہ سی ایله صاغندہ کی ارکک مسافرہ وقارشو طرفدہ عینی زماندہ او صاحبی ایله صاغندہ کی وصولندہ کی خانم افندی ایله دیگر خانم افندیلرہ و متعاقباً ارککلرہ یمک تقدیم ایدیلیر . او صاحبہ صوک اولہرق یمک ویرلدیکی ویخود درعقب صولندہ کی خانم افندیدن صوکرہ توزیع ایدلدیکی دہ واردر . ہر ایکی طرزہ جائز و جاریدر .

یمک بعض دفعہ چوربادن اول چرز ایله باشلانیدی دہ اولور . بوتقدیردہ چرز طباغہ چتال و پچاق وضع ایدیلہرک مسافرک اوکنہ قونیلمشدر . چرز چتال و پچاقلہ اکل ایدیلیر . شاید چرز مقامندہ آوروپادہ اکثریا واقع اولدینی اوزرہ قاوون ویخود اوزوم اکرام ایدیلورسہ بونلرک طرز مخصوص اکلی واردر کہ بیلیمک لازمدر . قاوون ہان ہر بویوک ضیافتدہ اکرام ایدیلیر . بوقاوونلر بزم مملکتمزددہ کی بویوک قطعہدہ قاوونلر کی اولیوب دہا اوفق و دیلیملری دہا کوچوک وصاری رنگدہ برقووندر اسمنہ قانتالو Cantalcups دیرلر . قاوونی چتالی دیلیمک صول طرفکزرہ تصادف ایدن اوجنہ باطیرمق صورتیلہ پچاقلہ درین اولماق شرطیلہ کسمہ لی وقابوغندن آییرمالیدر . آنجق بوصورتلہ قابوغندن آییریلان قاوونی ینہ قابوغنک اوزرندہ ترک ایتہلی و ہر دفعہ سندہ اوفق برپارچہ کسہرک اکل ایتہلیدر . قاوونی پارچہ پارچہ کسہرک طباغہ چکمک وقابوغنی آچقیدہ براقق جائز دکلدردہ . حتی ہر لقمہدہ پچاقلہ برپارچہ کسوب یمک دہ اولور . ایلک طرز

اك كبارانه سيدر . چرز اوله رق اوزوم اكرام ايديليورسه خدمتكار  
 بونی كموش بر طباق دروننده وياخود كموش بر ميشلكده والنده بر  
 كموش مقاص ايله تقديم ايدر و اوفق بر پارچه كسوب او ككزه قور.  
 ياخود اوله اوفق پارچه لره كسيلمش اولان اوزومى اوزاتير .  
 بو تقديرده الكزله اوفق بر پارچه آلوب طباق كزه قویارسكنز. اوزوم  
 يمك ايچون او ككزده كي طباقده اوفق بر قاشيق موضوع بولونمقده در.  
 اوفق صالقمی صول الكزله طوتوب صاغ الكزله درت بش اوزوم  
 دانه سی قویاروب طباق كزه قویمه لی وهر بردانه یی قاشیغه قویه رق  
 آغز یكزه کوتورمه لی و اوزوم دانه سی ایوجه چيكنه دکن صو كره  
 قابوغی قاشیغك اوجیه تكرار آلوب طباقك كنارینه بر اقاليدر .  
 اوزوملری ايله قویاروب همان آغزینه کوتورمك وقبوغی وچكردكنی  
 آووجنك ایچنه صاقلایه رق او كنه بر يكدیرمك مغایر اصولدر .

احتمال كه شو سطرلری اوقویانلر بو درجه تقید واعتناك ده  
 آرتق پك فضله اولدیغی و بو قدر صیقی بر مراقبه آلتنده يمك يمك  
 بر عذاب اوله جغی و بو تفرعاتی اهمیتلی برشی ایمش کی الكیجه نقطه سنه  
 قدر ایضاح ایتمه ك . معلومات فروشایغه حمل ایدیله بیله جكنی دوشونورلر .  
 بر مثال ايله بوملاحظه كنك نه درجه غیر وارد اولدیغی اثبات اید. بیلیرز.  
 بو اترك تور كیه جمهوریتی بالعموم مأمورین كرامی طرفندن  
 اوقونه جغی امیدیه یازیورز . علی الخصوص مسلكه یكى داخل اولان  
 و آوروپا جمعیتلرنده حسب الوظیفه تور كیه جمهوریتی تمیل ایده جك اولان



کنج خارجه مأمورلریمزك بواثره صیق صیق مراجعت ایدجکلرینی  
ظن ایدیورز .

فرض ایدلم که لوندریه ویا برلینه ویاخود پارسه تعیین ایدیلن بر  
سفارت کاتبی بویوک سفارتلردن برینه یمکه دعوت ایدلسون وسفریه  
اوطوریر اوطورماز چرز اوله رق کندیسنه اوزوم تقدیم ایدلسون .  
اوزمانه قدر یمکه چوربا ایله باشلامسینه آیشمش اولان بو ذاتک  
بردن برده تعجب ایدجکی واولسه اولسه اوزومی بزم بیلدیکمزطرزده  
یعنی صالحمندن طوته رق دانه دانه یمکه قالقیشه جنی بدیهدر . شاید  
طباعنده برده قاشیق کوریرسه دهها زیاده تعجب ایتسی ودرایتلی بر  
ذاتک هیچ اولمزسه یاننده کیلرک نه صورتله حرکت ایدجکینی تدقیق  
آرزوسیه برمدت انتظار ایتسی ایجاب ایدجکدر . بر آدم نه قدرذکی  
وسریع الانتقال اولسه ینه بویله وضعیتلرده بروقفه تردد وتاثرکیریر.  
وبونک مدقق نظرلردن دور اوله میه جنی آشکاردر . حالبوکه بحق  
جمعیت آدمی اولق ایستینلرک بوکبی شیلره تمامیه واقف اوله لری  
ضروریدر . بیلیمک، حق لزومی وجهت تطبیق بولمسه بیله، بیلمامکه،  
وهرشیئی اولجه اوکرده نمک، اوکرده نامش اولمامغه شبهه سز مرحددر.  
بو تقدیرده « آداب معاشرت » دن باحث براردره هیچ برشیئک فضولی  
تلقی ایدلماسی لازمدر .

خوایار تردیانی ایله اکرام اولونور وحتال آیه اکل ایدیلیر .

اوفق بر اتمك پارچه سی اوزرینه چتاله بر از خویار و بر از تره یاغی  
قویق صورتیله ده اکل ایدیله بیلیر .

شاید چرزا اوله رق استریدییه ا کرام ایدیله برسه بونك ده طرزا کلی  
بشقه در . اولا ا کرام ایدیلن استریدییه لر صاغ الیه ایکی طرف  
کنارندن طوته رق دقتله طباغه آلمالی . اوچ نهایت درت دانه استریدییه  
آلمغه جواز وارد در . استریدییه لر، قبوغی ایله برابر بر از طباقدن یوقاری  
قالدی رفق و چتال ایله تکمیل استریدییه یی چیقاروب آغزینه کوتورمك  
صورتیله اکل اولونور . استریدییه یی طباقده براقه رق طاقردی یاقمق  
وقبوغی ایچنده ایکی یه بوله رك پارچه پارچه اکل اتمك آداب طعامه منایردر .  
ضیا قتلرده دقت ایدیله جك بر جهت ده ا کثریا عددی کثیرا اولان  
و طباغك صاغنه و صولنه دیزیلی اولان چتال و ییچاقلرك نه صورتله  
استعمال ایدیله جکیدر . بوده غایت بسیط در . طرزا استعمالی قولایلقله  
ایضاح ایچون اول امرده سفره اوزرنده چتال و ییچاقلرك صورت  
عمومییه ده نه صورتله موضوع اولدیغنی اراءه ایده لم . ریکزه او طور دینکنز  
زمان، طباق ، چتال و ییچاقلر یکنزی آتیده کی وضعیتده بولورسکنز :

یمش ییچاغی  
یش چتالی  
طباق

طباغك دیناری طرف

طباقك دیناری طرف

قاعدهٔ عمومیه — هر يك ویرلدجه طباعك طیشاری طرفندن  
 باشلایهرق صاعکزده و صولکزده صره ایله دیزیلی اولان طاقمر  
 قوللانیلور. بر ایچ طرفندن بر طیش طرفندن ویاخود طوغریدن  
 طوغرییه طباعك ایچ طرفنه تصادف ایدن طاقمردن باشلاناجق  
 اولورسه خطا ایدیلر و طاقمر ماضعلهی غیرنده قوللانش اولور.  
 طباعك کنارینه یقین اولان طاقه ایچ طرفه موضوع دینیلر. بنابرین  
 بلانده کوسترلدیکی اوزره طاقمری دائماً طیشاری طرفندن باشلایهرق  
 قوللانمهلی طباعه یقین اولان پارچه لری الكسوك اولارق قوللانمیلدر.  
 هریمكك نهایتده چتال ایله بیچاغی یان یانه و سفرهیه عموداً طباعك  
 ایچنه براقالیدر. چتال ایله بیچاغی چاراستواری یعنی خاچواری براقق  
 ویاخود سفرهیه افقی بروضعیتده طباعك ایچنه قوبق منایر اصولدر.  
 انشای اكلده چتال و بیچاق الده طوتولور. بیچاغی لندن براقهرق یالکز  
 چتال ایله يمك يمك وشاید يمك آراسنده شراب ویاخود صو ایچمك  
 ایجاب ایدرسه چتال ایله بیچاغی طباعك هر ایکی طرفنه عموداً براقق  
 معایباندردر. چتال ایله بیچاغی طباعك ایچنه براقالیدر. کذا بیچاغی  
 طباعك ایچنه براقهرق و صول النده چتالی طوتارق شراب قدحنه  
 اوزانمق دخی پك چیرکین بر طرز حر کتدر.

يمك آلیرکن فضلهجه آمق نه قدر عیب ایسه بعض خاملرك یابدینی  
 کبی کولونج اوله جق قدر آاز مقدارده آلمق ده اودرجه مناسبتردر.

شراب و صو ایچیلد کدن صو کره آغزینی پچته ایله سیلمک و بارداغک  
کنارینی یاغلامامغه دقت ایتمک لازمدر .

### چوربالر

بویوک ضیافتلرده اکثریا ایکی درلو چوربا اکرام ایدرلر . بری  
خفیف ، دیکری قویو چوربالدر . خفیف چوربالر ، ات صوی ، سبزات  
چورباسی کبی اولانلردر . قویو چوربالر ، سبزوات پورهلری  
آو اتی پورهلری ، طاووق و یا هندی کوکسی ازمه سی کبی آغزیه  
چوربالدر . اکثریا خدمتکار هانکی نوع چوربا دن آرزو بو یوردیغکنری  
صورار . نه ایسته یه جکته بلاتردد قرار ویره رک آمالیدر . چوربا ، بر چوربا  
کچه سی طولوسندن زیاده آلتماز . حتی کچه تمامیه طولایر مالمایدر .  
چوربا قاشینی اوج طرفی دکل یان طرفی آغزه کوتوریلهر رک ایجیار .  
قاشینی تمامیه طولایر ماملی و دوداقلری ایصلا تیه رق و شاپیر داتیه رق  
واچنه چکمه ره رک ناز کانه ایچمه لیدر . طباقده کی چوربانی تکمیل ایچمه ملی  
طباقده بر آز بر اقالی . طباقی اوکه طوغری ایکمک پک کبارانه  
بر حرکت دکلسه ده شاید یاپیلاجق اولورسه طباقی اوکه طوغری  
خفیفجه ایکمک و دیشاری طوغری ایکمک لازمدر . چوربا یچون  
صاغ طرفکزدن و دیشاریدن باشلا یهرق برنجی کلن چوربا قاشینی  
قوللانیرسکز .

يىك آيرىكن لىزومىدىن فضىلە سولە دونىك ، يىك طباغىنى ايوجە  
 تىقىق ايدىرىك بىرمدىت يىك آلمان طورمىق ، آلاچىنى پارچەدە مەردە  
 كورونىك موافىق دىكلەر . يىك دائىما سولدىن وىرلىكى جەتتە خىفجە  
 دونىرىك وآلەجىنى پارچەيە درىقبى قىرار وىرىرىك يىك آلمىق اىجاب ايدىر .  
 ا كثرىا كسىلمىسى كوچ اولان شىلىرى خىدمەتكار كىرى ويا ساسا اولجە  
 كسىلمىش اولىرىق ا كرام ايدىلىرى . طووق ، ھىندى آواتلىرى ، روزبىف  
 كى . بوقىدىرىدە خىدمەتكار اراىتە ايتىدىكى پارچەيى بلاتردى آلمىق موافىقىدۇر .  
 چورباندىن سوكرە ا كثرىا بورىك نىوعىدىن بىر خور ايشى وىرىلىرى . بوتون  
 بىردانە آلمىق و موافىق پارچەلىرى كىرىك يىك موافىقىدۇر . قاعدە عومىيە  
 اولىرىق ھىچ بىر يىكى طباقىدە اولجە موافىق كىسوب پارچەلىرىق  
 بالآ خىرە يىك آداب طىعامە مەياردىر ، ھىر دىقە سىندە بىر لىقە كىرىك  
 يىك قاعدە دىندىر . مەكىن مەرتىبە ھىرىكى چىتال وىچاقلىق يىك دىھا طوغىرىدۇر .  
 مە مافىيە يال كىز چىتال ايلە يىنە بىلە جىك يىموشاق بورىكلىرى يىچاق قوللانمىسىزىن  
 يىك دىخى جائىز ايسەدە براز لا بابالىانەدۇر . ھىچ بىر زمان يىچاڭك اوچىلە  
 يىكى آغزە كو تورمە مەلىدۇر ، غايتە عىيدۇر .

يىك طباغە آلىندىق دىن سوكرە دىكىر مەسافىر لىرىدە يىك وىرلىسى  
 انتظار ايتىمىسىزىن يىكە باشلانمىق اىجاب ايدىر . ھىر كىسە يىك وىرلىكىنى  
 بىكە بوب ھىر برآرادە يىكە باشلانمىق شىمىدى تەمەلە مەتروك برآصول قىدىمىدۇر .  
 على السوم سالىچەسى اولان يىكلىرى وسىزە وات ايلە بىرلىكىدە وىرلىلان  
 ات يىكلىرىنى سالىچەسى وسىزە واتى توزىع ايدىلەدىن يىكە باشلانمەلىدۇر .



صاچله وسبزدوات طبانغی طولاشدیریلنجیه قدر بکله مک لازمدر .  
چونکه ات یکنی برخدمتکار ، صاچله کاسه سنی ده بر دیگر خدمتکار  
دولاشدیرر .

### بالقلم

بالقلم کندینه مخصوص اولان چتال و بیچاقله اکل ایدیلیر .  
مایونزلی بالقلمدن چتال و قشغک و یا چتال و بیچاغک یاردیمیه اوفق  
برپارچه آیروب طبانغه قویمالی و مایونزک و یا خود صاچله سنک توزیعنه  
قدر بکله مه لیدر . صاچله تقدیم ایدلدیکی زمان یالکز برقاشیق صاچله دن  
فضله آلاملی در . صاچله توزیع ایدلدکن صوکره یمکه باشلانور .  
قیزارمش بالقلم اکثریا نادیده و اوفق و یا اوفق قطعه ده  
کسیلوب قزارتمش بالقلمدر . بونلری اوزاتیلان یمک طبانغده کسمکه  
قالتیشمیه رق اولدنی کبی برپارچه طبانغه آلمیدر . نه یمک طبانغده کسوب  
یاربسنی آلمق نه کندی طبانغده کسوب یاربسنی یمک طبانغه براقق جائز  
دکلدرد . شایدیک بو بوک قطعه ده قیزارمش بالقلمرا کرام ایدیه جک اولورسه  
اتندن برپارچه کسه رک آلاملی وینه بالغی پارچه لامقدن حذر ایتمه لیدر .  
قیزارمش بالقلمری طبانغکزه آلدقن صوکره اتلرینی و قیاجقلمرینی  
آیرمق جائز دکلدرد . هر دغه سنده بر اوفق پارچه کسوب یمک لازمدر .

کذا ات و آو یمکاری آلیر کن دائما اوفق بر پارچه کسوب طباغه  
 آلدقن و صالحه ویا بر لکده ویریلان سبزوات دخی آلدقن صوکره  
 هر دفعه سنده اوفق بر پارچه کسپله رک اکل ایدیلیر . اکثر یا پیلیچ  
 و بیلدیر چین ، کو کرچین و کبکک کی آواتلری آدام باشنه برردانه  
 اوله رق اکرام ایدیلیر . بوقدیرده هربری اولدینی کی طباغه وضع  
 ایدیلیر و هر دفعه سنده برر پارچه کسپوب اکل اولونور . قوشی طباقده  
 او یروب چویرمک ، کیکلرینی و قنادلرینی آیروب پارچه پارچه یمک  
 و کیکلری الی ایله طوتوب آغزینه کوتورمک معایاندندر . هله  
 قوشی او یروب چویروب و اتلرینی چتال و پیچاقله دیدیکله مک ، اکرام  
 ایدیلن یمک کافی مقدارده و منتخب پارچه اولدینی فکری ویره بیله .  
 چکدن جائز دکلدر .

بزلیه بی دانه دانه چتاله آغزینه کوتورمک ده جائز دکلدر . بونلری  
 طباقده ازدرک چتال ایله یمک اک موافق اصولدر .

قوش قونماز ات ایله برابر سبزه اوله رق اکرام اولونورسه ال  
 ایله ینمز . چتال و پیچاقله کسوب چتاله لقمه لقمه یمک لازمدر . فقط  
 شاید آیری بر یمک اوله رق بیاض و یا خود سرکه لی و یا غلی صالحه ایله  
 اکرام اولونورسه ، قوش قونماز آلمغه مخصوص ماشه ایله آلارق  
 طباغه قویملی و صالحه سی ده توزیع ایدلدکن صوکره اوچلرندن  
 پارمق لریله طوته رق صالحه یه باتیرمق صورتیه اکل ایتمه لیدر . نه قدر  
 بموشاق و معتنا جنسندن اولورسه اولورسه قوش قونمازلری صاپنه

قدر يملك جائز دكلدر . بعدالاكل قوش قونمازك صاپلرني طارمه  
 طاغيق طباعه بر اقيوب اعتنايله طباعك كنارينه ديزمك دها بكارانه در .  
 طوكدورمه دائماً قاشيق ايله اكل ايديلير . حتى قره مالى طاتيلير ،  
 يمىلى سودلاچلر ، [سوفله اوشوقولا] كچي ديكر طاتيلير چتالدين زياده  
 قاشيق ايله اكل اولونور .

طاتيلدين صوكره پينير ويرمك ده معتاددر . پينير پچاقله كسيلوب  
 طباعنه آلدقدن صوكره پينير پچاغيله اكل اولونور ؛ قادينلر پينير  
 اكل ايتزلر . مغاير نزاھت عد اولونور .

يمشدن اول «bole» بول «تعبير اولنان ال ييقامغه مخصوص اوفق وسوسلى  
 كاسه لر ، آلتلرنده اينجه ايشلمه لى پچته لر اولدني حالد ، يمش طباعك  
 ايچنده هر كسك او كنه وضع ايديلير . پچته سيله برابر «بول» لرى  
 قالدروب سفره اوزرينه وضع ايتك لازمدر . بو صورتله بوش قالان  
 طباعه يمش آلير .

آرمود ، الما ، پورتقال كچي قبو قلى يمشلر چتال قوتليجه و دريجه  
 صاپلانق صورتيله طباعه تثبيت اولونور و پچاقله يوقايدن آشاعى  
 قبوغى صويولور . آرمود و المالى اورتە سندن آيره رق ايكي يه ودرده  
 تقسيم ايدرك انه آلمق و پارمغنى طاييا يارق پچاقله صويمق و چتالسر  
 يملك مغاير اصولدر . آليشيلنجه بونلرى قاعده سنه توفيقاً صويمق  
 بك قولايدير .

اساساً بويوك ضيافتلرده يمش اولارق الما ، آرمود و موزدن

ماعدا یش ویردکلی یوقدر . تزین ایچون دیکر یشلردن ده قونش  
 ایسه بوضورتله قولای صویولاجق یشلری انتخاب ایتکدهام وافقدر .  
 یش اوله رق طرفانده یالکز چیلک اکرام ایدیله جک اولورسه  
 واکثریا اولدینی اوزره چیلکله آیقلاش اوله رق ویریلیرسه  
 قاشیقله بر مقدار طباعه آلدقن صوکره اوزرینه یاشکر یاخود بر آز  
 صولی قره م دو کولور وقاشیقله اکل ایدیلیر . صاپلری آیقلا نماندن  
 اکرام ایدیلیرسه هر چیلکی صاپندن طوتوب برر برر یمک وصاپنی  
 طباعک کنارینه بر اقق واکل ایتهدن اول شکره باطیرمق لازمدر .  
 طباعک ایچنده برر برر آیقلا یوب شکرله قاریش دیرمق وهپسنی بر  
 آراده یمک مغایر اصولدر .

یش بیتدکن صوکره «بول» ایچنده کمال نزا کتله پارمقلرینک  
 اوجنی ایصلا تمق وایکی النی بردن کاسه یه طالیدیرمیوب اولاصاغ  
 صوکره صول النک پارمقلرینی خفیفجه صویه باطیرمق وینه خفیفجه  
 اوککنزده کی سفره پخته سیله پارمقلر یکنزی قوروتماق لازمدر .

بونی متعاقب او صاحبه سی الک اهمیتلی خانم افندی یه باقهرق تبسم  
 ایدرک سفره دن قالمق اشارتنی ویریر وهر کس بردن سفره دن قالتارلر .  
 انکلتارده ن باشقه بوتون مملکتلرده اوکده بودفعه او صاحبه سی اولق  
 اوزره هر کس یمک صالوتنی ترک ایدر . وقهوه ، سیغاره ، ولیکورلر  
 ایچلمک اوزره صالونه کچرلر .

انکلتارده یالکزخانملر صالونه کچرلر وارککلر شراب وشامپانیایه

دوام ایتک اوزره بر مدت دهها سفردهه قایلرلر . یالکیز انکلیزیه  
 مخصوص اولان بوعادتدن بوراده فضله بئشه لزوم یوقدر . شوقدر  
 سویلهلم که انکلیزله مخصوص بر عادت اولق اوزره خدمتکارلر  
 اورتدن چکیلوب سفره اوزرینه وضع ایدیلن شرابی اولا او صاحبی  
 صاغنده کی مسافرك قدحنه طولدیریر و شراب صراحیسنی هر کس  
 یاننده کنه کپیریر .

### محمده صوکره

یمک ینوب هر کس سالونه کلدکن صوکره خدمتکارلردن بری  
 تپسی ایچنده قهوه دیکری ینه تپسی ایچنده مختلف لیکور تقدیم ایدر .  
 سیغاره لری و سیغاره لری او صاحبی ده ، کنج قیزلرده بالذات اکرام  
 ایدرلر . زمانمزده خانم افندیلرک اکثریسی ده سیغاره ایدیکندن  
 ارککلرک آروجه ویالکیزجه سیغاره سالوننه کیتدکاری نادرر .  
 مع مافیه بویوک و رسمی ضیافتلرده سیغاره ایچنلر ایچون آیری بر سالون  
 واردر . بوراده ارککلر باش باشه وقادینلرله مشغول اولق مجبوریتندن  
 آزاده اوله رق قونوشابیلرلر . هر حالده بوسالونده چوق قالماق وخانم  
 افندیلری یالکیز بر اقامق لازمدر .

اولی بر خانم افدینک زوجی رفاقتده اولمدقجه بر ضیافته اجابت  
 ایتسی اسکیدن جائز دکل ایدیه ده الیوم بو خصوصده دهها مساعه کارانه  
 حرکت ایدلمکده در . زوجی سیاحتده اولان بر خانم افندی خصوصی



ضیافتلره یالکمز و یاخود کریمه لریله و یا مخدومیله پک اعلا کیده بیلیر .  
 برکنج قیز آنجق رفاقتنده یاشلی برخانم افندی اولورسه بکار برکنج  
 طرفدن ویریلان ضیافته کیده بیلیر . ضیافتدن سوکره برمسامرہ رقصیه  
 یوق ایسه ساعت اون بره طوغری او صاحبترینه وداع ایدهرک مفارقت  
 ایتک لازمدر .

### ضیافتلرده ناصل کیینه لی

دینه لرده یعنی آقشام یمکی دعوتلارنده قادینلر ده قولته تووالت کیرلر .  
 ده قولته تووالت، کوکس و قوللری آچیق تووالت دیمکدر . بو، کیجه  
 تووالتلرینک یعنی دینه و بالو تووالتلرینک انواعی وارددر . مع مافیه اوکی  
 و آرقه سی پک فضله ده قولته ، یاخود لزومندن فضله قیسه و کوزه  
 چارپاجق درجه ده شاتاقاتی تووالتلردن کبار خانم افندیلر توقی ایدرلر .  
 سنی ایلریله مش خانم افندیلرک دینه لرده کوکمی آچیق فقط قوللری  
 اینجه بر تولاه قبالی تووالت اکسا ایتهلری دخی جائزدر .

ارککلر همه حل فراق کیرلر . فراقه قاتی برکوملک، او جلری  
 قیورلق قاتی یقهلق، بیاض یلک، کیلوب همه حل بیاض بویون باغی  
 طاقیلیر . فراق ایله سیاه یلک ده کیهنلر وار ایسه ده ظریف و مقبول  
 دکدر . دینه لرده ماسقارده تمیز سیاه روغن اوستی سیاه چوخه دوکمه لی  
 پوتین کیلیدیکی کبی باغاری ایپکدن ماسقارده تمیز سیاه روغن اسقارپین  
 و فوننه لی اوستی آچیق بالو اسقارپینی دخی کیلیر . دینه لره اوستی

فیونغه لی بالو اسقارپینی ایله کیدیله بیلیمسی اکثریا دینه لردن صکره بر  
مسامره رقصیه کیتمک احتمالی وارد اولدیغنددر .

فراق ایله کیجه لری دوز سیاه ویا قویو قورشونی فقط یقه سی  
آطلس پالطو کیلیر . حتی بو پالطولرک یازلق اینجه سی و برده قیش  
ایچون قالینی واردر . چوق صغوقلرده ایچی و یقه سی لوترویا آستراخان  
کورکلی پالطولر کیلیر . کیجه لری دائما بیاض و « غری دو پرل » یعنی آچیق  
کوموشی رنگلی دیوه نر و قلاق یا خود سیلندیر شابقه کیمه لیدر . معمه فیه  
دوز سیاه مه لون شابقه کیمک ده جائزدر . توقی ایدیه جک جهن آچیق  
رنگ بر پالطو یا خود یا غمورلق یا خود فوتر بر شابقه کیمکدر . بوصورت  
تلبس یک فضله لالالبایانه اولوب دعوت ایدلیککز برخانه یه بوصورتله  
کیتمک منایر نزا کتدر . فراقله بو صورتله آنجق بر باره ویا لوقظه یه  
ویا دانسینه کیتمک جائز اوله بیلورسه ده ظریف آداملر بونی ده  
یامازلر . هله یانکزده کیجه تووالتی ایله برئادین بولندیخی حلاله  
بهمه حال سیاه پالطو وسیلندیر و یا خود مه لون شابقه کیمک لازمدر .  
کوندوزلری آلتون صاپلی و مزین باستونلر قوللانق جائز دکلسه ده  
کیجه لری فراقله دهامعتنا و آغیر باستونلر قوللانمه جواز واردر .  
عینیه سوواره اثوابی اولدیخی کی سوواره باستونی ده واردر . کوندوزلری  
ممكن مرتبه ساده و کوستربشمنز باستون قوللانق دهامعتنا کبارانه در .  
خانم افندیلر کیجه تووالتی ایله تیاتروییه لوجه یه ویا طعام ایچون بر  
لوقظه یه کیتمدکجه شابقه کیمزلر . کیجه شابقه لری ده بستون آیری

شیلردر . بر دینه یه ویا بر بالویه ویا ساده جه بر مسامره یه ویا قونسره  
کیدر کن همه حال باشی آخیق وشابته سز کیتک لازمدر . حاجار  
اینجه بر دانته لایله ستر ایدیلیر . خاطرده طوتولاجق جهت دینه لره ،  
مسامره لره ، بالولره شابته ایله کیدلمدیکیدر .



## مسامره رقصه لر ، رسمي بالور ، جمعيات خيري به بالوري

مسامره رقصه « Soirée dansante » ك ترجمه سيدر . خصوصي  
عائله لرده اكثر يا بر آقشام طعامي ضيافتي متعاقب ويا بلا ضيافتي ويريلن  
بالوردر . پك بويوك و رسمي بر بالو اولدقجه دعوتيه لره « بالو » كله سني  
قويق معتاد اوليوب ، مغاير تواضع و محويت عد اولونور . فرانسزجه  
دعوتيه لرده ساده جه :

de leur faire l'honneur de passer la soirée chez eux يازلقله ا كتفا  
اولونوب دعوتيه لك صول كوشه سنه ده on danesera ديه اشارت  
اولونور .

اعتقاد مزجه صرف تور كجه مانوس و ظريف بر تعبير بولونجه يه  
قدر بو دعوتيه لرده [ مسامره رقصه ] تعبيرني قوللاقمق و دعوتيه لري  
شو صورتله تحرير ايتك مناسبدر :

محمد علي شناسي بك ايله رفيقه سي شباطك  
دردنجي جمعه آقشامي ساعت يكرمي ايكيدده خانه لرنده  
ترتيب ايديلن مسامره رقصه يي لطفاً تشریف  
بو يورمالريني احمد خلوصي بك افندي ايله رفيقه  
محترمه لرندن رجا ايلر لر .

اشبوعوتیه لره «جوابی مرجودر» قیدی علاوه اولونماز. زیر ابوکبی  
دعوتاره موافقت ویا عدم موافقتی مشعر جواب ویرمه لزوم یوقدر.  
شو قدر وارکه دانسدن صوکره اوفق سفره لره مسافر لره «سوپه»  
اکرام ایدیه جکندن ودعوتیلرک عددینه کوره ترتیبات اخذی لازم  
کله جکندن ناشی دعوتیه لره برکنارینه جوابی مرجودر دیه یازلمش  
ایسه بوتقدیرده بر آقشام دعوتی ایچون یازیلان جواب طرزنده ویکرمی  
دورت ساعت ظرفنده بر جواب اعطاسی مقتضیدر.

مسامره رقصیه لره ساعت اونده دعوت اولونور. آنجق هر کس  
اون بپننه طوغری کیدر. زیرا اولجه برضیافت دخی ویریلورسه  
او صاحبیری یمکدن قالمادن اول سالونده یالکیز قالمق خوش برشی  
اولماز. معافییه بویه احوالده یمکدن ساعت اونده قالمایلمک ایچون  
تدابیر لازمه اتخاذ ایدلمشدر.

او صاحبیری مسافرلرینی بویوک قبول سالوننک ایچ مدخلنده  
یان یانه طوره رق بکمرلر وهرکله برقاچ کله طیبیه ایله بیان خوش آمدی  
ایدرلر. کلنارک او صاحبیریله اوزون مدت قونوشمالری و متعاقباً  
کلن مسافرلری انتظارده و او صاحبیرینی مشکل موقعده بر اقامه لری  
لازمدر. بوتون دعوتیلرک ورودندن صوکره درکه او صاحبیری  
مسافرلرینک آرامنه قاریشابیلرلر.

بوکبی عائله مسامره لرنده علی الاکثر هر کس یکدیگرینی طانیدبغی جهته  
هر کس ممکن مرتبه دانس ایتک و صورت مطرده یالکیزای دانس ایدن



برقاچ ذاته حصر التفات ايدوب ديكر لرینی رد ایتك مغایر نزا کتدر .  
 شاید برخانم افندی برسیدن دولایی کنديسینی دانسه دعوت ایدن برذاته  
 یورغونلق بهانه سیله اعتذار ایده جك اولورسه اودانسی بشقه برذاته  
 بخش ایتمه ملی و اودانسیک دوام نجه 'جباسیله او طور وب قونوشمالیدر . ایکنجی  
 دعوته معروض قالدینی تقدیرده دیکر برذاته وعد ایتش اولدینی سویلك  
 کافیدر . بوندن صوکره ینه اصرار ایدیله جك اولورسه دائماً عینی  
 عذری درمیان ایدرك رد ایتك قابلدیر . ایکی دفعه بربری اوزرینه رد  
 ایدیلن و بشقه بردانس ایچون سوز ویرلین برار ککک تکرار رجا  
 و اصرارده بولونمسی صوکره درجه مغایر نزا کتدر . خانم افندیلری  
 دانسه دعوت ایتك ایچون نزدینه تقرب ایله دهها دانس باشلامادن  
 کندیلرندن بولطفك بخش ایدلمسی رجا اولونور . شاید قادین اولجه  
 بر دیکرینه سوز ویرمش ایسه هانسی دانس ایچون سربست اولدینی  
 و آنجق اودانسی کنديسینه ویره بیله جکنی بیلیرر . بو تقدیرده  
 کمال نزا کتله قادینک اوکنده اکیلک ووقت معینه یانه کیده رک  
 امرینه آماده اولدینکزی سویلدمک لازمدر .

بعض کره خانم افندیلر دانس ایتك نیتده اولمقلربی رجا  
 ایدنلره سویلش بولمق و بوضورتله برچوق ذواته جواب رد ویرمش  
 اولمقله برابر ، کچ وقت دانس ایتك آرزو ایدرك بشقه بذات طرفدن  
 وقوعبولان دعوتی قبول اید بیلیرلر . بو تقدیرده رد ایتش اولدقاری  
 ذواته تصادفلرنده اعتذار ایتك و کچ وقت دانس ایتك آرزوسینی

حس ایتدکلرینی و کندیلرینه ده آرزو ایتدکلری بردانسی ویره بیله جکلرینی  
 سویله مه لری ایجابات نزا کتدندر . هنوز تقدیم ایدل دیککز بر خانم  
 افندی بی در حال دانسه دعوت ایتک دوغری دکادر ، بویالکز ،  
 دانس ایتدیرلمک اوزره تقدیم ایدل دیککز بر کنج قیزه ویاخود پک  
 زیاده دانس مراقیسی اولدینی معلوم اولان برخانم افندی به قارشی  
 یاپیلا بیلیر . محضاً بر مجبوریّت رسمیه تحمّنه دانس ایدن و موقعی و سنی  
 ایجابی دها زیاده مکالمه و مصاحبه دن ذوق آلان خانم افندی لری دانسه  
 دعوت ایدرک ازعاج ایتک و اعتذار ایتک ضرور تنده بولونیدر مقده  
 مفایر نزا کتدر . کنج بر ده لیقانیلک ، اوفق بر مأمورک ، موقعی  
 یوکسک ذواتک رفیقهلرینی بلاتأمل دانسه دعوت ایتلری شایان تنقید  
 تکلیف سیرلکدن معدوددر . علی الخصوص هیچ دانس ایتک معتادی  
 اولیان خانم افندی لری مصرانه دانسه دعوت ایتک ایسه ملاحظه سزجه  
 بر حرکت اولوب حسن تأثیر یرینه سوء تأثیر ایقاع ایده جکنده شبهه  
 یوقدر . مسن بر دیپلوماته نیچون دانس ایتدیکی ودانسدن خوشلانوب  
 خوشلانمادینی صورولمش و ظریف دیپلومات : « دانس ایتکی پک سوه رم  
 فقط بنم ایچون دانس ایتک نه درجه بویوک بر ذوق ایسه دانس  
 ایدن قادین ایچون ده اودرجه بر آنغاریه تشکیل ایده جکنی دوشونه رک  
 هیچ دانس ایتم » جواب ظریفی ویرمشدر . بوتجربه دیده دیپلوماتک  
 سوزندن آکلاشیلاجنی اوزره برخانم افندی بی دانسه دعوت ایتک  
 ایچون یالکز زوجنی و عائله سنی طانیق ، عینی محیط اجتماعیدن بولونمق

کافی اولیوب بود عوتک مستلزم ممنونیت اولوب اولیه جننی دوشونمک ده  
 لازمدر . موقعی یوکسک بر ذات طرفندن بر اثر حرمت اوله رق دانسه  
 دعوت ایدلمش اولق برخانم افندی ایچون بر شرف تاقی ایدیله جکندن  
 ممنونیتله قبول ایدیله جکنده شبهه ایدیله میه جکی کبی دانس ایتمکدن متلذذ  
 اولان برخانم افندی بی غایت ایی دانس ایدن بر ذاتک دانسه دعوت  
 ایتسی ده بادی محظوظیت اولاجنی آشکاردر .

دانس ایتمک غایت نازک بر سپوردر . اول امرده ایی دانس ایتمک  
 لازمدر . بوده کافی دکدر . دانس ایدرکن رعایت ایدلمسی لازم کلن  
 آداب و اصوله بحق واقف اولق و برخانم افندی ایله دانس ایدرکن  
 اک اوفق حرکته صوکه درجه دقت واعتنا ایتمک لازمدر . دانس  
 ایدرکن قادیلری کندندن بر آرز اوزاقده طوتمق ، بلنه خفیف  
 بر صورتده تماس ایتمک ، الی کذا غایت خفیف طوتمق ،  
 دیزلرینی قیرمامق ، یوزینی فضله یاقلاشدیرمامق ، تووالتی ایله  
 بوروشدیرمامق ، الی کهوشه توب طوپلایه رق اینجه و نازک توالتلری  
 یوقاری طوغری چکمه مک ، دانس ایدرکن تمادی لقردی سویله مه مک ،  
 فضله کوله مک ، لا ابالیانه طورلر طاقمامق ، دوزرکن قادینی کندینه  
 طوغری فضله چکمه مک ، ویک عجله دانس ایدرک یورمامق لازمدر .  
 ظریف بردانسور ایشته بوتون بونکاتی آیری آیری بیلن و غایت طبیعی  
 و سربست دانس ایتمکه برابر ، بوقصورلرک هیچ برنده بولونمیاندر .  
 بونلری تعداد ایتدی کمز اکثریابلا ملاحظه و قصد وارد اولان طبیعی خطیأتدن

اولدیفنی مشاهده ایتدیکمزدن ودقت ایدلمیه جک اولورسه طبیعت ثانیه حکمنی آلارق آرتق بردها ترک ایدلمیه من فنا بر اعتیاد حاصل اولاجغنی اخطار ایتک ایسته دیکمزدندر . بعضاً اودرجه حساس وسریع التاثر خانم افندیلر وکنج قیزلره تصادف اولونورکه دانس ایدرکن هیچ بر سوء نیته مقرون اولمقسزین یالکیز فنا بر اعتیاد نتیجه سی یاپیلان اوفق بر قصوردن دولای یورولدقلرینی سوبیلهرک اعتذار ایدرلر ودانسه نهایت ویریرلر . طبعیدرکه بویله بر معامله یه معروض قالمق برکنج ایچون موجب حجالندر . اکثر یاسی بر درلو آکلاشیلامیان باردانه معامله لر بوکبی سوء اعتیاددن متولد برانفعالك نتیجه سیدر . علی الخصوص دانس ایدرکن ارککلر صوگ درجه نازک ، صوگ درجه حرمتکار ، صوگ درجه مخترزومتوق طاورا نما ایدرلر . رقص طرزی بر ارککلر سویه عرفانی ، سویه تربیه سنی ، وسویه محیطی در حال کوستیر . اونک ایچون غایت نازکانه وحرمتکارانه دانس ایتکه ، ظریف ونزیه ونحیب اولمه پک زیاده اعتنا ایتهلیر . لاابالیاک ، تکلیف سزک ، دقت سزک کوتورمه یین بر سپور وار ایسه اوده دانسدر .

چوق دفعه خانم افندیلر کرک خصوصی بالورده کرک جمعیت خیره طرفدن ویریلن بالورده آرزو ایتدکلری حالدده دانسه دعوت ایدلدکلری زمان نه درلو حرکت ایددجکلرینی مشکلاتله تعین ایتدکده وازعاج اونقده درلر . خصوصی بالورده بر خانم افندیلرک برذاته جواب ردویردیکی حالدده عقببنده دیگر

بر ذات ايله دانس ايتمنك مغاير نزاكت و حتى بر درجه يه قدر بادی انفعال  
اوله بيله جك بر حرکت تشکيل ايتمه سی، بو کی مسامر دلره بر برینی  
اوزون مدت طائیش و مناسبات دائمه ده بولونمش ذواتك مدعو  
بولوندیغی حسيله، تأسس ایتش بر قاعده در . طبعی در که اوزون  
مدت طائیشلش، اجتماعی مناسباتده بولونمش و بر چوق مسامره لره  
برابر دانس ایدلش بر ذات دانس ایتك آرزو ایدلمدیکی عذری در میان  
ایدیلر ك جواب رد ویرلدکن صوکره دیگر بر ذات ايله دانس ایتك  
حساس و سریع التأثير کیمسه لر ایچون بادی انفعال اولابیلر . گرچه  
تربیه لی بر ذات، و تام مناسبیه بر جمعیت آدمك بویه بروضعیت  
قارشوسنده ذره جه اظهار انفعال ایتیهوب، بردها او خانم افندی بی  
دانسه دعوت ایتمه ك صورتیه مقابله ایده جکی بدیهی ایسه ده بعض  
کیمسه لر ك بونی بر عزت نفس مسئله سی حاله افراغ ایتدکلی ده واقعدر .  
بنابرین اولجده ایضاح ایتدیکمز اوزره بر دیگرینه جواب رد  
ویردکن صوکره و حقیقه دانس ایتك آرزو ایتدیکی حاله خاطرندن  
چیقامیه جفی و یاموقع رسمیه سی حسيله رد ایدمه جکی دیگر بر ذات  
ایله دانس ایدن خانم افندیك اولجه بیان ایتدیکمز طرزده اعذار ایتسی  
بك نازکانه و کبارانه بر حرکت اولور .

فقط ار ککلر ك دائماً در خاطر ایتهلری اقتضا ایدر که بویه نازکانه  
بر ایضاحی خانم افندیلر آنجق بك ای طائیدقلرینه و صمیمی دوستلری  
اولانلره ویرمك لطفنده بولونورلر . شوقه رزار که بر خانم منور طائیه بی



ويا تصادفاً تقديم ايديلوب ، كوروشمك وتماسده بولونمق ايسته مديكي  
 و كندى محيطندن تلقى ايتديكي بر كيمسه طرفندن دانسه دعوت ايدلديكي  
 زمان، - ولو بر اثر حرمت اوله رق دخى ياپيلمش اولسه - اساساً  
 لااباليانه تلقى ايديله بيله جك بويله بر دعوتيه يورغونلقدن بحث  
 و بيان تأسف ايدرك نازكانه فقط قطعى بر صورته جواب رد  
 و يرمكده مختار عد ايدلمكده در . حتى بر آرزو كره ابي طانيديني  
 ديكر بر ذات ايله دخى دانس ايتش اولسه رد ايديلان اشبو ذاتك  
 ايضاحات ايسته مكه حق اولاماز .

لايتير بر قاعده اولارق قادينلره قارشى ار ككرك وظيفه سى دائماً  
 حرمتكار اولمقدرد . هيچ بر زمان اونلرى ازعاج ايديله جك بر حر كته  
 تصدى ايتهمك ، دائماً اونلرك آرزوى نه دن عبارت اولديغنى تدقيق  
 ايدرك او كا توفيق حر كت ايتمك ، بر جمعيت آدمك عهد سنه مترتب  
 باشلرجه وظيفه در . بناءً عليه بر قادينله - ولو اجتماعى و رسمى - بر مجبورييت  
 تحمیلندن ممكن مرتبه توقى ايدرك هر شيدن اول كنديلرني ازعاج  
 ايتهمكه دقت ايتهلدر . خانم افنديلرك پك زياده دقت ايتهلرى لازم كلن  
 بر جهته ده بويوك ، كوچوك ضابطانه قارشى ايديله جك معامله ده در .  
 على العموم ضابط اونيفورمه سنى طاشيان ذوات ، دنيانك هر طرفنده  
 هانكى اردويه منسوب اولورسه اولسون او مملكتك الكيوكسك محيط  
 اجتماعيسى اركانندن معدود درلر . بر ضابطك تقديم ايديله ميه جكي  
 بر خانم افندي ، مناسبانده بولونه ميه جنى بر محيط اجتماعى

متصور دكلدر . دنيانك هر طرفنده ضابطان تربيه و نزاكتك ،  
اجتماعي تكاملاتك ، خلاصه جنتلمنلك برر مثال مشخصيدر لر .  
بلاستيدان كيمسيه يي قديم ايتك جاؤاوليان برخانم افندي به رضابطي  
بلاستيدان قديم ايتك مدني مملكتلك كافه سنده قبول  
ايدلش بر قاعده در . بونك سببي پك بسيدر . دنيانك هر طرفنده  
ضابطان قدر صيقي بر مراقبه اخلاقيه و بر ضبط و ربط اجتماعي به تابع  
طوتيلان - ديپلوماتلر مستثنا - ديكر بر مملك متسبيني يوقدر . ضابطان  
هر كسله كوروشه مزلر ، ايسته دكاري محيط ايله تماسه كله مزلر . هر يره  
كيد مزلر . كوروشه چكلى عائله لك مملكتك اك نزيه واك تربيه لي ،  
سجيه لري و اخلاقي برنسيدي مذبوط عائله لرندن اولمسي شرطدر . احوالي  
مشكوك ، سجيه سي دوشكون ، شهرتي بوزغون كيمسه لرله مناسبته  
بولونديني كورلن بر ضابطك بض مملكتلرده اردودن اخراجنه قدر  
كيدلديكي كورولمشدر . بناء عليه تورك اردوسي اونيفورمه سني طاشيان  
بر ضابطك بوتون اردومز اخلاقي ، تربيه سني ، فضيلت و ناموسني  
متكفل عد اولونا چني جهته آرتق بوندن يوكسك بر برات تربيه  
و عرفان تصور اولونا ماز . ايسته بوسببندركه بر ضابط هر هانكي  
بر خانم افندي به قديم ايدلمسي رجا ايدرسه بلا تأمل رجاسي قبول  
وبلاستيدان قديم اولونا بيلير .

معروضات سالفه دن ده استنتاج ايديله چكي اوزره بر ضابط كنديسني  
آنچق جمعيت ايچنده پك معروف ذوات طرفندن قديم ايتديره بيلير .

تقديم ايدن ذات ، يا كندندن يوكسك ويا كندى اقرانى بر ذات  
اولايلير ، بر موقع رسمى ويا اجتماعى اوليان بر كيمسه برضابط  
هيچ بر زمان مراجعت ايتز .

اونيفورماسنى طاشيدان برضابط جيمتك آنجق اك معتنا واك نزيه  
عناصريله تماسه كلير . ومثلا تشكلى بر درجه يه قدر قاريشيقجه اولان  
عمومى بر بالوده كينس داتق كيمسه لرله طائيشوب دانس ايتز . صرف  
ملى جمعيتمزاركانندن اولان ومضبوط الاحوال بولونان عائله لرافرادينه  
حصر مناسب ايلر . بو مجبورى الاقتفا بر قاعده مضبوطه اجتماعيه در .  
بعدالتقديم برضابط طرفندن دانسه دعوت ايديلان هر خانم افنديك  
بودعوتى بر شرف تقى ايمسى وودعوته اجابت ايمسى لازمدر . بوندن  
آنجق دانس اينك معنادر اوليان خانم افنديلر معافدرلر . بوتقديرده  
هيچ دانس ايتديكى نازكانه سويله مك واجتدار ايتك كافيدر . پك  
نازك اولان ضابطان على السوم بويله بر وضعت دوشوسنده  
تكليف ايتديكلرى ومعدرت مقبوليه مبنى اجابت ايديله مين دانس  
مدتجه خانم افنديك ياننده اولوروب مصاحبه ايدرلر وبشته بر خانم  
ايله دانس ايتزلر . بوكا مصاحبه ايله كچيريلان دانس تصوير اولونور .  
شايد دعوت ايديلان خانم افندي بشته بر بيله اولجه سوزلشمش  
اولورسه او دانس ايچون سوز ويرمش اولدينى فقط ايلك سربست  
اولان دانسى برلكده اويلاه جفتى بيان ايدر .

ضابطان كنج قيزلره قارشى خايت نازكانه وحرمتكارانه داورا نارق

تقديم آرزوسنی درمیان ایتمه دن اول کندیلرینی کنج قیزلرک  
ابوینته تقديم ایتدیرمکده تراخی ایتمه لیدرلر . ضابطان ممتاز بر  
موقعده اولدقلری جهته آداب معاشرته هر کسدن زیاده رعایتکار  
اولمی و صوگ درجه اصول پرست بولونمالیدرلر . بناء علیه بر کنج  
قیزی طایبق آرزو ایتدکلری تقدیرده هر حالده اول امرده  
کندیلرینی کنج قیزک پدرینه و یا والده سنه تقديم ایتدیرمه لی اوندن  
صوکره کنج قیزه تقديم اولونمالیدر . ضابطان شرف و حیثیلرینی  
صوگ درجه کوزه تهرک اونفورمه نک بخش ایتدکی ممتازیت فوق العاده دن  
پک بویوک بر اولچو و صوگ درجه تیقظ و انتباه ایله استفاده ایدرلر .  
هر کسله اولدیغی کبی کنج قیزلرله اولان مناسباتده غایت مخترازانه  
و حرمتکارانه داورانه رق بر ضابطک جدید اطوار ایله متناسب اولامیه حق  
سربستدکلرده و تکلیف سزلکلرده بولونمازلر . ضابطان دائماً ک نزیه  
محیط ایچنده واک معروف عائله لر ارکانیله تماسده بولونایله چکلری  
جهته اساساً بویله بر ملاحظه وارد اولماسی لازم کایر سده بزی  
بومعطله یه سوق ایدن بعضی یکی دانسلرک خصوصیتی اولمقده در . مثلاً  
نه قدر مقبول و مرغوب اولورسه اولسون ، آرقه سنده اونفورمه سی  
وارا یکن بر ضابط عمومی بربالوده پارلستون اوینا ملیدر . بودانک  
پک غریب و حتی شایان تنقید بر طاقم اوضاع و اطواری ، بر ضابط و دوار  
وجدیتی و تمیل ایتدکی بوکسک مسک و علوی خصائلرله نابل تألیف  
دکلدر . سیر ایدنلرده خو پیا لاق ، اطراد سزلق ، آزاده سزلک ،

دربدرلك حسنى اويانديران بودانسه برضايطك اونيفورمه سيلاه اشتراك  
ايتيمى شايان تقيد وبادى استغراب اولابيلير . بوسيدن ضابطان  
نزیه وکبار دانسلرى ترجيح ايدرلر . نزیه عدايدميان دانسلر :  
شیمی ، ماشيش ، بره زيليه ، بلاق بوتوم ، تورکه تروت ، چارلستوندر .  
فوقستروتلر ، ووانسته پلر ، توسته پلر ، والسلر مقبول دانسلردن  
معدوددر .

قاعده عمومیه اولارق بيان وايضاح ايتديکمز بوتقييدات عمومی  
يرلره انحصار ايتمکده اولوب ، خصوصى صورتده وقوع بولان عائله  
دعوتلرنده وپک صميمی برمحيط ايچنده ظريفانه و کبارانه اولق اوزره  
ضابطانک ايتدکلری دانسی اوينايابيله چکلری پک بدیدیر . شبيهه  
يوقدرکه هر نرده اولورسه اولسون برضايط هر کسدن فضله تيقظ  
واعتدال ايله بصيرت و اولچوايله حرکت ايتمک ، تمثيل ايتديکی مقدس  
مسئلهک وقار وجديتيله متناسب اولاميه حق لايالايانه حرکاتدن توقی  
ايلک مجبورييت معنويه سنده اولديغی هر کسدن ايی تقدير ايدر ودايما  
او صورتله حرکت ايدر .

بالولرده و مسامره لرده ، خصوصات سائرده ضابطان عينيله  
سيويل ذواتک تابع اولدقاری قاعديه رعایت ايدرلر . شويلاه که :  
بردانس بيتديکی زمان برلکده دانس ايتديکمز خانم افندی بی ،  
متاهل ايسه زوجنک ويا رفقاسنک وکنج قیز ايسه ابويننک بولونديغی  
يره قدر کوتورمک و لطف واقعدن دولاي تشکر ايتمک لازمدر .



قاعدهٔ عمومیه اوله رق ار ککله، خانم افندیلر دیگر بر ذات طرفدن دانسه دعوت ایدیله نجیه قدر ویا اولجه سوزلشدیکی ذات کله نجیه قدر و کندسی بشقه برخانم افندی بی دانسه دعوت ایتش ایسه یکی دانس باشلا نجیه قدر اولجه دانس ایتد ککری خانم لک یاننده قالمالری اصولدندر. دانسی متعاقب بر قادینی همان تشکر ایدرک اورتده یراقق و بشقه طرفه شتاب ایتک فوق العاده معایبتدندر. شاید بر قادینی یرینه قدر کوتورد کدن صوکره یکی دانس باشلا نجیه ویا قادینک سوز و یردیکی (قوالیه) کله نجیه قدر بکله میه جک ایسه کز کمال نزا کتله بیان تشکرا ایتد کدن صوکره، عذر دیله مه لی و باش ا کدرک سلام و یرد کدن صوکره چکیلمه لیدر.

شاید برخانم افندی دقتسزلک اثری اوله رق ایکی ذاته بردن عینی دانسی وعد ایتش و هرا یکی ذاتک بردن عینی زمانده مراجعتنه معروض قالمش ایسه کیمه اول وعد ایتدیکنی در خاطر ایدرک دقتسزلکندن دولایی اعتذار ایتمه لی وایلک اوکجه وعد ایتدیکی ذات ایلله دانس ایدرک ایلک سربست اولان دانسنی دیگر ذاته وعد ایتله لیدر. بویله بروضیت تحدثنده ار ککله عهده سنه ترتب ایدن وظیفه در عقب آ کلاشه رق قادینک عجبوبیتنی ازاله یه چالیشمق و وعد ایدیلن دانسی کمال نزا کتله قبول ایدرک مناقشه دن وحادثیه بر عزت نفس ویا بر ترجیح و رجحان شکلی و یرمکدن اجتناب ایتمکدر. ظریف و تربیه لی ذوات بوکی وضعیترده نه صورتله حرکت ایتک لازم کله جکنی پک کوزمه ل تقدیر

ایدر لر. هر خصوصده رهبر حرکتک قادینلره حرمت مجبوری اولدیغی  
تخطر ایتمک کافیدر .

سوپه دن ویا بوفه دن عودنده دانس سالوننه کیرلدیگی زمان قادینلره  
قول ویرمک جائز اولمیدیگی کبی دانس ایتمک اوزره آیاغه قالدیغی  
زمانده قادینه قول ویریلر . قادینله دائماً یان یانه وقادین بر ازا وکده  
اوله رق ایلریله مک اصولندر . بو اصوله واقف اولیان بعض کنج  
قیزلرک قاولیهلرک قولنه کیرمکه تشبث ایتدکلری و بعض ارککلرک  
بر اثر نزا کت تاقی ایدرک دانس ایده جکلری خانملره قول ویردکلری  
اکثر یا واقع اولدیغدن بو خصوصی قید ایدیورز .

دعوتلیسی پک کثیر اولان مسامره رقصیه لرده و بویوک بالورده  
بعضاً ده لیقانلیلرک طانیققلری خانم افندیاره تقرب ایدرک کال حرمتله  
دانسه دعوت ایتدکلری واقعدر . کرچه بعض دفعه بویله بر دعوته  
مجبوبیتندن دولایی اجابت ایدن و یارد ایده جک قدر کندنده جسارت  
کورمه ین خانملره تصادف اولور نورسه ده بویله طانیققلی ویا تقدیم ایدلمدیگی  
بر خانمی و بر کنج قیزی عینی مسامره ده بولونمق وسیله سیله خود بخود  
دانسه دعوت ایتمه نک آداب معاشرته منافی اولدیغی بیلنمیلدر . بویله بر تشبث  
وقوعنده هر خانم افدینک هیچ بر معذرت بیانه لزوم کورمه یه رک ردایتمک  
حقیدر .

خصوصی بر بالوده و بر مسامره ده طبعیدر که بویله بر وضعیت تحدث  
ایتمسه احتمال یوقدر . بعضاً اوتلارده ، قلوبلرده دانس سالونلرنده

ویریلان مسامره لوده تقدیم ایدلمکسزین بر قادینی دانسه دعوت ایتک  
 جائز اولوب اولامیه جنی مناقشه ایدلمکده ایسه ده طانیدینی بر قادینی  
 دانسه دعوت ایتک جائز اولامیه جنی مخصوصه هر کس متقدر .  
 بویه یرلره هر کس طانیدینی احباسیه برابر کلیر و یالکز اولارله  
 وطانید قلدن تصادفاً اوراده بولنارله دانس ایدر . خارجدن بر  
 کیمسه نك سلمه السلام کلوب بر قادینی دانسه دعوت ایتسی متجاوزانه  
 دکل ایسه بيله مخالف تربیه و قاعده بر حرکت عد اولونور . بو کبی  
 احوالده قادین هیچ برشی سویه مک لزوم کورمز و یاننده کی ارککلر  
 ایجابنه کوره نازکنه ویا باردانه جواب ویریرلر . بلا تأمل بویه  
 حرکته بولنان ذاتک بر مسئله حیقارمه یه رقی خیف بر سلامه آیرلمسی  
 ایجاب ایدوب مناقشه کیریمه سی الطافله بر حرکتدر . طانیدینی  
 بر قادینه تقرب ایتک لقردی سویه مک ، دانسه دعوت ایتک  
 بعضاً شایان تأسف حادثاته سببت ورمه بلیر . بو خصوصی اهمیتله  
 قید ایتدیکمز اوروپاده اکثریا بویک اولارده ، بویک لوقه ناهارده ،  
 معروف دانس قلوبلرنده تمیز عائلرله هب بر آراءه اکلمه لری متاد  
 اولوب حتی یمک آردنده بیلدانس ایدله یکی کثیر الوقوع اولدیندن ،  
 عمومی بریرده بولونلمسی سبب کافی عد ایدیلرله مخصوصا دانس ایتک  
 آرزوسيله و حتی کمال حرمت و نزا کتله طانیدینی قادینارده دانس تکلیفنده  
 بولونمقدن توقی ایتک لازم کله چکنی اخطار ایتک ایچوندور .  
 کرچه بالورده بوفیه کوتوردیکمز خانم افندییه قول ویرمک

جائز دکل ایسه ده بونک دخی براستناسی اولوب مسن خانم افندیله  
 پک یوکسک بر موقع رسمی واجتماعیسی اولان خانم افندیله او  
 صاحبی طرفندن ویاهمیتلی دیگر بر شخصیت طرفندن بر حرمت مخصوصه  
 اوله رق بوفه یه کوتورلدیکی زمان قول ویرمک و غلبه لق آراسنده  
 راحتجه کجه بیلیمسی تأمین ایتک موافق نزا کتدر . بوفه دن عودتده  
 کذا قول ویریلیر . بعض دفعه خانم افندیله قول ویرمک آرزو  
 ایتدکری ده « زحمت ایتمه ییکز ، بن یالکز کیدرم ، تشکر ایدرم »  
 دیدکری ده واقعدر . بونی پک طبیعی تلقی ایتله و اصرار ایتمه لیدر .  
 حال بوکه بعض خانم افندیله غلبه لقندن کچمک ایچون قول  
 ویرلمسی ترجیح ایدرلر بو ، استثنائی بر حرمت مخصوصه اولوب قاعده  
 عمومی قول ویرمه مکر . استثنال قاعده بی تأیید ایدرلر .

بالورک مسامره رقصیه لردن برفرقی ده واسع مقیاسده دعوتیلیر  
 بولونمسی ، ده کنیش سالونلرده دانس ایدلمسی و ده اوزون مدت  
 دوام ایتمه سیدر . مسامره رقصیه لرده بر پیانو بر کمان حتی کوزل بر  
 غراموفون بیله کافی عدایدیله رسده بویوک بالورده بهمه حال یا مکمل  
 بر جاز باند طاقی ویا تام بر اورکسترو اجرای آهنگ ایتمه لیدر .  
 بویوک بالورده ، یعنی خصوصی ویا رسمی ذوات طرفندن ویریلن  
 بالورده ، دائمی بوفه دن منهدا برده سوپه احضار ایدلمسی معتاددر . اوفق  
 ماصه لرده دعوتیلیرک عددینه کوره ترتیب ایدیلن سوپه یه هر کس اولجه  
 سوزلشدیکی ورجا ایدوب مظهر قبول اولدینی خانم افندی ایلا و مشترک

احبایله برلکده اشتراك ایدرلر. سفره لر درت و آلتی وسکز کیشلیك  
اوله رق ترتیب ایدیلر. کنج قیزلری سوپیه دعوت ایده بیلمک ایچون  
بویندن استیدان ایتک لازمدر. شاید او صاحبه سی طرفندن سفره لر  
نصل او طور یله جنی اولدن ترتیب ایدلمش و او صاحبه سیله او صاحبک  
بولونه جنی سفره یه کیملرک اشتراك ایده جکی بالخاصه دوشونولمش ایسه  
وقت معیندن اول کرک او صاحبه سی و کرک او صاحبی طرفندن صورت  
مناسبه ده علاقه دارانه بیلدیریلر .

سوپه دن سوکره دانس صالونه عودت ایدلکی زمان رفقت  
ایتدیکنز خانم افدینک یاننده دانس باشلا نیجه قدار او طور  
و یالکنز بر اقامق لازمدر. شاید خانم افدی بر دیگرینه سوز و یرمه ش ایسه  
ایلمک دانسه کندیسینی دعوت ایتک موافق نزا کتدر . شاید باشقا  
برینه سوز و یرمش ایسه کنز موزیقه باشلا نیجه کیمکه دانس ایتکه  
سوز و یرمش اولدیغکنزی سویله یه رک اعتذار ایتک لازمدر .  
شاید برلکده سوپه ایتدیکنز قادین بر باشقه ذاته ایلمک دانس ایچون  
سوز و یرمش ایسه او ذانک ورودینه قدار انتظار ایتک لازمدر .  
اکثر یابویوک بالورد «Cctillon قوتیون» تعبیر اولونان و هر کس یرلی  
یرینه او طور دقدن صوکره باشلایان بر نوع دانس جاریدر . بوکا  
فرانسزلر «Cotilloner قوتیونه» دیرلر . بزده فلان بالوده «قوتیون  
اولا جقدر» دینلمکده در. برچوق مختلف اکنجه لی «فیکور» لری اولان  
قوتیون مدتیجه ، مدعوینه اوفقی تفک هدیه لر داغیدیلر .



بويوك بالولرده «قوتیون» ك برچوق قواعدى واردر . بونلردن  
 برنجیسی و باشلیجه سی قارغشله نى منع و صیره یی محافظه ایچون هرچفتك  
 همه حال یرلرنده اوطوروب آیاقده طوره مالری لزومیدر . «قوتیون»  
 دانسلنك هانكى ساعتده باشلايه جنی اولجه هر كسه بیلدیریلر . ا كثریا  
 سوبه دن اول وساعت برچنجه دوغرو «قوتیون» باشلار . هر كس  
 اولجه كیمكه دانس ایده جكنی قرارلاشدیرمش و بوخصوصه سوز  
 آلمسدر . دانس سالوننك اورتیسی تمامیه بوش براقیلهرق سالونك  
 اطرافده دیزلمش صندایه لرده قالدین ، ارکك كیشی كوزل یان یانه اخذموقع  
 ایدرلر «قوتیون» ی اداره ایدن خانم افندیلرله بکلرك سربستجه کیروب  
 چیقاییلملری ایچون آروجه برمدخل سربست براقیلر . صندایه لرك  
 آرقه طرفنده «قوتیون» د اشتراك ایتمین سائرمدعوین اخذموقع ایدرلر .  
 بزبوراده «قوتیون» ده ناصل دانس ایدلديكنی مختلف «فیکور» لری  
 نهدن عبارت اولدیغی ایضاح ایده جك دكلز . یالکز آداب معاشرته  
 تعلق ایدن جهندن بحث ایدلمش اولمق اوزره «قوتیون» دانس ایدیلن  
 بالولرده :

۱ — یینی و صندایه سنی ممکن مرتبه اولجه انتخاب و اشارت  
 ایدرك دیگر ذوانك صندایه سنه فضولی تصرف ایتمهك . شاید بو  
 صورته بر مناقشه دخی چیته جق اولسه یالکز خانم افندیلری اوطورتوب  
 ارکكلرك دانس ایده جكلری خانمك صندایه سنك آرقه طرفنده  
 آیاقده طورمق صورته حل مسئله ایدلمك معتاد اولدیغی در خاطر ایتك؛

۲ — «قوتیون» ی اداره ایدن خانم افندیلر طرفندن چاغیرلمدجه  
قادینلرک یرلرندن خودبخود قالقارق دانسه اشتراك ایتلری قطعاً  
جائز اولدیغنی برقاعده اساسیه اولق اوزره قبول ایتک ؛

۳ — هدیهلرک حین توزیعنده ، ارککلی هدیه ی قبل توزیع  
آلق ایچون سوق وتشوق ایتیهلرک صرہ سنه انتظار ایتک حتی  
حقسزلق دخی اولسه اوفق بر هدیه ایچون مطالباته ویا اظهار انضاله  
نزل ایتامک ؛

۴ — دانسی اداره ایدن خانم افندیلر بر «فیکور» ک ختام  
بولدیغنی اشارت ایتدکلرینی متعاقب درحال دانسه نهایت ویرمک  
ویرینه عودت ایتک ؛

ایجاب ایتدیکنی قید ایتک ایستهرز .

دیگر طرفندن «قوتیون» ی اداره ایدن خانم و بکلره ترتب  
ایدن وظیفه ده بروجه آتیدر :

۱ — هر «فیکور» ایچون برنجیده هرایکی باشدن باشلایهرق ،  
برچیف دعوت ایدوب برچیف آتلایهرق وایکنجیده ، اشتراك  
ایتدیرلمه ین چیفتدن باشلایهرق و بر چیفت آتلایهرق الخ ... فیکورلره ،  
هر دفعه سنه دیگر ذواتی اشتراك ایتدیرمک و ممکن مرتبه هر چیفتک  
دانس ایده بیامسنی تأمین ایتک ، دائماً دوستلرینی و طانیدقلرینی  
اتخاب ایدرک طرفکیلرک ایتامک ، شکایته محل ویرمامک ؛

۲ — هدیهلری توزیع ایدرکن غایت نازکانه طاورنامق ، هرکسه

يكن يکن تقديم ايتک ، هديه لری آرقه صره لره طانيدق لرينه آتماق ،  
 کافی درجده اوليان هدايایي توزيعدن فراغت ايتک ، کيمسيه باردانه  
 معامله ايتمهک ، فيکور لری ياکلش ياپانلر حقهده مساحه کار اولق  
 وهر کسک مکتب صره سنده دکل اکلنجه محلبده اولديغنی در خاطر ايتک .  
 مختصر صورتده ويرمش اولديغمز ايضاحات سالفه دن ده آکلا -  
 شيلور که « قوتیون » باشلی باشنه اهميت مخصوصه يي و اصول و آدابي  
 اولان بردانس اولوب ، يالکز کیف ما اتفق غير منتظم بر صورتده هديه لر  
 توزيع ايله مکن عبارت دکدر .

« قوتیون » ی درت قادین و درت ارکک اداره ایدر بوکا فرانسزجه  
 « Conduir le Cotillon » دیر لر . بو عادتاً بر صنعتدرو جمعیت ایچنده « قوتیون »  
 اداره ایتمهکه مشهور کنجار و ظریف آدملر واردر . اولای غایت  
 جوال اولق ، غایت ایی دانس ایتک و شکلاً غایت ظریف اولق  
 لازمدر . زیرا قوجه بر صالونک اورتیه سنده نقطه محراقی تشکیل ایدن  
 بو سکز ذاتدر . قادینلر اکثر یا ممارسه لی کنج خاتم افندیلرله کنج  
 قیزلردر . بالودن بر ایکی هفته اولدن بو سکز ذات طویلانه رق  
 « قوتیون » ی نصل اداره ایده جکلرینی ، هانکی « فیکور » لری یاپدی راجقارینی ،  
 هانکی « فیکور » ک قایچ دقیقه دوام ایده جکنی هر « فیکور » دن اول هانکی هديه لر  
 طاغیديله جغنی تثیت ایدر لر . هديه لر غایت ظریف ، ایچلری دانستلالی اور تولرله  
 مزین ، مکلف قورده لالرله اوموزلره مربوط سپتار ایچنده توزیع ایدیلر .  
 قادینلرک هديه لرینی ارککلر ، ارککلرک هديه لرینی قادینلر طاشیر

وقادینلره اربککلر ، اربککلره قادینلر تقدیم ایدرلر . جمعیت ایچنده کوزلله کلربی و ظرافتی ایله ممتاز اولان کینجیلر آراسندن منتخب اولان بو کینج خانملره بککلر تشکیل ایتدیکی منظره غایت لطیفدر .

« قوتیون » بالورده براهیت مخصوصه ویرر . کوچوک مقیاسده « قوتیون » خصوصی عائله بالورلر نده ویریلور . قاعده عیندر . آنجق بورالرده سکر کیشی یرینه دوت کیشی کافی کلیر .

بحث ایتدیکنمز قواعد بویوک و مکلف بالورده جاری اولوب ، خصوصی و صمیمی برلشمه لرده هدیهلرک کلیشی کوزل داغیدلرینی وهر کسک ایتدیکی کبی وهر دانسده و مختلف خانم افندیلرله دانس ایتدیکی ده واقعدر . صمیمیت ، خصوصیت بشقه ؛ قاعده ، اصول بشقه در . اصولی بیلیمک لازمدر که تطبیق ایدیلا نیرلرده یا کلس حرکت ایدلسون . اولدجه مفصل ایضاحادن مقصده بودر . زیرا حرب عمومیدن بری متروک اولان « قوتیون » لر یننه موده وهر طرفده مرغوب اولمه باشلامشدر . بر بالویه بویوک بر رونق ویرن « قوتیون » جدا احیا ایدیله جک اکلنجه لی وظریف بر دانسدر .

### موجیه بالوری - شفقت یازارلی

مسامره لرله بالور فصلنه ختام ویرمهدن چوجوق بالوریه شفقت یازارلر نده بحث ایتیمک لازمدر . چوجوق بالوری یالکز کوندوزلری اجرا ایدیلیر . بویوکلرک دخی اشتراک ایتدیکی غایت اکلنجه لی

اجتماعلردر . بویوکلر کی کوچوکلرکده برآراده طویلانهرق تا کوچو-  
 کلکدن جمعیت حیاته آلیشدیرلملری وایلریده مکمل برر صالون  
 آدمی اولق اوزره تربیه ایدلملری دوشونلشدر . هیچ شبهه یوقدرکه  
 بر جمعیت آدمی اولهرق یتشه بیلک ایچون چوجقلره کوچوک  
 یاشدن اعتباراً هر اصولی اوکره مک و آداب معاشرتک ابتدائی  
 قواعدینی ذهنلرینه یرلشدیره رک، چوجقلرده جمعیت حیاتی بر طبیعت  
 ثانیه حاله کتیرمک لازمدر. حیات اجتماعیه نک الظریف وروحناواز  
 منظرلرین بریده عائله لرک امید سعادت و استقبالی اولان  
 بومینی مینی لرک بویوک آدملر کی بوتون آداب و ارکانیه دانس  
 ایتهلرینی ، ارکک چوجقلرک مینی مینی قیزلره برر خانم افندی کی  
 حرمتده بولونملرینی کورمکدر. دانس، تشکلات بدیه نقطه نظرندن  
 چوجقلری اک آزیوران برجناسیتق اولدیغی کی تربیه اجتماعیه سنه  
 اک خوش بر صورتده تأثیر ایدن براعتیاد مدیدر . چوجقلره بش  
 آلتی یاشندن اعتباراً دانس اوکره تیلیر. بویاشدن اعتباراً ارکک چوجقلر  
 قادیلره قارشى حرمتکار اولمغی ، قادینلرک جمعیت ایچنده ارککلردن  
 فضله امتیازاتی اولدیغی ، مضبوط بر صورتده ، منتظم و آدابه  
 موافق حرکت ایتهلرک معاتب اوله جنغی ، هرکسه خوش  
 کورونمک ایچون فرط نزاکت ، دقت و اعتنا ، اقران آراسنده ممتاز  
 اولق ایچون ظرافت ، اینجهک ، دقت و تربیه لازم اولدیغی اوکره نیرلر.  
 چوجوق بالولرنده ای دانس ایدنلره ، کوزل سوز سویله یه نلره ، ای



کینه نلره مکافات ویرلمسی ، چوجوقلرده رقابت ایتک، موفق اولمق، ورقابت ایده بيلمک و موفق اولابيلمک ایچون ده چالیشمق، غیرت ایتک، فکر تعقیب و دقت و اعتنا صاحبی اولمق لازم کلدیکنی تلقین ایدر. بوسبیدن چوجوق بالورلینه عائله لر بویوک بربالو قدار اهمیت ویررلر، که غایت مصیب برفکر در . چوجوق منتظم برصالونده ، ترتیب و انتظامی سومکه، آرزو ایتمکه ، چوجوق حیاتنده انتظامه خواهشکر اولمخه آلیشیر . کنج دماغلر اوزرینه منتظم وزنکین منظره لک درین تأثیرلری اولور . بوتأثیرلری متیقظ و بصیرتکار و اده لر چوجونک تربیه فکریه سی خصوصنده حسن استعمال ایدر لر سه اولادر بنی حس ایتمکسزین و حس ایتدیر مکسزین کوزل شیلره، تمیز و نزیه بر حیاته آلیشیدیر مش و بالا آخره سائته شباب ایله عادی محیطلره تنزل ایتمه ملرینی تأمین ایتش اولورلر . بناء علیه هر سنه چوجوقلر ایچون ده بر قاچ بالو ترتیب ایتک ، چوجوقلری ده تمیز و نزیه بر محیطه ، آداب معاشرته ، ایصنیدیر مق و آلیشیدیر مق ملی جمعیتلرک اهمیتله نظراعتباره آلماری ایجاب ایدن بر احتیاج مدنیدر . چوجوقلری بوبالورده عینله بویوک آداملر کی حرکت ایتمکه، آداب معاشرت قواعدینی او کرمکه و تطبیق ایتمکه آلیشیدیر مالیدر . مینی مینی برارکک چوجوق ، مینی مینی بر قیزی بویوکلر ناصل دانسه دعوت ایدیور سه او صورته دعوت و دانس ایتدیر ملی، یرینه تشیع ایتلی ، بوفیه کوتورمه لی ، اکرام ایتلی ، دانسلر ایچون آغاژه ایدر کن نازکانه مراجعت ایتلی ، سوز آلمی ، صره سنی بکله ملی ، خلاصه

بویوک برآدام کی حرمتکارانه ، نازکانه حرکت آیشدیرمالیدر .  
 بویوکلر بوبالوردده چوجوقلرک یانندن آیریهرق ، بزدرس اوکره تیرکی  
 دکل ، براکلنجه ترتیب ایدر کی حس ایتدیرمکسزین ، سودیره رک  
 علاقه دار ایدره رک کنیدیلرنده بکندیرلرک ، موفق اولق ، اقران و امثاله  
 تنوق ایتمک حسلرینی و آرزولرینی اویندیره رق بواصوللری برر برر  
 اوکره تمه لیدر . اساساً چوجوق قسمی بویوک آدملرک اعتیاداتی بنسه مکه  
 فطره مجلوب اولدقلری جهته آاز زمانده مینی مینی سالون آدملری ،  
 ایلریده ملی جمعیت مزه برر قیمتدار و پارلاق عضو اولارق یتشه جک  
 مینی مینی خاملر احضار ایدلش اولور .

چوجوق بالورلرنده چوجوقلره مونوئلر ، والسار ، قادریلرده  
 اویناتمق معتاددر . بنوع دانسلرده ، دقت و اعتنایه لزوم اولدیغندن  
 چوجوقلر اوکره نمک ایچون صرف ذهن و تعمیق فکر ایتمه مجبور  
 اولورلر . بوده برنوع تربیه فکریه در . بوندن باشسقه چوجوقلر  
 ایچون ( بال قوستومه ) ویرلمکده معتاددر . چوجوقلر آیری آیری  
 قوستوملر ، مختلف ادواره عائد اثوابلر کیدکجه بویوک بر ذوق ایله  
 تاریخی معلوماتده اکتساب ایتدکلری کی تلبس ایتدکلری قوستوملر  
 دولایسیله ده ازعاج و ابرام ایدلمکسزین ، اودوره عائد مراق  
 و تجسساری الیمونس وطبعی بر صورتده اوینارق تاریخ ایله علاقه دار  
 اولغه باشلارلر .

چوجوق بالورلرینه ، عائله لر عادی قیافه ده کیده بیلیرلر . بوراده

میراسم نامنه مییچ برشی یوقدور. خانملر، سادده برتاییورله وباشلرئنده شابقه لریله، ارککلر، قویو رنگ بر قوستومله کیدرلر. بو بالورده اکثریا بردانلر معلمی ده بولونور. چوجقلره رهبر اولور، ای دانس اتمه لرینه دقت ایدر وخطالرنی تصحیح ایدر. یالکزر معلم اسموکیغ کیمکه مجبوردر. بونک سببی ده هرکس آراسنده قولایقله تفریق ایدیه بيلمسی و آرانیدینی زمان درحال بولونیه بيلمسی ایچون در. حق قیشین بش ایله یدی آراسی ترتیب ایدلش بوبالورله دیگر ذواتک اسموکیغ ایله کلری جائز اولیوب، شایان استخفاف اولور.

### جمعیات خیریه بالورلی - شفقت بازارلی

شفقت بازارلی و جمعیات خیریه ایچون ترتیب ایدیلان بالورده خانم افندیلرک اهمیتلی روللری وارددر. بو خصوصده سویله نه جک سوزلر اولدینی کبی، تثبیت ایدیه جک قاعده لرده موجوددر. زیرا مملکت مزده بو مسئله ایوجه آ کلاشیله مامشدر. بو نوع بالورله خانم افندیلرک اشتراکنک بالخاصه رجاونیاز ایدلمسی، یوم قبول لرینه، ضیافت لرینه، بالورلرینه و مسامره لرینه دعوت ایتدکلری و بنابرین کندیلرینه قارشی بر دین شکرانی اولوب، بوکامقابل خانم افندیلرینک علاقه دار اولدقلری جمعیات خیریه یه معاونت نقدیه ده بولونمی خوش بر وظیفه اجتماعیه تلقی ایلان بک افندیلرک معاونت لرینی تأمین ایده بيلمک ایچوندر. خانم افندیلر بالورده منحصر آ ایکی شیئله اشتغال ایدرلر. طانیدقلری ذواتک

لیسته‌سنی ترتیب ایدرلر . بو لیسته‌لر جمعیه داخل اولان وهر یرده کورولن بوتون ذواتک اسملرینی احتوا ایدر. هر خانم افندی کز زیاده هانکی ذوات ایله معارفه‌سی واریسه ، و یوللادیغی بیلنک رد ایدمک احتمالی وارد دکلسه کندی لیسته‌سنه اود ذواتک اسملرینی قید ایتدیرر. ایشته بونک ایچوندرکه قومیه‌لره داخل ایدیلن خانملر بالخاصه جمعیت ایچنده بر موقع مهمی اولوب ، معروف سالونلری، هر کس طرفندن دوام ایدیلن معنایوم قبوللری وزوجنک موقع رسمی و اجتماعی اولان خانم افندیلر میانندن انتخاب اولونور . خانم افندیلر لیسته‌لری آره‌لرنده ترتیب و تفریق ایدوب بالودن ایکی هفته اول توزیع ایتدیررلر. بالو بیلتی توزیعنک دخی بر اصولی واردر . بزده بالو بیلتی توزیعی ایله فرانسزلرده Quête ده نیلن وفقرا ایچون مقابلنده هیسج برا ککنجه تأمین ایدمکسزین صرف مراجعت ایدیلن ذواتک حسیات انسانیه‌سنه خطاب ایدیلهرک یاپیلان «تصدق» بر برینه قاریشدلمقده‌در.

جمعیات خیره ایچون ترتیب ایدیلان بالو بیلتلرینک قومیه‌نی تشکیل ایدن خانم افندیلر طرفندن بالذات توزیع ایدلمسی قاعده مسبق دکلدر . بوبیلتلرک صورت توزیعی بروجه آتی یاپیلیر :

بالولرده بر «خانم افندیلر قومیه‌سی» برده «بکسر قومیه‌سی» واردر خانم افندیلر قومیه‌سنک بر رئیس‌ه‌سی بر ایکنجی رئیس‌ه‌سی کذا ار ککلر قومیه‌سنک ده بر رئیس‌ی و بر رئیس‌ی ثانسی اولور. اکثری قومیه رئیس‌ی، مهم بر موقع رسمی و اجتماعی اولان ذوات میانندن انتخاب اولونوب بالو

حایه سنه تودیع اولونور. بک بویونک ذوات لعلقا بالوینی حایه ایتمک ایستلر سه  
 قومیه رئیس اولارقده آیرجه ینه مهم بر شخصیت انتخاب ایدیلیر .  
 کذا خانم افندیلردن قومیه ریاستی درعهده بویورانده عینی عیارده  
 بر شخصیت اولمالیدر . ترتیب ایدیلن ایستلر موجبجه خانم اعضاالر  
 هر هانکی ذاته بیلک ارسال ایدیله بک ایسه بر ظرف دروننه ، قومیه نک  
 کیملردن متشکل اولدینی و تفرعات سائر دینی محتوی مطبوع بر دعوتیه  
 ایله برابر ، رئیسه نک و کنیسنک قارت دوویزیاتی ، وضع ایله  
 آدرسنی یازار ، و بر موزع واسطه سیله او ذاتک خانه سنه یوللار . بیلترک  
 اوزرنده دعوت ایدیلن ذاتک اسمی و بیلک . ذاته مخصوص اولدینی  
 و فیئاتی تصریح ایدلشدرد . هر بیلک نومروسی اوزرنده یازیلیدر . هانکی  
 نومرولو بیلک کیسه ارسال ایدلیکی دفتر مخصوصه قید ایدیلیر .  
 ذاته مخصوص بیلتر اولدینی کبی عائله یه مخصوص بیلترده واردر .  
 بویله بر بیلته ، زوج و زوجه و کریمه سی بر لکده کله بیلیر . ارکک چو جقلر  
 آیری و ذاته مخصوص بیلته کلیرلر . عائله بیلترینک فیئاتی ذاته مخصوص  
 اولانلرک ایکی مثلی تجاوز ایدمیز . مثلاً ذاته مخصوص بیلک بش  
 ایسه عائله بیلکی اون لیرادر . بو صورتله توزیع ایدیلن بیلک اثنانی  
 بالودن سوکره بر هفته ظرفنده تحصیلدارلر واسطه سیله طوپلاتدیریلیر .  
 بونک ایچون مطبوع مقبوضلر یاپیلیر . هر ذاتک اسمی او مقبوضه یازیلهرق  
 تحصیلداره تودیع اولونور . بو مقبوض اراؤه ایدلکده اصحابی اثنانی  
 تأدیه ایدرلر . اصول بویله در . فیئاتسز بیلک توزیع اولونماز .



خانم افندیلر دلائلیه بیلت ، علی الخصوص اوزرنده فیئاتی یازیلی اولمیان  
 بیلت ، طاغیدلماز . برکیمسه یی معناً اجبارایتمک ، آرزو ایتدیکی بر مجبوری  
 و مکلفیت قارشیدینده بولوندورمق ، آداب معاشرته منافیدر . جمعیات خیرییه  
 منفعتنه ویریلن بالوبیلتاری کرهأ محصیل ایدیلن برنوع اجتماعی ویرکوکچی  
 دکل ، هم نزیه و کبار برکیجه کچر مک ، همده بر دین شکران ایفا ایدمک  
 آرزوسیه مع المنونیه اجابت ایدیلن بر دعوت صورتنده تلقی  
 ایتدیرلملیدر . بو صورتله حرکت ، سخی و زنکین ذواتک بشیرالق بر بیله  
 یوز لیرا ویرمه لرینه مانع دکلدر . بویله حرکت اینمک ایسته یین  
 ذوات دعوتیه واصل اولونجه بر ظرف دروننه یوز لیرالق بر چک قویه رق  
 کندیلرینی خاطر لایوب دعوت ایندکلرندن دولایی بیان تشکر ایله  
 بیلقی ارسال ایدن خانم افندییه یوللار لر . مؤسسات مالیه و شرکتلره  
 بکلر مراجعت ایدر لر . بونلرک دیرکتورلرینی مدیرلرینی و اعضاءلرینی  
 قومیتیه داخل اولان ذوات طائیدقلری کی مؤسسات مالیه اساساً  
 بوکی بالولر ایچون بودجه لرنده بر فصل مخصوص ده بولوندیر دقلرندن  
 ده اسمیحانه حرکت ایدرک بیلت فیأت مقتدن یک فضله مبالغ تبرع  
 ایتدکلری هر زمان واقعدر . بناء علیه خانم افندیلرک طولاشمالرینه  
 اصلاً محل یوقدر . هله اجنبی سفارترلره کیدیلرک خانم افندیلرک  
 دلائلیه بیلت توزیع ایتمه نك قطعاً تجویز ایدلماسی لازم کلیر .

منفعت بالولرنده بوفه دائماً بادهوادر . بوفه ده لیوناطه ، شربت ،  
 صنوق اتلر ، چای ، بیسکوی و پاسته بولونور . شامپانیا ایچن خانم

افنديارك نظارتی و اشتراكی ايله آيرونجه بر ايكي دانه اوفق بوفه لر تنظيم  
 و ترتيب ايديلير . بورا دده شامپانيا قد حله و شيشه ايله ساتيلير . شامپانيا يه  
 فيأت اصليه سنك ايكي قاتندن فضله فيأت قويق دوغري دكلدر .  
 هر كس دانس ايتديرديكي خامي دائما بادهوا بوفه يه كوتورمك كبي  
 بر نزا كتنزلكي اختيار ايله ميه چكي و بوني حنرت نفسنه ياقيشدير امله جني  
 جهته مطلقا برايكي كره اولسون شامپانيا بوفه سنه كوتورمكه مجبور قلاير .  
 و بو صورتله يك بويوك استناده لر تأمين اولونور . شامپانيا بوفه سنه  
 ظريف و كبار آدمه لر دائما فيأت مقننك بر قاچ قتن و يرمك صورتيله  
 طانيدقلى خانم افنديلره جميله ابرازيني بر وظيفه تلقى ايدرلر . بو  
 صورتله هم كبارانه هم ده عاقلانه حركت ايدلمش اولور . و مقصد  
 يلغا مابلغ حاصل اولور .

صورت مخصوصه ده نظر دفته آله حق بر جهته ده منفعت  
 يالورلرينك ده واسع مقياسده بر عائله بالوسندن باشقا بر شي اولماديني  
 و بو بالور مختلف خانم افنديلرك يوم قبوللرينه و مسامره لرينه اشتراك  
 ايدن جمعته داخل بالجمله ذواتك عيني كيجه ده وعيني يرده اجتماعلرندن  
 عبارت بولونديغير . خصوصى بر عائله بالوسنه يوز كيشي دعوت ايدلمش  
 بولونورسه بر منفعت بالوسنده بش يوز كيشي مدعو بولونور . و هر دعوت  
 ايديلن ذات بهمه حال هر عائله نك طانيديني ، شخصى معروف ، موقع  
 اجتماعيسى معلوم ، ذواتدر . بوييله بر بالوده هر كس بر بريني طانير .  
 و خارجدن كلن ذوات ايسه ينه معروف ذواتك توصيه و رجاسي ايله

دعوت ایدلمش کیمسه لردر . هیچ بر زمان کیف مانفق کیمسه لر  
 دعوت اولونماز . دعوتیه لر قومیتیه نی تشکیل ایدن خانم افندیلرک صیق  
 بر مراقبه سی آلتنده توزیع اولوندینی کبی خارجدن بر کیمسه آنجق  
 اشبو خانم افندیلرک تکلیف و تنسیبی اوزرینه دعوت اولونور . بناء علیه  
 بو کبی بویوک منفعت بالولرینه کلک بر آنغاریه دکل بر شرف ونعمت  
 غیر مترقبه تلقی اولونور . بوتون روح مسئله بو بالولری بو حاله  
 افراغ ایله مکده در . قومیتده بولونان خانم افندیلرک وظیفه سی  
 ایشته بوزراحتی و کبارلنی تأمین ایله مکدر . ایشته کنج قیزلرک  
 عمومی بالولره کیمه لری ممنوع اولدینی حالده جمعیات خیریه منفعتنه  
 ویریلن بالولره کیده بیلمه لری بو بالولرک بالخاصه نزیه و کبار و یالکیز  
 جمعیه داخل اولان ذواته ، یعنی عائله لر آراسنده کورمکه آلیشدق لری  
 معین کیمسه لرد ، منحصر اولدینی ایچوندور . حتی بو بالولرده عائله کنج  
 قیزلری ، مدخلده چیچک صانارلر ، قوتیونی اداره ایدرلر و خانم  
 افندیلرله بر لیکده شامپانیا بوفه لرنده خدمت ایدرلر .

خانم افندیلرک بر ایکنجی وظیفه سی ده بالولر فصلنده بحث  
 ایتدی کمز اوزره « قوتیون » سی تنظیم و اداره ایتسکدر . « قوتیون » ک اصول  
 و آداب ، طرز اداره سی و مختلف و خوش آینده « فیکور » لری  
 وارددر . بالودن بر قیچ هفته اول « قوتیون » ی اداره ایدرک خانملرله بکلر  
 قومیته طرفدن انتخاب اولونور . اشبو ذوات ایی دانس ایدن ، و « قوتیون »  
 اداره سی بیلن کیمسه لر میانندن تفریق و انتخاب اولونور و « قوتیون »

لوازمی، بولوازمی طاقیله حاضر اولارق صاتان معروف مغازه لردن، تدارك اولونور. توزیع ایدیله جگ هدیه لر نومرو صره سیله مرتبدر. بویوک دانس سالوننه ملاصق آیری بر اوطه ده بولوازمات صره سیله برماصه اوزرینه وضع ایدلمشدر. بوراده قومیتهدن ایکی ذات «قوتیون» دوامنجه بولونورلر و «قوتیون» لوازمی صره سیله «قوتیون» ی اداره ایدن خانملره و بکله ویررلر. اويله «قوتیون» هدیه لرینه هجوم ایله مك، کورولتو و پاطریدی ایتك، هدیه لر ی قاپشقمق مغایر نراهتر. «قوتیون» مدتجه هرکس یرلی یرنده اوطوریر و بکله و اولجه «قوتیون» ایچون آنغازه ایتدیکی خانم ایله یان یانه اوطوره رق دانسلره و فیکورلره اشتراك ایچون «قوتیون» ی اداره ایدن خانم و بکله طرفندن دعوت ایدلملرینه انتظار ایدرلر. دانسلر و فیکورلر باشلامدن اول هدیه لر هرکسه انتظام دائره سنده کمال سکونله توزیع اولونور. قاعده بودر؛ و بونی منتظم و ساکن بر صورتده یاپه بیلدک ایچون قومیته اعضاسی بالودن اولکی اجتماعلرده درت بش پرووا یاپارلر.

«قوتیون» سز منفعت بالوسی اولماز. بونک سببی ده پک بسیطدر. «قوتیون» ی متعاقب سوپه ایدیلیر. «قوتیون» ایدن هرارکک برلکده «قوتیون» اوینادیغی خانملری سوپه ده دعوت ایتك مجبوریته مغویه سنده در. حق کنج قیزلرله «قوتیون» دانس ایدنار آتجق عائله سنک طانییدیغی ذوات اوله بیله جکی جهته سوپه ده دعوت ایچون، ابونک مساعده سی اولجه استحصال اولونور. وهپ برآرده سوپه ایدیلیر. کنج قیزلری

سوپه ده دعوت ایتک وسوپه پاره سنی ویرمک ارککه عاؤدر . شو قدر  
 وار که پک کنج اولانلری عائله لری سوپه ده دعوت ایدرک اولنر پاره  
 ویردیرمدکلری ده واقعدر . هر حالده ارککه « قوتیون » آغاژه ایتدیکی  
 خانمی سوپه ده دعوت ایتمی وسوپه نك مصرفی تأدیه ایتمی قبول  
 ایدلش بر اصولدر . « قوتیون » ایتدیکی خانمی سوپه زمانی بر اقوب  
 چکیلمک آداب معاشرته منافیدر . کوریلور که « قوتیون » مصرفی  
 اختیار ایدلمکه سوپه دن تحصیل ایدرک بویوک بر منفعت تأمین ایدلش  
 اولمقددر . سوپه مالیت فیاتنک ایکی مثلی اوله رق تعیین ایدیلر . یعنی  
 بوراده کیمسه نی فضولی وغیر معقول بر مصرفه اجبار و توحیش ایتماکه  
 دقت اولونور . حتی سوپه فیاتلرندن قازانیه رق شراب وشامپانیا  
 صرفیاتندن استفاده ایتک الک معقول بر طریق انتفاعدر . سوپه ماصه لری  
 درت الی آلتی کشی ایچون ترتیب اولونور . « سرویس » ک مکمل  
 اولسنه هر کسه و راحتجه و کافی مقدارده اطعمه ویرلسنه دقت  
 ایدلمه لیدر . سوپه ایدن هر ذات شامپانیا آچدیرمه مجبور اولمیوب  
 آرزو ایتدیکی تقدیرده یالکز شراب اکرام ایتماکه اکتفا ایدر بیلر .  
 هر کس درجه ثروتنه ، اعتیاداتنه و اکرام ایتک ایسته دیکی ذواتک  
 تمایلاتنه کوره حرکت ایدر . سوپه منفعت بالورلینک الذوقلی اکلنجه لرنددر .  
 بالویه دعوتلی اولانلر ، بالو ویرلزدن بر قاچ کون اول سوزلشه رک  
 هم « قوتیون » ایچون هم ده سوپه ایچون آغاژه اولورلر . و بو صورتله  
 بر قاچ عائله بر آرده سوپه ایدرلر . اکثریا کبار و مسن ذوات بالورلر .



بردينه دن ويا تياترو وقونسردن صوكره « قوتيون » زمانه يقين كليرلر .  
 « قوتيون » ى دانس ايدرلر ، سوپه ايدرلر و كيدرلر . كنچ قيزلره « قوتيون » ى  
 برلكده دانس ايتك ايچون بر چوق طرفدن رجارلر واستر حاملر  
 وقوعبولور . « قوتيون » ى كنچ قيزلر والدلرينك مساعده سنى  
 استحصال ايتد كدن صوكره وعدا ايتميدرلر . چونكه ابوين كنچ قيزلريله  
 اوزون مدت بر آرده او طور ارق متداي ياننده بولونه حق سوپه دعوت  
 ايد بيله جك ومصرفى اختيار ايد بيله جك ذاتك كنديلرنجه معلوم  
 ومعروف وكندى محيطلرندن اولمسنه پك زياده دقت واعتنا ايدرلر .  
 بر كنچ قيزى كيف مائفق بر كيمسه « قوتيون » دعوت ايد مز . و كنچ  
 قيزلر والدلرك موافقى اولقسز ين كيمسه يه سوز ويره ميه ايدرلر .

ايشته منفعت بالولرينك طرز جريانى بوضورتله در .

خانم افنديلرك بالذات طولاشوب فقرا ايچون پاره طويلادقارى ده .  
 واقيدر . بونك ده طرزى آيرى در . مختلف فقرا پرور جمعيتلرينه داخل  
 خانم افنديلر وارد ركه سنه ده بر كره مؤسسات ماليه ي ، تجارخانه لرى ،  
 بويوك مغازه لرى طولاشيرلر . ايكي ونهايت اوچ خانم افندى بووظيفه ي  
 ايفا ايدرلر . اللرنده هويت ورقله لرى واردر . مطبوع وصره  
 نومرولى دفترلر واردر . مراجعت ايتدكلرى مؤسسات ماليه يه ،  
 تجارخانه لره ، شركتله قارتلرني يولالارلر . ودر حال قبول ايديلرلر  
 وكنديلرينه ويريلان اك جزئى برمبغى بيله كال ممنونيتله وبيان تشكر  
 ايدرك قبول ايدرلر . هر كس موجود دفتره اسمنى يازار ، ويردىكى مبلغى .

قيد ایدر و امضالار . بوضورتله یعنی هر کس ویرمک ایسته دیک پاره نك  
 مقدارنده تماميله سربست بر اقیله رق آز مدت ظرفنده پك مهم مبالغ  
 طویلانور . خانم افندیلر بوزیارتلرده ساده بر تایور کیرلر . کندی  
 او طوموبیللریله طولاشیرلر و کندیلرینه هر یرده فوق العاده حرمت و رعایت  
 کوستریلر . مغازه لرده غایت نازکانه حرکت ایدرلر و هر یردن مطلقاً آزچوق  
 بر معاونت کوریرلر . بو ، سنه ده آنجق بر ویا ایکی دفعه یاپیلر . فضله  
 دکل . خانمك فقرا ایچون پاره طویلانغه چیققلری زمان رفاقتلرنده  
 ارکك بولونماز . پاره طویلانق ایچون خصوصی عائله لره کیدلز . خانم  
 افندیلرک هانکی فقرا جمعینه داخل اولدیغی بیلن اجباسی کندیلکلرندن  
 [ فقرا کز ایچون ] اشارتيله سنه ده بر کره بر مقدار پاره یوللارلر .  
 پك معروف خانم افندیلره بعض زنکین ذوات طرفندن اکثراً مهمجه مبلغ  
 یوللانیدیغی واقعدر . مع مافیه بو پاره خانم افندیلرک شخضنه قارشى فضله  
 خوش کورونمك والتفات مخصوصنه مظهر اولمق آرزوسيله اعظام ایدیله جك  
 و حیرتی موجب اوله حق درجه ده اولما ملیدر . بو خصوصده بيله ، ارککلرک  
 دقت ایتمسی لازم کلن بر نقطه هر شیده اولدیغی کبی (سخاوت) ده ده بر  
 اولچو اولمسی احباب ایتدیکیدر .

بو بونده اخطار ایدلمسی لازم کلن بر جهت ده ، معروف و طانیلرینک  
 خانم افندیلرک فارتيله یوللانیلان بالو بیلتلرینک اعاده سی قطعاً جائز  
 اولمیدیغی و بوضورتله حرکت ایدن بر ارککلک هر درلو قواعد نزا کتدن  
 و معاشرت اصوللرندن بی بهره عد ایدیله جکی دره الک ابتدائی قواعد تربیه

و نزاhte مغاير اولان بويله بر حر كت بردها هيچ بر بالويه دعوت ايدلماك  
 و جمعيت ايچنده كوچوك دوشمك كي بر نتيجه يي استلزام ايده بيلير .  
 بالويه كيتمه مك ، دانس ايتمه مك ، او آقشام ايچون بشقه بريره سوز و ير مش  
 اولمق منفعت بالولري بياتلريني اعاده ايچون بر سبب و مهانه تشكيل ايده مز .  
 شفقت بازارلري ، فقرا منفعتنه اوته بري صاته رق پاره طويلامق  
 ايچون ترتيب ايديلن غايت اكلنجه لي فقط اولدجه مصرفلي براكلنجه در .  
 بورايه قوميتيه يي تشكيل ايدن خانم افنديلر طرفدن ارسال ايديلان  
 دعوتيه لرله كيديلير . دخوليه يوقدر . يالكز خانم طرفدن ترتيب  
 ايديلان و هر خانم طرفدن معيترنده معروف عائله لره منسوب كننج  
 قيزلرله برلكده اداره ايديلان اوفه حق دكانلرده ساتيلان مختلف اشيا دن  
 آلمق مجبوري تي واردر . بر چيچكه الالي ليرا ، بر قدح شامپانياه يكرمى  
 بش ليرا ، بر قراواته ، بر منديله اون ليرا و يرن پك چوق ظريف و كبار  
 وزنكي ن آدملره تصادف اولونور . بويله يرلرده اك اوفق برشي ايچون  
 اك جزئي و يريله بيله جك پاره بر ليرادن دون اولمامليرد مع مافيه كنجلره  
 قارشى مسامحه كارانه و لطفكارانه معامله اولونور و آنحق زنكي ن  
 ذوات خراجيه كسيلير . بوراده خانم افنديلر بوتون عشوه و جاذبه لريني  
 صرف ايدرك فقرايه قابل اولديني قدر منفعت تأمين ايدرلر . بونكله  
 برابر ينه اجبار جائز اولمايوب هر تكليف نزاكت ، كسارلق ،  
 ايجه لك و نزاht دائره سنده ياپيلمالى و كيمسه تحملدن فضله اجبار ايدلمه  
 ملير . بونك بر قاعده سي اولمايوب خانم افنديلر ايجه لكلى و طبع

سلیملی بوکی مشکل و نازک خصوصاتی حسن اداره بی تأمین ایدر . فضاه  
 پاره صرفندن توقی ایشمک ایستینلر و بودجه لری اسرافه مساعد اولیانلر  
 دعوت ایدن خانم افندیله فقره ایچون معین بر مبلغ یوللامق صورتیه ده  
 وظیفه خیریله لرینی یرینه کتیره بیایرلر . ذاتاً بویله یرلرده یالکیز زنگینلرک  
 خیر پالانمسی اصولدندر . بو بر نوع فدیة نزاکت و شکر اندر .



## جمعیت اینجندہ تشریفات قاعدہ لری

### سفرہ دہ موقع لری فصل تعین ایملیر

آداب معاشرتک هر مملکتده واجب الرعايه اولان قواعد اساسيه سنی  
تشیب ایدن بومهم فصللره نهایت ویرمه دن اول جمعیت اینجندہ جاری  
اولان تشریفات قاعدہ لرندن ده مختصراً بحث ایتمکی موافق کوردک .  
یومیانده الک زیادہ شایان دقت اولان جهت دعوتیلیرک سفرده موقعلرینی  
نصل تعین ایتمک ایجاب ایتدیکنی کوسترن قاعدہ تشریقاتیه عائد  
اولان قسمدر .

زوجلرینک موقع رسمیسی و اهمیت شخصیه لری دولایسییه  
خانه سنه بویوک ملت مجلسی رئیس ایله هیئت وکیلہ اعضای کرامنی  
بویوک ملت مجلسی اعضای محترمه سنی ارکان و امرای عسکریه یی واجبی  
سفیرلری قبول ایدہ بیله جک واشبو ذواتی آقشام ویا اوکله طعامنه  
دعوت ایدہ بیله جک وضعیت اجتماعیه ده بولونان خانم افندیلر موسم  
مدتجه ویره جکلری ضیافتلرده مسافرلرک موقعی تعینده مشکلاته  
اوغرادقلری زمان خارجیه وکالتی تشریفات مدیریت عمومیه سنه مراجعتله  
رفیقه لری ایله برلکده دعوت ایتدیکلری ذواتک اسملرینی ویرمه لی وسفره



ترتیباتی اصول تشریفاتیہ توفیقاً تثبیت و تعیین ایلمسی طلب ایتہ ایدر لر .  
 آنحق بوصورتہ موقعلری تعینده قصور ایدلیہ جکنہ امین اولابیلر لر .  
 مع مافیہ ہر خانم افندینک تشریفاتہ مراجعت ایدہ رک ہر خصوصی  
 استیضاح ایتسی قابل اولہ میہ جنی جہتلہ ہر شیدن اول بو خصوصہ  
 جاری اولان قواعد عمومیہ ہر کسک واقف اولسی و آنحق بالذات  
 حل مشکل ایدہ مدیکی تقدیرده استیضاح کیفیت ایدلسی ایجاب ایدر .  
 اول امرده ، ملی جہتمزده ہر موقع رسمی صاحی اولان ہر خانم افندی  
 سفرای اجنہ ایلہ و علی العموم قوردیپلوماتیک ایلہ تماس ضرورتندہ بولون دینی  
 جہتلہ بویوک واورتہ ایلچیلرک قدم صرہ سنی و قوردیپلوماتیک ارکانک یکان  
 یکان اسملرینی وصف ت مأموریتلرینی او کرہ نمہ لری موافق اولہ جغندن آلی  
 آیدہ بر تشریفات مدیریت عمومیہ سی معرفتیلہ نشر ایدیلن (لیست دیپلوماتیق)  
 دن بر دانہ تدارک ایتہ لیدر لر . بولیستہ دہ آیروجه برده «قدم لیستہ سی  
 Liste de Préséance» درج ایدلشدہ رکہ بولیستہ یہ عطف نظر  
 ایدیلنجه ہانکی سفیرک دیکرینہ حق تقدیمی اولدیغنی درحال کورمک  
 قابلدر . بین الملل قبول ایدلش بر قاعدہ موجبنجه رئیس حکومتہ  
 اعتمادنامہ تقدیمی تاریخی تعیین قدمدہ اساس اتخاذ ایدلش اولوب  
 اعتمادنامہ سنی دہا اول تقدیم ایتش اولان بر سفیرک دیکرینہ حق  
 تقدیمی اولہ جنی قبول ایدلشدہ رکہ رسمی «لیست دیپلوماتیق» دہ  
 اعتمادنامہ تاریخ تقدیمی صیرہ سیلہ ہر سفیرک اسمی و صرہ سی تعیین  
 ایدلشدہ . بناء علیہ ضیافتلر دہ اشبو سفرابولیستہ دہ محرر صرہ یہ کورہ

اخذ موقع ايدرلر . وبری دیگرینه اعتمادنامه تقدیمی تاریخی صره سینه  
 کوره تقدم ایتدیرلیر . - ینه بولیسته ده سفارت ارکانک هر برینک  
 وظیفه به مباشرتلی تاریخی ده مقید اوله رق اسملری و رفقه لری اولوب  
 اولمدیغی ده مقیددر . - خانم افندیلر اشو لیسته ده سفاردن وارکان  
 سفارتدن کیملره طانیشوب کوروشمکده ایسه لر ، حذاسنه قیرمزی  
 قلمله اشارت ایتک صورتیله دائره معارفه لرینی تثبیت ایده بیلرلر .  
 ضیافتلره ، مسامره لرده هر دیپلوماتک موقعنه ودرجه سینه کورده صره ایله دعوت  
 ایتک ایجاب ایدر . بوکادعوتلیرینی تصنیف ایتک صره به قویمق دیرلر که  
 فرانسزجه Sériér ses invités تعبیر اولونور . طانیدقلری ذواتدن برنجی  
 درجه ده کانلری خانم افندیلر اعطایتدکلری ضیافتلرک برنجیسنه ، دیگرلرینی  
 ایکنجیسنه و اوچنجیسنه دعوت ایدرلر . موسم مدتیجه اعطایده جکلری  
 ایلک ضیافته ایکنجی درجه برذاتی دعوت ایدوب ایکنجی ضیافته آکا حق  
 تقدیمی اولانی دعوت ایتک آداب معاشرته منافیدر . مثلاً بر موقع رسمبسی  
 اولان خانم افندیکنک بوم قبوللرینه باشلا دقدن صوکره اعطایتدیکی  
 ایلک ضیافته بر اورته ایلچیی و بر باش کاتبی چاغیروب بر بویوک  
 ایلچیی و بر مستشاری ایکنجی ضیافته تأخیر ایتسی پک بویوک بر  
 خطای اجتماعیدر . بویله بر حال وقوعنده دعوته اجابت ایدلما مسی پک  
 طبعیدر .

ینه بین المائل قبول ایدلش تشریفات صره بسی دوجینجه ،  
 مستشارلر ، آتاشه میلتلرله آتاشه ناوالارده ، و بونلر باش کاتبلرده تقدم  
 ایدرلر . بویوک ایلچیاکار مستشارلری ، و آتاشه میلتیله آتاشه ناوالاری

و هوائی آتاشه لری اورته ایله چیلک مستشارلرینه .. الح تقدم ایدرلر .  
یالکسر انکلتزه سفارتي آتاشه ناوالی بوسفارتک آتاشه میلیرینه تقدم ایدر .  
هر سفارتک لیسته سنده بوجهت تثیت ایدلشدور .

قاعدۀ عمومیۀ اوله رق در خاطر ایدلسی ایجاب ایدن مهم بر نقطه ده  
على العموم خانم افندیلرک زوجلرینک موقعنک استلزام ایتدیکی صره  
و موقعه تمامیه و عینله صاحب و تشریفات نقطۀ نظرندن عینی حقوقه  
مالک بولوندقلریدر . بونلرک یکدیگرینه حق تقدیمی کذا زوجلرینک  
قدمنه و صره سنه کوره تحقق ایتدیریلیر .

رسمیت فوق العاده یی حائر اولان بویوک ضیافتلر ایچون کرک  
دعوتبه لر ، کرک سفرده کی موقعلر تشریفات مدیریت عمومیۀ سنجه  
توزیع و تعیین ایدلدیکی جهته بوراده بو خصوصده ده مفصل معلومات  
درجه لزوم یوقدر .

قبول کونلری اولان و رسمی ضیافتلر اعطاسی مجبوریتده اولان خانم  
افندیلرک داخلی تشریفات مزه عائد خصوصات آتیه یی ده خاطرده طوملری لازمدور  
تورکیه جمهوریتده رئیس جمهور حضر تارندن صوکرده بویوک  
ملت مجلسی رئیس اولان ذات کلیر ، متعاقباً باش وکیل و هیئت وکیلۀ اعضاسی  
وارکان حریره عمومیۀ رئیس ، بعده بویوک ملت مجلسی اعضاسی و متعاقباً  
درجه لرینه کورده ارکان و امرای عسکریه ، محکمۀ تمیز رئیس و اعضالری ، دیوان  
محاسبات رئیس ، شورای دولت رئیس و اعضالری ، مستشارلر ، مدیر  
عمومیلر کلیر . تورکیه جمهوریتی رجالی طرفندن اعطا ایدیلن ضیافتلرده

بویوک ملت مجلسی رئیس باش وکیل و خارجیه وکیل مسستنا اولمق  
 اوزره دیکر کافه مدعوینه دول اجنبیه بویوک ایلیچیلری تقدم ایدرلر .  
 وهیئت وکیله اعضاسی ایله سفرا برآراده دعوت ایدلمش ایسه ،  
 بر سفیر و بروکیل اولمق اوزره مناوبه و قارشوقارشویه اخذ موقع ایدرلر .  
 حال بوکجه بر سفیر اونده ویریلان ضیافتلرده هیئت وکیله اعضاسی اورتیه  
 ایلیچیلر تقدم ایدرلر . یعنی بروکیل بر سفیر اولمق اوزره اخذ موقع ایدرلر .  
 بویوک ملت مجلسی رئیس ایله باش وکیل حضراتی برآراده دعوت ایتمک  
 و کذاک بویوک مقاماتی احراز ایتمش شخصیتلری هپ برابر دعوت ایتمک  
 معتاد دکلدر . خارجیه وکیللری هر زمان بوتون سفیرایه تقدم ایتمک  
 حقنی حائزدرلر . حتی تورکیه جمهوریتی رجلی طرفندن ویریلان  
 ضیافتلرده دخی خارجیه وکیل الک قدملی سفیره و رفیقهمسی خانم افندی  
 بوتون سفیره لره تقدم ایدر . باش وکیل و خارجیه وکیل برآراده  
 بر سفارتخانه دهکی ضیافته دعوت ایدلرکلی تقدیرده ، بین الملل ،  
 پروتوقول موجبجه سفارتلرده خارجیه وکیلک هرکسه تقدمی  
 طائش اولمقله برابرینه باش وکیل تقدم ایدر . مختصراً و معلومات  
 قیلندن بیان ایتدیکمز اشبو پروتوقول اساساتی حین تطبیقده اوقدر  
 بسیط اولیوب ، پروتوقول و شکایتیه محل ویرمکسزین تنظیم ایدیله یلمسلی  
 وقوف و اختصاصه ، واوزون بر تجربه و کورکویه متوققدر . شو قدر  
 وارکه اساسات مبسوطه ایوجه خاطرده طوتوله حق اولورسه بر  
 درجهیه قدر خطادن سالم بر صورتده حرکت ایدلمش اولور . هر حالده

جمعیت ایچنده بر موقع صاحبی اولان هر خانم افندینک بو قواعد اساسیه بیلمسی الزمدر .

بویوک ملت مجلسی رئیس ایله باش وکیل او صاحبه سی ایله زوجی طرفندن مردیون باشنده استقبال اولونور . سائر مدعوینه صالونک ایچ طرفنده قیونک یاننده انتظار اولونور .

قواعد تشریفاتیه موجبنجه ، اشبو ذواتک والدله لری رفیقهلرینه تقدم ایدرلر .

داخلی تشریفاتمزدده عدلیه وکیلی دیگر بوتون وکیللره تقدم ایدر . سفرای اجنبیه طرفندن ویریلن ضیافتلرده خارجیه وکیلندن ، وتورک عائلهلری طرفندن ویریلن ضیافتلرده ایسه درعقب باش وکیلندن صوکره اخذ موقع ایدر . مشیررتبه سنی حائز اولوب محاربه ده بر اردویه قوماندا ایتمش اولان ارکان حربیه عمومیه رئیسلری حسب الزام که هیئت وکیلله اعضاسنه تقدم اولونور .



اوكله طعاملى - لوقطبه دعوت - فلوب دعوت - يارب

دعوت - آت ياربلى

موسم مدتجه جوق دفعه دینه لر دن ماعدا خصوصی و صمیمی ده ژونه لر  
یعنی اوكله طعاملى ده ترتیب اولونور. اوكله طعاملى نك دینه لر قدر  
اهمیتی اولوب نیم رسمی برماهی و بناء علیه دها صمیمی و خصوصی بر طرز  
اجراسی واردر. ده ژونه لر ده سفره ترتیباتی عینی اولوب یالکیز  
دعوتلىلرک عددی دها آت و مراسم تشریفاتیه سی دخی خفیدر.  
ده ژونه لر ده قادینلر قول ویرلمز و یك سالونه بلا مراسم کیریلیر،  
قادینلر ارککلره تقدم ایدرلر. آرزو ایدلیکی تقدیرده قهوه لر  
سفره ده ده ایلیر. ده ژونه لر ده اعظمی اون ایکی کیشی دعوت اولونمیلیر.  
ده ژونه یه ساعت برچقدده دعوت اولونور. مسافرلر بری چاریک کچهرک  
واصل اولمیلیرلر. سفره دن قالدق دن صوکره یاریم ساعت دن فضله  
اوطور مامالی و تشکر ایدهرک آیریلیدر. ده ژونه لر ده چرزدن ماعدا  
صغوق آت صوی، بر بالق، بر آو آتی و بر سبزه و بر طاتلی و یش  
اکرام اولونور. دها فضله اطعمه یه لزوم یوقدر. ده ژونه لر ده هر  
نه قدر قادینلر قول ویرلمز ایسه ده یه موقعر معین اولوب معنا  
قادین وارکک مسافرلرک او صاحبك و صاحبه سنك صاغنده و صولنده  
اخذ موقع ایتسی لازمدر. مسافرلر آت اولدیغی تقدیرده یك سالونه

کیرل کدن سوکره او صاحبی هر کسه یرینی اراثه ایندزه فضله مسافر  
 اولورسه اولجه شفاها هر کسه کیمک یاننده اخذ موقع ایده جکی سویلنور.  
 ده ژونه لک رسمی بر ماهیتی اولورسه و مثلاً یالکز ارککلره  
 منحصر و مسافرلک عددی کثیر اولورسه مدخله سفره ترتیباتی  
 حاوی بریلان وضع ابدیلوب اوراده هر کس یرینی اولجه اوکرده مش  
 اولور.

### قیافه

ده ژونه لرده قادیسلر شایقه لریه سفره یه اوطور یرلر . حتی سفره یه  
 اوطور ونجه یه قدر دیونلرینی محافظه ایتک بیه جائزدر . خصوصی  
 ده ژونه لره خانم افندیلر ساده بر (تایور) ایله ده کیده بیلیرلر . آرزو  
 ایدرلرسه حقیف بر آپرد میدی تووالتی و مسن خانم افندیلر داهامکلف  
 بر (تایور) کییه بیلیرلر . نیم رسمی ده ژونه لره علی الخصوص قیش  
 موسمنده دها معتنا بر تووالته اجابت اولونور . صورت عمومیه ده  
 قیشین یوم قبوللره نصل کیدیلیرسه عینی تووالته ده ژونه لر ایچونده  
 قبول ایدلمشدر . چونکه ده ژونه لری متعاقب عینی تووالته قونسرلره  
 سرکیلره ، یوم قبوللره دخی کیدیله بیه جکی نظر اعتباره آلمشدر .  
 ده ژونه لرده (فوتر) ویا قطفه شایقه ویا تووالته اوینون بر (توق)  
 کیلیر . - مثلاً کیجه تیاتروییه کیدرکن کیلان شایقه لر کییه من . -  
 بوتون بو ایضاحات صرف آقاده میق بر ماهیتده اولوب یالکز

... تان ايتكدهدر . بوچر چيوه داخاندە هر خانم افندي كنسي  
 ذوق سليخه موده حقنده كي شخصي تالقياتنه : حق يك طرف  
 اولانلر مودەنك و اصولك فوقنده كي اعتياداتنه كوره . كيدير ، بر  
 سطرلري برادر و نه ده دعوتلي اولديني زمان « نه كييهيم ؟ » ديهه مژده  
 اولانلر ايچون بر سهولت اولمق اوزده يازيپورز . كينمك مسئله سنك برقچ  
 سطرله اوكره نيهميه جيكي آشكاردر . آنجق شو برقچ سطرله ياكلش  
 حركت ايدلمسنة مانع اولونه بيلير . مقصوده بودر .

بر موقع رسمي اولان ار ككلر رسمي ده ژونلره ژاكت آتاي  
 ايله كيدرلر . دهها خصوصي ده ژونلره ( وەستون ) ايله ده كيتمك  
 جا زدر . مختلف وسيله لرله سويله ديكمز جه ايله سياد ويا غري وەستون  
 طاقى وفاتنه زى پانطالون و دوز قويو لاجورد و يا خود قويو غري  
 وەستون طاقى ايله هريره كيديله بيلير .

رئيس جمهور حضرتارينك تشريف بويوردقاري رسمي ده ژونلره  
 ردينغوت كيملك لازمدر . بويوك ملت مجلسي ، باش و كيل ، هبث

[ \* ] آوروپاده ( ژاكت آتاي ) ه ساده جه « ژاكت » ديرلر .  
 « En jaquette » ديلمجه ژاكت آتاي مراد اولونور و فرانسه جه ده مثلاً  
 ژاكت آتاي ايله كيديلير ديمك ايچون ساده جه On y va en Jaquette ديرلر .  
 حال بوكه بزده « جاك » و قوستوم تعبيرلري ( وەستون طاقى ) مقامنده قوللانيله  
 كيكدهدر . بناءً عليه تور كجه ده ساده جه ( ژاكتله ديهه يوب ژاكت آتاي ) تعبيرني  
 محافظه ايتمك ملايهه محل بر اقامق ايچون لازمدر . قوستوم يا خود جاك  
 طاقى تعبيرني ايسه آرتق قالديرملي و يرينه ( وەستون ) تعبيرني قوللانيلير .

و کیه اعضای طرفندن و شرفلرینه و یریلان ده ژونه لرده «ژاکت آتای»  
 کیمک لازمدر . کچنلرده آناتولی قلوبنده خارجیه و کیلی شرفه دول  
 اجنبیه بویوک ایله چیلرندن بری طرفندن و یریلان رسمی برده ژونه ده  
 خارجیه و کیلی و بویوک ایله چی ایله بوتون خارجیه و سفارت ارکانی  
 (ژاکت آتای) ایله اثبات وجود ایتشلردر .

ارکان و امرای عسکریه ایله ضابطان، سیویلارک فراق کیدکلری  
 رسمی ضیافتلرده بویوک اونیفورمه کیدکلری کی سیویلارک ردینوت  
 و یا ژاکت آتای کیدکلری یرلرده بویوک اونیفورمه دن صوکره کلن  
 طاقی کیرلر .

### لوقظه دعوت

اکثریا مکمل بر جازباندی و یا معروف بر اورکستره سی اولان  
 بویوک اوتلارده و لوقظه لرده طعام ایتک آروجه بر ذوق تشکیل ایتدیکی  
 جهتله احباسنی بر تیاترو و یا قونسردن اول بویوک اوتلارده و لوقظه لرده  
 یمکه دعوت ایتک دخی بویوک براکرام عد اولونور . اوتلارده و لوقظه لره  
 بر چوق احبا بردن دعوت اولونماز درت بش کیشی دعوت ایتک کافیدر .  
 سبی ده ، اوتلارده و لوقظه لرده آلتی کیشیلکدن فضله سفره موجود  
 اولمدیغدن و فضله غلبه لقله هر کسک نظر دقتنی جلب ایتک کبارانه بر  
 حرکت تلقی ایدلمدیکنددر .

هپ برلکده بر اوتله و یا بر لوقظه یه کیدلکی زمان ارککلر ،

قادینلردن اول یئمک سالوننه کیده رک بریر انتخاب و مسافرلرک راحتجه واک موافق بریرده اخذ موقع ایده بیامه لرینی تأمین ایدرلر . شاید آیری آیری کلنمش ایسه ، ارککلر اوتلک سالوننده ویا لوقظه نك مدخلنده خانم اغندیله انتظار ایدرلر . وامتاد اولدینی اوزره تلفونه اولجه برسفره تأمین ایدلمش و برمونو ترتیب ایدلمش ایسه ، دعوتیلر تمام اولونجه دعوت ایدن ذات اوکده اوله رق یئمک سالوننه هپ بردن داخل اولونور .

اولجه برمونو ترتیب ایدلمیه رک هرکسک آرزو ایتدیکی طعامی انتخابده سربست بر اقیلمسی ماتزم بولونمش ایسه متردوتلک تقدیم ایتدیکی طعام لیسته سی دعوت ایدن ذات طرفدن جهراً اوقونور و هرکس آرزو ایتدیکی طعامی انتخاب ایدر . علی الا کثر قادینلرک رأیی استفسار اولوندقدن و متفقاً بر مونو ترتیب اولوندقدن صوکره متردوتله امر ویریلر و یئمک عینیه خصوصی بر خانه ده ویریلان ضیافته اولدینی کبی متردوتلار و خدمتکارلر طرفدن توزیع اولونور .

اوتلارده و لوقظه لرده اکثریا متردوتلار و خدمتکارلر یئمکی بالذات طباقله قویارلر . بو تقدیرده خدمتکار یئمکی اوککزه قویق ایچون مریکزی استفسار ایدر . یئمکی کندی آلمق طوغری اولیوب بو وظیفه یی سفره جیه ترک ایتمه لیدر . یئمکی بالذات کندی آلمق ایسته مک منایر ظرافتدر .

اشنای طعامده اطرافده کی ماصه لری متجسسانه تدقیق ،



اشخاص حقده ملاحظات در میان ایتک ، یمکاره قصور بولوق ، ای  
 یارچیلری انتخاب ایدمه دیکی ایچون سفیره جیلری تکدیر ،  
 متردوتلی چاغیرتوب اطعمه نك صورت طبخی تنقید ، بریمی  
 بگنموب دیکرلری یمکدن منع ایتک ، یمک لیسته سنی ایسته توب بشقه  
 یمک ایصار لاق آداب معاشرته منافیدر . بویله رلرده عینله خصوصی  
 بر اوده بولونیایورمش کی حرکت لازمدر . حتی پک صمیمی  
 احبابله برلکده دخی بولونیلسه بوضورتله حرکت ایتک ، یوکسک  
 سسله قونوشمق ، قهقهه ایله کولمک معایبتدندر .

یمک دعوت ایدن ذات ، حسابی یالکز باشنه کورمه لیدر . مسافرلر  
 سفرده ایکن حساب پوصله سنی ایسته مک ، حساباتی تدقیق ایتک ،  
 حسابده یاکلش چیقارمق وهر کسک ایچنده پاره ویرمک جائز دکلدر .  
 سالونی اولان اوتلارده دعوتیلر بر مدت اوطوروب قهوه ، لیکور  
 وسیغاره ایچه بیله جکلری جهتله حسابی یالکز کورمک قابل ایسه ده  
 شاید آیری سالونی اولمایان برلوقنطه ده بولونیایورسه ، متردوتلر حساب  
 پوصله سنی بر طباق ایچنده آلدن طوتارلر وهر کس سفردن قالقدینی  
 زمان دیکر بر ماصه اوزرنده حسابی تسویه اولنور و دعوتیلر له التحاق  
 ایدیلر . مسافرلر وه ستیه رده دخی بخشیش ویردیرمک جائز دکلدر .  
 خاتم افندیلر وه ستیه رده کیمزلر ، مانطو و سائرلری خدمتکاران  
 طرفندن کتیریلر و دعوت ایدن ذات ایله دیکر ارکک مسافرلر خاتم  
 افندیلر بوضو صده بالذات عرض خدمت و معاونت ایدرلر .

اليوم خانم افنديلرك اكثر ايسي سيناره اچمكلري جهته ياك  
 آردسند ماذونيت استحصال ايدوب سيناره اچمكلده محذور يوقدر.  
 آنچق ار ككلر قادينلر واركن (سينار) اچمكلدن توق ايتمه ليدرلر.  
 اكثر ياموده اولان بويوك لوقظه لرده بعد الطعام كچ وقته قدر اوطورلا يني  
 وموزيقه ديكنديكى ده واردر. بو تقديرده ياك ييندكن صوكر اليكور  
 وقه وه اچيلير وبعده شامپانياه دوام اولونور. كچ وقته قدر دوام ايدن  
 بويه بر دعوتده ار ككلرك مساعده استحصال ايدرك (سينار) دخي  
 اچمه لرينه جواز واردر.

بو كچي دعوتلرده ار ككلر يرينه كوره فراق ويا سيمو كينغ  
 قادينلر ده قولته تووالت كييرلر. اكثر ياشابه ايله ده اوطور يرلر.  
 خانملرك شاپقه سز يعنى باشي آچيق كلكلري ده واقعدر. جائدر.  
 مع مافيه اولجه ديكر مسافرلرك نه صورتله تلبس ايده جكلريني خبر آلمق  
 واوكا كوره كينمك مرجحدر. كرچه بويه يرلرده تماميله كيجه  
 تووالت قبول ايدمش ايسه ده هر كسك مطرد بر صورتده كينمش  
 اولسي و برخانم افدينك شابه ايله ديكرينك باشي آچيق وار ككلرك  
 برى فراق و ديكرينك اسمو كينغ ايله اوطورمسي كچي چيركين بر  
 منظره حدوشنه اولجه پيداي معلومات ايدرك ميدان ويرمه مك داها  
 كبارانه و ظريفانه بر حر كتدر.

## تیا ترویه دعوت

تیا ترویه دعوت اولونان ذواتک تیا ترو باشلامازدن اون دقیقه اول،  
 کلئر اولملری لازمدر . دعوت ایدن ذات مسافرلرینی لوجه سنده  
 بکلر . لوجه یی اولدن تأمین ایتدکدن صوکره احبا تلفونله ویا  
 شفاهاً دعوت ایدیلیر . تحریراً دعوت ایتک معتاد دکلدر . لوجه ده  
 خانم افندیلر اوک صرده وار ککلر آرقه صرهلرده اخذ موقع ایدرلر .  
 بر لوجه یه دوت کستیدن فضله اوطورولماز . مع بنافیه او پراده وسائر  
 بویوک تیا ترو لورده کی ( آوان سهن ) لوجه لرده آلتی کشی ده فرح فرح  
 اوطوره بیلیر . او پرایه مهمه حال سواره قیافیه یعنی قادینلر ده قولته و باشی آچیق  
 وار ککلر فراقله کیدرلر . دیگر تیا ترو لورده لوجه لرده قادینلر اکثریا  
 باشلرنده شاپقه لریله اوطوردرلر . قادینلرک شاپقه ایله کیتدکلری تیا ترو لره  
 ار ککلرک اسمو کینغ ایله کیمه لری جائز اولابیلیر . فقط ظریف  
 برارکک قادینلرک باشی آچیق بولونقلری هر یرده مطلقا فراق کیمه لیدر .  
 او پراده پرده آرهلرنده ، سیغاره ایچیلن قسمده ار ککلر شاپقه لری  
 باشنده طولاشه بیلیرلر . قادینلری لوجه ده یالکز بر اقه رق سیغاره  
 ایچمک ایچون طیشاری چیقماق مغایر نزا کتدر . پرده آرهلرنده  
 لوجه لرده بولونان آشنا خانم افندیلری آنجق یاننده بولونان ار ککلرله  
 معارفه و ارایسه زیارت ایتک جائزدر بوتقدیرده لوجه نک قوسنی خفیفجه

اورمق لازمدر . لوجهیه کیریلنجه ، ارککلر آیاغه قلاقلر . اولاً ،  
 لوجه صاحبه سنک وصوکره مسافرک الی اوپولور . ارککلر طیشاری  
 چیقارق یرلرینی یکی کلنه ترک ایتمک معتاددر . کندیلری ده بووسیلدایله  
 دیگر طانیدقلری خانم افندیلرک لوجه سنه کیده بیلیرلر .

لوجه لرده وقوعبولان زیارت اثناسنده دیگر بذات عرض حرمت  
 ایچون کلدیکی زمان درحال وداع ایدرک یرینی یکی کلنه ترک ایتمک  
 لازمدر . بر باشقاسی ویا قادینلره رفقت ایدن ارککلر لوجهیه  
 کله نجه قادینلری یالکز براقهرق چکیلمک طوغرو دکلدی . لوجه ده  
 خانم افندیلره اکرام ایدمک اوزره شکرله بولوندورمق معتاددر .

تیاترونک ختامنده ارککلر اوکده و خانم افندیلر آرقده اولمق  
 اوزره لوجه دن چیقایلر . ارککلرک اوکده کیمه سی یول آچق ایچوندر .  
 شاید تیاترویه آیری آیری اوطوموبیلارله کلنمش ایسه دعوت ایدن  
 ذات ، دعوتلی اولان خانم افندی یی یاننده ارکک دخی اولسه اوطوبیله  
 بیدیرمدکجه کندی اوطوموبیلنه بینمه ملیدر .

### آت یاریشاری

آت یاریشلرینک هر مملکتک تاریخ نظر افندیه و عنعنات اجتماعیه سنده  
 مهم برموقی وارددر . آت یاریشلی آت مراقیلری و بحث متقابل  
 مفتونلری ایچون فوق العاده بر مراق و هیجانله تعقیب ایدیلن حادثات دن  
 معدود اولدیغی قدر ظریف خانم افندیلر و مشهور ترزیلر ایچوزده نفیس

تووالترینی تشهیر ایتمک بروسيله در . بناءً عليه آت یاریشلری جمعیت حیاتنده بویوک بررول اوینار . ایلک وصول بهار موده لری ایلک دفعه اوله رق آت یاریشلرنده موقع تماشایه و محل تنفیده وضع ایدیلیر . مرکز حکومتلرده بویاریشلرک یوکسک شخصیتلرک موعده تلاقیسیدر . اصلاح جنس فرس و بنیجیات نقطه نظرندن مملکت ایچون پک مفید اولان بو تشبته اردوده صورت مخصوصه ده علاقه دار اولور و اشتراک ایدر . آداب معاشرته دائر یازیلان بو اثرده بز ، آت یاریشلرینک فوائدندن زیاده ، بویاریشلره بر مملکتک ملی جمعی ارکانک طرز اشتراک کنی ایضاح ایده جکمز جهته فضله تفصیلاته کیریشمهدن ، بو یاریشلرده نه درلو تلبس ونه صورته حرکت ایتمک ایجاب ایده جکنی کوستره جکنز .

معظم یاریش محملری اولان مراکز حکومتده آت یاریشلرینه قادینلرک مکلف آپرمیدی تووالتیله کیدرلر . یاریشلرده تووالته سوک درجه اعتنا اولونور . اک آغیر وظریف مانتولر ، اک مکلف شمسيله ، ایپک اسقارپنلر ، تول شاپقه لر کیلیر ، بر سوواره ده کبی اینجولر و الماسلر ناطیلیر . الیونلر کیلیر . خلاصه آت یاریشلری ایچون اک مکلف تووالته مساع و اردر . بوراسی قادینلرک بر مشهر ظرافتیدر . معافیله بویاریشلره ساده برتایور ایله ده کیدن و آلایشه اهمیت ویرمه ین صرف آت مراقیلری ده و اردر . یاریشلره اعتنا ایدیلن هر مملکتده آت یاریشلرینی اداره ایدن « جوکه قلوب »



اعضالرينه وديكر بويوك قلوب اعضالرينه مخصوص اولمق اوزره معتنا محللر تفريق ايدلمشدر . بورالره آنجق او قلوبلر ك اعضاسيله افراد عائله سي كيره بيلير . بوراده قادين ار كك قاريشيق فقط قدينلر دائما او ك طرفده اولمق اوزره اخذ موقع ايديلير . بوراده ده موقع رسميسي اولانلرله مسن ذوات ، ومتاهل خانم افنديلر او ك طرفلرده واك ابو يرلرده اوطور نيالير . كنچ قيزلر ك ، ده ليقانلير ك اير كنجه طاورانوب ابي يرلري اشغال ايتمي ، مسن ذواته اهميت ويرمه سي جائز اولمديغي كبي بودرجه يوكسك بر محيط اجتماعيده واقع دخي دكلدر . قادينلر بحث متقابله اشتراك ايتمك آرزوسنده ايسلر ، بيلت ساتيلان كيشه لره بالذات كيتيموب رفاقتلرنده كي ارككلر بو وظيفه يي كويرلر . قادينلر عقل او كره تمك ، بحث ايتمك ايسته دكلري آتلردن واز كچيره رك فلان ويافلان آتي توصيه ايتمك كارعاقل دكلدر . قادينلر اويون بحثنده غايت حساس اولدقلري جهته كنديلرينه اجراي تأثير ايتمكدن اجتناب ايتمه ليدر .

ظريف ارككلر ياريشلره ژاكت آتاي ايله وسيلندير شاپقه ايله كيدرلر . لوندره كبي ياريشلره فوق العاده اهميت ويريلان مملكتلرده يالكز ياريشلرده قوللا تليق اوزره غري بر قماشدن معمول ردنغوت طاقى كيلير . الك برنجي انگليز ترزيلرينك مقاصندن چيقان بوردنغوتلر ك هيچ بر لباسله قابل قياس اولميان بر ظرافتي واردر . همان همان يكديكري نك عيني اولان بوردنغوتلرله كنارلري سياه چوخه قورده له لي غري چوخه

سینلدر ویا عادی سینلدر کیلیر . حرب عمومیدن صوکره ترک  
ایدلش اولان بوقیافت لوندرده قرالک بولوندیغی تریبونه دعوتلی  
اولانلر ایچون ایوم مجبوری کبی عد ایدلمکده در . یاریشلرده سیاه  
ردنغوت وفاته زی پانطالونده کیلیر . بو طرز تلبس یوکسک بر موقع  
رسمی واجتماعی صاحبی معروف و ظریف ذواته منحصر اولوب ،  
بو طرزده کینمک ایچون هیچ بر مجوریت یوقدر . شو قدر وارکه ،  
آت یاریشلرنده بویله معنا موقعلره کیده جک وضعیتده بولونانلرک ،  
جوکه قلوب اعضالرینک ، بر مملکتک اک یوکسک و ظریف طبقه  
اجتماعیه سنی تمیل ایلنه ذواتک ، علی الخصوص ممالک اجنیه ده تورکیه یی  
تمیل ایدوب بو کبی محافل عالیّه ظرافته حق دخول بخش ایدیلا  
دیپلوماتلرک بو کبی دقایق ظرافته اعتنا ایتهلری موافقدر .

بو مطالعات و بو محیط خارچنده ، آت یاریشلی عمومی برا کلنجه  
محلی اولدیغی جهته ، هر کس ایسته دیکی کبی کیده بیلیر .

آت یاریشلرنده [ دوربین ] آت مراقیلرینک لازم غیر مفارقی اولدیغی  
جهته بو خصوصده سویلنه جک بعض شیلر واردر . یاریشلرده  
قوللانیلان دوربین اوفق حجمده و تیاترو دوربینی طرزنده اولمالیدر .  
حتی قادیلر بیله ( زایس ) ویا ( غورچ ) دوربینلری قوللانیلر  
و مشین محفظه ایچنده ، مشین قایشلرله قوللرنده طاشیرلر .  
ارککلر ده بویوک قطعده دوربین قوللانیلر . دوربین ظریف  
کورونمک ایچون دکل ایشه یارامق ایچون برابر آلیر . یاریشلی مکمل

صورتده تعقيب ايد بيلمك، آتلك وضعيتنى ايوجه سچه بيلمك اچون قوتلى دورين لازمدر. دورينلر قيصه قيشله بويىنه كچريلهرك كو كسندە ساللانديريلر وقولايجە ياريش تعقيب اولونور. كو كسندە دورينلە ياريش آره لرندە طولاشمق جائزدر. مع مافيه ياريشه كيرر كن دورين مشين محفظه سنده وقولده و يا خود اوموزده اصيلى اوله رق كيريلر.

ياريشلرده بياض و يا غرى بود و سوئ الديون كيلر. ژاكت آتاي و يا غرى ردينغوت اكتسا ايدنلر، سياه و يا قويوغرى رءغلان پالطولر كيه بيلرلر. ياريشلرده ژاكت آتاي ايله اوستى بياض كوده رى و بياض دوكمه لى و يا « به ژ » چوخه و غرى دوكمه لى ماسقارده تلى سياه روغن پوتين كيملك، بياض و يا « به ژ » كه تر قوللانمقدن دها ظريفدر. بحث متقابله قازانان خانم افنديرك بيلترينى كيشه لرذن تحصيل ايتك ار كككره دوشر. بويوك ياريشلرده قازانان بيلترى ايرتسى كون جو كه قلوبدن تحصيل ايتك قابل اولديغندن كبار ذوات ياريشلرده قازانچلرinxى در حال تحصيل ايتكه شتاب ايتزلر.

بويوك ياريشلرده مكمل بوفه لر، ده ژونه و دينه ايديله جك مكمل سالونلر واردر. ياريشلر آره سنده خانم افنديله چاى، ليموناطه، شامپانيا، سه ندويچ كچى شيلر اكرام ايديلر و بو خصوصه عينيله بر ته دانسان ده و يا برسو و ارده نصل حر كت ايديلر سه ا و صورته حر كت ايديلر. بر مملكتك حيات اجتماعيه سنده ياريشلر باشلى باشنه بر ر حاده در.

## مختلف مباحثه آداب و اصول معاشرت

### سنه باشی و بایرام و یزیتلری

بایرام و یزیتلری بزرده بر درجه یه قدر فرنگلرک سنه باشی و یزیتلرینه تقابل ایتمکده در . اعتقادجه بایرام و یزیتلرینی یالکز شکر بایراملرینه حصرا یدوب قربان بایراملرینی ده عائله افرادینه تخصیص و پک یقین و صمیمی دوستلر آراسنده تسعید ایدیلرک قربان بایراملرنده رسمی زیارتلری حذف ایتمه لیدر . شبهه یو قدر که یاقین بر آتیده عصری حیات اجتماعیه نك الجا آتی ایله کرک رسمی و کرک اجتماعی محیطلریمزده بالعموم ملتلك قبول ایتمش اولدقلری سنه باشی زیارتلرینی بزرده اجتماعی مجبوریتلر اعدادینه ادخال ایتک ضرورتنده بولونه جغز . وقتيله قادین ارکک ، خصم و رقیب ایکی قبیله کبی، یکدیگرینه دارغین و بیگانه و یکدیگرندن آیری و اوزاق یشامغه محکوم ایدلکلری انفراد و ازوادورلرنده بیله محرملرده یکدیگرینی زیارتله تبریکاتده بولونمق و چو جو قلمر و حتی بویو کلره اوغور پاره سی اوله رق چیل آلتون چاریکلر هدیله ایتک معناد ایدی . دیمک اولدی که بزرده ده سنه باشی زیارتلری واردی . بناءً علیه بو عادت، بزلا ییق تور که جمهوریتنده پک طبیعی اوله رق یکی سنه باشلرینه دور ایده بیلیرز . مع مافیه بوشخصی بر مطالعه و بر تمیندر . بوراده موضوع بحث دولسی

لازم كلن جهت سنه باشلرنده و بيايراملرنده ويزيتهلر نه صورتله اجر ايدلسي  
لازم كلديكيدر .

اوروپاده سنه باشلرنده، يعنى سنه باشى كوني، خانم افنديلر يكديكريني  
زيارت ايتزلر . واركلت مسافرلريني قبول ايتك اوزره يوم قبوللرنده اولديني  
كبي سالونلرنده حاضر بولونهرق مناسبات اجتماعيه ده بولوندىقلى ذواتي  
قبول ايدرلر . بورسم قبول خانم افنديلر اچون اولدجه يورغونلغى  
موجب اولان بروظيفه اجتماعيه در . عيني شهرده بولونان بر اركلت ،  
بوتون موسم يوم قبوللرينه دوام ايتديكي، ضياقتلرنده ، سووادرلرنده  
بولونديغى بر خانم افندي يه بر تبريك قارتى يوللامق صورتيله وظيفه  
اجتماعيه سنى ايفا ايتمش صاييلماز . مطلقا اوينه بالذات كيدرك عرض  
تبريكات ايتمكه مكلفدر . صاحبه خانه، جمعيت اچنه كيره چك سنده بر  
كريمه سنى وار ايسه كريمه سنى ايله برلكده، اولماديني تقديرده، يالكر  
مسافرلريني قبول ايدر . سنه باشى ويزيتهلرى اوكله دن صوكره ساعت  
اوچدن اعتباراً باشلار . بو ويزيتهلر غايت قيصه اولمليدر . خانم افنديلر  
مسافرلرى اوطوردقلى يرده قبول ايدرلر . هرزائر او صاحبه سنه  
عرض تبريكات ايدر . اكثرثا بر شكرمه اكرام ايديلير ويا خود هيچ  
برشى اكرام اولونماز . بش اون دقيقه صوكره وداع ايديلير، كيديلير .  
يالكر بو زيارتلرده سالونه سيلندير شاپقه النده اوله رقده  
كيرمك جائدر . بو تقديرده شاپقه آغزى يوقارى اولق اوزره  
اسكمه نك يانسه يره براقيلير . فقط بو دخى آرتق متروكدر . سنه



باشی زیارتلرینه « وەستون » ایله کیتەك طوغری اولیوب ژاكت  
 آتای ، فانتەزی پانتالون دوگەلی سیاه روغن اوستی چوخه  
 ویا ویدەلو پوطين ، سەندیرشاپقه ، بیاض ویا غری دیون مرجەدر .  
 الیونلرک هر ایکسی الە طوتولەرق صالونە کیریلەبیلیر . معافیە  
 الیونی وشاپقەنی پالطو ایله طیشاریدە براقق دە جائزدر . طبعی بو  
 خصوصە هر کس اعتیادینە ، قولایلغنە کورە حرکەتە مختاردر .  
 شوراسی خاطر دە طوتولمیدرکە سەنباشی زیارتی ایفا ایدن بر ذاتک  
 الە شاپقەسنى والیونلرینی طوتەرق بر صالونە کیرمسی آداب معاشرە  
 مغایر اولیوب بالعکس سەنباشی زیارتلری بو شکلدە کیرلمسی یکانە جائز  
 اولان یردر .

بعض بویوک شەرلر دە ارکەکلری بونوع یوروجی زیارتلردن  
 وارستە قیلمق ایچون بر چارە دوشونولمشر . چونکە احباسی کثیر  
 وساحه معارفهسی واسع ذوات ایچون بوتون کون براودن دیکرینە  
 شتاب ایدرک عرض تبریکات ایتک اولدقە مزعج بروظیفەدر . بوندن  
 خلاص اولمق ایچون جمعیات خیر یەدن برینە مناسب بر مبلغ تبرع ایدیلەرک  
 اعلان ایدیلیر . بو تقدیر دە اک زیادە آزر وایدیلن واجتماعی مجبوریتلری  
 اهمیتی اولان خانم افندیلر زیارت اولونور . شایان دقت اولان جەت  
 بو تقدیر دە بیلەك صیقی وصیمی صورت دە کوروشیلان رسمی وخصوصی  
 متعدد دعوتلرنە ، ضیافتلرنە ، مسامرەلرنە بولونمش اولان خانم  
 افندیلری زیارت ایتک موافق نزاکت اولدیغیدر .

سەنباشی هدیە یوللامق دە عادتدر . آنحق کیف ماتفق هر کس

هر خانم افندی به سنه باشی مناسبیله هدیه تقدیم ایدمه چکی کبی هر هدیه ده  
قابل تقدیم دکدر . بونک دخی آدابی و اصولی واردر .

دعدۀ عمومی اولمق اوزره ، متعدد دفعه لر خانه سنده آقشام طعامنه  
دعوت ایدمش اولدینگز ، عینی سویه اجتماعیه دن اولوب موقعه ده  
مساوات حالده بولندینگز کیمسه لک رفقه لرینه سنه باشی هدیه  
یولامق لازمه ترا کتدندو . علی الا کثر قدینلره ظریف بر قوطی ایچده  
شکرله و شکرله ایله برابر چیچک و یاخود ساده جه ظریف بر چیچک  
ترتیبی بوللانور . شکرله قوطوسنک ، یولایان ذاتک و تقدیم ایدیلا  
خانم افدینک موقعه و عائله نک مناسبات اجتماعیه سنه و یاخود موقع  
رسمیلرینک درجه سنه کوره ، مختلف نوعلری اولایلیر . متأهل ذوات  
زوجه لرینک صمیمی دوستلری اولان خانم افندیاره ده ا قیمتدار هدیه لر  
یولایایلیرلر . چونکه متقابلاً کندی زوجه لرینه ده عینی صورته معامله  
ایدمشدر . کوزل ساقسونیا بر کاسه ، اسکی معدن ، اسکی ویانه ،  
یاخود موده رن معمولاتدن اولمق اوزره معتابر (دوم) کاسه ایچده  
نفیس شکرله لراهدا اولنه بیلیر . صمیمیتک درجه سنه کوره اوفق بر اثر  
صنعت ، ظریف بر هیکل ، کموش بر قوطو ایچده بر بریچ اویون طاقی ،  
کموش بر چیچکک کبی شیلرده هدیه ایتمکه جواز واردر . پک زیاده  
حسن قبول کورمش ، متعدد دفعه لر ضیافتلره ، مسامریه دعوت ایدمش  
فقط بکار اولدیغی جهتله مقابله ایدمه مش ار کک لک سنه باشلری  
دین شکرانلرینی ایضیه فرصتیاب اولایله جک لری یکانه وسیله در .

بنابرین بوضو رتبه اعزاز ایدش اولانلرک سنه باشلری اوفق برهدیه  
تقدیم ایتلری ایجاب ایدر . بوهده آنجق نادر چیچکلر ، نفیس  
شکرملری تجاوز ایده مر . سنه باشلرنده چیچکچی دکانلرنده بونوع  
ترتیبانک کوزلری و مختلف درجه لری واردر . عینیه معروف شکرمله چی  
دکانلرنده هر کسک ذوق سلیمنی تطمین ایده جک اوفق تفک شیلردائما  
موجوددر . دقت ایدیه جک شی تقدیمه نک فضله کوستریشلی فضله  
اهمیتلی فضله قیمتلی اولماسی و پاره قوتیه ده کل ، ذوق سلیم و حسن انتخاب ،  
وساده لک ایچنده ظرافت ایله ممتاز بولمیسیدر .

برقادینه فضله کرانها برهدیه ، مثلاً غایت نادر بر آنتیقه وازو ،  
و بوکامائل قیمتی پک یوکسک هدایا ، تقدیم ایتک آداب معاشرته منافیدر .  
هر یرده اولدینی کبی بوخصوصده ده اولچو ، اعتدال و حسن انتخاب  
حکمران اولمالیدر . معارفه کنر آز اولان ، موقعی سزدن چوق  
یوکسک اولان خانم افندیلره سنه باشندن بالاستفاده هدیه یوللامغه  
قالقیشمق معایبانددر . برقاچ دفعه لر اونده آقشام طعامنه ویا مختلف  
مسامر دلره ، بالولره دعوت ایدلمدیککنر برقادینه سنه باشی هدیه می  
یوللامق آداب معاشرته منافیدر . بوخصوصده چوق تائی و تأمل ایله  
حرکت ایتک و تراکت ابراز ایدیم دیر کن دوچارمؤاخذده و استخفاف  
اولماق لازمدر .

سنه باشی هدیه لری سنه باشندن برکون اول ساعت آلتی ایله  
یدی آرده سی خانم افندیلرک قوناقلریته برخدمتکار واسطه ارسال

ایدیلیر . هدیه سادجه برقرت اینشیدیرمک واوزینه فضاه برشی  
یازماقی حتی برای تبریک معناسنه کلن « ب . ت » ویا « p . f. » اشارتی  
دخی علاوه ایتمک ال کبارانه برحرکتدر . هدیه ایله برابر برتبریک  
مکتوبی یازمقده جائز دکلدر . یولادیغی هدیه عطف اهمیت ایتمک کی  
مغایر ظرافت و نزاقت برحرکتدر .

خارجده بولونانلر ، درجه رسمیه وصمیمیه کوره کرک اولجه  
یوسته یه تودیع ایدرک سنه باشی واصل اومسی محقق اولان برمکتوبله ،  
ویا سادجه اچیق برظرف دروننده « p . f. » ویا « ب . ت » اشارتلی  
برقارتیه ویا خود رسمیت واهمیه کوره تلغرافله بیان تبریکاتده بولونورلر .  
بزده بایراملرده یوللانان قارتلره « برای تبریک » جمله سنی تام اوله رق  
اشارت ایتمک دها طوغریدر . چونکه یالکز « ب . ت » اشارتی  
« برای تشکر » معناسنده کله بیلیر . بو وسیله ایله بوجهتی ده تصریح  
ایتمش اولمق اوزره برای تشکر اعاده ایدیلان قارتلره یالکز « ب . ت »  
اشارتی قویمق و تبریک قارتلرینه ده تماماً « برای تبریک » جمله سنی  
اشارت ایتمک ال موافق برطرز اولدیغی خاطره قیلندن عرض ایدم . [۰]

[\*] جمعیت حیاتی یاشایان ملتک قارتلر اوزرینه قویدقاری اشارتلی مناسب

آلشکن بوراده ایضاح ایدم :

۱ — برای وداع بریره براقیلان قارتک اوزرنده p.p.c. اشارتی واردر .

۲ — « تشکر » « » « » « p.r. » « »

۳ — « تبریک » « » « » « p.f. » « » بو

اشارتی حاوی قارتلره p.r. اشارتلی قارتله مقابله ایدیلیر .

۴ — بر ذاتی تقدیم ایچون مافوق طرفندن تقدیم ایدیلن ذاتک قارتیه

برایکده براقیدی قارتک اوزرنده p.p. اشارتی واردر .

سنه باشی قبول ایتمین تورک خانم افندیلری ، شاید بوخصوصده  
 اصرار ایدیلسه، یالکیز شکر بایرامنده ، عینیه اجنیلرک سنه باشنده  
 قبول ایتدکلی کی اقبالینی قبول ایتلی و بو قبوللرده عینیه سنه باشی  
 ویزیتلرنده جاری اولان اصول تطبیق اولونمالیدر . هدیهلرده  
 کذا عینی اصول و شرائط دائره سنده شکر بایراملرنده یوللانمالیدر .  
 سنه باشی قبول ایتمین تورک خانملری اجانبدن مناسبات رسمیه  
 و صمیمیه بولونقلری مداملری سنه باشی زوجلریله برلکده و یاخود  
 یالکیزجه زیارت ایدمیلر . آرزو ایتدکلی تقدیرده بر قارت  
 یوللامق صورتیه تبریکاتده بولنورلر . نته کیم اجنبی . مداملر دخی  
 شکر بایرامنده تورک خانم افندیلرینی بالذات زیارت و یاخود قارت  
 ارسال صورتیه عرض تبریکات ایتمکده درلر . هر حالده ملی جمعیتمز  
 ارکاندن اولان خانم افندیلر یا سنه باشی قبول ایتملی ، یاخود شکر  
 بایراملرنده عینیه سنه باشی زیارتلری طرزنده زیارت قبول ایتمیلدرلر .  
 پک صمیمی کوروشیلن و هر زمان برآرده بولونیلان عائله لر  
 بربرلرینک جوجقلرینه ده سنه باشیلری اویونجاقلر و سنلرینه کوره  
 اوفق تفک هدیه لر ویره بیلرلر .

یاشیجه کنددن بویوک اولوب مناسبات اجتماعیه ده بولونولان  
 ذواتک رقیقه لرینه آنجق چیچک یوللانابیلر . سنه باشی هدیه سنی یالکیز  
 ازککلریوللار . یعنی متاهل اولانلر طرفدن کیدن هدیه یالکیز  
 زوجک قارتی الصاق ایدیله . پک صمیمی کوروشن خانم افندیلر آبروجه



آوارنده هديه لرده تعاطي ايد بيليرلر : بو موضوعمئز خار جنده خصوصي  
احوالدن معدوددر . پك يوكسك موقع رسميسي اولان ذواتك  
مادونك رقيقه نرينه سنه باشي هديه سي يوللاماسي معتاد دكلدر . دهليقانلير  
كشج قيزلره اقربا و تعلقاتندن اولمقجه هديه يوللاياملر . جمعته هنوز  
داخل اولمش پك كشج دهليقانلير لرده ، حق خانم افنديلرك معطائه  
ضيافتلرينه دعوت دخی ايدلش اولسهلر ، سنه باشي هديه يوللاملري  
آداب معاشرته منافيدر . پدريك يوللاديني هديه كافيدر .



## نشانده و اولنك

توركيه جمهوريتنده ملي تورك جمعيتي تاسس ايدرك قدنلر اجتماعي موقعلرينه صاحب و كنچ قيزلر ايله ده ليقانلرله عائله لرك حريم صميميتنده يكديكريني طانيه رق شعورلي و محاكمه لي بر صورتده ازدواج ايتك نصيب اولدقدن صوكره نشانلانمق مراسمنك مملكت مزده يكي برشكل آلمسي وبوخصوصده قاچ كوچ اولميان مملكتلرده جاري اولان اصوله بزم دخي تبعيت ايتكل كمز ضروريدر. عائله رئيسلرينك «اوتوريتيه» سي و اخلاقي پره نسيپلرك حقيله جاري بولنديغي مملكتلرده كنچ قيزلرك نشانلانمق و اولنك ايله نتيجه له ن معارفه لر ينك هر حالده ابوينك معلوماتي، انضمام رأيي و مراقبه سي تحتنده جريان ايتسي لازمدر. كنجلرك بوخصوصده كي نيت و مقصد لر ينك نهائي برقرار شكلنده تجلي ايتمه دن اول بر درجه يه محسوس اولمسي و كيزلي بر مناسبت قليب نك تظاهر آني سي شكلنده هر كسه خير بخش اولماسي مرجحدر.

كرچه كنجلرك نشانلانمق حياتلريني ابدىاً بر برلرينه ربط ايتمه جدى صورتده قرار و ير مه دن اول يكديكريني ايجه طانيق، اخلاق و مشاورلريني، تلقيلريني، تمايللريني، اعتيادلريني، استقبال حقنده كي غايه لر ين و امللريني اطرافليجه تدقيق ايتك لزومني حس ايتملري پك طبعي ايسه ده درجه صميميت بوراديه و اصل اولونجه كندى كنديلر نه

بر قرار اتخاذ ائمه‌دن اول ابويندري کمال خلوص و صافيتله بويله بر تصور  
 واحتمال دن خبردار ائمه‌لري و عائله‌لري ايچنه کيرمک احتمالي اولان کنج  
 نامزد حقنده بر کنج قيزک اجراسنه مقتدر اولاميه جنی تحقیقات و تدقیقات  
 نهايه‌يي بويوکلره حواله ايللري اگ ابتدائي تدابير احتياطييه و ايجابات  
 وجدانيه دندر .

نامزد حقنده يايلاچق تحقیقاتک ممنونيت بخش اولوب طلب واقعک  
 بلا تردد مظهر قبول اوله جنی معلوم اولدقن صوکره در که ده ليقانلي  
 طرفدن کنج قيزک پدرينه مراجعت ايديله رک دست ازدواجی طلب  
 ايديله بيلير . بو خصوصده امنيت قطعيه اولمقسزين بر پدره مراجعت ايدرک  
 او ذاتی بهت و حيرت ايچنده براقق و بر رده معروض قالمق آداب معاشرتک  
 بو خصوصده کی اگ ابتدائي قواعدن غفلت ايتمک اولور . بو صورتله بويله  
 نازک بر مسئله ده خفيه لک و پرواسزاق ابرازی کرک قواعد اخلاقيه و کرکسه  
 اگ بسيط تدابير احتياطييه ايله قابل تأليف اوليوب ، تربيه و نزا کته ده مغايردر .  
 وقوع بوله جق طلب ازدواجک مظهر قبول اوله جنی قطعياً معلوم  
 اولدقن صوکره کنج قيزک ابوينی طرفدن ايراد ايديله جک سؤاللرک  
 کافه سنه کمال نزا کته جواب ويرمک ، وقيزلرينک بوتون حیات واستقبالنی  
 بر کنجک اکثر يا تجربيه سز اليرينه تسليم و توديع ائمه‌دن اول حیات  
 حقنده کی تلقیاتی و غايه لر حقنده وقوع بوله بيله جک هر درلو استيضاحی  
 خوش کورمک ايجاب ايدر . اساس طلب حقنده متحد اولمقله  
 برابر ابوينک بر چوق تفرعات حقنده مشککلسند و متجسس



لیله ویا برچای دعوتی یاپیله رق یکی دامادی هنوز طانیان احبایه تقدیم ایتمک و بو صورتله وقعه مسعودیه رسمی و قطعی بر شکل ویرمک معتاددر. بو وسیله ایله ارسال ایدیلن دعوتیه لرده نشانلامه مراسمندن بحث ایدلیوب عادی بر دعوت ایچون معتاد اولان شکله دعوتیه لارسال قنلور. آنجق دعوتیه اجابت ایدن ذواتک هر برینه ماوقعی تبلیغ ایتمک لازمدر. شاید آقشام طعامنه دعوت صورتیه نشانلامه مراسمی تسعید ایدیه جک ایسه سفریه او طور مه دن اول مدعوینی خبردار ایتمک اقتضا ایدر. اثنای طعامده نشانلیلر یانه او طور تیلیر و شرفلرینه و سعادتلرینه باده نوش اولونور. [\*]

### شاه بزرگی

بعض عائله لر هر درلو احتمالی درپیش ایله تحدث ایده بیللمسی ملحوظ بر سوء تفهمدن دولایی صوڪ دقیقه ده نشانک بوزولمنی نظر اعتباره

[\*] نشانلامق ازدواج ایتمک، حیاتک الک مهم واک جدی بر صفحه سینه داخل اولارق بر عائله تشکیل ایتمک دیمک اولدیغندن بو درجه مهم و مسعود بر حادثیه احبا و اودانک دیدی قودی قیلندن مشکوک و مبهم بر صورتده کسب اطلاع ایتهلری حادثه نك اهمیت و رسمیتله غیر متناسب اولور. بنابرین «نصل و اواسه طویولور» دهرک اهل کارانه طاورانق و آداب معاشرتک ایجابی اولان سالف العرض قواعد رعایتدن استغنا ایتمک طوغری دکلدر. یکی وضعیتلر یکی قاعده لره اقتفا مجبوریتتی تونید ایتسی طبیعی اولمغه کبار و نزیه عائله لر بو یوله حرکت ایدرلر.



آلهرق دوکون کونی تقرر ایدوب هرشی احضار ایدلیدن اول  
 کیمسه بی خبردار ایتمه کی و قیزلرینک یوزوک نشانی قبول ایتماسنی  
 ترجیح ایدرلر. بو فضله بر احتیاط اولوب کنجلك آردسی یوزوله حق  
 اولورسه هر کسه ایضاحات اعطاسندن و نشان یوزوکی اعاده سندن  
 وارسته قالمق فکریله اختیار اولوندیغی واقعدر. آنجق اوزونجه مدت  
 نشانی قاله حق کنجلر ایچون بو، شایان توصیه بر تدبیر اولیوب  
 وقعه دن هر کسک خبردار ایدلسی و نشان یوزوکی طاقیلمسی اک  
 معقول و مقبول بر قاعده اولمق اوزره تلقی ایدلمکده در. نشانلا تمق کی  
 بروقه مسعوده کیزی طوئولما یلدر.

نشان یوزوکی اولمق اوزره تعاطیسی اوتهدنبری معتاد اولان دوز  
 آلتون خلقه الیوم مترو کدر. کبار و ظریف عائله لرده یالکیز کنج  
 قیزه داماد طرفندن کوزل برتک طاش یوزوک اهدا اولونور وار ککلر  
 نشان خلقه سی طاقازلر. کنج قیزه نشانلیسی طرفندن ویریه جک  
 یوزوک پرلانطه یا خود یاقوت، زمرد، کوك یاقوت تک طاش بر یوزوک  
 اولمیدر. ظریفی و کباری بودر. دلیقانی بو خصوصده نشانلیسنک  
 رأینی و ترجیح ایتدیکی طاشی صورابیلر. حتی بر قاچ دانه یوزوک  
 یوللا تدیروب آرزو ایتدیکنی انتخاب ایتمسنی رجا ایده بیلر. اک کبار  
 عائله لرده بو، قبول ایدلش و هر کون جاری اولان بر اصولدر.

ثروتی مساعد اولمیانلر، و اورته حاللی عائله لر طرز قدیم اوزره  
 یا دوز آلتون بر خلقه یا خود الیوم دها زیاده متداول اولان ایشلنمش

آنتون خلقه لر تعاطی ایدر لر . بو خلقه لرک ایچنه نشانلاردن هر برینک  
اسمی و نشانلاندقلری تاریخ حک ایدیلر .

ظریف ارککلر نشان خلقه سی طاقاز . کنج قیزلر ایسه  
نشانلاندقدن سوکره اوله نجهیه قدر نشان یوزو کندن باشقه یوزوک  
طاقازلر . بو صورته دوستلری و طانیدقلری پارمغنده کی یوزوکک  
نشان یوزوکی اولدیغنی آکلارلر .

دلیقانلینک والده سی اوزاق بر محله اقامت ایتمکده اولوب نشانلامه  
مراسمنده حاضر بولونماش ایسه مسئله رسماً تقرر ایدر ایتز کلیننه  
برمکتوب یازاق بیان ممنونیت و تبریکات ایتسی و کلینی اوینه دعوت  
ایتسی اصولدور . بوتقدیرده قائن والده لر و قائن پدرلر دخی متقابلاً  
و تحریراً یکدیگرینی تبریک ایدر لر .

قانون مدنیزک امر ایتدیکی طرزده نکاح مدنی اجرا ایدلمک اوزره  
مقام عائینه کیدلیدی صروده ممکن اولدیغی قدر ساده کینمک موافقدور .  
ارککلر قویو بروه ستون و مه لون بر شاپقه ایله خانملر ظریف بر تاپورایله  
کید بیلر لر .

### نشانلاندقدن سوکره

نشانلاندقدن سوکره اوله نجهیه قادار کنج لارک یالکزجه  
سوقاغه چیقمالری و اوزون کزیتیلر یامالری کبار عائله لرده تنسیب  
ایدلر؛ یالکز ته نیس ، غولف کی بوتون کنج لارک و عائله لرک موعد

تلاقیسی اولان اسپور یرلرینه برلکده کیده ییلرلر . کیجه وقتی  
 ابوینلرینک رفاقتنده اولدجه باش باشه تیا ترو لره وقونسرلره کیمه لری ده  
 جائز دکلدور . نشانلیر کندی اولرنده یالکزجه اوطوروب قونوشورلر .  
 فقط دائما والدهلرک اهتمکار مراقبه لری اوزرلرندن ا کسک اولماز .  
 کنجلر نشانلارمش اولدقلرندن دولای هر زمانکی جمعیت حیاتنده  
 رعایته مجبور اولدقلری اصوللرک هیچ بریسندن مستغنی عد اولنه مازلر .  
 نشانلی اولق کنجلره نه فضله بر سر بستی ، نه ده فضله بر امتیاز بخش ایدر .  
 اوله نتیجه قدر نشانلیر جمعیت ایچنده کیف ماتفق بر کنج قیز ایله بر  
 ددلیقانی فصل حرکت ایدر لر سه اوصورتله حرکت مجبوردرلر .  
 شبهه سزدر که نشانلیر آرد سنده ده فضله صمیمیت ، ده صیقی بر  
 رابطه تأسس ایدر و جمعیت ایچنده کنیدلرینه قارشی ده جمله کارانه  
 معامله اولونور . فصل مخصوصنده بیان ایدلرکی اوزره زوج ایله  
 زوجیه بر سفرده یان یانه اوطور تمق جائز اولمدیغی حالده کی نشانلیر  
 هر زمان یان یانه اوطور تیلیر . ته دانسانلرده ، مسامره رقصیه لرده ،  
 بر لر یله ده فضله دانس اتمه لرینه ، ده از یاده یکدیگر یله مشغول اولمالرینه  
 مسامع واردر . دائما تکرار ایتدیکمز اوزره جمعیت حیاتنده « اولچو »  
 ایله حرکت اک بویوک معیار و نشانه تربیه در .

ددلیقانیلرک نشانلیرینک والده لرینه و همشیرد لرینه قارشی فوق العاده  
 حرمتکار اولمالری و نشانلیسی ایله فضله مشغول اوله رق دیگر خانم  
 افندیله قارشی مجبور اولدیغی حرمت و اهتمامده قصور اتمه مه لری

ایجاب ایدر. جمعیت اینجده کنج قیزلرک توقی ایدر جکلری برجهتده  
نشانلیرینی برحق تصرف و تمام ادعا ایدرجهسنه یالکز کندینه  
حصر ایتک و تمادیا کندیسینه مشنول اولسنی آرزو ایتمکدر. فضله  
تکلیف سزلت، فضله صمیمیت و مربوطیت کو سترمکدن ممکن اولدیغی  
قدر اجتناب ایتک اک کبارانه و نزهانه برحرکتدر.

نشانلیرک مکتوب تعاطی ایتهلرینه، هرکون کوروشمه لرینه،  
کنج قیزک چیچک و شکرله کبی اوفق هدیه لر قبول ایتسنه مساغ وارددر.  
هنوز قورولان ملی جمعیت مکز اساسنی و تمیل طاشلیرینی تشکیل ایدن  
واستقبالک کنج والده لری اولان تازدلرک زیاده حیات از دو اجلرینک  
بو برنجی مرحله سننده، یعنی نشانلاندقلیرینی متعاقب اوله نتیجه قدر کذار  
ایدن مدته، قیل و قالی، تنقید و مؤاخذه ی و یا استخفاف و استهزای دعوت  
ایده بیه جک اک اوفق حرکتدن اجتناب ایتهلیدرلر.

نشانلاندیغندن دولایی یکدیگره قارشى طبیعتیه حس ایدیلان  
شفقت و محبت، تمایل و انجذاب برکنج قیزه آداب معاشرتک و عقل  
و منطقک چیزدیکی حدود خارجنده و فوقنده برسرستی بخش ایدمه جهکی  
و ایتدیکی هیچ بر زمان خاطر دن چقماملی ودها زیاده تائی و اعتدال  
ایله حرکت ایدملیدر. یوکسک روحلی، تمیز قلبی، فضیلتی تورک  
کنج لری ذاتاً بشقه درلر حرکت ایتزلر و خفیف مشرب و سجه سز  
برکیمسه لرک بو و ایدمه کی طاشقینقلیرینی و حویپالقلیرینی نظر نفر تله کوریرلر.

## دو کونه هدیه لری

دو کون هدیه لری دعوتیه و رودینی متعاقب ارسال ایدله لیدر .  
 دو کون کوننی بکله مک و هدیه یی برلکده کوتورمک عامیانه برحر کتدر .  
 هدیه لر قیصه بر تبریک و تمنی سعادت مکتوبیه برابر ارسال ایدیلیر .  
 کلن هدیه یه در حال بر مکتوبه تشکر ایتک لازمدر . ارککاک خانه سنه  
 یوللانان هدیه لری داماد در حال نشانلیسنه یوللامالی و زرنده آلیقوما .  
 مالیدر . دو کونه هر دعوت ایدیله نک هدیه کوتورمسی ایجاب ایتمز .  
 کلین و کووونی یقیندن طانیق و صمیمی دوستی اولمق لازمدر . دیکر لری  
 چیچک یوللامقلا اکتفا ایتله لیدر . هر هدیه یه برده آروجه قارت  
 الصاق ایدیلیر . زیرا دو کونلرده آروجه بر هدیه ماضه سی ترتیب ایتک  
 و هدایای تشهیر ایتک معتاد اولدینی جهتله هدیه لرک کیملر طرفندن اعطا  
 ایدلمش اولدینی اوزرنده کی قارتلردن در حال آکلاشیله بیلمه لیدر .

یکی کلینه ، اقرباسی طرفندن هدیه مقامنده برچک ایله معین بر  
 مبلغ اهدا ایدرک ایسته دیکی بر هدیه یی آلمسنه امکان بر اقمق دخی جاژدر .  
 بزده قدیمآ هدیه لر دو کون کونی وبالذات کتیریلیر و کلین اوندی امکدار  
 و امنیتلی قلفه لرده تسلیم ایدیلیردی . برچوق هدایا کلن دو کونلرده  
 بعضاً هدیه لرک کیمک طرفندن کتیرلیدیکی اونوتیلدینی ویا برذاتک  
 کتیردیکی هدیه دیکرذاته عطف ایدلیدیکی یک چوق واقع اولوردی .  
 بو خصوصده آوروپاده جاری عاداته رعایت ایتک و هدیه ارسالنده  
 سالف العرض اصولی قبول ایتک فکریمزجه یک مناسب برقاعده اولور .



## عمومی محملرده آداب معاشرت

آداب معاشرتی یالکیز سالونلرده، بالولره مسامره لره منحصر ظن ایتک و عمومی محملرده هر کس آرزو ایتدیکی صورتده حرکت ایتمکده مختار اولوب بونک قواعدی آداب و احکامی اولمدیغنی فرض ایتک خطادر . مدنی حیاتده تربیه لی آداملرک مناسبات متقابله لری، خط حرکتلری هر ساحه ده معین، مدون و مثبتدر . حیات روزمردنک هر صفحه سی، هر حادثه سی، هر احتمالی درپیش ایدلش هر یرده نه صورتله حرکت ایدلشی مقتضی اولدیغنی متفقاً قرارلشدیرلش و بر نظام و انتظام تأسس ایتشددر .

مع التأسف هر مملکتده خلقک بر قسم مهمی سوقاقلرده تراموایلرده شمندوفرلرده، قونسرلرده، تیاترولرده یالکیز کندی راحتلرینی دوشونه رک آخرک حقوقنه تجاوز ایتمکده و بویوزدن بر چوق مناقشات تحدث ایده کلیمکده در . بو کبی احوالده یکنانه چاره حل معلوم و مؤسس اولان قواعدک تطبیقنی طلب ایتک و هر یرده ده او قواعد بالذات رعایت ایتمکدر .

عمومی محملرده بر آرده بولونان ذواتک الک زیاده دقت ایده جکلری شی مکمله لرنده، محاوره لرنده، خنده لرنده و ملاحظه اتندد اعتدال کوزتمک

فضله كورواقي ائمه مك ، جهراً سوز سويله مه مك ، هر كسك حضور  
 و راحتني سلب ائمه مكدر . يولده هر كسك او كنه كچمه مكه ، كيمسيه  
 ايتوب ققامنه ، غلبه ق يزلده فضله استعجال ايدرك هر كسك روشني  
 اخلال ائمه مكه دقت ايمك لازمدر . يولده ، صاغ طرفدن كيديله جك  
 ايكن سول طرفدن كيمك دوت بش احباب بر صرده يورويه رك  
 يولك قسم اعظمي اشغال ايمك ، هر كسي ايتهر ك جامكانلرك او كنه  
 ياقلا شمع ائسته مك ، آداب معاشرته مغايردر .

يولده كيدر كن باستوني يره اورمق ، باستون و شمسيه يي قوائك آلتنه  
 آلهرق سيوري اوجني خارجه بر اقهرق يورومك جائز دكلدر .  
 بعض مملكتلرده اهالي بو اصوللره او قدر آليشمش واو درجه  
 استيناس پيدا ايتمشدركه شايد مخالف صورتده حر كت ايدن بر كيمسيه  
 تصادف اولونورسه بي پروا شمسيه يي ققدقري وياكلش طرفدن  
 يوروينلري ايتدكلري واقعدر . هله اهالي سي بر آز قباچه اولان بعض  
 مملكتلرده اجنيلري تكدير ايتدكلري بيله واقعدر .

ترا موايلره ، اوتوبوسلره هر كسي ايتهر ك كيرمكه چيالا مق ، تونلرده  
 بيت آلق اچون صره سني بكه مه مك پك چير كين مناقشاته حق منازعانه  
 بادي اوله بيلور . بوكي يزلده بالخاصه قادينلره قارشي حرمتكار اولمق  
 اولنره يول ويرمك ، استعجال ائمه مك خلاصه هيچ بر صورتله انتظام  
 عمومي يي كندي منفعتي تا مين آرزوسيله اخلال ائمه مك لازمدر . پك  
 بسيط كي كورونن بوقواعد بحق رعايت ايدن يالكن پك تربيه لي ذواتدر .

بوغازاچي واپورلرينه بيزر كن استانبولده شاهد اولديغمز وقيع  
 ديانك هيچ برطرفده كورولمز . برآرهل قاضي كوي واپورلرندن  
 چيقدندن صوكره هانكي مرديوندن كوپري اوزرينه چيتمق وهانكي  
 مرديوندن اينك لازم كلديكي اشارت ايدلمش وحتي بر مدت مرديون  
 باشلرينه برضا بطه بلديه ماموري اقامه ايديلهرك خلق آليشدير مق  
 ايسته نمشدي . آنجق، بو پك آز دوام ايتمش وخلق داهازياده كندي  
 منفعتي اقتضاسي اولان بو اصوله رعايته آليشميه رق واز كچيلمش  
 ومحشردن بر نمونه اولان انسان هجومي دوام ايدكشدر . بر مملكتده  
 خلقك تربيه مدنيه سي و سويه عرفاني يالكنز سالونلرده ، يو كسك  
 محيطلرده دكل حيات روز مردسندك كورونه ليدر . سوقاقلرده قارمه  
 قاريشيق بر جم غفير حالنده بربريني ايتوب قاقن ، بر قالدير مدن او برينه  
 بي پروا كلوب كچن ، واپورلره، تراموايلره ، تردنلره انتظامسز هجوم  
 ايدن اهالينك اجرا ايدكجي تاثير ابي بر تاثير اولاماز . نفوسي حددن  
 افزون اولان بويوك مرا كزده بيله هر فردك حر كتي بر نظام تحتنه آلمشدر .  
 كيمسه سوقاقلرده ايستديكي كبي آوارد آواره طولاشاماز . بو، بر اعتياد،  
 و بر تلقين مسئله سيدر كه عزم و ثبات وفكر تعقيب ايله حاصل اولور .  
 بويوكلر چوققلره ، بلديه لر بونلري اهالي يه تلقين و تعاليم ايدر .  
 خلقك بو خصوصده رهبري نظامات بلديه در . نظامات بلديه يه رعايت  
 لئومني تلقين ايدكجك عامللر دخی عاليله لردر . شهر امينلري بو خصر صده  
 ناظم كل عد اولونور .

مثلاً کوپرینک قرضی کوی اسکندریه بیلت آلق ایچون کیشه لره  
 مراجعت ایدلیدیکی زمان اهلانک منتظم برصیره تعقیبنی تأمین ایددجک  
 تورنیکلر پایله حق یرده کیف مالتفق و مقصدی تأمینه کافی کلمه ن بعض  
 ترتیبات یاپیشدر؛ که ایشه بولدییه نك خطا و نقصانیدر . بو اثرده  
 موضوع بحث ایدلمسینه لزوم اولمیان بو نقطه دن صرف نظر ، هر کس  
 بیلت آلیرکن دیکرینک اوکنه کچمکه ، بیلت آلان ذاتک باشی  
 اوزرندن آلتی اوزاته رق کیشه مأمورینی بیلت اعطاسنه اجبار  
 ایله مکه حق اولمیدینی کبی ، آخرک حقوقه تجاوز اولان بو حرکت  
 دخی تربیه مدینه نقصانه دلیلدر . صرده سنی بکله مهدن  
 هر کسی ایتوب ققن یولجی یه بیلتجیلر بیلت ویرمزلر ، و بو صورته  
 حرکت متجاسر اولان کیمسه یی خلق بالذات تکدیر و انتظامه  
 دعوت ایدر . بو خصوصده اهالی برر مراقب وظیفه سنی کورمه لی  
 و عمومی محللرده آداب معاشرته رعایت اصولی تأسیس ایتمیلدر .  
 کنجیلر مز ، بالخاصه انتظام عمومی نی محافظه و حقوقه تجاوز ایدیلن قادینلری  
 حمایه ایتملی و بو مقصدی تأمین ایچون آرالرنده بر محافظه انتظام جمعی  
 ترتیب ایدوب ، حکومتک غایه انتظامنک معاون و ظهیرلری اولمالیدر .  
 کنجیلر بو خصوصده فعالیت کچهرک و متصف بولوندقلری تربیه  
 و نراحت ایله هر کسی ارشاد و تنویر و ایجابنده متجاوز و متجاسری  
 حقنده ضابطه بلدییه و پولیسک نظر دقتی جلب ایدرلر و غزته لر ،  
 هر کیم اولورسه اولسون ، بویولده سرکشانه و دربدرانه حرکته تصدی

ايدنلری تشهير ايدەجك اولورلر سه پك آز زمان ايچنده اهاالى ده بر  
 انتباه مدنى و بر اعتياد انتظام حاصل اولور . بو كونكى انتظامسزلىق  
 و بىلى آنارشى جدا پك چير كيندر و آداب معاشرته واقف و قواعدى  
 ايله عامل بر فرد مدنى يى مضطرب و ازعاج ايدەجك بر طرزدر .  
 تراموايلرده هنوز معقول و منطقى بر ضبط و ربط تأسس ايدەمه مى  
 شاين حيرت اولوب ، بو خصوصه جارى اولان پك بسيط قواعدك  
 تطبيق ايديله مه مسندن ايلرى كلكدهدر . تراموايلره هر يردە على الخصوص  
 كچ و قتلرده هجوم واقع اولدينى كورولور . فقط بوده ينه بر انتظام  
 نسبي داخندهدر . ايشكدار و چويك اولانلر طيعيدر كه دها اول  
 طاورانلر ، بوكا چاره يو قدر . آنجا ق تراموايلرده و اتمانك طرفنده كى  
 قو كلىدى و مسدود اولدينى و و اتمانك طور دىنى سخنا قده طور ايله جك  
 يولچينك عددى مقنن بولوندينى جهته اورانى آنجق استيعاب ايدەجكى  
 قدر كيمسeler اشغال ايدە بيلير . ديكر قپوده ايسه هر استاسيونده  
 قوندوكتور طورير و يالكز مقنن اولان عدد قدر و چيقان يولچى  
 عددن يولچى يى ايجرى صاليويرير . هيچ كيمسه نه قدر عجول اولسه  
 تراموايدە يولچيلر اينه دن تراموايه بينمكه قالقيشماز ، قالقيشامز . چونكه  
 بوتون اهاالى انتظامى اخلال ايدنلرك ، قادين اولسون ار كك اولسون ،  
 در حال دعوا جيسى اولور . تراموايلره هر ايكي طرفدن چيقمغه  
 و هر ايكي طرفدن كيرمكه مساعده اولونماز . استانبول تراموايلرنده  
 انتظامك محافظه ايديله مه مى و پك چير كين حادثاتك ظهورى ايشته بواك



ابتدائی قاعدہ رعایت ایدلہ دیکندن اہالی یدہ انتظام یولی  
 کو ستریلہ مدیکندندر . تراموایلوک ایجنہ بویوک پاکت ، یول چانطہ سی  
 ایلہ کیرمک ممنوعدر . الدہ طاشینہ بیلاہ جک یول چانطہ سی ایلہ و اتمانک  
 یانندہ کی مخلفہ کیدیلیر . چانطہ لی آنجق اوچ یولجی بورادہ اخذ موقع  
 ایدہ بیلیر . فضلہ سی قبول ایدلمز . استانبول دہ بواسولہ واقف اولمندیخندن  
 و شرکتلر فضلہ یولجی آلوب مستفید اولق ایستدکلرندن تراموایلوہ  
 یول چانطہ سی قبول ایدلمہ مکدہ در . حالبوکہ اہالینک الک طبیعی واسطہ  
 نقلہ سی تراموایلدیر . وہیچ بر مملکتدہ اہالینک بو حق طبیعی سی  
 نزع ایتمک خاطرہ کلہ مز . اہالیدن بکلہ ن نظامات موضوعہ رعایتدر .  
 نظامات موضوعہ دخی اہالینک ہر احتیاجی نظر دقتہ آنہ رق  
 تأسیس ایدیایر . اہالی بوندن سوکرہ کندی راحتک الک برنجی ناظمی  
 ونظامات موضوعہ نک الک برنجی واک شدید مراقبدر . عمومی محللردہ  
 آداب معاشرتک حامیسی اہالینک ینہ کنڈیسیدر .

تراموایلوہ یالکیز قوجاقدہ طاشینہ بیلاہ جک و یاخود آیاق اوچندہ  
 خورہ رق کیمسہ نی راحتسز ایدہ میہ جک قطعہ دہ کوپک برلکدہ آنہ بیلیر .  
 کوپکلر تربیہ لی و اوصلو آیشدیرلر دینی جہتلہ قلدامادن بر اقلدق لری  
 یردہ طور لر ، اساساً قایشسز و آغزلقسز کوپک برلکدہ کزدیریلہ مز  
 و بو خصوصہ مناقشہ حدودی واقع اولہ مز . شاید فرصہ محال اولورہ  
 قایشسز و آغزلقسز بر کوپکلہ تراموایہ کیرمک ایستین بر کیمسہ  
 اولورسہ قوندوکتور در حال یساقدر دیر و نوامرہ ہر فرد اطاعتہ

مجبوردر . اصرار ایدن اولورسه قوندوکتور تراموای طوردر  
 و یوروتمز و ضابطه بلدی اورتده یوق ایسه اهلینک عصبانی و تهدیدی  
 در حال متجاسرک عقلانی باشنه کتیریر و اطاعته مجبور ایدر . بو حالت  
 روحیه ایشته مدنیتک اک بارز تجلیسیدر : محافظه انتظام خصوصند تساند  
 عمومی ، اتحاد ضمنی ، وعزم و اصرار !

تربیه عمومیه نك یعنی آداب معاشرتک اخلاصه کیسه تحمل ایدر مز .  
 تربیه مدنییه ایشته بودر . بو کونکی ده موقراسیلرد ایشته بو تربیه مدنییه  
 واستراحت عامیه تأمین ایدن و بین الاهالی تأسیس ایله رعایت ایدلمسینی  
 کافل اولان ده موقراسیلردر .

قونسرلرده ، تیاترولرده تماشا ائساننده مداوله افکار ایتک ،  
 سینه مالرده پردیه عکس ایتدیریلن یازیلری فقره لری جهراً او قومق ،  
 نتیجه حقنده اولجه تخمیناتده بولونه رق هر کسک تخمیناتی اخلاص  
 ایتک مغایر تربیه در .

عمومی محللرده فضاه قوقو سورونه رک عالمی ازعاج ایتک ده  
 نزا کتسز لکدر . سرت قوقو لر ، ظریف و کبار قادیلر طرفندن  
 استعمال ایدلمز زیرا هر کچدیکی یرده نظردقتی جلب ایتک ، اولچوسز  
 حرکت ایتک عامیانه برشیدر .

ارککلر تراموایلرده ، اوطوبوسلرده یرلرینی اکرام ایتدکلری  
 زمان قادیلرک عدم تنزلله ردایتمه لری ده مغایر نزا کتدر . بو صورته نزا کت  
 ابراز ایدن ارککلر قارشى خفیفجه باش اکه رک تشکر ایتک و بو حرکتلرینی

پك طبعی كی تلقی ایتك اك دوغریسیدر . آیاهه قالقهرق یرینی اكرام  
ایدن برذاته جواب رد ویردرك باشنی چویرمك او ذاتی پك زیاده  
محبوب ایده جکی كی ، اركك طرفدن اظهار ایدیلن اثر نزا كتهده  
برفكر مضمر عطف ایدمك كی برمعانی تضمن ایده بیلیر .

اختیار بر قادین آیاقده طوردیغی حالدده یرندن قیملدامیان  
برار ككك كننج وظریف بر قادیته استعجال و تهالك ایله یر ویرمه سی ده  
شایان استخفاف بر حرکت اولور . مسن بر قادیته یر ویرمه یں ذاتك  
آرتق یرنده اوطورمسی اولادر .

كرچه صوك زمانلرده قادینلرك هر خصوصده ار ككلرله ادعای  
مساوات ایتدكلری وپك مستقل بر حیات سوردرك ار ككلر طرفدن  
حقارنده فضله نزاكت ابرازینه محل اولدیغی نظریه سی ایلری  
سورولمكدده ایسه ده هیچ شبهه یوقدركه بو كی نظریه لرك بر جتمك  
قادینلره قارشى مألوف اولدیغی رعایتدن انحراف ایتمه سی ایچون هیچ  
بر زمان بر سبب كافى تشكيل ایده مز . قادینلره ، علی الخصوص ، مسن  
قادینلره قارشى هر ار كك رعایت و حرمته ، و تراموایلرده اوطوبوسلرده  
یرینی ویرمكه مجبوردر . بوندن اولسه اولسه مسن وعلیل ار ككلر مستثنا  
اوله بیلورلر .

قادینلره ایدیلن رعایت اونلرك شخصلرینه قارشى مماشات شكلنده  
دكل ، قادیلغه قارشى حرمت طرزنده اجرا ایدمیلیدر .  
سوقاقده بر قادینى تعقیب ایتك ، حرف اندازلقدده بولونمق قانوناً

جزای مستلزم بر حرکت اولدقن ماعدا ، آداب معاشرتک الابدائی  
قواعدینه مخالف بر جرأتدر. قادینلره آنجق پک زیاده مضطر قالدقلى  
مشاهده ایدلدیکی زمان خطاب ایدیلدیور . پک غلبه لى محللرده ، بر  
اوطوموبیل آراشدیران ، چاغیردیغی حالده ایشیتدیره مهین بر قادینه  
معاونت ایچون بر اوطوموبیل چاغیرمق ، پک مشکل بر موقعده ایسه  
اوطوموبیله قدر کیده بیلمسی ایچون یول آچق جائزدر. بوتقدیرده «مساعده  
بویوریر میسکز !» کبی قیصه بر جمله ایله عرض حرمت ایتک و شاپقه سنی  
چیقاروب سلام ویره رک آیر یلق ال نازکانه بر حرکتدر . شمشیه سنی  
ویا پا کتنی دوشورن بر قادینک شمشیه ویا کتنی یردن آلوب اعاده ایتک  
بر مغازه نک قپوسنی آچق و قولایلقله چیتمه سنه یار دیم ایتک جائزدر .  
فقط بو اوفق خدمتلردن بالاستفاده مکالمه یه قالدیشمق مغایر نزاکت  
و تربیه در. بوتون بو اوفق و نازکانه خدمتار سکوت ایله کچمه لیدر .  
قادینلر ایسه برای تشکر خفیفجه باش اکمک ایله و تشکر ایدهرم «  
دیمکله اکتفا ایدرلر .

طانیدیغی قادینله برابر سوقاقده کیدن ارکک دایما سوقاغک طیش  
طرفنده کیمه لیدر . مثلاً: آنقرده استاسیونه کیدر کن قادینی صاغنه ،  
و استاسیوندن شهره عینی جهتن چیقار کن صول طرفه آلمه لیدر. پک غلبه لى  
سوقاقلرده ارکک او کده کیده رک قادینه یول آچمالی و قادین کندیسنی  
تعقیب ایتمه لیدر . کذا غلبه لى محللرده مثلاً تیارولرده قونسرلرده  
سینه مالرده دخی ارکک عینی . لاحتظه یه منی او که کچمه لیدر .

يك غلبه لىق يزلردە قىزارا ، بركىمسە نىك آياغىنە باصه جىق وياچار يه جىق  
 اولور سە كىز ، يك فضلە اعتذارە ، اوزون اوزادى يه مسئلە يامغىنە لزوم  
 يوقدر . نازكانە عرض اعتذار ايتىك وعفو دىلەمك كافىدر . كذا ،  
 آياغىزە باسان اولور سە دە وقوعبولان اعتذارلە اكتفا ايدرك صبر  
 ايتىك لازمدر .

قادينلرلە برابر بولوندىغىز زمان بشقە قادينلرلە عطف اهميت  
 ايتمە يەرك اونلرك حقوقنە تجاوز صورتىلە يانكز دەكى قادينە اك ايويرى  
 تأمينە چيالامق ، استعجال ايدەرك يروطومق وباشقە قادينلرلە مانع اولمق دە  
 مغاير تزا كىتدر . تصادف ايدىلن دىكر قادينلرلە دە عىنلە يانكز دەكى  
 قادين قدر نازكانە معاملە ايتىك ايجاب ايدر . حساس و نازك برخانم  
 افندى ، كندى منفعتنە دىكر بركادينك سوء معاملە كورمىسە تجملى ايدە مز .  
 سوقاقده قول قوله كىزىمك طوغرى دكلدر . يالەكز غلبه لىق بىر يردن  
 بركادينى كچىرمك ايچون قولدن طوته رق يارديم ايتىك ويا قولنى  
 وىرەرك يورومك جائىدر .

آرابادن ، او طوموبىلدن ، تراموايدن دائىما ارىكك ايلك او كجە  
 چىقەرق قادينىك اينمە سە يارديم ايتىلنر .

ار ككلر قادينلرلە تصادف ايتدىكى وياوداع ايتدىكى زمان شابقە سنى  
 چىقارەرق سلاملا دقلىرى كىي يانندەكى قادينە سلام وىرن ارىكك ويا قادينە  
 دىخى - معارفە لىرى دىخى اولمىسە - يىنە سلام وىرلر .

سوقاقده ار ككلر طانىدقلىرى قادينلرلە تصادف ايتدىكلىرى زمان



دائماً قادينىڭ كىندىلىرىنى طائىلىرىگە انتظار ايتەلدىرلر . على الخصوص بر قادينە ايلك تقيدىمى متعاقب تصادف ايدىلىرسە قادين طرفدن تشويق اولمايخەسلام ويرمكدە تائى ايتمك لازمدر .

## سياحتدە آداب معاشرت

اشناى سياحتدە هر نوع وهر صنف انسانە تصادف اولونور . سياحتدە تماس ايدىلار كيمسەلرى جنس ، سن و صنف اعتبارە التمسرين ايكي قسمە آيرىمق قابلدرد . بولردن برنجيسى آداب معاشرتق قواعد موضوعە سنە رعایتكار اولدقلىرى جەتله سياحتى هم كىندىلىرى هم رفقای سياحتى اچون بر ذوق حاله ا فراغ ايدنلردر . ايكنجى قسم ايسە كرك قصداً كرك جهلاً يالكرز كندى راحتلىرى دوشونەرك ، آخرك حقوقه رعایتدن كىندىلىرىنى مستغنى عد ايدن وهر كسى استحقار ايدەن قبا و نزا كتنز كيمسەلردر .

واپورده سياحتق قواعد موضوعەسى اولمقە برابردها واسع بر ساحهده جريان ايدن بو كى سياحتلرده بر درجهيه قدر كندى حالندە ياشامق قابل ايسەده شمندو فرله سياحت اثناسندە دها زياده آداب معاشرته رعایتكار اولمق وبر واغون كى طار و محدود بر محله ا كثر يا اوزون مدت دوام ايدن يول آرقداشلغندە آخرك حقوقه برقات دها رعایت ايتمك مقتضيدر .

دمير يونلار ادادلرينك يولجىلارك خط حر كتنى تعيين ايدن  
 نظامنامه مخصوصلى اولوب هرشيدن اول يولجىلار بوكا رعايته قانوناً  
 مجبوردرلر؛ «شف دوترن» تردنك البويوك مأمورى اولديغى جهته اونك  
 طرفدن واقع اوله جق هر درلو اخطار واجب الرعايه اولديغى كجى ،  
 يولجىلار آراسنده تخذت ايدم بيله جك اختلافلك حلنده ده يكانه مرجع  
 اودر . يولجىلارى كثر و آمد و شدى فضله اولان تردنلر ده اك زياده  
 بادی مناقشه اولان جهتلردن برى ده يرواشيا مسئله سيدر . هر يولجى  
 كندى يرينه عائد اولان قسمه اشياسنى يرلشديره بيلير . آنجق هر كس دن  
 اول طاور انارق، فيله نك قسم مهمنى اشباسى ايله طولدير مق، مخالف  
 اصولدر . واغونه رايحه سى سرت و ناخوش مأ كولاتى برل كده كتير مك،  
 بشقه سى طرفدن استعمال ايدلديكى آشكار اولان بر يره صاحبي موقتاً  
 غيوبت ايتمش اولديغدن بالاستفاده او طور مغه قالميش مق، يره كيشدير مك  
 ايچون تكليفانده واصرارده بولونمق ، او طور ديفنى يرك آرقه سنه  
 و كنارينه فضله پا كتلر صيقشدير درق مندرك كنارينه ايلشمك صورتيه  
 قارشوشنده كينى ازعاج ايتمك، ديزينك اوزرينه غزته آچارق متمادياً  
 ياغلى و قوقولى يملكر ييهرك كميكلرى يره آتمق ، اتمك اوفقلىرى  
 اطرافه سريمك ، سيغاره ايچمى ممنوع اولان قومپار تيمانلر ده «شف  
 دوترن» ك ويا مأمورك مراقبه سى زائل اولونجه، سيغاره ايچمكه تشبث  
 ايتمك، آياقلىرى اوزاته رق او يومق ويا متمادياً هر كسى راحت سزايد درك طيشارى  
 چيقوب كير مك، فيله دن صنديغى ايندير درك او طور ديفنى يره بر اقره رق .

آچق ویرلشدیرمک و ایچندن اوتیه بری چیقارارقینه فیلهیه قویمق  
ومکرراً و تمادیا بوصولته هر کسی ازعاج ایتمک آداب معاشرته منافی  
اولدینی کبی چوق دفعه مناقشاتنی ، منازعاتنی بیله داعی اولور .  
تربیهلی برآدم تردنده شوصورتله حرکت ایدر : برنجی وایکنجی  
موقع واغونلرده :

۱ — نظاماً مساعد اولان حچمدن وعددن فضله چانطه برلکده  
بولوندورماز .

۲ — تردن قلعاچغندن آنجق برایکی دقیقه اول کله رک ، استعجال  
وتهاکله ، وهر قومپارتیمانه باش وورارق ، راست کله بر قومپارتیمانه  
اشیالرینی آتدیرارق ، هم کندیسینی هم حمالی هم یولجی پی شاشیرتارق  
عالی ازعاج ایتمز . وقیله کلیر ، راحتجه بریر انتخاب ایدر ، منتظم  
بر صورتده وکال سکونتله چانطه لرینی اوطوراجنی یرک معین محله  
یرلشدیرر اشارت اولمق اوزرد پالطوسنی وقاسکه تنی انتخاب ایتدیکی یره  
براقیر . وکندیسینی تشییع ایدن ذواته التحاق ایدر .

۳ — بعض مملکتلرده برنجی موقعلرده ، حتی ایکنجی موقعلرده  
یرلره نومرو وضع ایدلمش اولدینی جهتله بیلت آلیرکن سربست قالان  
یرلردن بردانه سی انتخاب اولونور . بعض کیمسه لر ماکنه نک استقامتدن  
غیری یرده اوطورامیوب راحتسز اولدق لرندن اوکا کوره یرلرینی  
انتخاب ایدرلر . فقط اکثریا بویرلر اولدن آلمش اولدینی جهتله بر  
قومپارتیمانه کیرلکده بوصولته اشغال ایدلمش اولدینی اشارت ایدیلن

یرلر اولورسه اویرلردن فراغت ایتمک و هیج بروجه ایله اویرلری اشغاله تصدی ایتمه مک لازمدر . صاحبسز بولونان و انتخاب ایدیلن یرک اشغال ایدیه بیللمسی ایچون، اویرک اوزرنده بولونان فیله یه اشیاسنی قویق کافی دکلدر . مطلقا، اولوریه حق یردهده بر قاسکت بر باستون ویا پالطو کی شخصی اشیای بر اتمق ویا تردن قالفنجه یه قدر اویری اشغال ایتمک لازمدر . بوصورتله اشارت ایدلمش بر محله صوکره دن کلوب ساده جه دیگر ذاتک اشیاسنی قلدیروب بشقه بر طرفه قویه رق اویره صاحب چیقماق اصلا جائز دکلدر . « شسف دوترن » لر بویه بر حال وقوعنده مداخله ایدرلر و احقاق حق ایدرلر . بویه چیرکین بر معامله یه معروض قالماق ایچون بواصوللری بیلیمک و آکا کوره حرکت ایتمک لازمدر .

۴ — شمندوفر سیاحتنده قالدین اولوق بر یولجی یه هیج بر امتیاز بخش ایتمز . قالدینلرده ارککلر کی نظامات موضوعه یه و آداب معاشرتک چیزدیکی قواعد رعایتله مکلفدرلر .

شمندوفرده بیلتنی آلمش هر یولجی عینی حقوقه و شمندوفر مأمورینی طرفندن عینی درجه حرمته مستحقدرلر . بر موقع رسمینی اولوق ، مأمور اولوق بر یولجی یه دیگر یولجیلردن فضله برحق بخش ایده مز . بر یولجی کندی یرینی آنحق کوکلنک رضاسیله آخره ترک ایدر . شمندوفر مأموری النده بیلتنی اولان بر یولجی بی هیج بر صورتله و هیج بر سبب و بهانه ایله یرندن قلدیره مز . معذافیه مساوات واردر

ادعاسيله اداره طرفدن معين ذوات ايچون تخصیص و تفریق ایدیلن  
برقومپارتیان بوش دخی اولسه کیريله من .

اونك ايچوندركه يولجیلر اثنای سیاحتده دیگر یولجیلری راحتسز  
ایتمهك و آداب معاشرته مخالف بر حر كتمده بولونماقله برقات دها  
مكلفدرلر . « شەف دو ترەن » ك مدخالهسی آنجق برقاچ یولجی  
طرفدن مشتركاً ایدیلن برشكایت اوزرینه وقوعبوله بیلور .

۵ — پاره و یروب بیلت آلدیم دیهرك هیچ کیمسه «شەف دو ترەن»  
ویا بیلت مأمورینه قارشی آمرانه طور طاقینه من . کیمسهك هیچ بر  
خصوصده شمندوفر مأمورینه امر و یرمهسی ، وقوعبولان وصایاه  
واخطاره قارشی سرکشك و قبالتق ایتمهسی جائز اوله میهجنی کبی  
شمندوفر مأمورینك ده اهالییه قارشی صوكد درجه نازکانه طاورانمالری ،  
مناقشات واختلاف ظهورنده اعتدال دمی وبی طرفاننی محافظه ایتمی  
ویولجیلره تلقین حرمت واعتماد ایله می لازمدر .

۶ — بیلت قونترولی ایچون مأمور متعدد دفعه لر دخی مراجعت  
ایده جك اولسه صبرسنزلق وعصیت کوسترمهك ، مأموری تکدیره  
قالقشماق لازمدر . بوکی احوالده مأمورك وظیفه سنی ایفا ایتمهکنی  
ومدنی انسانلرك مدنی مملکتندره نظامات موضوعیه رعایتله مکلف  
اولدقلرینی دوشونمك وده موقراتیک حکومت جمهوریه لرده قانون حاکم  
اولدیغنی درخاطر ایتمك لازمدر . بر انسانك تربیه سی ، درجه تمدنی ،



سویه عرفاتی بویه برلرده تمامیه تظاهرايد چکی جهتله بوکی احوالده  
صوك درجه درست حرکت ايتك آداب معاشرت مقتضاسندردر.

۷ — انای سیاحتده چوق دفعه لر (نچره مسئله سی)، یعنی بریو بلجی  
ایستدیکی زمان قومپار تیمانك نچره سنی آچایلیرمی، آچامازمی ؟  
مسئله سی، مناقشات یادی اولمقده در. علی العموم قبول ایدلش و بر درجه یه  
قادار متفق علیه اولان قاعده شودر :

ما کنه نك استقامتده و نچره نك یاننده اوطوران یولجی  
آرزو ایدرسه نچره یی آچه یاور. آنجق بو صلاحیت نسیبه سنی  
استعمال ایتهدن اول ابراز نرا کتله دیگر یولجیلرکده موافقتی استحصال  
ایتمی ایجاب ایدر. آرزو ایتهدنلرک موقتاً دیگر یولجیلرله یرلرینی  
ده کیشمه لری و بوضو رتله آرزوی عمومی یه مخالفت ایتهملری لازمدر.  
هر حالده قیشین نچره آچق ایچون اکثریتك آرزوسی حکمران  
اولمالیدر. دیگر بر قاعده نچره لرک اکثریتله آچیلدیغی و اقلیت رأیله  
قیانمی ایجاب ایتدیکیدر. بو خصوصده اک درست حرکت نازکانه  
استفسار رأی ایلهینه حسب الزاک وقوع بوله جق مساعدده یی سوء استعمال  
و علی الخصوص متحکمانه حرکت ایتهمکدر. بر قومپار تیمانده، مسن،  
حساس، مریض الطبع، حال نقاهتده یولجیلر اوله بیلور. صیجاقدن  
پک زیاده مشتکی اولان تام الصحه یولجیلر بر مدتده « قولوار » لرده  
هوا آله بیلرلر. بناءً علیه بو مسئلهده نرا کت و انصافله حرکت  
ایتمه لی و کیمسه یی نابمحل ملاحظاته رنجیده ایتهملیدر.

شاید ، یو جلیلر ایچنده لقردی آ کلامیان و مصرانه پنجره آچق  
ایستیان اولورسه مسئله احداث ایله دیگر یو جلیلری ده ازعاج ایتیموب  
در حال شفه دوترنه مراجعتله آنک اعطا ایده جکی قراره بلااعتراض  
تابع اولمیدر .

۸ — چیقله جق استاسیونه واصل اولمادن بش اون دقیقه اول  
کیمسه یی راحتسز ایتهمکه دقت ایدرک یرندن قالقمق ، چانطه لریخی  
ایندیرمک دیز اورتوسنی ده و شیرمک آیاقده پالطوسنی کیمک و شاید  
اشیا قومپارتمان پنجره سندن چیقاریله جق ایسه برایی دقیقه اول پنجره یی  
آچق جائزدر . عینی استاسیونه برقاچ کیشی بردن چیقله جق اولورسه  
هرکس عینی صورتله حرکت ایدر . شاید اشیا [قولوار] پنجره سندن  
ویریلورسه قیو طرفندن برئی کلن یو جلینک اشیا سی الکا و کجه و پنجره  
طرفنده اوطورانک اک صوکره ، و قومپارتمان پنجره سندن چیقاریلورسه  
پنجره طرفنده اوطوران ذالک اشیا سی الکا اول چیقاریلیر . کندی  
چانطه لریخی اول چیقاراجغم دیه استعجال ایتک ، هرکسی ایتوب  
قالقمق ، پنجره یه هجوم ایله ، منحصر آ کندی استفاده سنه حصر ایتک  
مغایر تربیه در واکثریا داعی منازعه در . بوقاعده لری بیلملی و صره سنی  
بکله یه رک اوکا کوره حرکت ایتهملیر .

۹ — تره نلرده برلکده یمک کتیروب یمک جائزدر . هرکس  
واغون ره ستورانه کیدوب اولدجه بهالی برطعام ایده میه جکی جهته  
اشنای سیاحتده اوطوردینی یرده یمکنی ییه بیلیر . سیاحتده قومپارتمانده

اسپرتولی لامبەلر قوللانمق ممنوع اولدینی کبی تەلەكە لیدردە . بنابرین  
برلکدە صفوق یمکەر ، قوری یمشەر کتیرمک لازمدر . یمش ویمک  
قیرینتیلرینی کمال اعتنا ایله برغزته کاغدی ویا عادی کاغذ ایچە کوزلجە  
طوپلامالی ، وقولوار پنجرەسندن آتمالیدر .

یمک قیرینتیلرینی یرلرہ آتمق ، یرہ شراب وسائرہ دوکمک دیکر  
یولجیلری پک زیادە ازعاج ایدن احوالندر . چوجوقلریلہ برلکدە  
سیاحت ایدنلر چوجوقلرک صیق صیق یرلری دە کیشمەلرینە کورواقی  
ایتمەلرینە شرقی چاغیرمالرینە مەادیاً طولاشمالرینە مانع اولمی وچوجوقلری  
اوصلو سیاحت ایتمکە کوچوکدن آلیشديرمالیدر .

۱۰ — برنجی و ایکنجی موقعلردە کیجە سیاحت ایدلایکی زمن  
ساعت اوندن اعتبارآهر کسک او یومق زمانی کئش عد اولونە جفندن شاید  
بوتون بر قومپارتیان یولجیلری متفقاً دها کیچ وقته قدر او طورەق آرزو  
ایتمزلسە اورته لامبەسک سوندرولمسی وکیجە لامبەسک یاقیمەسی ایجاب  
ایدر . هر کس یرندە و ممکن مرتبە دیکرینی راحتسز ایتمەجک صورتدە  
استراحتە واریر . کیجە یرندن قالقارکن یانندە کنه چارپارق او یانديرماق ،  
قوی شتله وورارق هر کسی تلاشلە بیدار ایتمەک خلاصە هر کسک  
استراحتە اعتنا ایلمەک لازمدر . کیجە هیچ بر وسیلە ایله پنجرە  
آچیلمیوب یالکز تجدید هوا ایچون قونک آراق ایدلسنە مساغ  
واردر .

(واغونلار رېسورس) ده ، (واغونلار) ده ناصل حرکت اتملی

واغونلار ایله سیاحت ایدن یولچیلرک یرلری معین اولدیغی جهته  
تردن قالمازدن آزا اول کله ارنده برأس یوقدر . آنجی یولچیلرک  
بورایه حدنظامیسندن فضلہ و دیگر یولچی بی ازعاج واشیاسنی راحتجه  
قویہ بیامه سنه مانع اولاجق درجه ده متعدد چالطلر طولدرمالری  
جائز دکدر . واغونلار ده یولچیلر برلریله قونوشمق و بنا برین بربری  
طابق مجبوریتده قله جقلری جهته اک اول واغونلار قومار تیمانده  
بولونان ذات سو کره کلن یولچی به کنیدیسی تقدیم ایتک یعنی اسمنی  
وهویتی سویله مک موافق نزا کتدر . دیگر ذات ده عینله کیم اولدینی  
وهانکی استاسیونده اینه جکی سوبلر . آلات یتاق نومروسی اولان  
اکثریا پنجره طرفنده کی یری اوست قات یتاغی اولان قوی طرفنده کی  
یری اشغال ایدرسده بو خصوصده موافقت طرفین اک کسدرمه  
اصولدر . (واغونلار) ده هر یر غایت تمیز طوتولدیغی و واغونک  
تفریشتای مکلف و دیوارلری مجلا وزمین کوزل خالیارله مستور  
بولوندینی جهته آیاقلرینی مجلا دیوارلره طایه رق کیرله تمک و چیزمک  
هر طرفده سیناره طابله لری دور دیننه دقت ایتیه رک کوللری یرلره  
سیلکمک و سینلاره بی خالی اوزرینه آتہ رق آیاغیله سوندرمک کبی  
دقتسزجه واهالکارانه حرکتلردن توقی ایتک لازمدر . کیجه لری سیناره  
ایچمک ایچون ده قولواره چیقماق قاعده دندر .

هر كسك اولجه نرده ياتاجنى معلوم اولديغندن بو خصوصده  
 مناقشه وقوعبولماز . آنجق يوقارى قات يتاقده ياتاجق اولان ذاتك  
 ايلك اوكله صوبونه رق يتاغه كيرمى اصولدندر . وقت وزمانيله  
 ذاتا يتاقلر ياپيلمىش اولديغى جهته شايده هرايكى يولجى ده عيى زمانده  
 ياتقى آرزو ايدر لر سه آشاغى قات يتاقده ياتان قومپار تيماندن چيقارق  
 ديكرىنى يالكز براقير . يوقا ريده ياتان ذاتك چابوق صوبونمى ديكر ذاتى  
 فضله بلكه تمه مى آياق قابلر ينى نچره طرفه براقه رق اثوابلر ينى منتظم صورتده  
 آصمى لازمدر .

شايده واغون رستورانده طانيدق ليله امرار وقت ايدرك كچ وقت  
 ياتقى آرزو ايديلور سه ديكر ذاتى خبردار ايتك وكيجه يرينه كلديكى  
 زمان رفيق سياحتنى راحتسز ايتمه دن اصولته يرينه ياتقى لازمدر .

واغون لى لرده قومپار تيمانه متصل ودرت كيشينك استعماله  
 تخصيص ايدلمىش اولان ييقانمه قماره لر ينى اوزون مدت كندينه حصر  
 ايتمه مك وديكر ذواتك احتياجاتنى نظراعتباره آلىق لازمدر .

واغون لى لرك قوندوكتور لرى اشيايى استاسيونه مواصلته ده ،  
 فيله دن اينديروب نچره دن حاملره توديع ايتدكلرى جهته لزومسز  
 تلاش ايتمه رك قوندوكتورك صره سيله وظيفه سنى كورمسه انتظار ايتك  
 وباشقه سنك ايشنى كورمسه مانع اوله رق كندينه حصر ايتمه  
 اوغراشماق ايجاب ايدر .



## واغون ره ستوراندرده

واغون رستوراندرده هر كسك یری توزیع ایدیلن نومرو لی پوصله لرله اولجه تعیین ایدیلیر. معین برحلی آرزو ایدن، متردوتله مراجعتله قابلسه وسر بست ایسه صاقلایابیلیر. بناء علیه هر یولجی یدنده موجود بیلت ایله رستورانه کلوب غارصونلر طرفدن ارائه ایدیلن یره اوطور ملیدر. یربکنمه مک، بشقه سنه عائد اولان یره اخطارات واقعه یه رغماً اوطور مننه تشبث ایتک جائز دکلدیر.

واغون رستورانده شاید ایکنجی برفصل طعام یوق ایسه کچ وقته قدر اوطور مق قهوه و شراب اچمک جائزدر. آنجق واغون لی ده یری اولیان یولجیلر، بوتون کیجه رستوراندن استفاده ایده مزلر. واغون رستورانده او یومق ایسه قطعاً جائز اولیوب نظاماً دخی ممنوعدر.

(واغون رستوران) ده فنا خدمت ایدلدیکی وسیله سیله غارصونلره حقیق شمع، حدت ایتک، اوزون مناقشه لره کیریشمک تربیه لی ذواتک تجویز ایده میه جکی احوال اولوب، شکایات واقعه نک تحریراً شرکته بیلدیرلمسی و بونک ایچون حقیقتدن انحراف ایله حسیاته قاپیلیمه رق مذوقی حکایه ایله پوصله نک شکایت قوطوسنه آتیامسی ایجاب ایدر.

واغون رستورانده ماکنه استقامتمده یره تصادف ایدن ارککلر، قادینلرک عکسی استقامتمده اوطور مقدن متأذی اولدقلرینی حس ایدنجه کمال نزاکتله یرلرینی ترک ایتمه لری موافق تربیه در.

آداب معاشرتدن باحث بوناچيز اثره ختام ويرمه دن اول هر برده  
قادينلره حرمت ورعايتك آداب معاشرتك قواعد اساسيه سنندن اولديغى  
تكرار ايتكى وجيهه دن عدايد درز.

خام



## ❦ فهرست ❦

صفحه

۴	مدخل
۶	آداب معاشرت حیات مدنیہ نیک ایجابات طبعیہ سندندر .
۹	جمعیت ایچندہ قادینلرک موقعی
۱۰	طائیشمق
۲۶	طائیشدقدن صوکر
۲۶	قارت دوو یزیتلرک صورت تعاطیسی
۳۷	خلاصہ
۴۰	کنج قیزلر
۴۳	بر کنج قیز نصل اولملیدر
۴۶	بر کنج قیز نہ وقت ونہ کبی شرائط تحتندہ یالکز جیقابیلیر
۵۱	کنج قیزلر هانکی اثرلری مطالعہ ایدہ بیلیرلر
۶۱	کنج قیزلرک صورت تلبسی وتزینی
۶۵	قبول کونلری
۹۱	بریچ چایلری
۹۶	یوم قبوللرده نصل کینملیدر
۱۰۴	فصل سابقک خلاصہ سی

- ۱۰۷ دینەر : آقشام ییکی ضیافتلری
- ۱۲۴ سفرهیه او طور و لاقدن سوکرا
- ۱۲۵ اشناى طعامده
- ۱۳۱ چوربالر
- ۱۳۳ بالقلر
- ۱۳۴ سبزدر
- ۱۳۵ دوندورمه لر ، یمشدر
- ۱۳۷ یمکدن سوکرا
- ۱۳۸ ضیافتلرده نصل کینملى
- ۱۴۱ مسامرة رقصیه لر ، رسمى بالور ، جمعیات خیریه بالورلی
- ۱۴۸ اردو منسوبیتک بالورده طرز حرکتی
- ۱۵۷ قوتیون
- ۱۶۱ چوجوق بالورلی ، شفقت بازارلری
- ۱۶۵ جمعیات خیریه بالورلی - شفقت بازارلری
- ۱۸۷ جمعیت ایچنده تشریفات قاعده لری
- ۱۷۷ سفره ده موقعلر نصل تعیین ایدیلیر
- ۱۸۳ اوکله طعاملری
- ۱۸۴ قیافت
- ۱۸۶ لوقظه یه دعوت
- ۱۹۰ تیاتروییه دعوت

۱۹۱	آت یاریشلی
۱۹۶	مختلف مباحثه آداب و اصول معاشرت
۱۹۶	سنه باشی و بایرام و یزیته لری
۲۰۴	نشانلار مق و اولونک
۲۰۷	نشان یوزوکی
۲۰۹	نشانلار ندقدن صو کرا
۲۱۲	دو کون هدیه لری
۲۱۳	عمومی محالارده آداب معاشرت
۲۲۳	سیاحتده آداب معاشرت
۲۲۹	واغون ره ستوران ده و اغون لی ده ناصل حرکت ایتلی
۲۳۳	واغون ره ستورانلرده









فیلانی ۱۰۰ غروشر